

वीर सेवा मन्दिर
दिल्ली



क्रम संख्या

४८९६
२२८.०२

काल न०

वर्ष

४८९६

Lalbhai Dalpatbhai Series

General Editors :

Dalsukh Malvania

Ambalal P. Shah

No. 25

HARIBHADRA'S

N E M I N Ā H A C A R I Y A

[volume I]

Edited by

Prof. H. C. Bhayani, M. A., Ph. D.

Prof. M. C. Modi, M. A.; LL. B.



LALBHAI DALPATBHAI

BHARATIYA SANSKRITI VIDYAMANDIR

AHMEDABAD-9

First Edition : 500 Copies

August 1970

Printed by Svami Tribhuvandas, Ramananda Printing Press,
Kankaria Road, Ahmedabad and Published by Dalsukh Malvania,
Director, L. D. Institute of Indology, Ahmedabad—9

Price Rupees 40/-

Copies can be had of

L. D. Institute of Indology

Gurjar Grantha Ratna Karyalaya

Motilal Banarasidas

Munshi Ram Manoharlal

Mehar Chand Lachhamandas

Chowkhamba Sanskrit Series Office

Sarasvati Pustak Bhandar

Oriental Book Centre

Ahmedabad—9

Candhu Road, Ahmedabad—9

Varanasi, Patna, Delhi

Nai Sarak, Delhi,

Delhi—6,

Varanasi

Hathi Khana, Ratanpole, Ahmedabad—1.

Manek Chowk, Ahmedabad

सिरि-हरिभट्ट-सरि-विरडु

नेमिनाहचरिउ

[प्रथमो भागः]

संपादक

प्राध्यापक हरिवल्लभ चू. भायाणी

प्राध्यापक मधुसूदन चि. मोर्दा

प्रकाशक

लालभाई दलपतभाई भारतीय संस्कृति विद्यामन्दिर

अहमदाबाद-९

लालभाई दलपतभाई ग्रन्थमाला

प्रधान संपादक — दलमुख मालवणिया, अंबालाल प्रे. शाह

मुद्रितग्रन्थाः

१. स्तूपदार्थी—शिवादित्यकृता जिनवर्धन-
सुरिकृतटीका सह ४-००
- 2, 5, 15, 20 CATALOGUE OF SANSKRIT
AND PRAKRIT MANUSCRIPTS .
Mum Shri Punyasijayaji's colle-
ction Part I Rs. 50-00
Part II Rs. 40-00
Part III Rs. 30-00
Part IV Rs. 40-00
३. काव्यशिक्षा—विनयचंद्रसुरिकृत १०-००
४. योगशतक—आचार्य हरिभद्रकृत स्वोपज्ञ-
वृत्ति तथा ब्रह्मसिद्धान्तसमुच्चय ५-००
- ६, १६, २४, रत्नाकरावतारिका रत्नप्रभ-
सुरिकृत भा० १, २, ३, ८-००, १०-००,
८-००
७. गीतगोविन्दकाव्यम् — महाकविथो-
ज्यदेवविरचित, मानाङ्कीटीका सह ८-००
८. नेमिरंगरत्नाकरछंद — कविंलावण्य-
समयकृत ६-००
9. THE NĀṬYADARPAṆA OF RĀMACA-
NDRA & GUNACANDRA .
A Critical Study : Dr. h. H.
Trivedi 30-00
- १०, १४, २१विशेषावश्यकभाष्य—स्वोपज्ञवृत्ति
सह प्रथमभाग १५-००
- द्वितीयभाग २०-००, तृतीयभाग २१-००
11. AKALĀṆKA'S CRITICISM OF
DHARMAKĪRTI'S PHILOSOPHY:
A Study : Dr. Nagin Shah 30-00
१२. रत्नाकरावतारिकायम्लोकशतार्थी—
याचकश्रीमाणिक्यराणि ८-००
१३. शब्दानुशासन—आचार्य मलयगिरिविर-
चित ३०-००
- १७ कल्पलताविवेक—कल्पपल्लवशेष—
अज्ञातकर्तृक ३२-००
१८. निघण्टुशेष— सृष्टि—श्रीहेमचन्द्रसूरि
३०-००
19. YOGABINDU OF HARIBHADRA
Text with English Translation
Notes, Etc. 10-00
- २२ शास्त्रवार्तासमुच्चय श्रीहरिभद्रसूरिकृत
(हिन्दी अनुवाद सह) २०-००
- २३ तिलकमञ्जरीसार पद्मोपाध्यायकृत
१२-००
- २५ नेमिनाहचरित भा० १ भा० हरिभद्रसूरि
(द्वितीय) कृत ४०-००
26. MAHĀPURĀṆA OF PUṢPADĀNTA.
A CRITICAL STUDY OF DEŚYA
WORDS . Dr. Ratna N. Shriyan
28. Prakrit Proper Names, Part I
36-00

संप्रति मुद्रयमाणग्रन्थनामावलि

1. नेमिनाहचरित भा० २ — आ० हरि-
भद्रसूरि (द्वितीय) कृत
२. अध्यात्मविन्दु—स्वोपज्ञवृत्ति सह—
उपाध्यायहर्षवर्धनकृत
३. न्यायमञ्जरीप्रतिभङ्ग—चक्रधरकृत
- ४ मदनरेखा—आख्यायिका जिनभद्रसूरिकृत
५. विद्यानुशासन—आ० मल्लिषेणसूरिकृत
६. मीमांसाश्लोकवार्तिक
7. ĀPFAMĪMAMŚĀ OF SAMANTABH-
ADRA : Text with English Transla-
tion, Notes Etc.
8. ŚASRAVĀRTĀSAMUCCAYA OF ĀC.
HARIBHADRA
Text with English Translation,
Notes Etc.
9. Some Aspects of Religion and
Philosophy of India
10. Some Miscellaneous Jain Works
on Logic and Metaphysics
11. Jaina Ontology

PREFACE

We are very happy to place before the scholars of Apabhram̐ṣa language and literature a hitherto unpublished Apabhram̐ṣa epic, *Nemināhacariya*, composed by Haribhadrasūri, a disciple of Śricandrasūri. It was composed at Anahillapur in V. S. 1216 (i. e. 1160 A. D.). It is a poem of high merit.

Hence Prof. Jacobi edited a portion of this work called *Ṣaṇm̐kumāracariya* containing 343 verses. No other Apabhram̐ṣa poem of epic form written by a Śvetāmbara author—except *Vilasavākāḥ* of Sādhārāṇa—is available among manuscripts. I am glad to say that this other poem which too is not yet published will appear very soon in the present series.

Nemināhacariya prominently employs Raddā metre and contains more than 8000 verses. The study of such an Apabhram̐ṣa work is important in more than one respect. At present its prime importance lies in the help that it renders to the students of modern Indian regional languages in tracing out their development. The metres employed by Apabhram̐ṣa writers and occasional metrical experiments made by them are noteworthy. Moreover, high flight of imagination and poetical charm are found throughout Apabhram̐ṣa epic poems. In all these respects, *Nemināhacariya* is really a very important work.

I heartily thank Prof. H. C. Bhayani and Prof. M. C. Modi for critically editing such an important and voluminous work. This is only a part of the entire work. In the second volume the work will be complete. The editors intend to give in a separate volume the general introduction covering important topics like life and work of the author; language, metre, and form of the poem etc, together with a glossary of important words of the text.

I hope that this publication will be of very great value for the students of Apabhram̐ṣa language and literature.

L. D. Institute of Indology,

AHMEDABAD-9

15-9-1970

Dalsukh Malvania

Director

विषयानुक्रमः

Introduction

7-10

नेमिनाहचरिउ

१-४३३

	पद्याङ्काः	पृष्ठाङ्काः
प्रथमो भवः (धनवृत्तान्तः)	१-२२७	१-५८
द्वितीयो भवः	२२७-२२८	५८
तृतीयो भवः (चित्रगतिवृत्तान्तः)	२२७-७११	५८-२२७
[सनतकुमारचरितम्]	४४४-७८६	११२-१९८]
चतुर्थो भवः	९११-९१२	२२९
पञ्चमो भवः (अपराजितवृत्तान्तः)	९१३-१२६३	२३०-३१७
षष्ठो भवः	१२६४	३१७
सप्तमो भवः (शङ्खवृत्तान्तः)	१२६५-१९२८	३१८-४३३
[रतिसुन्दरीकथा]	१३४६-१५६८	३०४-३५६]
[महावीरचरितम्]	१७३७-१९२६	३८८-४३३]
अष्टमो भवः	१९२८-१९२९	४३३
शुद्धिपत्रम्		४३४-४३६

INTRODUCTION

The present volume contains the first instalment of text of the Apabhram̃ṣa epic poem *Nemināhacariya* (Sk. *Nemināthacarita*) dealing with the mythological life of Neminātha, the twentysecond Tīrtham̃kara of the Jainas. It was composed in V.S. 1216 (i.e. 1160 A. D.) by Haribhadrāsūri who belonged to the Vadagaccha and had Śricandrasūri as his Guru. The work is being edited here in full for the first time. It has several unique features which bestow on it a distinction of being a highly important work of Apabhram̃ṣa literature. The exciting discovery, some fifty years back, of a full-fledged Apabhram̃ṣa literature was heralded by two poetic works that were edited and published by the great German Indologist, Herman Jacobi in 1918 and 1921¹, and one of these works consisted of a portion of our *Nemināhacariya*. Secondly, the *Nemināhacariya* is one of the two only available poems of epic length belonging to the Śvetāmbara Apabhram̃ṣa literature, the other poem being the *Vilāsavāṭkahā* of Sadharaṇa composed in 1066 A. D. All the longer Apabhram̃ṣa poems that have been published so far are Digambara Jain works. Thirdly, the *Nemināhacariya* was composed at Anahillapura, the capital of the Caulukyas of Gujarat. Fourthly, it is preserved in an old palm-leaf manuscript, while most of the other available Apabhram̃ṣa works are preserved in paper manuscripts only. Lastly, excepting a minor portion, the whole of the *Nemināhacariya* is composed in one single metre of complicated structure, and the poem has no internal structural divisions or sections. Thus it is the only available Apabhram̃ṣa poem of Puraṇic proportions, and yet not composed in the Sandhi-form. We consider it, therefore, our good fortune that we are placing here in the hands of the students of Apabhram̃ṣa language and literature the first instalment of the text of the *Nemināhacariya*.

Jacobi's edition of the *Sanatkumārcarita*, which forms a part of the *Nemināhacariya*, was based on the then only available paper manuscript. Later on, the palm leaf manuscript of the text in a Jesulmere Bhaṇḍār came to light, and Muni Shri Jinavijayaji, the great doyen of Indologists, planned to edit the poem. But there was some difficulty in tracing the whereabouts of the paper manuscript used by Jacobi. In the meanwhile unfortunately Muni's health and eyesight were impaired, and he had to give up his original plan. So taking direct inspiration from him, with the blessings of Āgamaprabhākara Muni Shri Punyavijayaji and with the active and ever-ready support of Shri Dalsukhbhai Malvania, we undertook to edit the *Nemināhacariya*.

Our task turned out comparatively much lighter than what Jacobi had faced while editing the *Sanatkumārcarita*, and for this all the thanks go to the Jesulmere palm leaf which is quite exceptionally and extremely carefully written Apabhram̃ṣa manuscript. The orthography is almost absolutely uni-

1. Bhavavāṭakaha von Dhanavāla. 1918. *Sanatkumārcaritam*, 1921. See also Muni Jinavijaya's interesting observations *Paumāsācarim*, edited by us, '948, Introduction, p. 6 ff.

form and the scribe seems to have been well-educated and expert at his job. Slips of pen are very few. For our edition we have used a photo-enlargement, as the actual Ms. belonging to the Jinabhadraṇi Jñānabhaṇḍār at Jesulmere was not for lending. The paper Ms. can be said to be textually identical with the palm leaf Ms. There are only orthographical variants, no textual ones. Most probably both the Mss. were based on an identical original.

Haribhadra's *Nemināhacariya* was brought to notice in modern times firstly in the *Bṛhaṭṭippanikā* published by Muni Jinavijaya in the 'Jain Sahitya Samśodhak' (I ii, p. 8). The entry no. 271 in the *Bṛhaṭṭippanikā* is as follows : *Nemucaritaṃ Prāo 1216 varṣe Haribhadracāryaḥ kṛtam 8032*. The same information was repeated in later sources like the *Jain Granthavalī*.² The two available Mss. of the *Nemināhacariya* have been descriptively noticed in the Mss. catalogue of the Jesulmere Bhaṇḍārs and that of the L. D. Institute of Indology³, Ahmedabad.

The present text of the *Nemināhacariya* is almost exclusively based on the Jesulmere palm leaf, though, of course, the paper Ms. also has been consulted throughout and significant orthographic variants noted. Instead of the original palm leaf, we have used, as already remarked, a photographic enlargement of its microfilm, kindly lent us by Maharaj Shri Punyavijayaji from his private collection. It is designated as ॐ for noting variant readings. The photo-enlargement has seventy sheets, numbered from 448 to 517. At several places, the orthographic form as found in the paper Ms. has been adopted in the edited text in preference to that in the palm leaf, and in every such case the form in the latter has been recorded in the footnotes. In a few places where the writing in the palm leaf was illegibly blurred, we have been guided by the paper Ms. All such places have been indicated in the footnotes.

The original palm leaf Ms. has 304 leaves. Each leaf measures 40x3 cm, with 3 to 5 lines per side and about 130 letters per line. Two one and a half centimetre intervening blanks divide the lines in three parts. The Ms. has been prepared quite carefully and systematically. The hand is neat, steady and uniform. Confusing, omitting or misplacing of either letters or the anusvāra mark or the post-consonantal vowel signs are comparatively very few. Marginal corrections and additions in the Ms. are

2. For detailed information on the notices of the *Nemināhacariya* see H. D. Velankar, *Jinaratnakośa*, Vol I, 1944, p. 127.

3. C. D. Dalal and L. B. Gaudin, A Catalogue of MSS in the Jain Bhaṇḍārs at Jesulmere, 1923 (GOS XXI), Introduction, p. 18, text, p. 27. Muniraj Punyavijayaji, Catalogue of Sk and Pk. MSS. (Ac. Vijayadevasūri's and Āc. Kṣāntisūri's collections), Part. IV, p. 142, No. 1094.

See also Maharaj Punyavijayaji, Catalogue of the *Jñānabhaṇḍāras at Jesulmere*, No. 259.

evidences of a careful revision. By all standards this is a unique, exceptional and extremely valuable Apabhramṣa Ms. It is indicative of an Apabhramṣa literary and linguistic tradition that was still living and vigorous. The age of the palm leaf is inferred to be not later than the thirteenth century, and as such it is quite near to the date of the text.

The second and the only other Ms. of the *Nemināhacariya* is a paper Ms. (here styled ख). It is from the Vijayadevasūri's Collection at L. D. Institute of Indology. It contains 113 leaves. Each leaf measures 30×19½ cm. with 3 (right and left) and 2½ (above and below) cm. margins. There are about 21 lines per side and 58 to 64 letters per line. The Ms. is supposed to be written in the sixteenth or seventeenth century.

In orthography the Ms. ख presents a complete contrast to the Ms. क. Its scribe seems to have little education and was obviously ignorant of the language of the Ms. He has copied his prototype mechanically, without properly understanding the writing⁴. As a result he has consistently confused and misread a number of signs and letters. Confusion of वृ and व, वृ and वृ, द, द, इ, and इ, त, and न, प, वृ and म, म and स, च्छ and त्थ, दृ, दृ, इ and इ, स, and न्, etc. abound. The whole Ms. bristles with them. This creates great difficulties, at times unsurmountable, in making out the text on its own.

One interesting point in the orthography of these Mss. may be noticed in passing. At several places the shape of the letter प is such that it can be easily read as म. Now as has been noticed by one of us elsewhere,⁵ among the Deśya words recorded by Hemacandra, there are a few pairs which have identical meanings, but the forms differ in their initial consonant, it being in one case प and in another म; e. g. *paduvaiaṃ* (6, 14) and *maḍuvaiaṃ* (6, 146), both meaning *nikṣṇa*; *pulāsio* (6, 55) and *mulāsio* (6, 135), both meaning *agnikāṇa* or *sphuliṅga*; *puāṇi* (6, 54) (= *duḥṣṭā*) and *muāṇi* (6, 135) (= *dumbā*), *puraḥjuriā* (6, 55) (= *utkaṇṭhā*) and *muramuriāṃ* (6, 136) (= *raṇaṇakam*) etc. This was explained on the assumption that there was real phonological change; initial *p* in these words had actually changed to *m*. But now from the orthography of the *Nemināhacariya* Mss., it appears certain that in the case of the above-noted Deśya words also some of the manuscripts of Deśya lexicographical works consulted by Hemacandra had such a shape of initial

4. For Jacobi's observations on the language and orthography of this Ms., see *Bhavisattakāḥa*, Introduction, p. 2 (English translation, S. N. Ghosal, *Journal of the Oriental Institute*, Baroda II, 3, 1953 pp. 234-241), and *Sanatkumāracaritam*, Einleitung, p. XXX, section V (English translation, S. N. Ghosal, *Journal of the Oriental Institute*, Baroda, VI, 2-3, 1957, p. 99-100).

5. H. C. Bhayani, *Studies in Hemacandra's Deśnāmamālā* (1965), p. 56, items No. 318 to 321.

ॡ that it could be easily taken as ॡ and hence Hemacandra noted both the alternative spellings.

A few words more regarding the presentation of the text. Even though all the lines have been metrically checked, the short *e*, *o* and the nasalization have not been separately marked in print, as they can be easily made out by anyone with an ear for the metre. The *anusvāra* has been kept as it is, following the Mss. It has not been here changed to *para-savarna* nasals. The punctuation marks also are limited to the minimum. Variants noted without any *siglum* are from Ms. ॡ.

Excepting a few sections and passages in Prakrit language and the Gāthā metre, the whole of the *Nemināḥacariya* is composed in Apabhraṃśa language and mostly in the Raḍḍā metre. Haribhadrasūri has used the Raḍḍā as a Pañcapadī or five-lined metre, as against the usual practice, which knows it as a nine-lined metre consisting of five pādas of the Matrā and four pādas of the Dohā. Haribhadra treats as single units the usual (1) second and third pādas and (2) the fourth and fifth pādas of the Matrā, and (3) the first and second pādas and (4) third and fourth pādas of the Dohā. Thus in his practice the Matrā section of the Raḍḍā has three lines (15, 11 (or 12)+15, 11 (or 12)+15) and the Dohā section has two lines (13+11, 13+11). But in the edited text the lines of the Raḍḍā are so arranged as to conform to the nine-line view. This liberty, we hope, will be excused because of the greater facility created thereby for noting variants. It should be also noted that such an arrangement makes the metrical structure more patent, without doing any palpable harm to the original intent.

This first volume of the *Nemināḥacariya* covers the story of the first eight Bhavas of the life of Neminātha. The rest of the text covering the ninth Bhava will form the second volume. The general introduction, dealing with such topics as the life and works of Haribhadra, the language, metre and literary form of the text of the narrative and a glossary of important words of the text, would form an additional volume.

We are grateful to several friends and well-wishers for their generous help and co-operation in our present undertaking. Muni Maharaj Shri Punyavijayaji and Prof. Dalsukh Malvania have put us under great debt by giving us whatever help we required in either securing the Mss. materials or making arrangement for the publication. Muni Jinavijayaji's highly inspiring example and blessings have been for us always a source of unfailing guidance. We are thankful to the Lalbhai Dalpatbhai Institute of Indology for undertaking to publish the present edition of the *Nemināḥacariya*.

Ahmedabad

H. C. Bhayani

August 15, 1970

M. C. Modi

सिरि-हरिभट्ट-स्वरि-विरइउ

नेमिनाहचरिउ

[प्रथमो भागः]

सिरि-हरिभद-सूरि-विरइउ नेमिनाहचरिउ

[१]

दुह वि पयडिय-करण-आयारु
दुह-दंसिय-धम्म-निहि दुह-नमंत-पय-विहव-पावणु ।
दुह-कमलाणंदयरु दुह-सुवन्न-रयण-प्पहावणु ।
मह सुहु वियरउ विमल-गुण- रासि-जलहि-रयणिंदु ।
पणय-सुरासुर-नर-नियर- कय-थुइ उसह-जिणिंदु ॥

[२]

अह विसेसिण नमिर-तइलोय
सिरि-वद्धमाण-प्पहुहु पाय-पउम पणमिवि जिणिंदह ।
तह वारस-अंग-सुय- पढम-कइहि गोयम-मुणिंदह ।
तयणु सुहम्म-स्सामि-मुणि- नाहह भत्ति करेवि ।
अन्नेसिं पि महा-कइहिं पय-पउमइं सुमरेवि ॥

[३]

नमिवि भत्तिण चलण जिणचंद-
मुणिनाह-सीसुत्तिमह विविह-विमल-गुण-रयण-भूरिहि ।
सारय-ससि-विमल-जस- भरिय-धरह सिरिचंद-सूरिहि ।
मण-तणु-वयणिहिं अणुदिणु वि जणिय-पुलय-पब्भारु ।
अणु सरिउण सुय-देवयह नाम-मंतु जयसारु ॥

१. १. क. The portion containing this line is lost; ख. आयारु. २. विहि.
८ तियर. After १. क marginally supplies the following stanza:
नीरनाहु व निच्चमत्थाहु । मेरु व्व बहुपयविहवु । दिणयरु व्व सुपयावकुलहरु । हरिणकु व
अमयकरु । सुरगिरि सुरसत्थमणहरु । राइमईपरिहारविहि-विहणियमयणमरट्टु । हवउ सथावि हु
नेमिजिणु । दुहकणकलणघरट्टु । २. ३. पपामिवि. १. पय. ३. १. नेमिवि. २. सीसुत्तिमह.
३. विविह missing. ७. मुलय. ८. तह भारहदेविहि सरिवि.

[४]

मह न तारिसु वयण-विण्णाणु

न य मंत-तंत-प्पुरणु जइ वि तह वि बहु-माण-पेल्लिउ ।
 हउं किंचि वि नेमि-जिण- चरिउ भणिमु विक्खेवु मिळ्ळिउ ।
 इय तं निमुणहु भविय-जण निय-मणु ठाणि धरेवि ।
 जह लहु पांवहु सिवह सुहु पावह अंतु करेवि ॥

[५]

तं तु नव-भव-भावि बुत्तंतु

भणंतु लेसिण चरिउ सुणह मज्झ पसिऊण सज्जण ।
 निय-इच्छिय-अत्थ-कर होह एत्थ तुम्भे-वि दुज्जण ।
 अहव न पत्थिउ सहसकरु हरइ तिमिरु जिय-लोइ ।
 नय अंजलि-वंधि वि जलणु कहमवि सीयलिहोइ ॥

[६]

अयिरु गव्विउ पावु दो-जीहु

अकयणु लोह-दुयउ कूर-कम्मु पर-छिड्ड-पेक्खणु ।
 वेहासिउ मुह-महुरु सुयण-जणिय-दुहु दुव्वियक्खणु ।
 दुज्जणु किह णु मुहावहउ अब्भत्थिउ वि हवेइ ।
 जो गुण मेल्लिवि वप्पह वि दोस-च्चिय फुहु लेइ ॥

[७]

बहु वि मच्छर-नडिउ त्रिहि-वसिण

न सुणेइ फुहु इयर-कइ- कव्वु सयल-गुण-रयण-मंडिउ ।
 अत्रियाणुउ किं कुणइ कव्व-गुणिहि दद-जडिम-चट्ठिउ ।
 खल गव्विय बुह मच्छरिय सेस अयाणुय दंणि ।
 को वि सुणंता लद्धु न वि शीणु मुहासिउ अंणि ॥

४. १. नारिसु धयणविणेणु. २. पुरणु. ६. इयं तं निमुणहु णहु भवियणहु. ७. वाणि.

५. १. तं तु; बुत्तंतु. २. भणंतु. ३. सुणहु सविणहु हुब्भ पसिऊण सज्जणय.

६. २. अकयणु ५. जणियहु दुव्वि°.

७. १. लुहु. ५. गुणिहि द जडिम वडिउ. ७. क. अयाणु; ख. दणि. ९. क. शीण.

अवि य

[८]

गरुय जंपिउ सुकइ-कइणो वि

गुरु-गव्व-लीलइं गमहिं नीय छलिवि मेल्लहिं सुहासिउ ।

उत्ताणा भमहिं लहु उवयरेमि कहिं गुण-पयासिउ ।

हुं चिट्ठहिं गुण-गहण-रय सज्जण कि वि थवणंमि ।

तत्थ कयत्थउ मज्झ समु पत्थुय-कह-करणंमि ॥

तउ य

[९]

आसि निन्नउ लहरु अह वीरु

ता नेहु तस्संगरुहु धवल तस्सु आणंदु नंदणु

एएसि सचिवाहं कुल- गयण-चंदु सुहि-सयण-रंजणु ।

पउमावइ-तणु-सिप्प-उड- मुत्ताहल-उवमाणु ।

हुयउ पहु सचिवाहिवहं पुइइवाल-अभिहाणु ॥

[१०]

सत्ति-रहिउ वि गुरु-पसाएण

गुण-रयण-महोयहिण पोरुयाड-वंसेऽभिजाइण ।

आणंद-सचिवह सुइण पुइइवाल-सचिवाहिराइण ।

अब्भत्थिउ नेमिहि जिणह लेसिण भणिमु चरित्तु ।

सिरि-सिरिचंद-मुणीसरह नाम-मंतु सुमरंतु ॥

८. ३. नाय. ६ विहहिं. ७. क. थवणंमि, ख. तु(उ?)वणीमि. ८. कयच्छ. ९. पच्चुय; करणेमि.

९. ४. एएसि सविं वहिं. ५. क. सुहि; ख. सुयण. ६. क. सिप्प (or सिथ). ८. एहु सचिवाहिवइ.

१०. २. महोयहियण. ३ क. पोरुयडि; सिजाइण; ख. पेरुया पोरुयाड. ४. क. आण-
वणि; ख. आणींद. ५. सुइइवाल. ६. क. The portion of the palmleaf mar-
gin which supplied the text between नेमि and ण भणिमु (left out
in copying) is partly torn. ९. सुमरेदु.

तथा हि

[११]

इह मुणिमि व सुप्पवित्तमि

मेरुमि व विवुह-सुहि कामुए व्व सायर-विहूसणि ।
सरियंमि व नय-गहणि जंबुदीवि महि-रमणि-मंडणि ।
गणियाए व्व समुल्लसिय- विसय-ग्गाम-समिद्धि ।
वासि वसुंधर-सिरि तिलइ भरह-क्खेत्ति पसिद्धि ॥

[१२]

एत्थ सुरगिरि-तुंग-पायारु

आराम-तरु-सिहर-गय- रवि-तुरंग-हेसिय-सुहावहु ।
एरावइ-सरिस-करि- सय-सहस्स-संकिण-पुर-पहु ।
जच्च-तुरंगम-संदणिहि खुहिय-खोणि-पडिक्खु ।
भवण-णिवेस समिद्धि-सुर- पुर-सिरि-चोरण-दक्खु ॥

[१३]

तरुण-सुंदरि-वयण-हरिणंक

सुसुमूरिय-तिमिर-भरु गरुय-तेय-निव-तरणि-मणहरु ।
महि-मंडण-जिणभवण- कणय-कलस-किरणोलि-भासुरु ।
आसि विहव-जिय-वेसमण- बहु-वणि-वग्ग-समिद्धु ।
धरणि-नियंविणि-तिलउ पुरु अयलपुरु-त्ति पसिद्धु ॥

[१४]

तेइ दिणयरु दाणि करि-राउ

गरुयत्ति तियसिंद-गिरि धम्मि समणु विण्णाणि पुण विहि ।
सूरत्तणि खर-नहरु रुवि मयणु लायणि जलनिहि ।
गुरुयण-विणय-प्पमुह-गुण- गण-कंचण-कसवट्टु ।
महि-विलसिर-कुनराहिवइ- दुन्नय-दलण-धरट्टु ॥

११. ८. वसुंधर.

१२. ५. पुरहु. ६. क. संदणिहि. ९. चोरणक्खु.

१३. ३. तिय; मणहरु. ६. जिणय.

[१५]

नियय-भुय-वल-दलिय-दुहंत-

पडिवक्खिय-करडि-घडु पवर-रुव-परिविजिय-सुरवर ।
 उल्लासिय-सरय-ससि- विमल-कित्ति-धवलिय-दियंतुरु ।
 दुन्नय-पर-नरवड-निवह- हियय-डहण-हुयवाहु ।
 विक्रमधण-नामिण पयडु तर्हि अहेसि नरनाहु ॥

[१६]

महुर-वयणिण विजिउ कलहंसु

वर-गमणिण करि-कलहु रयणि-रमणु पुणु वयण-कंतिण ।
 निय-रुविण मयण-पिय हंसासणि सिय-दंत-पंतिण ।
 नयण-विलासिण सिमु-हरिणि सीलिण सीयाएवि ।
 रंभ तिलोत्तिम हरि-दइय जिण जिय लीलाए वि ॥

[१७]

सा कुलायल-तुंग-वर-वंस

भुवणुत्तिम-कित्ति-धर पीण-सिहिण-भारिण नयंगिय ।
 मिय-भासिर धिर-गमिर विमल-सयल-गुण-रयण-चंगिय ।
 नरवड-माणस-मयगलह संजमणाल-त्थंभु ।
 धारिणि-नाम अहेसि पिय मयण-विजय-भारंभु ॥१७॥

[१८]

नोड-कुमुडणि-सरय-रयणिदु

सत्थत्थ-पयडण-तरणि निवड-हियय-कलहंस-सरवर ।
 अड-दुद्धर-रिउ-करडि- तुरय-मुहड-रह-गुरु-भयंकुरु ।
 संपीणिय-निय-पणइ-जणु तरुणी-यण-कय-तोसु ।
 राय-कज्ज-उज्जुत्त-मणु दूर-पणासिय-दोसु ॥

१५. ८. विक्रमधणनामयण पिय हंससेणि सियण पयडु (cf. 16, 4-5 below).

१७. १. साहु. ३. केत्तिधर. ७. सेजमणात्थंभु.

१८. २. सायरय. ६. सेपीणिय. ७. क. यणु.

[१९]

पवर-लक्षण-रयण-भंडारु

ससि-विमल-विवेय-निहि संत-चित्त-महुयर-सरोरुह ।
 समुवज्जिय-विमल-जस- भरिय-भुवणु धरणियल-कय-सुहु ।
 इह-पर-लोइय-सयल-सुह- कम्म-विसेस-वियाणु ।
 विक्कमथण-नरवइ-सचिवु आसि सुमइ-अभिहाणु ॥

[२०]

अह नराहिवु सयल-निय-रज्ज-

वावार-भरु दुद्धरु वि सचिव धवल-खंधरि निवेसिवि ।
 चिर-संचिय-मुकय-गुण- वसुवल्लु जसु दिसि पयासिवि ।
 धारिणि-देविहिं सहं असम विसय-सुहइं सेवंतु ।
 चिट्ठइ दोगुंदुग-सुरु व गउ वि कालु अमुणंतु ॥२०॥

[२१]

इय ललंतहं तेसि बहु कालु

अणहुंत-पुत्तहं गयउ तयणु विविह-देवय-विसेसहं ।
 आराहइ पय-पउम देइ दाणु वेज्जहं असेसहं ।
 वियरइ उवयाइय-सयइं कुणइ अणेग उवाय ।
 सुय-सुह-दंसण-लोल-मइ नरवइ तइइया य ।

[२२]

अन्न-वासरि रयणि-मज्झंमि

सेज्जायलि मिउ-फरिसि सुह-पमुत्त धारिणि महासइ ।
 पुव्वज्जिय-गिरि-गरुय- मुकय-वसिण सिविणंमि पासइ ।
 केण-वि पुरिसिण घर-अजिरि आणिवि तरु सहयारु ।
 आरोविउ गरुयायरिण अट्ट-वार विहि-सारु ॥

१९. २. विवेय. ७. क. विवेस ८. विक्कम.

२०. २. वारभरु. ६. सुहु. ८. क. सुर.

२१ क. पुत्तह. ६. उववया.

[२३]

नवम-वारहं कुसुम-फल-भार-

भञ्जंत-साहा-सहस्र पत्त-रिद्धि-जय-जंतु-मणहर ।
 नाणाविह-राय-सुय- विहिय-सेवु तरु-नियर-सुंदर ।
 लोयालोय-परिष्फुरिय- पुहइ-नियंविणि-केउ ।
 हुयउ महहुमु तिरिय-नर- तियसामुर-सुह-हेउ ॥

[२४]

अह समुद्विवि हरिस-दिणइंद-

वियसंत-वयणंवुरुह वहल-पुलय पप्फुल्ल-लोयण ।
 विक्कमधण-नरवइहि पुरउ गंतु पसरंत-जोव्वण ।
 निउणु समग्गु वि सिविणु एहु निय-मणि अवधारेवि ।
 कर-संपुडु मत्थइ धरिवि साहइ धारिणि देवि ॥

[२५]

अह नराहिवु भणइ साणंदु

सामन्निण ताव एहु हउं मुणेमि जह तुज्झ सुंदरि ।
 फुडु होसइ कोवि सुय- रयणु दाण-परिविजिय-मय-करि ।
 इय साहिउ ससि-वयणि तुह मइं सिविणहं उदेसु ।
 सिमिण-वियाणय नर इयरु जइ जाणिसहिं विसेसु ॥

[२६]

इय परोप्परु दोवि जंपंत

सद्धम्म धम्मिय-कहहिं गमहिं रयणि नीसेस सेस वि ।
 गुरु हरिसामय-रसिण भरहिं वसुह-सयलप्पएस वि ।
 अह पाहाउय-तूर-रव- सवण-जणिय-पडिबोह ।
 सिविण-रयण-उवदंसणिण दुगुणीकय-सुह-सोह ॥

२२. ६. भिवणीमि.

२३. २. स्साहा. ५. क. नियर. ६. लोय for लोयालोय. ८-९.

तिरियसामुर.

२४. १. दिणइंद. २४. २. क. वयवुरुह. ६. मुरउ. ८. सेसुडु.

२५. २ क इहु. ३. मुणिमि. ७. क. मइ सुविणहं.

२६. १. य परोप्पारु; क. जंपंतु. ३. नीसेसे. ६. क. प्पएसु.

[२७]

तयणु उट्टिविविहिय-नीसेस-

पाहाउय-कम्म-विहि दिण्ण-सच्चववसरु महामइ ।
 अत्थाणियमुवविसिवि विहिय-चारु-सिंगारु नरवइ ।
 सिविण-वियाणय सयल नर सदावइ साणंदु ।
 ते वि मुयंता हरिस-भर- नयण-सलिल-नीसंदु ॥

[२८]

पत्त तक्खणि पुरउ रायस्सु

करयल-कय-कुसुम-फल ललिय-वयण-विण्णाण-सुंदर ।
 बहु-सउणुवइट्ट-सुइ- लाह-गरिम-परितुलिय-मंदर
 तयणु नराहिव-कारविय- गुरु-सक्कार-पट्टि
 झत्ति नरिदिण दावियइ पवरासणि उवविट्ट ॥

[२९]

अह नरेसरु दइय-सच्चविय-

सिविणत्थु पुच्छइ पुरउ तेसि विणय-पणमंत-कायहं
 सामन्निण ते वि तसु कहहि देव तुइ थोव-दियहहं ।
 मज्झि हविस्सइ सुय-रयणु पसरिय-निरुवम-तेउ ।
 अरि-तरु-मूलुद्धरण-खमु पणइ-लोय-मुह-हेउ ॥

[३०]

नवम-वारहं कुसुम-फल-रिद्धि

जं जाय अंव-हुमह तं तु संसु अम्हि वि न-याणउं ।
 एसो वि हु को वि पुणु फल-विसेसु होसइ पहाणउं
 तयणु नरिदिण सायरिण एवमिमं ति भणेवि ।
 सिविण-वियक्खण मोक्कलिय बहु पडिवत्ति करेवि ॥

२७. ७. सइनेइ.

२८. २. The portion of the folio of क containing line ३ is lost. ७. सक्कर.

३०. १. विद्धि. ३. वि न यापाणउं.

[३१]

तह समुस्सिय-हरिस-पुल्लण

निय-देविहि धारिणिहि कहिउ सयलु पुव्वुत्तु वइयरु ।
 देवी वि हु परिमुणिवि निवइ-वयणु जय-जंतु-सुहयरु ।
 गरुयाणंदिण धरणि-यलि कह वि न माइ न ठाइ ।
 उदय-दसा-गय-सहसकर पुव्व-दिसि व्व विभाइ ॥

[३२]

तह पयट्टइ गम्भ-निव्विग्ध-

परिवुद्धि-उज्जय-हियय सयल-विहिण वेज्जोवइट्ठिण ।
 आराहइ देव-गुरु- पाय-पउम विणएण जेट्ठिण ।
 कारावइ महि-यलि सयलि साहम्मिय-सम्माणु ।
 वियरावइ अणवरयमवि दीणाणाहहं दाणु ॥

[३३]

न वि य भुंजइ कह वि अइ-निट्ठ

अइ-तिट्ठ वि परिहरइ नाइ-उण्ह न य सिसिरु सेवइ ।
 करि वंध्यइ ओसहिउ मुयइ उच्चिय-कम्मइ न केम्बइ ।
 मिउ वोळइ थिरु चंकमइ वज्जइ गम्भायासु
 कहमवि पावारंभह वि न पयच्छइ अवयासु ॥

[३४]

तह नराहिवु तणय-मुह-कमल-

अवल्लोयण-मुह-तिसिउ कुणइ पियह दोहलय-पूरणु ।
 परिसीलइ देव-गुरु स कुलएवि-अभिहाण-सुमरणु ।
 उग्योसावइ आयरिण सयल-महिहिं अम-घाउ ।
 मोयावइ चारय-भरणि रुद्ध-लोय-संघाउ ॥

३२. ३. सहल.

३३. ३. उण्ह न य सिसिर. ४. वंध्यइ उसहिउ, ५. केम्बइ.

[३५]

एत्थ-अंतरि निवइ विण्णत्तु

आगंतु सव्वायरिण परम-विणय-पणमंत-सीसिहिं ।
 कर-संपुट्टु सिरि धरिवि होउ पुरउ निव-पवर-पुरिसिहिं ।
 बद्धाविज्जसि नाह तुहुं पोवर-धण-लाहेण
 कुंजर-तुरय-समागमिण रिउ-निव-विजय-महेण ॥

[३६]

जमिह कंचण-रुप्प-भाणिक-

मुत्ता-मणि-असम-सिरिखंड-तंव-विट्ठुम-कथूरिय
 कालागुरु-पमुट्ट-वर- वत्थु-सत्थ-मंडार-पूरिय ।
 तुह दंडाहिव-रण-विजिय- अप्प-णमिर-निवईहिं ।
 पेसिय पट्टु बहु-करि-तुरय- रयण विणय-पणईहिं ॥

[३७]

अह वियासिय-नयण-कमल-दल्लु

पफुल्ल-वयणंवुरुहु वहल-हरिस-रोमंच-अंचिउ ।
 परिचित्तइ धरणि-पट्टु अहह पुव्व-भव-पुण्ण-संचिउ ।
 होही को वि महंगरुहु जो तसु धण-अमिहाणु ।
 दायव्वउं मउं वित्थरिण जय-पयडिय-सम्माणु ॥

[३८]

काल-जोगिण गन्धि वट्ठंति

ससि-जुयल-समाण-पट्टु हुय कवोल नं स-जस-धवलिय ।
 मरगय-मणि-पिहिय-मुह फलिह-रयणमय-कलस-जुयलिय ।
 तहिं अवसरि अहरीकुणहिं थोर-थिर-त्थण-वट्ट ।
 नं कप्पूर-सत्ताय-रय- पसरंजलि-परिघट्ट ॥

३५. ३. परमेत. ४. धरि left out.

३६. ६. दंडाहिव. ८. बहु left out.

३७. २. क. कमलदलनयण. २. पफुल्ल.

[३९]

तह पवट्टहिं पउर-जिभाउ

नीसास बहलीहवहिं गलइ तिवलि अरुइ वि विसट्टइ ।
 परिसिद्धिलहिं सयल-तणु- संधि-बंध उज्जमु न वट्टइ ।
 उयर-नियंव पवित्थरहिं लज्ज सुमंसलिहोइ ।
 गम्भ-वसिण देविहिं तणिय आण न खंडइ कोइ ॥

[४०]

एवमइगय तीए नव मास

अद्धट्टम-दिण-अहिय अह पसत्थ-वासर-मुहुत्तिण ।
 उच्च-ट्टिय-सोम-गह दिट्ठि लग्गि बहु-मुकय-पत्तिण ।
 रवि-रयणीयर-मंडलिहिं परिवट्ठिहर-तेएहिं ।
 महियल-ळोय-मणोरहिहिं संपाविय-पसरेहिं ॥

[४१]

जणइ धारिणि देवि उदयदि-

वसुह व्व तेयम्भहिउ तणय-रयणु दिणनाह-सच्छहु ।
 अह मुललिय दासि लहु तहिं पट्टत्त जंपइ य पेच्छहु ।
 पढम-दिणंमि वि नंदणह का वि सरीरह कंति ।
 जं पेक्खवि तियसामुर वि पसरिय-विम्भय हुंति ॥

[४२]

ता निजुंजिवि सइ-कम्मंमि

तयहिण्ण-वहुविह-महिल कुमर-वयण-दंसणिण तुट्ठिय ।
 सयमसरिस-वेग-भर- परिगलंत-उत्तरिय उट्ठिय ।
 गंतु नरिंदह पय-पुरउ भणइ भुवण-मुहएण
 वद्धाविज्जसि देव तुहुं तणय-रयण-जम्भेण ॥

३९. ७. सुमिसलि.

४१. ३. रय left out.

४२. ४. रेवगभर. ५. पेरगलंत. ६. परंयपुरउ.

[४३]

तयणु दासिहि श्रुति सु-पसन्नु ।

आसत्त-वेणिउ दविणु फुरिय-गरुय-हरिसिण दवाविवि ।
 चारय-घर-रुधु जणु सयल-महिहि तक्खणि मुयाविवि ।
 नयर-पहाणई आइसिवि स-पुर-महुसव-कज्जु ।
 विक्कमधण-नरवइ धरिवि मणि नंदणु निरवज्जु ।

[४४]

जणु समग्गु वि परिविसज्जेवि

अत्थाण-मंडव-तलह तणय-वयण-दंसणि सइत्तउ ।
 तोसेत्तउ मुहि-सयण वंदि-जणह बहु-दाणु देत्तउ ।
 तुरिय-पय-क्खेविण धरणि- पयडिय-परम-मुहंमि ।
 पत्तउ धरणि-प्पहु नियय नंदण-जम्म-गिहंमि ॥

[४५]

तयणु सत्थिय-मुसल-मंथाण-

वर-वंदणमाल-बहु लोह-रक्ख-मंगल-पईविहि ।
 जण-मणहरि सूइ-घरि तणय-रयणु धारिणिहि वेविहि ।
 पासि निरिक्खिवि अइ-पवर- लक्खण-सहस-निहाणु ।
 निवइ करावइ तस्समय- जोग्गु समग्गु विहाणु ॥

[४६]

अह गहेविणु करिहिं सुय-रयणु

पप्फुल्ल-लोयण-कमलु भणइ पुरउ नरवइ स-दइयह
 जह सामिणि तुहुं जि पर सल्लहणिज्ज मज्झंमि ति-जयह ।
 एग-च्छत्त असेस महि निव-लक्खण-कुल-गेहु ।
 जीए तणुब्भवु जय-पवरु हुयउ इमेरिसु एहु ।

[४७]

ता पढंतिहिं भट्ट-चट्टेहिं

गायंतिहिं गायणिहिं सुयण-सुहिहिं तक्खणि मिलंतिहिं ।
 नच्चंतिहिं पण-तरुणि- सइहिं सयल-जण-मण हरंतिहिं ।
 आणंदिय-भुवण-यल-ठिय- पवर-तरुणि-पुरिसेण ।
 काराविउ वद्धावणउं निविण फुरिय हरिसेण ।

[४८]

इय निरंतरु कुमर-विसयंमि

किज्जंतइ परम-महि छट्ट-दियहिं अणुकमिण पत्तइ ।
 वाहित्तइ पुर-पवर- लोइ कुमर-गुण-गहण-रत्तइ ।
 निवइ करावइ अविहवहिं तरुण-दियय-हरणीहिं ।
 गुरु-छट्टिय जागरण-महु सोहग्गिणि-तरुणीहिं ।

[४९]

अह पहुत्तइ कुमर-रयणस्सु

एगारसमइ दियहिं धरणि-पवरि लोयंमि मिलियइ ।
 वर-भोयण-कुसुम-फल- पसुह-पवर-वत्थुंमि दलियइ ॥
 सामंतहं मंतिहिं पुरउ विक्कमधणिण भणीउ ।
 गम्भवइणइ कुमरि धण- आगमु मइं निसुणीउ ॥

[५०]

ता विचिंतिउ मज्झ जो को वि

कुल-गयण-ससहर-सरिसु तणय-रयणु होसइ पसत्थउ ।
 दायव्वउं तस्सु धण नासु करिवि निय-जणु कयत्थउ ॥
 तत्तो तुम्हाण वि पुरउ हवउ एहु एयस्सु ।
 सुपइट्ठिउ निरु सुइरु धण- नासु वसुह-सुहयस्सु ॥

४७. १. भट्टभट्टेहिं. ३. सुहिहिं ज.

४८. ७. क. तरुणि. ८. जट्टि य.

४९. २. ह. एगारसमहि.

५०. १. क. माइ जो.

[५१]

अह सुणेप्पिणु नामु कुमररस्सु
 साणंदु सयलो वि जणु नियय-नियय-विहवानुमारिण ।
 कर विरइवि मुद्ध-यलि पुव्व-पुरिस-चरियाणुमारिण ॥
 वत्थाहरण-तुरंगमिहि कुंजर-विसय-पुरेहि ।
 पाय-पूय वसुहाहिवह कुणइ तयणु स-करेहि ॥

[५२]

धरणि-सामिण करिवि सक्कारु
 सामंत-मंति-प्पमुह सयलु लोउ पमुइवि विसज्जिउ ।
 ता पंच वि धाइयहु कुमर-कज्जि जत्तिण निजुंजिउ ।
 विक्कमधणु वसुहाहिवड पमुउउ पालइ रज्जु ।
 कुणइ य इह पर लोय-गय- विहि-विसेमु निरवज्जु ।

[५३]

सिहरि-कंदर-कप्प-विडवि व्व
 निव्विग्गु वुडिहहि गयउ सुकय-कम्म धण-कुमर-रयणु वि ।
 जमु वियसिय-मुह-कमलु सव्वओ वि गुण लेइ पिगुणु वि ।
 तह मिय-पक्खि ससंकु जिह हिम-धवलाण कलाण ।
 सो च्चिय जायउ कुल-भवणु अइरेण वि सयलाण ॥

[५४]

ता पयंपिरु गमिरु विलसिरु वि
 परिओसइ निवह मणु वसइ हियइ धारिणिहि देविहि ।
 परिथुव्वइ आयरिण पवर जणिहि पय-पउम-सेविहि ।
 हुयउ पयडु महि-यलि सयलि निरुवम-गुण-रयणेहि ।
 तह जह सेमु वि सहस-मुहु न खमु कहिउ वयणेहि ॥

५२. ३. क. सयल. ७. रज.

५३. ३. रणु वि. ५. सव्वडः पिसु वि. ७ कलाण left out.

५४. १. पायंपिरु. २. परिउसइ. ४. आयरियण. ९. वणेहि.

इओ य-

[५५]

धरणि-कामिणि-कुसुम-सरिसंमि

कुसुमउर-नामय-नयरि आसि चंद-निम्मल-महामइ ।
 रिउ-निव-कुल-करडि-घड- सीहु सीह-अभिहाणु नरवइ ॥
 तसु पुण दइय पसत्थ-गुण विमल विमल-अभिहाण ।
 आसि नराहिव-पमुह-जण- कय-पडिवत्ति-पहाण ॥

[५६]

तहं चमविकय-सयल-जय-जंतु

नीसेस-लक्खण-निलय जाय धूय गुरु-सुकय-जोगिण ।
 किज्जंतइ विविह-महि सयल-नयरि अह निव-निओगिण ॥
 वियरिउ कुमरिहि वित्थरिण धणवइ त्ति अभिहाणु ।
 रज्ज-पहाणहं सयलहं वि पयडाविय-संमाणु ॥

[५७]

ता अणुवकम-पत्त-तारुण

असवण्ण-लायण-भर- भुवण-तरुण-मण-हरण-पच्चल ।
 कुंदिहु-समुल्लसिय- विमल-सयल-कल-विसय-निच्चल ॥
 अन्न-दिणंमि समाण-वय- रुव-समिद्धि-मईहिं ।
 धणवइ गय उज्जाण-वणि सहिय अणेग-सहीहिं ॥

[५८]

तयणु केयइ अंव जंवीर

मंदार दाडिम कुडय करुण कयलि कायंव जंवुय ।
 करवंदिय विज्जउरि ताल साल नालियरि लिंवुय ॥
 किसलय-कुसुम-फलोणमिय साह-सहस साहिल्ल ।
 पेक्खिर वियसिय-मुह-कमल नियइ सहिय नियइल्ल ॥

५५. १. कुसुमु.

५६. ३. सकय.

५७. २. असवण left out. ४. सनुल्ल. ७. समिद्धि.

५८. १. केवइ. २. मंदार दुडिम. ३. जायलि. ४. करविंदिया. ६. किसल. ७. साह साहिल्ल. ८. पेक्खियर; कतल. ९. सहिय इल्ल.

[५९]

एत्थ-अंतरि पउर-साहस्सु

बहु-पल्लव-कुमुम-भर- रिद्धि-जणिय-आणंद-पसरह ।
 पच्छादय-सहसकर- किरण-भरह चुय-तरुहु एगह ॥
 हेट्ठि नियइ चित्तयर-नरु फलहिय-दत्थु निविट्ठु ।
 अविहिय-वयण-वियारु निरु तक्खणि मणि संतुट्ठु ॥

[६०]

अह हविस्सइ किमिह फलहीए

इय विंभिर निव-दुहिय गइय पुरउ चित्तयर-पुरिसह ।
 ता घेत्तु स-कर-यलिहिं नियउ समुहु तमु चित्त-फलियह ॥
 अणिमिस-दिट्ठिहिं गुरु हरिस- रोमचिय-सव्वंग ।
 वाम-स-नयण-प्फुरण-परिसूइय-पिययम-संग ॥

[६१]

तयणु वुज्झिवि हियय-सम्भावु

सरइंदु-निम्मल-मइण तार्हि तार्हि चिट्ठाहिं कुमरिहिं ।
 कमलिणि सहि चित्तयर पुरउ भणइ वयणेहि महुरिहिं ॥
 भइ निवेयसु कस्सु एह पडिम पुरिस-रयणस्सु ।
 माणिणि-माणुम्मत्त-करि- कलह-दप्प-दल्लणस्सु ॥

[६२]

तयणु मायरु ईसि विहसंतु

चित्तयर-नरु वज्जरइ अहह मुद्धि किं तइं न याणिउ ।
 एहु एत्तिउ कालु नर- रयणु सयल महि-यलि वग्वाणिउ ॥
 जं जसु कित्ति-मुहा-रसु वि धवलइ भुवणु असेसु ।
 तिब्बु पयावु वि निदहइ गिउ-कुल-कमल-विसेसु ॥

५९. ४. क. सहसकरि. ५. चुयतरुह.

६०. २. चित्तय. ४. चित्तु सकरयणिहिं. ५. मुहुत्त. ८. क. वामम.

६२. ४. तित्तयर.

[६३]

हरिस-वियसिय-वयण-तामरस

सोक्कंठ तियसंगण वि मेरु-सिहरि गायंति जसु गुण ।
 पायालि वि भवणवइ- विलय होंति अणुराय-मुम्मण ॥
 मणुय-नियंविणि-नियर पुणु हय अवल सव्वत्थ ।
 जसु सोहग्ग-कुठार-हय- माण-धंभ-सामत्थ ॥

[६४]

अवि य तुंगिम गिरिहिं एगेव

गंभीरिम जलनिहिहिं थिरिम महिहिं गयणंमि विउलिम ।
 तेयडिदम सहसकरि रयणि-रमण-विवंमि सिसिरिम ॥
 एहु पुणु एक्कु समग्गहं वि एयहं गुणह निहाणु ।
 विक्कमधण-निव-अंगरुहु निरुवसु धण-अभिहाणु ॥

[६५]

मइं लिहेविणु चित्त-फलदियहं

निय-सत्तिण रूव-लवु विहिउ पुरउ स-विणोय-कज्जिण ।
 तसु सयलु वि रूवु पुणु विहिउ केण तीरइ मणुसिण ॥
 इय लेसिण धण-कुमर-वर- वइयरु मइं अक्खाउ ।
 जो तियसामुर-तरुणियहं गीय-रविण विक्खाउ ॥

[६६]

इय भणंतु वि गयउ अन्नत्थ

चित्तयर-दारय-तरुणु तयणु विमलदेवीए वालिय ।
 अमुणंती कुमर-कह तिसमवाण-मग्गण-पम्वालिय ॥
 निवडिय सुद्धइ धरणि-यलि सीह-नराहिव-कन्न ।
 किं न दुहावइ तक्खणिण परिगलंत-चेयन्न ॥

६४. १. एणवे गमी°.

६५. ३. पुरओ ५. लिहिउ, ८. क. तरुणियं.

[६७]

तयणु कमलिणि-पमुह-सहि-यणिण
 सव्वत्तु वि उवयरिय विविह-सिसिर-उवयार-सहसिण ।
 अह वियलिय-मुच्छ-दुह कह वि कह वि मंपत्त-चेयण ॥
 धण-कुमरं चिय चित्त-ययमुमय-विहिहिं झाएइ ।
 अमय-जलहि-मज्झ-द्विय वि अन्नह रइ न लहेइ ॥

[६८]

अह कहं-चि वि कुमरि धवल्हरि
 आणेवि विमुक्क तसु परियरेण ठावि वि सुहासणि ।
 परिसाहिउ निव-पुरउ वइयरो-वि पुव्वुत्त तक्खणि ॥
 ता आणंदिण निव-पुरउ देवि सइत्त-स-चित्ति ।
 जंपइ जह—वद्धानणउं हुयउं करेइ म भंति ॥

[६९]

जं सुदेवह कुमरु भाणेज्जु
 नाणंदु वि हवइ मह पिउसि-जाउ कुमरीए वंधवु ।
 अणुराउ वि तसु विसइ धणवईए ता कह न ऊसवु ॥
 तह अणुरुविण माणुसिण कसु न मुहउ संवंधु ।
 हवउ विहि वि दोणह वि जणटं इह घडणुद्धर-खंधु ॥

[७०]

एत्थ-अंतरि दारवालेण
 विण्णत्तु — जु आसि वहु कालु देव-पाएहिं पेसिउ ।
 सो पत्तउ चित्तगइ- नाम-मंति इह वुह-पमंसिउ ॥
 इय सामिय साहसु हवउ केरिमु तसु आप्पमु ।
 तयणु पयंपइ निवइ ल्हु ल्हु इह तं आणेमु ॥

६७. १. क. ख. सव्वन्नु ५. कहं वि.

६८. ७. क. सइन्न. ९. भं.

६९. १. नाणिदु पु हवइ. ५. ऊसहु. ९. The portion of the line after इह is lost in क.

७०. ३. पायहि. ५. क. एह.

[७१]

ता खणद्धिण चित्तगइ सच्चिबु

संपत्तु निवइहि पुरउ तयणु पुट्टु नरवरिण- भइय ।
 तं एत्तिउ कालु कहिं ठियउ नियय-कुल-गयण-वंदय ॥
 अह मु नमेविणु विन्नवइ हउं पहु अयलपुरंमि ।
 थक्कउ एत्तिउ कालु बहु- कोउग-इंस-सरंमि ॥

[७२]

अह नराहिवु भणइ - तइं दिट्ठु

किं किंचि वि अच्छरिउ तत्थ कालु एत्तिउ वसंतिण ।
 इय साहसु सच्चि मह तयणु भणिउ निव-पुरउ भंतिण ॥
 पहु मइं दिट्ठु तमच्छरिउ जं सक्को वि असक्कु ।
 कट्ठिमसेसिण जीविणण इग-वयणिण अवियक्कु ॥

जओ —

[७३]

जो पसत्थउ अत्थ-सत्थंमि

गीयत्थु गीयइ कहइं निरु करालु करवाल-कम्मिण ।
 अइ-दुद्धरु मुग्गरि वि कट्ठिणु कुंति दढ-सत्तु-वग्मिण ॥
 रिउ-सिर-सल्लु सु सल्लि भड- कुल-पयंडु कोदंडि ।
 जणिय-चमक्कउ चक्कि जय- गहिय-डंडु भुय-डंडि ॥

[७४]

तह सु-सिक्खिउ तुरप-सिक्खाए

अकलंकु कुंजर-कलहं तुलिय-भुवणु असिधेणु-सत्थिण ।
 संपाविय-पसरु सरि सत्तु-सल्लु दढ-सेल्ल-हत्थिण ॥
 पत्तच्छेइ सु-छेउ वर- चित्तयम्मि सु-विचित्तु ।
 वाइ-इंहु वाइय-कलहं धम्म-कम्मि सु-पवित्तु ॥

७१. ५. क. ठिओ. ख. ठियिउं ६. क. विण्णवइ.

७२. ९. क. एग.

७३. १. जाउओ. ५. धम्मिण. ६. भव.

७४. ५. दलसेल्ल.

[७५]

गहिरु सुंदरु सरलु सच्छाउ

सु-कुलुम्भवु नय-सरणु सयल-नीइ-सासण-वियक्खणु ।
 बुइ-मंडणु सत्तु-मय- तिमिर-तरणि सु-पसत्थ-लक्खणु ॥
 विक्कमधण-वसुहाहिवहु तणय-रयणु धण-नामु ।
 दिट्ठउ मइं सो अयलपुरि निरुवम-गुण-मणि-धामु ॥

[७६]

एत्थु सामि तत्तु तुहुं सुणसि

परमेउ लेसिण हउं वि विण्णवेमि निय-बुद्धि-जोगिण ।
 धण-धणवइ-मिहुणयहं असम-रूव-संवंध-विरहिण ॥
 जायइ अवजसु देववइ वि फुरइ कळंकु भवस्सु ।
 ता चित्तइ नरवइ -- अहह वयण-महिम सचिवस्सु ॥

[७७]

तयणु विणइण विजिय-जय-लोउ

निब्बिग्ध-वहु-कज्ज-करु परम-वयण-विण्णाण-सुंदरु ।
 सच्चिवाहिवु चित्तगइ पत्थुयत्थ-निम्मवण-मणहरु ॥
 अणुजाणइ सिरि-अयलपुर- गमणि विहिय संवाहु ।
 विक्कमधण-वसुहाहिवह पुरउ सीइ-नरनाहु ॥

[७८]

एत्थ-अंतरि चंदवइ-नाम

लहु भइणिय कुमरिहि वि सुणिय-सयल-पुब्बुत्त-वइयर ।
 पप्फुल्ल-नयणवुरुह श्रुत्ति गंतु निय-सार-परियर ॥
 जंपइ धणवइ-पय-पुरउ अविहिय-वयण-वियार ।
 नणु दीससि किं भइणि तुहुं पाविय-दुह-पम्भार ॥

७६. २. क. हउ. ४. क. मिहुणयह.

७७. १. जियलोउ. ४. क. The portion after वाहि lost. ५. क. प lost

७८. १. क. एत्थअंतरि lost. ३. क. वइयर. ९. क. पम्भार.

[७९]

अहव जणइण अयलपुर-नाह-

कुल-गयण-पुण्णिम-सरय- रयणि-रमण-धण-नाम-कुमरह ।
 जं अज्ज विइण तिण सयण-भावि-विरहिण दुहिज्जह ॥
 ईसि हसेविणु कमलिणिहिं मणिउ एत्थ-पत्थावि ।
 किं न मुणसि तुहुं जिण कुमरि एरिस हुय सत्था वि ॥

[८०]

कहसु पिय-सहि तुहुं जि दुह-हेउ

विण्णाइण कज्जु महु जं जु गावि वालइ सु अज्जुणु ।
 इय पुट्ठइ पुणु भणइ मुणइ सम्मु धणवइहि को मणु ॥
 किं तु स-वुद्धिण तुह पुरउ हउं वि किं पि जंपेमि ।
 निय-सहि-मण-अमुहावहिण न उ दोसिण लिप्पेमि ॥

[८१]

आसि धणवइ अज्ज उज्जाणि

मयरज्जय-पूय-विहि मुहिसेउ स-सहि-यण पत्तिय ।
 पेक्खंतिय चित्तयर- हत्थि कट्ट-फलहिय सु-चित्तिय ॥
 तक्खणि केण-वि उपपरिण दोसिण एह गहीय ।
 चिट्ठइ अवियक्किय-दुहय- पाविय-एय-विहीय ॥

[८२]

इय सु निम्मल-कलहं कुल-गेहु

बहु-मंत-तंत-प्फुरणु भुवण-तरुणि-मण-महण-मंथणु ।
 विक्कमधण-धरणि-पहु- तणय-रयणु पणइ यण-संथणु ॥
 कहमवि एयह धणकुमरु जइ आविवि वेगेण ।
 कुणइ किं पि उत्तारणउं ता मुच्चइ खेएण ॥

७९. १. अणएण. ५ क. दुहिज्जह. ६. कमलिहिं.

८०. २. विण्णाएण. ७. कंपि.

[८३]

अह समच्छर होउ होउ ति

पज्जत्तउं तुह कहं नाय तुज्झ कमलिणि वियहिदम ।
 खइ खिवहि कखारु किह अहव एह तुह एण्हि वड्डिम ॥
 जं अग्गइ ठिय टिलिविलिहिं जासि अदुहि भङ्गीए ।
 अहव खमेज्जसु दोसु इहु मह बहु-दुह-सरणीए ॥

[८४]

तयणु कमलिणि भणइ पणमेवि

रुसेसि तुहुं किह णु सहि किं न वयणु निमुणेसि अग्गिमु ।
 सव्वुत्तिम-सिरि-निलय- भुवण-तिलय-पिय-लाह-चंगिमु ॥
 अम्हि वारिय वि न थक्किसहुं मुणिवि स-सहिहि सुहाउ ।
 करिसहुं निय-जीहह वि सुहु वोल्हिवि जह विण्णाउ ॥

[८५]

अज्ज संतिण नियय-भवणाउ

मइं दिट्ठउ अद्द-पहि सयल-काल-जाणणु निमित्तिउ ।
 अह कइयहं विसम-दस- विरमु सहिहि हविहि ति चिंतिउ ॥
 तिण पुट्ठिण नेमित्तिण कट्ठिउ-म भंति करेसि ।
 आयरु करिमइ धणु कुमरु सयमवि तुह सहि-रेसि ॥

[८६]

एत्थ-अंतरि विहिय-संवाहु

पुव्वुत्तउ चित्तगइ सच्चिबु पत्तु सविहंमि कुमरिहि ।
 जंपेइ य परिविहिय- गरुय-माणु वयणेहिं महुरिहिं ॥
 विक्कमधण-सुय धण-पुरउ अयलपुरंमि गण्ण ।
 किं कहियव्वउं मइं कहसु सुंदरि तुह कज्जेण ॥

८३. २. पज्जत्तह. ३. नय. ४. क. खिवहि. ८. एहु.

८६. ४. क. The letters between जंपेइ and रिक्किय are blurred and illegible. The first letter appears like स.

[८७]

तयणु नणु किं सच्चु संजाउ

सहि-भइणिय-भणिउ इय चितयंत धणवइ-कुमारिय ।
 साणंदु समुल्लवइ सचिव-पुरउ गुरु-लज्ज-सारिय ॥
 अवल अयाणुय वाल हउं सयल-कलुज्जल-चंद ।
 भणिइ-वियक्खण तुह पुरउ किं कहेमि सचिविंद ॥

[८८]

ता सयं पि हु समय-संपत्तु

भणियव्वु असेसु तइं पत्थुयत्थ-संसिद्धि-कारणु ।
 तह कमलिणि भणइ — सहि तं पि किं पि तसु अमुह-वारणु ॥
 स-कर-विणिम्मिउ पेसवसु इयरह गय-सरणाउ ।
 सो पेसिय तुह समुह-मणु विवइहि हय-मयणाउ ॥

[८९]

तयणु धणवइ ईसि विहसंत

लज्जंत महि-निहिय-मुह भुज्ज-खंडु सहस-त्ति वेप्पिणु ।
 गुरु-जत्तिण निय-करिहिं लिहिवि सचिव-करयलि समप्पिणु ॥
 अणुजाणइ पत्थुय-विहिहिं सायरु कय-सक्कारु ।
 तक्खणमवि सचिवाहिवु वि चल्लिउ बहु-परिवारु ॥

[९०]

पवण-वेगिण अयलपुर-नयरि

नरनाह-चल्लणहं पुरउ आगओ य थोविहि वि दियहिहिं ।
 ता पुट्टउ नरवरिण कुसलु भइ सिरि-सीह-निवइहि ॥
 सचिवु भणइ — नणु मह पहुहु सामिय कुसलु सया वि ।
 सार करंतउ वीरु तुहुं जसु न विरमहि कया वि ॥

८८. २. क. असेस. ७. सरणेउ. ९. मयणेउ.

८९. २. क. सज्जंत supplied marginally.

९०. ३. क. थोविह.

[९१]

किंतु कारणं तुरिय-आगमणि

मह सुणसु पसीय पट्टु जेण सयलु साहेमि लेसिण ।
 विक्कमपण-नरवरिण तयणु कहसु कहसु त्ति भणिण्ण ॥
 सो सच्चिवाहिवु चित्तगइ सिर-विरइय-कर-कोसु ।
 हरिस-वियासिय-मुह-कमलु साहइ एहु असेसु ॥

[९२]

देव निरुवम-रुव-लायण

ससि-निम्मल सयल-कल कुम्म-चलण कलहंस-गमणिय ।
 कुंजर-कर-ऊरु-जुय अमर-सरिय-पिट्टु-पुलिण-जहणिय ॥
 वियड-नियंब-त्थल गहिर- नाहि-कूव महणिज्ज ।
 अरुचुन्नय-थिर-धोर-धण- जुयल तरुण-रमणिज्ज ॥

[९३]

सुरल-अंगुलि सुहय-कर-कमल

परिविलसिर-वाहु-लय जणिय-मयण-जय-कंठ-कंदल ।
 कणगुज्जल-गंडयल वयण-कंति-जिय-चंद-मंडल ॥
 सवणंदोलय-गय-नयण कोइल-महुरालाव ।
 कमल-दलारुण-अहर अलि- सामल-केस-कलाव ॥

[९४]

चंद-निम्मल सील-सिंगार

हर-हास-कामुज्जलय- चरिय विमल-गुण-रयण-मंडिय ।
 भिय-भासिर थिर-गमिर सयलु कालु पिइ-माइ-वड्हिय ॥
 सीह-नाम-नरनाह-कुल- गयणंगण-ससि-लेह ।
 धणवइ-नामिय अत्थि धुय वर-वहु-लक्खण-गेह ॥

९१. ५. क. ख. भणिण्ण.

९४. ६. क. चडिय.

[९५]

सा उ संपइ सुणिय धणकुमर-

रूवाइय-सयल-गुण- फुरिय-विसमसर-भल्लि-सल्लिय ।
 परिचेट्ठइ कह न कह रंग-महिहि नडि जेव भल्लिय ॥
 जइ न लहइ धणकुमर वरु ता धुवु मरइ स अज्जु ।
 इय अविलंबिण पट्ट-पएहि बहु-गुणु किज्जउ कज्जु ॥

[९६]

ता नरिदिण भणिउ - किमजुत्तु

सचिवाहिउ इत्थ जइ कह वि होइ अणुकूलु दिव्वु वि ।
 जं सीहिण नरवरिण समणु पीइ मह कालु सव्वु वि ॥
 जइ पुणु हवइ अवच्चहं वि अणुरूवहं संवंधु ।
 ता निय-नेह-तरुहु उवरि हउं वंधावउं चिंधु ॥

[९७]

अह नमेविणु गुरु-पसाउ त्ति

जंपेविणु चित्तगइ निव-विइणि आवासि गंतु वि ।
 वोसमिउण एक्कु खणु स-परिवारु चित्थरिण भोत्तु वि ॥
 सुहि-सयणिहि सह आगइहि अमुणिरु गमिरु वि कालु ।
 सह बहु सुह-दुह-संकइहि चिट्ठइ जाव वियालु ॥

[९८]

तयणु तक्खणि भिन्न-भवणंमि

परिसंठिउ धन-कुमर सुणिय-सयल-पुव्वुत्त-वइयरु ।
 नणु स-पट्टहु कज्ज-कर भणहि भिच्च सव्वं पि मणहरु ॥
 ता किं स चउं अह वित्तु एह इय मणि चिंतु ।
 सचिविदिण आगंतु घरि कय-विणइण विणत्तु ॥

९७. १. पसाओ.

९८. ३. क. सयलु.

[९९]

कुमार किञ्जउ हियय संतोसु

तसु कुमारिहि धणवड्ढि भुज्ज-खंडु एहु स-करि चेप्पिणु ।
 उग्याडि वि निय-मणिण समय-पत्तु कज्जु वि वियप्पिणु ॥
 वियरमु मह आएसु कु वि जह लहु वद्धावेमि ।
 सा बालिय तह केत्तिय वि दिण अणुसं-गावेमि ॥

[१००]

तयणु दाहिण-नयण-विष्फुरण-

परिसुइय-पवर-पिय- लाहु हरिस-वियसंत-लोयणु ।
 निय-हत्थिहिं चेत्तु लहु भुज्ज खंडु गुरु-हरिम-भायणु ॥
 विक्कमधण-निव-अंगरुहु तं उग्याडि जाव ।
 गुरु-विम्हय-पप्फुल्ल-मुह- कमलु निरिक्खइ ताव ॥

[१०१]

अद्ध-चिन्नय-चत्त-विम-कंद

दर-विट्ठिय-चंचु-पुड मिहिल-पक्ख वियलंत-कंधर ।
 परिमउलिय-नयण-जुय गरुय-ताव-चेविर-मुहंतर ॥
 नव-विरहुभव-गरुय-दुह दूर-पणट्ट-विवेय ।
 कलहंसिय तर्हि लिहिय तह अक्खर-पंतिय एय ॥

[१०२]

कमल-वल्लह मुपय गय-हियय

महुर-स्सर विमल-हप राय-हंस-संभव मुपविस्खय ।
 जय-मुहय-चरण गइ विउल मुहय मुन्दर सु-दक्खिय ॥
 गरु-विरहाणल-तविय-तणु रायहंसु अलहंत ।
 चिट्ठइ कलहंसिय मयण- सवरिण एह इम्मंत ॥

[१०३]

इय मुणेविणु सुहय कारुणिय

समय-णुय सिरि-तिलय रायहंस पणइ-यण-वच्छल ।
 जं जुत्तउं तं कुणमु सयल-भुवण-मण-मुणण-पच्चल ॥
 अह विम्हिय-मणु धणकुमरु उभय-भाव-दंसीण ।
 परिचितइ परमत्थु मणि वत्थु-कव्व-हंसीण ॥

[१०४]

कट कइत्तह किंपि कुसलत्तु

वपु गहिरिम जंपियहं अहह भाव-विन्नासु चित्तहं ।
 हुं हुं रेहहं सुद्धि क वि अरि द्वियय-हारिम ललित्तह ॥
 कट कट वन्न-विळित्ति एह वपु वपु भूमिय-कम्मु ।
 अह अह कर-पल्लव-लहिम अरि अरि तिउ अभिरम्मु ॥

[१०५]

इय विचित्तिरु निरु धुणिय-सीसु

पफुल्ल-वयणंवुरुहु लिहिय-नियय-करयलिण तक्खणि ।
 विक्कमधण-अंगरुहु पत्त-कित्ति नव-कव्व-लक्खणि ॥
 सायरु कय-सक्कार-विहि सह निम्मल-हारेण ।
 छेहु समप्पइ चित्तगइ- मंति-हत्थि स-करेण ॥

[१०६]

अह पसाहिय-सयल-निय-कज्जु

सचिवाहिवु चित्तगइ कुमर-धरणिनाहिहिं अणुणिउ ।
 संपत्तउ कुसुमपुर- नयरि नियय-परियण-समन्निउ ॥
 ता सीहह निवइहि पुरउ सिरि विरइय-कर-कोसु ।
 कय-गरुय-प्पडिवत्ति-विहि सचिवाहिवइ स-तोसु ॥

[१०७]

पुष्प-वड्यरु कहइ स-विसेसु

परिओसिय-निवह-सहु तयण भणिउ विहसिवि नरिदिण ।
 नणु एक्कसि कहसु सह धणिण नियय-कुल-गण-चंदिण ॥
 धणवइ-कुमरिहि केरिसउ संभावसि संबंधु ।
 सचिवु भणइ - धुवु होइसइ भुवण-अहिय-पडिबंधु ॥

[१०८]

जं च निम्मिउ मयणु रइ-रमणु

जं कणहु लच्छिहि दइउ जं सुरिंदु रंभाए पिययसु ।
 जं सीयह नाहु हल- मुसल-जोहु जं हरु वि पिय उमु ॥
 तं चिर-संचिउ जसु फुसइ जइ न कुणइ संबंधु ।
 धणकुमरह धणवइहि सह विहि एहु मह निवंधु ॥

[१०९]

इय भणिप्पिणु विविहु सम्माणु

परिचेत्तु सीहह निवह पासि सचिवु तेणानुमन्निउ ।
 लहु कुमरिहि संनिहिहि गंतु सार-परियण-समन्निउ ॥
 लेहु समणइ धणवइहि सह निरुवम-हारेण ।
 सा विहु वियसिय-मुह-कमल परिवेप्पिणु स-करेण ॥

[११०]

ठविवि हिययह वहिहिं सो हारु

मज्झंमि उ धणकुमरु स-गुणु सरलु विमलउ सु-वाणिउ ।
 उग्घाडिवि लेहु मग- नयण-मुहउ सचिविद-आणिउ ॥
 सज्जस-वस-वहलुल्लसिय- रोमंचंचिय-काय ।
 वायइ कुमरिय लेहु फुडु दुगुणीहुय-मुह-राय ॥

१०७. ५. क. गइण. ९. भुवणु; परिधं

१०८. ५. मुसलजोहु.

१०९. ४. क. संनिहिहि.

जहा—

[१११]

जेहिं सिविणि वि नेव सच्चविय
 संभाविय न य मणिण न वि य जाय वयणाण गोयरि ।
 ति वि निच्चु वि अहिलसहिं जलहि-धूय केसव-किसोयरि ॥
 जाहं पसत्तिय सयमवि हु निवसइ सा कर-कोसि ।
 तहं किं भणउ सुह-निहिहिं निरु पसरंतइ तोसि ॥

[११२]

सुयणु धणवइ मज्झ पसिऊण
 बहु-छिददु वि निदुदुरु वि लवण-जलहि-संभवु वि तुच्छु वि ।
 वर-तरल-सहोयरो वि विरहि-तरुणि-मण-जणिय-मुच्छु वि ॥
 सुयण-निवेसाणंदयरु गुरु-गुणु गुण-मुहयंमि ।
 मुत्ताहारु वि हारु एहु धरियव्वउ हिययंमि ॥

[११३]

अह कुमारिय वेत्तु सच्भावु
 धणकुमरह अक्खरिहिं हय हरिस-पसरिण समिद्धिय ।
 नं पाविय-कप्पतरु- कामधेणु-गुरु-रज्ज-रिद्धिय ॥
 अह तम्माणसु वुज्झिउण कमलिणि भणइ स-धासु ।
 किं वोलेवइ हउं वि को वि लहिमु सचिव अवकासु ॥

[११४]

जमिह तुहं ता दिदु धणकुमरु
 संतुददु एम्बहं हयउ मह सही वि तल्लिहिय-दंसणि ।
 हउं थक्क जोयंतिय वि तुम्ह वयण अह भणितु तक्खणि ॥
 सचिविदिण - नणु सुयणु किह तं पि न पूरसि चित्ति ।
 स-वियप्पिउ जंपिवि सयलु इच्छ-पमाणिण तित्ति ॥

१११. ३. वयणण. ६. पसन्निय. ८. क. तह; निहिहि.

११२. ३. क जलहि. ६. सोयग. ८. कि blurred; ख. वि हारु left out.

११३. २. क. कुमारिहि. The letters after अ lost in क. ३. पसरिण.

४ क.तं. ९. क. सचिव.

११४. ५. क. The portion between अ and त lost.

[११५]

नणु महामद् एहु जइ एम्ब

ता साहसु वित्थरिण मद् मृ अन्थि धणकुमरु केरिसु ।
 जसु स-धराधर-धरहं फुरइ विमल-जस-पसरु एरिसु ॥
 जासु नामेण य मह सहिहि एरिस हूय अवत्थ ।
 तयणु पयंपइ सचिवु — नणु इइ कइ सुयणु महत्थ ॥

[११६]

जमिह अणिमिसु तग्गि मुर-इंदु

पायालि फणिंदु पुणु निष्कुत्त-विम-द-सियाणणु ।
 हरि कालउ पेंदु हरु हुत्तुमकेउ संचर-निमुंभणु ॥
 सायरु स्वारउ रवि तवइ रयणीयळ म-कळंकु ।
 सो उग मयत्तेहिं वि गुणिहिं मदुउ सुयणु नासंकु ॥

[११७]

इय अणेगहिं कुमर-गय-कहहिं

पावंत-गुरु हरिम भरु कुमरि गमद् केत्तिय वि वासर ।
 अह पनड लग्ग-दिणि सविहि-मीः नि-वज्ज मुंदर ॥
 पुरिस पयंपहिं तुट-मग पय-पउमं पणमेवि ।
 विवत्तमयग-नरवडहि जइ पहु अविट्ठु करेवि ॥

[११८]

एह सयंवर-कुमरि तन्थेव

पेसिज्जउ बहु-वल्लिण कळिय मयल-जुव-मण-विमांहणि ।
 ता जुत्तउं जुत्तु इहु इय भणंतु नियु कुमरि कारणि ॥
 काराविवि स-निउत्त-नर-करिहिं पवर-सामग्गि ।
 पेसइ धणवइ अयलपुरि तोंसिय-सज्जण-वग्गि ॥

११५. ८. क. तणु पयं

११६. ९. क. सुयणु.

११८. ४. एहु.

[११९]

अह पुर-द्विय गमिर साणंद

मण-वेगिण पउर-वल- कलिय चलिय नरनाह-बालिय ।
 कुंदुज्जल-विउल-गुण- रयण-कित्ति-पसरिण-विसालिय ॥
 पमुइय-नरवइ-सचिव-वणि- तरुणि-तरुण-नर-विसरि ।
 थोवेहिं पि पयाणगिहिं पत्त अयलपुर-नयरि ॥

[१२०]

तयणु विक्कमधण-नरिंदेण

आणंद-समुल्लसिय- रेम-राइ-रेहंत-दिट्ठिण ।
 परिओसिय-धरणिअल वट्ठमाण-नर-तरुणि-निवहिण ॥
 तक्कालागय-सयल-महि- लोय-विहिय-उच्छाहु ।
 काराविउ गुरु-वित्थरिण धण-धणवइहिं विवाहु ॥

[१२१]

ता पणच्चिरि वार-तरुणि-यणि

पसरंतइ गीय-रवि दिज्जमाणि दाणंमि वंदिण ।
 गिज्जंतइ कुमर-निव- कित्ति-पसरि गायण-सहस्सिण ॥
 काराविउ वट्ठावणउं सज्जण-जणियाणंदु ।
 तियसामुर-विम्हय-करण- महिम-महहुम-कंदु ॥

[१२२]

अह स-हत्थिहिं करिवि सक्कारु

निय-वयणिण आलविवि कुंद-चंद-सिउ जमु समज्जिवि ।
 तक्कालागयउ जणु निय-निण्णु ठाणिसु विसज्जिवि ॥
 विक्कमधण-निवु धारिणिहिं धणु धणवइहिं समाणु ।
 उवभुंजइ वर विसय-मुह निरुवम-गुणहं निहाणु ॥

११९. ६. धणि. ८. क. पयाणगिहि.

१२१. २. क. पसरंतइ.

१२२. १. करि करिवि.

[१२३]

अन्न-वासरि मुहिय-खोणि-यल-

बहु-गंध-सिंधुर-तुरय- मुहड-रयण-संदण-सहस्सिण ।
 आऊरिय-धरणि-यलु नियय-वल्लिण बहु-संख-लक्खिण ॥
 गच्छंतउ उज्जाण-वणि मुणइ गहिरु पडिसदु ।
 तयणु वियप्पइ निय-मणिण कुमरु सु भाविय-भदु ॥

[१२४]

अहह किं एहु अमर-गल-गज्जि

पसरंत-मेह-ज्झुणि व सुहिय-जलहि-गंभीर-रावु व ।
 वण-वारण-गज्जिउ व तियस-पहय-दुंदुहि-निनाउ व ॥
 वहिरिय-धर-गिरि-गयणयलु जं मुम्मइ निग्घोमु ।
 तियसामुर-नर-खयर-वर- तरुणि-जणिय-संतोमु ॥

[१२५]

ता मुणेविणु मणु कुमरम्मु

धणएव-धणदत्तएहिं कुमर-लहुय-वंधुहिं खणद्धिण ।
 मु-विणिच्छिवि तत्तु लहु भणिउ - भाय उवमम-समिद्धिण ॥
 भूसिउ बहु-मुणि-परियरिउ भविय-भमर-अरविंदु ।
 चिट्ठइ तियसामुर-सदहं धम्मु कहंतु मुणिंदु ॥

[१२६]

तयणु वियमिय-वयण-तामरमु

गुरु-हरिस-पुलयंकुरिउ सविह-विहिय-निय-सार-परियणु ।
 परिमन्निरु सुकय-फलु विहवु जम्मु जीविउ म-मुहि-यणु ॥
 जा गच्छइ केत्तिय वि पय पसरिय मण-कळोळु ।
 ता विक्कमधण-अंगरुहु पेक्खइ संजम-लोळु ॥

[१२७]

रयणि-रमणु व सहिउ तारेहिं
 सुर-सिहरि व पव्वएहिं कप्प-विडवि इव सेस-साहिहिं ।
 सुर-नाहु व सुर-गणिहिं रायहंसुरिव बहु-वन्नायहिं ॥
 गंध-गइंदु व करि-कुलिहिं सहिउ विविह-साहहिं ।
 कंचण-कमल-निसन्नु मुणिवरु जुउ गुणिहिं व्हहिं ॥

[१२८]

तयणु तक्खणि मुक्क-निव-चिंधु
 पंच-विहिण अभिगमिण पविसिउण सूरिहि अवग्गहि ।
 करयंजलि सिरि रइवि परिविमुक्क-माणसु असग्गहि ॥
 पणमिवि सूरिहि पय-पउम कुमरु मणिण संतुट्ठु ।
 वंधु-पिया-परियणिण सह उचियासणि उवविट्ठु ॥

[१२९]

तयणु निमुणिवि धम्मु खणु एगु
 संपाविय-अवमरिण विणय-पुट्ठु विण्णत्तु कुमरिण ।
 नणु मुणिवर एरिसिण तुज्झ सयल-उक्खण-सरीरिण ॥
 ओसप्पंत-समग्ग-सिरि विसय-सुहिहिं निरवज्जु ।
 एगच्छत्त-वग्गुंभरहं चिरु पालिज्जइ रज्जु ॥

[१३०]

अवि य जोव्वणु पढमु तणु-कंति
 संपत्त-निहयण-विजय-रूवु विजिय-विसमसर-सिरि-मउ ।
 ल्हायणु वि लवणुयहि जिणइ तेउ कय-भूर-संसउ ॥
 सुकुमारत्तु सिरीस-तरु-कुसुमाइं विसेसेइ ।
 ता तुह गुण एक्किण मुहिण मुणिवइ को वन्नेइ ॥

१२८. ५. क. असग्गहि.

१३०. ३. विजय. ५. मुणिवर.

[१३१]

कुणइ निरुवसु वयण-विण्णाणु
 मण-मोहु तियसामुरहं लल्लिउ भणिउ तीरइ न वयणिहिं ।
 हसियं पि हु हरइ मणु सयल-भुवण-वट्टं-तरुणिहिं ॥
 वयणह नयणह वच्छयल- कर-पल्लव-चलणाहं ।
 लक्खणु लक्खु वियक्खणहं किं अम्हारिसु ताहं ॥

[१३२]

ता निवेयसु मज्झ पसिऊण
 वेरगिण केण तइं गहिउ चरणु दुक्करु इमेरिसु ।
 अह जंपइ सुणि-वसहु सुणसु कुमर वेरग्गु जारिसु ॥
 जायउं मह वय-गहण-दिणि जणिय-मविय-उव्वंउ ।
 जं भणंतु वि सुह-मइहिं कसु न कुणइ संवेउ ॥

[१३३]

तहा हि

आसि सुंदर मगह-विसयंमि
 सिरि-कंचणपुरि नयरि पउर-विहव दो वणिय-सुत्तय ।
 सुकुलुभव गुण-निलय विउल-धम्म-कम्मोवउत्तय ॥
 मिय-भासिर धिर-चंकमिर निम्मल-कित्ति-निहाण ।
 निविड-सिणेह सहोयरय सीह-वसंतमिहाण ॥

[१३४]

अन्न-दिणि पुणु भणिउ लहु वंधु
 एगंति निय-पिययमहि पाव-मण मयणसिरि-नामिण ।
 जं दीसइ इह भवणि तेण लहु वि न हवसि स-कम्मिण ॥
 तुज्झ सहोयरु जेट्ठु इहु निच्चु वि वयणिण मिट्ठु ।
 अविहिय-वयण-वियारु पुणु चिट्ठइ चित्ति विणट्ठु ॥

१३१. ४. ख. हसिउ हरइ हियय पि. ८. क. हर. विक्खणहं.

१३४. ६. एहु.

[१३५]

जमिह आणिवि नियय-दइयाए

निय-धूय-निय-नंदणहं तुह परोक्खु बहु-खंड-खज्जई ।
 कत्थूरिय-कुंकुम वि वेत्तु कुणइ इच्छियई कज्जई ॥
 अवसारेविणु यिहवु रहि वंधइ निविडी गंठि ।
 धुत्त-सिरोमणि सीहु इहु अमय-महुरु पुणु कंठि ॥

[१३६]

ता खणद्धिण फुरिय-गुरु-कोवु

कंपंत-सव्वंगु निय- पियह पुरउ सु वसंतु जंपइ ।
 नणु पाविणि वयणु तुह एहु सुणिवि मह मणु वि कंपइ ॥
 तं सम-सीलु अ-वंचणउं कय-कुहुं-कज्जा य ।
 मह पिउ-समु गुरु-बंधु सम जगणिहि भाउज्जाय ॥

[१३७]

ता किमन्नहं घरहं मेलेसि

मह भवणु वि दुह-मइ इय अईव विसरिसु भणंतिय ।
 अह मोणिण मयणसिरि थक्क वयणु दइयह सुणंतिय ॥
 अन्न-दिणम्मि उ वज्जरइ अन्नयरिण रुवेण ।
 तह जह झत्ति वसंतह वि मणु खंडियउं लवेण ॥

[१३८]

तयणु इयरिए लद्ध सुइ-वेहु

पक्खित्तउ मुसलु लहु नियय-दइउ निरु विप्पयारिवि ।
 ता वंधवमुल्लवइ भाय भाउ मह को-वि वियरिवि ॥
 भवणु विभिन्नउं दाउ कु वि करि मह मण-संवित्ति ।
 खंडइ मणि पुणु एक्क-हरि हारिज्जइ गुरु कित्ति ॥

१३५. ८. एहु.

१३६. १. क. कोव.

१३७. १. क. खंडियं; ख. खंडियंउं.

१३८. १. क. इरिए.

[१३९]

अह सुणेविणु वयणु तमउव्वु
 सो सीहु समुल्लवइ वच्च होसि तुहुं कमु विभिन्नउ ।
 तुह वयणेण वि इमिण जाउ झत्ति हउं मणि विखिन्नउ ॥
 इय एहु धणु कणु सुहि-सयणु मंतिउ सयलु तुहेव ।
 मह संपइ-गइडउ गयउ परिथक्कइ लीहेव ॥

[१४०]

इय विचित्तिहिं सीह-वयणेहिं
 उवसंत-अमरिसु पुणु वि भणिउ अन्न-वासरि कळत्तिण ।
 गामेल्लुय लुब्भविउ नेण धुत्त-तिल्लएण स-सत्तिण ॥
 अहव न गेण्हइ पुणु वि पुणु कहियं पि ह्नु इयरेण ।
 रत्तउ दुट्ठउ मूढ-मणु वुग्गाहिउ वि परेण ॥

[१४१]

धरिउ भुग्गहं भरिउ तयराहं
 तुह दिण्ण सुत्थय वहुय तेण तं सि पत्तिन्नु मुद्दय ।
 न पडिच्छसि मह वयणु जुत्ति-जुत्तु वि ह्नु मणिज सुद्दय ॥
 मउयउं सुहिहिं समुल्लवहिं विंधहिं खरउं जि धुत्त ।
 न परिच्चयहिं स-कम्मयर कहमवि सुहिए पउत्त ॥

[१४२]

अहव किं मह इयर-भणिएण
 तं दासु तस्सु वि हवसु जाक्-जीवमवि मुल्ल-वज्जिउ ।
 अ-कयण्णुअ अ-बुहु वुह-हील्लणिज्जु दह-जडिम-तज्जिउ ॥
 एत्थ भल्लज्जसु सुएहिं सहं हउं पुणु कमु वि न दासि ।
 अच्छिसु पेइय-हरि वि ठिय निय-बंधवहं सयासि ॥

१३९. ३. तुम्ह ८. संपइउ गहुउ गउ. ९. परिथक्क

१४०. ४. लुब्भविउ. ९. क. यरेण.

१४१. ४. क. मह. ६. क. पुद्दय. ७. क. विधदं.

[१४३]

दिट्ठ एत्तिउ काल विण्णाणु
 सच्चविउ पुरिसत्तणु वि मुणिय स-पिय-पडिवंध-चंगिम ।
 सु-विणिच्छिय कम्म-णय कलिय तुज्झ स-कुटुंब-वडिम ॥
 एम्बहं ध्राइय तुह गुणहं मुयसु हंत जीवंत ।
 न उ सक्कउं अवराह-पय पेक्खिउ इह चिटंत ॥

[१४४]

इय विचित्तिहिं वयण-रयणेहिं
 तह केण वि विप्पिणण विहि-वसेण तक्काल-भाविण ।
 तह क्हमवि वुज्झविउ जह वसंतु भाविउ स-कोविण ॥
 तयणु पयंपइ पुरउ गुरु-बंधुहु गंतु तुरंतु ।
 जह धुवु अज्ज मरेसि तुहुं मज्झ वि भागु अ-देंतु ॥

[१४५]

अहह बंधव किमिह वज्जरसि
 तुहुं अज्ज एहु निट्ठरउं रोस-अरुण-लोयणु अयंडि वि ।
 किं कत्थ वि दूहविउ तं सि अज्ज मइं वयणु खंडिवि ॥
 इय जंपंतउ पुणु वि पुणु भणिउ वसंतिण सीहु ।
 अरि पुणरुत्तु समुल्लविरु किं हारहि निय-दीहु ॥

[१४६]

जमिह दिट्ठउ तुज्झ सञ्भावु
 विण्णायउ तुह चरिउ मुणिउ तुज्झ विलसिउ असेसु वि ।
 अह सीहु समुल्लवइ किं कहं ति साहसु विसेसु वि ॥
 हुंहुं मइं जाणिउ अज्ज तुहुं मन धवलिय धवलेसि ।
 एयह वारह अग्गहउं फुडु तुहुं जि विणासेसि ॥

१४३. २ क. पुरिसत्तण. ५. क. ख. वडिम. ७. क. The first letter is partly blurred.

१४४. १. क. रयणाइ; रयणहि.

१४५. ५. क. ख. मइं. खंडिवि. ८. क. पुणुरुत्तु, ख. मुणरुत्तु.

१४६. २. क. मुणिय. ५. दाहेति. ७. क. The portion following मन is lost. ८. क. एयह वा lost.

[१४७]

इय पयंपिरि चत्त-दक्खिणि

निय-बंधवि फुरिय-दुहु सीहु लग्गु स-मणिण वियप्पिउ ।
 मइं वंधुहु सह घरिण भवण-सारु सयलु वि समप्पिउ ॥
 तो वि न मन्नइ मह वयणु स-पियहि हरिय-विवेउ ।
 अहव न विनडिउ को विहिण बहु-विहु दाविय-खेउ ॥

[१४८]

अहह महिलहं किं पि माहणु

चिर-रूहु जि नेह-भरु सोयराणमवि इह हरावहिं ।
 निय-वुद्धिण पयडिउण विळिय-सयइं अगहंतु दावहिं ॥
 मइरा-विरहिण मय-जणय भोयण-विणु अमुईउ ।
 निइ-विओगि वि मोह-यर तिप कमु दिति रईउ ॥

[१४९]

तरुणि तिक्खिय निसिय-असिणो वि

दुग्गम्म गिरि-मग्गह वि हियय-डाह-जणणिय दवाउ वि ।
 निरु दुत्तर जलहिणो वि चवल-चरिय सरयभयाउ वि ॥
 इय कमु होंति भवोयहिहिं तरुणि-तरंड-सुहत्थु ।
 दुम्मइ-पवण-पणोल्लिप जि कुणहिं पाणि अ-कयत्थु ॥

[१५०]

इय विसूरिवि स-ग्ररु घर-सारु

सो वियरेविणु बंधवह जाइ सीहु अन्नत्थ कत्थ वि ।
 विहवेइ य वहु विहवु वसइ पंच-दियहाणि जत्थ वि ॥
 अह तसु किञ्चि समुल्लसिय अवजसु सुणिवि पियस्सु ।
 जंपइ मयणस्सिरि हय व नज्जइ दइय अवस्सु ॥

१४७. ८. क. अह.

१४८. २. क. ख. ज

१४९. १. क निरिक्खिय. ५. क. °भयाओ वि.

१५०. ८. क. हयय.

[१५१]

जेद-भाइण तुज्झ सन्वस्सु

पच्छन्नु लुडिवि लयउं तेण कित्ति वित्थरिय तसु इह ।
 तुह वियरिय-धण-लवह पेक्ख फुरइ अवकित्ति इह किह ॥
 धणवंतहं गउरवु हवइ धवलइ कित्ति दसास ।
 रिउ वि वाहिणि जिउ इयर विहलउं भमहिं हयास ॥

[१५२]

अह स-कम्मिण क्षीण-णिय-विहवु

हय-दइय-भासिय-वसिण फुरिय-रोसु पसरंत-मच्छरु ।
 अविवेइय-कज्ज-करु गरुय-दप्प-दुहंत-खंधरु ॥
 रदि जेद्वह भायह पुरउ भणइ रोस-रत्तच्छु ।
 मज्झ वि वियरिवि किंपि धणु परम-सुहिण तुहं अच्छु ॥

[१५३]

मरइ धन्नह तणिय सद्धाहं

स-धरे वि दीणाणणउ एक्कु एक्कु खायइ पिणइ य ।
 ता संतह जुतु इहु भाइ कह वि किं कहसु भाइय ॥
 इय भणिरेण य दाहिणिण करिण गहिय असिधेणु ।
 जाव वसंतिण ता भणिउ सीहिण - भाय म रेण ॥

[१५४]

खिवहि मत्थइ जणणि-जणयाहं

वंसस्सु अप्पच्चए वि दुद्वह महिल-वयणिण विडंविउ ।
 मह दिट्ठिहि अवसरसु धेतु घरु वि विहविण करंविउ ॥
 हउं पुणु जाइसु तहं कहं वि जाहहं पुणु न वलेसु ।
 एहु घरु एहु धणु एहु सयणु अच्छइ तुहं जि भलेसु ॥

१५१. २. लुडिवि.

१५२. ८. वियरिवि. क. किंपि missing.

१५३. ४. तो. एहु.

१५४. क. पुण; कहवि.

[१५५]

अह विउज्झिवि स-यरु घर-सारु
 सुर सिहरि-समाण-मणु सीहु सीहु इव गरुय-वित्कमु ।
 थी-चरितुविवग्ग-मणु अणुसरेवि पुव्वप-नर-म्कमु ॥
 सिरि-सुंदर मुणिवर-पुरउ झत्ति गहत्तु चरित्तु ।
 सुर मंदिरि सु चरिय-चरणु जायउ तियमु पवित्तु ॥

[१५६]

अह वसंतु वि थोव दियहेहिं
 परिझीण-असेस-धणु दूट्ट-मदिल-वेळविय-जीविउ ।
 कह कहमवि इह मणुय लोड पंच-दियहाणि मंठिउ ॥
 अयगय-वुत्तंतिण जणिण वहविहु हील्लिज्जंतु ।
 अ-लहंतउ अग्गि विथ वणि सयणहं दुक्खइं देंतु ।

[१५७]

अन्न-वासरि पुरह नीहरिवि
 गच्छंतउ तविय-मणु मिलिउ बाल-तवसियह एगह ।
 अह निमुणिवि भम्म-कह तस्सु मम्म अमुणिय-विवेगह ॥
 तावस-दिवस्स पवज्जिउण कय-तक्कहियायारु ।
 जाइवि जोइसिउ सु उचिउ भुंजइ मुह-पम्भारु ॥

[१५८]

अह भमेविणु दूह-सहस्संमि
 संसार-सायरि सुइरु तारिसेण निय-हम्म-जोगिण ।
 अलि-हर-गल-नील-तणु- कंति दूर-विहरिउ विवेगिण ॥
 वहु-विह-जिय-सय-संदरण- परिविप्फारिय-दप्पु ।
 जाउ वसंतु इहेव वणि गुरु दिट्ठीविस-सप्पु ॥

१५६. १ क. घरसारु.

१५६. ३. क. वेळविउ.

१५७. ६. पयज्जिहवि.

१५८. ६. वहुविहि. ९. क. अरु.

[१५९]

सीह-तियसु वि सुइरु अणुहवि
 सोहम्म-समुब्भविय- सुह-सयाई तह तियस-सत्तिण ।
 आराहिवि सयल जिण निच्च विहरमाण वि य भत्तिण ॥
 तत्तो चविवि ठिइ-क्खएण गयउर-नयरि-निवस्सु ।
 पायड-गरुय-परक्कमह सिरि-सुरिंद-नामस्सु ॥

[१६०]

सरय-ससहर-सील-सिगार-

सव्वंग-सिगारियह विमल-कित्ति-धवल्लिय-दियंतह ।
 गय-गमणिहि ससि-मुहिहि मयणकलिय-नामह कलत्तह ॥
 निरुवम-सिविणुवमुइयउ मु-ल्लिय-चरणु सु-पक्खु ।
 जायउ नंदण-रयणु कल-हंस-समाणु सु-दक्खु ॥

[१६१]

एत्तिअवसरि तस्सु नीसेस-

जण-जणिय-गरुयच्छरिउ सयल-मंति-सामंत मेलिवि ।
 चारय-घर-नियलियह जणह दुक्ख-लक्खाइं वियलिवि ॥
 स-जणय-जणणिहिं बहु-महिम- पुव्वु वसुंधर-नामु ।
 दिण्णु तयणु अइरिण हुयउ कुमरु मु गुण-मणि-धामु ॥

[१६२]

अह वसुंधर-कुमरु संपन्न-

तारुणु नीसेस-सुहि- सयण-जणिय-आणंद-सुंदरु ।
 अणुगच्छिर-करि-तुरय- रह-पयाइ-चउरंग-वल-भरु ॥
 गच्छंतउ उज्जाण-वणि मुणि जुयलिय पेक्खेवि ।
 जाइ-स्सरणिण सरइ निय- पुव्व-जम्म-लक्खे वि ॥

[१६३]

ता विसेसिण सीह-वुत्तु
 निय-चिसि लहु संठविवि मयणसिरिहि वड्यरु वि सुमरिवि ।
 थी-चरिउव्विमा-मणु मोक्ख-सोक्खु मणि संपहारिवि ॥
 गुणहर-सूरिहि केवलिहि पुरउ वसुंधरु सिग्घु ।
 पडिवज्जइ भव-भय-हरणु चरण-रयणु निव्विग्घु ॥

[१६४]

तयणु अइरिण सुय-समुदस्सु
 पारम्मि पत्तउ सु मुणि मुणिय-दुविह-मुणि-किरिय-गोयरु ।
 आराहिय-परम-गुरु- आणु आण-वट्टंत-नरवरु ॥
 कम-संपाविय-ससि-विमल- चउ-नाण-म्मिसरि-रिद्धि ।
 आसन्न-ट्टिय-परम-सुह- चिंतामणि-सम-सिद्धि ॥

[१६५]

ता निहालिवि नियय-नाणेण
 पुरओ य पुच्छिवि गुरुहु पुव्व-वित्तु वड्यरु वसंतह ।
 सु-विणिच्छिवि इह वि वणि हुयउ भुयग इय तमु विचित्तह ॥
 पडिवोहत्थु इहागयउ हउं सु स-परियण-जुत्तु ।
 ता उवइदट्ठु सिरीसिवह पुव्व-जम्म-वुत्तंतु ॥

[१६६]

तयणु तेण वि जाइ-सरणेण
 पेक्खेविणु पुव्व भव गहिवि पंच दियहाणि अणमणु ।
 परिउज्झिवि पाव-तणु पत्तु विवुह-सल्लहिउ मुरत्तणु ॥
 मुर-भंदिरि सोहम्मि लहु तिण वसंत-जीवेण ।
 भुयगिण पुव्व-भविय-खविय-महिल-जणिय-पावेण ॥

[इति वसंतसिंहाख्यानकं समाप्तम् ॥]

[१६७]

इय समासिण मइं समक्खाउ

नरनाह-अंगुभविष्य तुज्झ नियय-वेरग्ग-कारणु ।
 जं निमुणिवि भविय-जण चरहिं चरणु भव-भय-निवारणु ॥
 तयणु वसुंधर-गुरु-वरिउ मुणिवि फुरिय-रोमंचु ।
 विक्कमधण-निव-अंगरुहु भणइ भणिइ-विहि-वंचु ॥

[१६८]

अहह मुणिवर चारु तुह चरिउ

वेरग्गि तेत्तिष्ठिण वि जेण चइय भव-भावि सुह-सय ।
 जं इयरि वि मुणहिं एह नउ कुणंति एरिसय अइसय ॥
 इय जीविउ तुह सुकय-फलु तणं जि पवित्तिउ लोउ ।
 ता मुणिवर तुह पय-पउम- सरणु जयस्सु वि होउ ॥

[१६९]

एत्थ-अंतरि मुणिय-वुत्तंतु

गुरु-हरिस-वियमिय-वयणु गहिय-सयल-निय-सार-परियणु ।
 विक्कमधण-धरणि-पहु गुरुहु पुरउ संपत्तु तक्खणु ॥
 अह पणमिवि गुरु-पय-पउम उच्चियासणि उवविट्ठु ।
 निमुणिवि देसण गुरु-तणिय अवसरि भणइ पहिट्ठु ॥

[१७०]

कहसु मुणिवर मज्झ पसिऊण

धणकुमरि गवभागयइ दिट्ठु सुमिणि धारिणिहिं देविहिं ।
 सहयार-तरु कुसुम-फल- भार-नमिरु कय-सेवु देविहिं ॥
 नवमिय-वारारोवियउ राय-मुएहिं कय-सोहु ।
 जं तसु को अत्थु त्ति अह मुणि-पुंगवु गय-मोहु ॥

[१७१]

मणिण पुच्छिवि पासि केवलिहि
 वुत्तंतु नीसेसु लहु दंत-कंति-धवलिय-दियंतरु ।
 परिसाहइ - निव-वसह सुणमु किंपि संपत्त-अवसरु ॥
 नव-वारारोवण-सरिस नव-भव-परिवटंतु ।
 बहु-बहुयर-किसलय-कुसुम- फलहं समिद्धि वहंतु ॥

[१७२]

भुवण-पणमिय-चलण-तामरमु
 हरिवंस-कुल-सिरि-तिलउ विमल-नाण-सच्चविय-तिहुयणु ।
 वावीसमु होइसइ नेमि-नाहु जिणु नमिर-सुर-यणु ॥
 तणउ समुद्विजय-निवह उवचिय-सिवु गय-लेवु ।
 एहु तुह सुउ चुय-तरु-सरिनु राय-गुएहि कय-सेवु ॥

[१७३]

इय सुणेविणु निवइ गुरु-हरिसु
 सामंत-सचिचाइ-जुउ नमइ गुरुहु पय-पउम पुणु पुणु ।
 अहिणंदइ धणकुमर- चरिउ धरिवि एगगु निय-मणु ॥
 जाव य अग्गिमु लगु गुरु- वयणु सुणेउ पहिट्टु ।
 ता सचिविण होइवि सवणि जंपिउ जह — पहु उट्टु ॥

[१७४]

जमिह मगहाहिवह नरवइहि
 केणावि कज्जिण भवणि दूउ पत्तु चिट्ठइ तुरंतउ ।
 इय सामिय पसिय मह वयणु अज्जु किज्जउ निरुत्तउ ॥
 सूरिहि पय-पउमई पुणु वि वंदिज्जह आगंतु ।
 अह नरवइ मुणिवर-चलण पुणु पुणु पुणु पणमंतु ॥

[१७५]

पत्तु उट्टिवि नियय-भवणम्मि
 अन्नत्थ सु मुणीसरु वि गयउ समण-परियण-समन्निउ ।
 धणकुमरु स-धणवइ वि सु-गुरु-सिक्ख अमयं ति मन्निउ ॥
 जायउ जिण-सासण-कहिय-धम्मि सुभइय-भावु ।
 वट्टेइ य सव्वत्थ निरु पयडिय-सरल-सहावु ॥

[१७६]

इओ य-

सरिय-सरवर-रम्म-उज्जाणि
 पायाल-गहीर-उरु- फरिह-वलइ गुरु-साल-सुन्दरि ।
 जिण-मंदिर-सिहर-गय- कणय-कलस-किरणोलि-तम-हरि ।
 असरिस-पुर-सिरि-वित्थरिण तियसामुर-विसरस्सु ।
 हियइ वसंति वसंतपुरि सुरपुर-सरिसि अवस्सु ॥

[१७७]

विविह-नरवर-सहहे त्रिक्खाउ
 पिय-धम्महं सिरि-तिलउ दाण-विजिय-मय-मत्त-कुंजरु ।
 विउलासउ विउल-सिरि विउल-कित्ति-धवलिय-दियंतरु ॥
 पणय-सरणणउ मुहि-मुहउ पडिबन्नय-निव्वाहु ।
 आसि पसिद्धउ नामिण वि समुदवाहु सत्थाहु ॥

[१७८]

अन्न-वासरि विहिय-उच्छाहु
 निय परियण-परियरिउ सत्थवाहु स-निउत्त-पुरिसिर्हि ।
 घोसावइ सयल-पुरि पडिगिहम्मि जह - थोव-दिवसिर्हि ॥
 सिरि-कंचणपुरि जाइसइ समुदवाहु सत्थाहु ।
 बहु-संबल-करि-तुरय-रह- मुहड-विहिय-संवाहु ॥

[१७९]

इय समेज्जह अत्थि जइ इच्छ

कज्जंतु असेसमवि करि-तुरंग-रह-रयण-पत्तिण ।
 गच्छंतहं तुरह पहि समुदवालु साहिसइ जत्तिण ॥
 इय निमुणिवि किवि कोउगिण किवि चवलत्तणएण ।
 किवि विहवज्जण-माणसिण किवि अमुहत्तणएण ॥

[१८०]

केवि बहु-धुय-निय-कुहुवेण

उत्ताविय केवि वर- मंत-तंत-विज्जाहिकंखिय ।
 किवि पिमुण्हिय-हियय केवि उयर-पूरणि वि दुक्खिय ॥
 तिण सहं झत्ति समुच्चलिय कय-गरुयर-उच्छाह ।
 दीण दुहिय निव-सच्चिव-मुय वणिय सेट्ठि सत्थाह ॥

[१८१]

अह पहुत्तइ पवर-दियहम्मि

उवलद्धइ लग-वलि विहिय-सयल-मंगल-विहाणिण ।
 लहु चल्लिय पउर-नर- तरुणि-नियर ता सत्थवाहिण ॥
 संभासिवि मुहि-सयण-जण मग्गण सम्माणेवि ।
 दिण्णु पियाणउं देव-गुरु पय-पउमइ पणमेवि ॥

[१८२]

तयणु तिण सहं समय-नीईण

संचल्लिय समण-सय सम्म-मुणिय-जिणनाह-सासण ।
 परिवज्जिय-पाव-मण भविय-समुह-सिद्धंत-भासण ॥
 दस-विह-मुणि-आयार-रय गुरु-गुण-रयण-निहाण ।
 निम्मल-माणस मुणि-वसह धम्मघोस-अभिहाण ॥

[१८३]

तयणु मंगल-तूर-आराव-

आऊरिय-गयण-यलु चलिउ अग-मगम्मि स-हरिसु ।
 तकाळ-समुल्लसिय- किच्चि-भरिय-भुवणुयरु सु-पुरिसु ॥
 गच्छंतो य अणुक्कमिण तिण लोइण संजुत्तु ।
 एगयरस्सु महा-गिरिहि सविह-देसि संपत्तु ॥

[१८४]

तयणु गंडय-तुरय-सडूल-

हरि-पोय-सिंधुर-सरह- अहि-वराह-सारंग-खुगिहि ।
 भल्लुंकि-वणमहिस- वरहि-विरुप-सिव-चमरि-वगिहि ॥
 लहु-विक्खोहिय-पहिय-जणि निच्च-जलंत-हुयासि ।
 पविसइ अडविहि मज्झ-पहि एगह सरिहि सयासि ॥

[१८५]

ता खण्डिण तत्थ कत्तो वि

हर-गवल-सामल-पहिण गहिय-विविह-धणु-उवल-खंडिण ।
 वज्जाविय-सिगिण पउर-भिल्ल-वग्गिण पयंडिण ॥
 आगंतूण समुल्लविउ अरि अरि मेल्लिवि सत्थ ।
 अम्ह समप्पह धण- कणय-वाहण-पमुह पयत्थ ॥

[१८६]

अह परोप्परु लग्गु संगामु

अन्नोन्न-गुरु-मच्छरहं तत्थ तेसि दोणं पि पक्खहं ।
 ता भिल्लिहिं तक्खणिण दलिउ दप्पु वणि-मुहड-लक्खहं ॥
 तयणु गहिय सत्थाह-सिरि सयल सयंवर-पत्त ।
 नासिउ सत्थिल्लय-जण वि कह वि स-ठाणि पट्ठत्त ॥

[१८७]

किंतु कहमवि विविह-तव-सुसिय-

सब्बंगु मल-मलिण-तणु मोह-महण-जिण-वयण-भाविउ ।
 गुरु-तण्हा-लुह-विवस- करणु कम्म-हणणेक्क-गाविउ ॥
 छायहं पडिउ महद्दमह एगह नीसाहारु ।
 मुणि मुणिचंदभिहाणु फुडु गहिय-धम्म-निहि-सारु ॥

[१८८]

एत्थ-अंतरि दुसह-खर-किरण-

परितत्ति वमुहा-वल्लइ वरिस-माण-चित्थरिहिं दियहिहिं ।
 चायंतिहि तविय-तणु- दीह-मास-पसरियहिं लूयहिं ॥
 विकमधण-निव-अंगरुहु धणु धणवइहिं समेउ ।
 धणदत्तय-धणदेवेहिं वि संजुउ मज्जण-हेउ ॥

[१८९]

पत्तु केणइ विदि-निओएण

तोए वि गुरु-गिरि-सरिहि सन्निहाणि जा ता तह-ट्टिउ ।
 अवलोयइ मुणि-वसहु किंचि लविरु सिव-मग्गि संठिउ ॥
 अहह मरु-त्थलि कप्प तरु अहह रण्णि घण-बुद्धि ।
 अहह रोर-परि करि-कलहु अहह हूय मह तुट्ठि ॥

१८८. ७. क. समेव.

१८९. ७. क. The letters corresponding to घण are blurred. ख.
 घण. ७. क. बुद्धि

[१९०]

इय विचितिरु हरिस-पञ्भार-

पप्फुल्ल-लोयण-जुयलु उत्तरेवि करि-कलह-खंधह ।
 पिय-वंव-सुहि-सहिउ धुणइ चल्लण धणु सु मुणिचंदह ॥
 तयणु करिवि मुणि सज्ज-तणु सिसिरिहि उवयारेहि ।
 अन्न-पाण जहुचिय-विहिण पडिलाहइ स-करेहि ॥

[१९१]

अह महा-मुणि गहिय-आहारु

सिद्धंत-जंपिय-विहिहि करिवि होउ एगंति भोयणु ।
 सुह-आसउ विमल-गुण- रयण-रासि पणमंत-भवि-यणु ॥
 समुचिय-आसणि उवविसिवि धम्म-रयणु कुमररसु ।
 साहइ परियण-कलियह वि त्रिणय-नमंत-सिरस्सु ॥

[१९२]

तयणु विक्कमधण-महीनाह-

कुल-गयण-सारय-रयणि- रमणु भणइ सिर-रडय-करयलु ।
 मह साहसु पसिय तुहुं गरिम-थिरिम-जिय-सिद्धरि-महियलु ॥
 पत्तउ किह इह मुणि-वसह एरिस विसम अवत्थ ।
 अह मुणिचंदु समुल्लवइ मह कह एह महत्थ ॥

[१९३]

तह वि निसुणसु मज्झ वुत्तु

एगग्गु निय-मणु करिवि भणमाणु वित्थरिण रहिउ वि ।
 विक्कमधण-अंगरुह भावि भइ स-परियण-सहिउ वि ॥
 आसि सुरासुर-निव-निवह पणमिय-पय-अरविदु ।
 सिरि-भुवणोयर-पुरि गरुय- विक्कमु मोह-नरिदु ॥

[१९४]

जिणि पयासिय अगुरु-गुरु-बुद्धि ।

कय तत्त-अतत्त-मइ पहिय मग्ग-उम्मग्ग सेमुहि ॥
 संपीणिय-पीइ-तरु वाल-बुद्धि उवइट्ट सिव-सुहि ॥
 इसिउग्गाइय-नट्ट-रइ- राय-दोस परम्मु ।
 पयडिय-देवय-मइ सचिबु मिच्छइमण तम्मु ॥

[१९५]

जे य अग्नि वि द्दु वावार

अण्णाण-मयण-प्पमुह अंतरंग-रिउ वग्ग वग्गहि ।
 भुवणोयर-पुर-पहिहि मोह-निवह ति वि सेन्नि लग्गहि ॥
 विलसंति य तहं भुवण-यल्ल- जण-भुय-वल्ल भंजंत ।
 कुमइ कुदिट्ठि अविज्ज-रइ तरुणि भुवणि रंगंत ॥

[१९६]

तह समत्थिह मोह-रायस

हुइंत-निय-परियणह दल्लिय सयल्ल-रिउ-राय-दप्पह ।
 तियसासुर-निव-निवह- नाण-हरण-परम-विस-सप्पह ॥
 अमियअंत कुलवइ-सहस पूरिय-मयल्ल-पप्पमु ।
 अवरु असंववहारु इय विस्सुउ नयर-विमेषु ॥

[१९७]

तत्थ गोळय नाम धवलहर

बुक्कंत-संखेज्ज-गुण तम्मि एक्क-एक्केसु मंहय ।
 अंतग्गय संति बहु- लक्ख-संख सु-निगोय ओरय ॥
 तहिं एक्केक्कि समक्किरिय जुय-कुलपुत्त अणंत ।
 मोह-नरिंद-पयंड-वल्ल- रक्खिय गंति वसंत ॥

१९४. ७. क. The letters corresponding to दोस blurred.

१९६. ८. क. कुद्धिहि.

१९७. ७. क. बुल.

[१९८]

तहं अणंतहं मज्जि अहमासि

कुलुपुत्तु संसारियउ जीवु विहिय-मोह-वल मंडणु ।
 भवियव्वय नाम निय- पियह अकय-दह-आण-खंडणु ॥
 मिच्छद्दिट्ठि-अमच्च अण्णाण-मित्त-संजुत्तु ।
 ठिउ पुग्गल-परियट्ठ अणवगय-अंत-सु-दुहत्तु ॥

[१९९]

अन्न वासरि विहि-निओएण

भवियव्व-नाम-प्पियहं नियहं भणिउ - हउं सुहय अज्ज वि ।
 इह कित्तिउ कालु तइं संठिएण सद्दियव्व लज्ज वि ॥
 ता मइं सहिउ वि नीहरसु जह तइलोय-गयाइं ।
 तुह दंसेमि अणालसिण हउं सयलइं ठाणाइं ॥

[२००]

तयणु दइयह तणउ आपसु

मन्नंतु अणुगाहु व स-पहु कम्म-परिणाम-पेल्लिउ ।
 निय-भारिय-परियरिउ निरु तुरंतु तसु पुरह चलिउ ॥
 अह लहु संववहार-पुरि धूर अणंत दुमेसु ।
 स-पिय-निओइण ठिउ सुइरु बहुविह-दुह-विसमेसु ॥

[२०१]

पुहइ-पाणिय-जलण-पवणाण

नयरेसु संखाइयउ कालु थक्कु पत्तेउ दुत्थिउ ।
 ता वि-त्ति-चउरिंदियहं पाडणमु दुह-सय-कयत्थिउ ॥
 तत्तो जल-थल-नहयरिसु पंचिंदिय तिरिणसु ।
 हउं संखेज्जउ कालु पिहु पिहु ठिउ दुह-विहुरेसु ॥

१९८. १. क. नासि.

२००. ७. क. इर (?).

२०१. ५. क. कयत्थिओ.

[२०२]

तयणु नर-सुर-असुर-नरएसु

पुणरुत्तु उत्तावियउ नेहिं नेहिं दुसहेहिं दुक्खिहिं ।
 तह कहमवि जह न उह कहिउ सक्कु कय-वयण-लक्खिहिं ॥
 अन्न-दिणम्मि उ भणिउ हउं निय-दइयहं साणंदु ।
 पहु तुह दंसहुं चरण-निवु एम्महं सुह-तरु-कंदु ॥

[२०३]

किंतु दीसइ एह संमत्त-

सचिविदि अणुकूल-करि दलिय-दपि मिच्छत्त-मंतिहि ।
 अह वंतर-रिउ निविहिं सव्वओ वि परिगलिय-कंतिहि ॥
 आहारिय-पुव्वेहिं पुणु विमल-गम-पमुहेहिं ।
 अंतर-मिच्छिहिं चरण निवु उवल-भेइ सुहेहिं ॥

[२०४]

खंति-कवदण करिवि तणु-रक्ख

सु-विवेय-कुंजरि चडिवि सील-हारु हिययम्मि परिहिवि ।
 करि मदव-धणु धरिवि मुत्ति-अज्जवु वि विंध उब्भिवि ॥
 तव-संजम-अवितह-वयण- सोय-वाण संधेवि ।
 जीव-विरय-पासिण सवलु मोह-निवइ वंधेवि ॥

[२०५]

तुरिउ पविससु चरण-रायस्स

सेन्नम्मि नीसेस-मुह- फल-समिद्धि-वर-कण-पायवि ॥
 अह दइयइ वयणु एहु नियय-चित्ति निरु संपहारिवि ।
 धम्मघोस-सूरिहि पुरउ सयलु तह त्ति करेवि ।
 चरण-निवह स-परियणह वि ठिउ मणि आण धरेवि ॥

२०२. १. क. पुणरुत्तु.

२०३. क. मित्तिहि.

२०४. ८. विरिय.

[२०६]

अज्ज उण निय-गुरुहुं पय-पउम-
 कय-सेवु समण-विकरिय- करण-निरउ विहरंतु सत्थिण ।
 सह पत्तउ इह तयणु सत्थ-जणिण तक्करिहि घत्थिण ॥
 इयरेहिं वि जीवित्त-मणिहिं नासंतिहिं समणेहिं ।
 पत्त मुच्छु तरु-तलि पडिउ हउं विवसिहिं करणेहिं ॥

[२०७]

इयर पुणु जो हुयउ वुत्तु
 संजाय-तारिस-दसह मज्झ तत्थ न समत्थि सुमरण ।
 तई पुण हउं पडियरिवि विहिउ पत्त-पुणरुत्त-चेयणु ॥
 इह तुह लेसिण निय-चरिउ मयलु वि कहिउ कुमार ।
 अह वियसिय-मुहु धणकुमरु जंपइ स-समय-सार ॥

[२०८]

पसिय साहसु पुणु वि मुणिचंद
 निय-चरिउ गहिरक्खरहिं जमिह कहिउ तई मज्झ लेसिण ।
 तं जीवहं इयरहं वि अह बहुयउं एहु तुह विसेसिण ॥
 अह जंपइ मुणिचंद-मुणि पाएण एहु सव्वेसि ।
 नायव्वउं जीवहं चरिउ भवियहं नउ अन्नेसि ॥

[२०९]

अह विसेसिण फुरिय-गुरु-हरिस-
 रोमंच-राइण धणिण भणिउ - भयवमिह मोह-निवइहि ।
 अइ-भीसण-परिजणहं जणिय-भुवण-जण-गरुय-अरइहि ॥
 मिच्छदिट्ठि-अमच्चह वि तईं जि जणिउ विक्खोहु ।
 अन्नु कु तईं जिम्भ तिहुयणि वि एय-विसइ दक्खो हु ॥

२०७. २. क. दसहं.

२०८. १ क. पुण. ४. क. इयरह. ७. क. सव्वे वि.

२०९. ४. क. The letter corresponding to ज in परिजणह is blurred;
 ख. परिदाणह. ८. क. तिहुयण.

[२१०]

इय पसीउण मज्झ धणवइहि

धणदेव-धणदत्तयहं कइ वि पत्त माणुसिय-जम्महं ।
 संसारिय-सुह-विमुह- मणहं हियय-निसिय-सिव-सम्महं ॥
 दंससु अंतर-रिउ-महणु सम्मदिट्ठि-अमच्चु ।
 जह विक्कमधण-नरवइहि सच्चु हवेमि अवच्चु ॥

[२११]

अह कुमारह देव-गुरु-जीव-

अज्जीव-पुण्ण-प्पमुह- तत्त-सुगइ-मग्गोवएसिण ।
 उवदसिउ असम-सुह- फल समिद्धि-कप्पतरु-लेसिण ॥
 सम्मदिट्ठि-अमच्च-वरु चरण-निउइ वल-सारु ।
 ता विक्कमधण-अंगरुहु अहलीकय संसारु ॥

[२१२]

नियय-बंधव-दइय-परियरिउ

सिव-संगम-लोल-मणु धुणिवि चलण मुणिचंद-साहुहु ।
 तियसामुर-निव-निवह- नमिय-पयह जुग-दीह-बाहुहु ॥
 पुरउ पवज्जइ सुगइ-फल- कप्पहुसु संमत्तु ।
 विक्कमधण-निव-अंगरुहु भव-संसरण-विरत्तु ॥

[२१३]

अह महा-मुणि तस्सु लोगस्सु

उवयारु वहु-विहु करिवि मिलिउ कमिण विहरंतु गच्छह ।
 विक्कमधण-नरवइ वि निय-मुयस्सु ससि-किरण-सच्छह ॥
 वियरिवि रज्जु महा-महिण अणुसीलिवि वर-धम्मु ।
 हुयउ अणुकम-चत्त-तणु कर-गय-गुर-गिह-सम्मु ॥

२१०. ५. क. The letter corresponding to नि is partly blurred and can be read as डि or वि. मि bears marks of elision. ६ स दंससु.

[२१४]

धण-नरिंदु वि विजिय-पडिक्कतु

निय-कित्ति-धवलिय-भुवणु कुणइ जिणहं सक्कारु भत्तिण ।
 कारावइ जिण-भवण जिणहं विंव ठावइ स-सत्तिण ॥
 रह-जत्ताउ पयासवइ पयडावइ दत्तीउ ।
 वारावइ जीवहं मरणु सोहावइ गोत्तीउ ॥

[२१५]

कुणइ गुरु-यणि परम-सम्माणु

सम-धम्म पुण उद्धरइ हरइ दुरिउ पणमंत-जंतुहं ।
 आराहइ पय-पउम निच्च-कालु सिव-मग्ग-गंतुहं ॥
 न मुयइ कहमवि निय-मणह ससि-निम्मलउ विवेउ ।
 अइ-दुल्लभउ मुणिवि निरु जिणवर-धम्म दु-भेउ ॥

[२१६]

तह विवज्जइ जीव-संहारु

न अलीउ दढमुल्लवइ चयइ इयर-विहवु वि पयत्तिण ।
 पर-रमणि न आलवइ न वहु-धणिण मुब्भइ धरित्तिण ॥
 दिसि वय-गहणि समुज्जमइ जयइ भोग-उवभोगि ।
 न वि य अणत्थिण ववहरइ रहइ समिइ-उवभोगि ॥

[२१७]

दहु पयट्टइ भोग-उवभोग-

वय-विसइ पोसह-वइ वि चयइ विग्घु गुरु-संविभागि वि ।
 परिउज्झइ मण-पसरु मोहराय-मुद्दि दोसि रागि वि ॥
 अहव किमग्निण वित्थरिण सव्वत्थ वि दढ-सत्तु ।
 वट्टइ विक्कमधण-तणउ निरुवम-मुणि-सम-चित्तु ॥

[२१८]

काल-जोगिण उचिय पंच-विह

धणवइहिं सह विसय-मुह भुंजिरस्स सु-स्सिविण-मुइउ ।
 संजायउ अंगरुहु धण-निवस्सु अह वहु-विभूइउ ॥
 करिवि महसवु-वियरियउं नामु मुयस्सु जयंतु ।
 कम-पाविय-तणु-वुइइ अह चिट्ठइ महिहिं ललंतु ॥

[२१९]

अन्न-वासरि धणु-महीनाहु

उज्जाण-वाल्लिण नरिण उत्तिमंग-कय-पाणि-पुडइण ।
 विण्णत्तउ गुरु-हरिस- उल्लसंत-सव्वंग-पुल्लण ॥
 जह — जो देविण संभुणिउ आसि पुत्ति गुण-भूरि ।
 सो एहु अज्जुज्जाण-वणि पत्तु वसुंधर-सूरि ॥

[२२०]

ता नराहिवु करिवि सक्कारु

उज्जाण वाल्लय-नरह विहिय-चारु-सिंगारु वेगिण ।
 संचल्लिउ सह नियय- परियरेण गुरु-भत्ति-वंगिण ॥
 आलोए य पणामु करि पंच-विहाहिगमेण ।
 गुरु[य]-अवग्गहि पविसरइ समय-विहिण परमेण ॥

[२२१]

तयणु भत्तिण कय-पणामम्मि

सिव-संगम-वद्ध-मणि विहिय-सयल-कायव्व-वित्थरि ।
 उवचिट्ठइ नर-रयणि फुरिय-हरिस-सव्वंग-मुंदरि ॥
 तेण वसुंधर-मुणिवरिण सिव-पुर-पह-संवद्ध ।
 जलहर-गंभीरिण सरिण धम्म-क्कह पारद्ध ॥

२१८. ३. क. मुइय. ८. कम्म.

२१९. ३. पुल्लण. ६. क. ख. पुल्लण

२२०. Verse lines 8 and 9 are missing in क.

[२२२]

जह अ-सारउ एहु संसारु

भंडारु सयलहं दुहहं एत्थु जुत्तु न पमाउ विउसहं ।
 अइ-दुल्लह माणुसिय- जम्म-लद्धि पुणु अकय-सुकयई ॥
 पर-भव-साहणु धुवु पवरु विसय विवागिण दुट्ठ ।
 पिय-संजोगु वियोग-फलु सयण स-कज्जिण मिट्ठ ॥

[२२३]

चलिरु परियणु अथिरु तारुणु

परिगमिर असेस सिरि जीवियव्वु करि कण्ण-चंचलु ।
 अणुरत्तु वि तरुणि-यणु जणिय-दुक्ख-पम्भार-भिम्भलु ॥
 भिच्चु न सामिहि अप्पणउ सामि न भिच्चह होइ ।
 ता विहलु च्चिय इह जणिण अप्पु नडिज्जइ लोइ ॥

[२२४]

इय सुणेविणु गुरुहु वयणाइं

हर-दास-कुंदुज्जलइं धण-नरिंदु संवेय-भाविउ ।
 गुरु-सासणु सिरि धरिवि सुउ जयंतु निय-रज्जि ठाविउ ॥
 भव-विरइहिं सिव-लालसिहिं गुरु-यण-पय-भत्तेहिं ।
 परियरिउ धणवइहिं तह धणएव-धणयत्तेहिं ॥

[२२५]

अरिह-विंवहं करिवि सक्कारु

मणि आण गुरुयण-तणिय धरिवि जिणह सासणु पहाविवि ।
 अणुजाणाविवि सयलु सयणु स-मणु सिव-मग्गि ठाविवि ॥
 गंतु वसुंधर-मृणिवरहं पुरउ गरुय-रिद्धीए ।
 गेण्हइ दुहिय-सरणु चरण उक्कंठिउ सिद्धीए ॥

[२२६]

अह अणुक्कम-गहिय-वर-सिक्खु

निरसंग-चूडा-रयणु मुणिय-सयल-सत्थत्थ-गोयरु ।
 परिसीलिय-विविह-तवु भमिय-विविह-विस्संभरोयरु ॥
 अइरेण वि सो राय-रिसि मुणि-मंडलि गुण-जिदटु ।
 हुयउ करेविणु सयल-निय- गुरु-आएसु विसिदटु ॥

[२२७]

अह पवइदिर-चरण-परिणामु

जिय-अंति अणसणु करिवि वत्थु अथिरु भवि संपहारिवि ।
 आलोएवि दुच्चरिय द्वियइ पंच-नवकारु सुमरिवि ॥
 निरुवम-चिर(?)-पंचविह- विसय-मुहिहि रम्मम्मि ।
 अप्प-चउत्थु वि इंद-समु हुउ मुरु सोहम्मम्मि ॥

[२२८]

ता नमंसइ निच्च जिण-विंव

साणंदु निय-परियणिण विहिय-सेवु सयलम्मि महियलि ।
 सुस्ससइ भत्ति-भरु विहरमाण तित्थयर केवलि ॥
 लायणिण मुणि-मोहणिहि रुविण विजिय रईहि ।
 उवभुंजइ वर विसय-मुह स-हरिसु मुह-तियसीहि ॥
 इति श्री-श्रीचन्द्रमूरि-क्रम-क्रमल-भमल-श्रीहरिमद्रमूरि-विरचित-श्रानेमिस्वामि-राजी-
 मत्पोर्धन-धनवती-वस्तुव्यता-रूपलिदश-भव-द्वितीयः प्रथमो

भवः समाप्तः ॥इति॥

[२२९]

साहु-द्वियइ व लोय-मञ्जत्थि

सगो व्व मुर-सिहरि-वरि वुह-यणि व्व वेयइह-मंडणि ।
 निवइम्मि व बहु-विजइ जंवु-दीवि अवजस-विहंडणि ॥
 गिरि-सरि-नयरायर-पवर जिण-मुणि-निवह-पवित्त ।
 वामु समत्थि पसिद्धु अभिहाणिण भरह-क्खिन्नु ॥

२२७. ३. वित्थु. ५. ६. The portion between सुमरि and पंचविह is
 jlle 8 iblc in क. ख. निरुउसधिर. क. चउत्थ.

२२८. १. क. मंसइ. At the end of २२८ : प्रभाष' ५६८.

[२३०]

तत्थ निम्भर-झरण-झंकार-

आऊरिय-धर-विवरु गरुय-गंध-सिंधुर-भयंकरु ।
 परिकीलिर-खर-नहर- हरि-किसोर-सोहंत-कंदरु ॥
 सासय-जिणवर-मंदिरिहि निरुवम-रयणमएहि ।
 सोहिय-सिहर-सहस्सु परिमंडिउ विडवि-सएहि ॥

[२३१]

सरय-ससहर-विमल-कलहोय-

नीसेस-सिल-संचङ्ण हसिय-तरणि-रयणियर-मंडलु ।
 दद-विज्जा-सहस-वल- खेयर-निवह-निज्जिय-अखंडलु ॥
 निम्मल-रयणावलि-किरण- हरिय-तिमिर-पम्भारु ।
 भुवणच्चब्भुय-सिरि सयल- गिरि विस्संभर-सारु ॥

[२३२]

हरिस-निम्भर-हियय-कोलंत-

तियसामुर-खयर-नर- नाह-मिहुण-निवडिण विहसिउ ।
 बहु-चारण-समण-पय- पउम-मुहय-मिहरिहि पसंसिउ ॥
 नाणाविह-नहयर-नयर- मंदिर-विहव समिद्ध ।
 अत्थि समत्थ-गिरिंदु गिरि-वेयइढो त्ति पसिद्धु ॥

[२३३]

तत्थ सुरगिरि-तुंग-पायार-

दुग्गम्मु पायाल-तल- गहिर-परिह-रिउ-कुल-भयंकरु ।
 हिम-सिहरि-विसाल-गिह- पंति-पत्त-सिय-कित्ति-वित्थरु ॥
 जय-लच्छिहि संकेय-घरु मण-निव्वुइहि निवासु ।
 निरुवम-रयणहं रयण-निहि सुर-नयरहि संकासु ॥

[२३४]

वउल्ल-चंपय-दक्ख-खज्जूर-

सहयार-चंदण-वणिहि हरिय-तरणि-किरणोह-मणहरु ।
 मुमुपूरिय-खयर-वर तरुणि-वयण-हरिणंक-तम-भरु ॥
 विज्जा-मंत-महोसहिहि अच्छरियहं य निहाणु ।
 आसि पसिद्धु पुर-प्पवरु खरतेय-अभिहाणु ॥

[२३५]

समरि भवणि वि धरिय-वर-वाउ

निच्चं व सहल्लिष-विविह- मग्गणेहिं कय-कित्ति-वित्थरु ।
 निय-हियइण रज्जिअण वि विप्फुरंत-गय-कलह-मुंदरु ॥
 दोहिं वि भेइहिं मुह-अणय- विलसिर-करणायारु ।
 निरुवम-जोव्वण-रूव-सिरि दूर-विमुक्क-वियारु ॥

[२३६]

तुहिण-सिहरि व फुरिय-परमहिमु

जलहिं व्व पसरिय-उदउ नहयलु व्व पिउ रायहंसहं ।
 कप्पहुमु पणमिरहं कामधेणु नीसेस-विउसहं ॥
 निहणिय-दोसायरु जणिय- कमलायर-पडिवोहु ।
 खयर-प्पहु तहिं आसि सिरि- खरतेउ सूर-सोहु ॥

२३६. ३. क. ख. महयलु; ख. पियउ. ७. क. कमलायर.

[२३७]

तस्स पाउस-सिरि व थिर-थोर-

उत्तुंग-सिहरव्वभहिय- भुवण-हियय-मुंदर-पओहर ।
 गिरि-धरणि व्व पत्त-सिरि जाइ-वंस-वन्नय-मणोहर ॥
 सारय-रिउ व समुल्लसिय- समहर-निम्मल-मेह ।
 निय-भालियलिण परिविजय- नव-रयणीयर-लेह ॥

२३७. १. तस्सु. ५. क. जाय. The portion of the line following वय is lost in क.

[२३८]

रायहंसि व परम-पय-गमण

सिय-पक्ख महुर-ज्झुणिय कमल-कोस-विलसिर-विहारिय ।
 लायणिण जोञ्जणिण कित्ति-गुणिण तरुणि-यण-सारिय ॥
 पणइ-मणोरह-वित्थरिय- रायहंस-सयवत्तु ।
 आसि तस्सु खयराहिवह विज्जुमइ त्ति कलत्तु ॥

[२३९]

तेसि निरुवम-विसय-मुक्खाइं

साणंदु उवञ्जिरहं पुव्व-जम्म-कय-मुकय-जोगिण ।
 उवगच्छइ कित्तिउ वि कालु सुहिण कलियहं विवेगिण ॥
 अह सोहम्म-सुरालयह नियय-ट्ठिइ-पज्जंति ।
 परिसेविय-वर-विसय-मुहु धण-सुरु भासुर-कंति ॥

[२४०]

चविय निरुवम-सिविण-उवइट्ठु

विज्जुमइ-देविहि उयर- कमल-कोसि अवइण्णु तक्खणि ।
 खयरिंदह पणय अरि तप्पिय वि हुय उदिय-मुह-खणि ॥
 जायउ हरिमु समग्गहं वि विज्जाहरहं मणम्मि ।
 फुरिउ निवइ-देविहिं तणउ कित्ति-प्पसरु जणम्मि ॥

[२४१]

तयणु पसरिय-मुद्ध-परिणाम

संसार-सायर-तरण- पवहणाण जिग-नाह-पडिमहं ।
 कुव्वंती पूय पय वंदमाण मुणिवरहं परमहं ॥
 पणय-मणोरह-पसरु खणु एक्कु वि न वि चालेइ ।
 विज्जुवइट्ठिण विहिण निय-गच्छ देवि पालेइ ॥

२३८. २. ज्झुणिव य

२४१. ३. पवहणेण. ५. क वंदण माण.

[२४२]

समइकंतिहिं साइरेगेहिं

मासेहिं नवहिं ककमिण - पुव्व-दिसि व पसरंत-तम-हरु ।
 उप्पायइ तरणि-समु तणय-रयणु गुरु-तेय-मणहरु ॥
 अह ळहु सुल्लिय-नामियहिं दासिहिं खयर-नरिंदु ।
 विण्णत्तउ जह - पहु नियय- तणु-पह जिय-रयणिंदु ॥

[२४३]

सयल-महियल-एग-सामित्त-

संसिद्धि-स्रयग-असम- विहवु लक्ख-लक्खण-अलंकिउ ।
 इग-वयणिण सक्किण वि सयल-गुणिहिं वण्णणि असक्किउ ॥
 पुव्व-भवज्जिय-सरय-रयणिंदु-विमल-सुह-रासि ।
 लहु आगंतु वि नियमु निय- नंदणु देविहि पासि ॥

[२४४]

अह पओसिउ दाउ दासीए

आसन्न-वेणिउ पउरु दाणु दासि-भावु वि पणासिवि ।
 स निउत्तय-नरहं सुय- जम्म-महिम-कज्जु वि पयासिवि ॥
 हरिस-वियासिय-मुह-कमलु खयर-नरिंदु तुरंतु ।
 पत्तु तणुभव-जम्म-हरि परियणु वहि मेत्तंतु ॥

[२४५]

अह निरिक्खिवि नियय-तणु-कंति-

पञ्चमार-निज्जिय-तरणि तणय-रयणु खयरिंदु जंपइ ।
 मिग-लोयणि रमणियण- मज्झि तमिह सल्लिज्ज संपइ ॥
 पढम दिणम्मि वि सयल-दिसि- मंडलु उज्जोयंतु ।
 आयउ नंदणु जीए पहु तेय-भरिण दिप्पंतु ॥

[२४६]

इय विचित्तिहिं तणय-गय-कहिं
 पढमेल्लु वासरु खणु व सह पियाए नरवइ गमावइ ।
 नीसेसहं निय-महिहिं गुत्ति-खित्तु लोगु वि मुयावइ ॥
 वित्थारावइ कित्ति-भरु तह मग्गणहं पयाणु ।
 कारावइ नयरी-महिम तह गुरुयण-सम्माणु ॥

[२४७]

अह-अणुक्कमु किज्जमाणम्मि
 कायव्व-वित्थरि सयलि छट्ठ-रत्ति-जागरण-पमुहइ ।
 उव्वउत्त-निउत्त-नर- सुंदरीहिं सुहि-सयण-मुहयइ ॥
 पत्तइ एकारसमि दिणि जय-जण-जणियाणंदु ।
 चित्तगइ त्ति सुयस्सु वियरेइ नाम्मु खयरिंदु ॥

[२४८]

अह करावइ गरुय-वित्थरिण
 इयरा वि समग्ग विहि समय-उचिय जय-जंतु-मणहर ।
 आणवइ य पंचविह अंव-धाइ वसुदेवक-सुंदर ॥
 निय-निय-ठाणि विसज्जइ य जणु कय-वहु-सक्कारु ।
 परम-सुहामय-सित्तु सु वि चिट्ठइ खयर-कुमारु ॥

[२४९]

सिहरि-कंदरि कप्प-विडवि व्व
 सिय-पक्खि रयणायरु व गय-विग्ग-संघाउ अइरिण ।
 तणु-बुद्धिहिं पत्तु सह चंद-कुंद-सिय-कित्ति-पसरिण ॥
 पत्तावसरु महा-महिण कुमरु कलायरियस्सु ।
 वियरिउ निय-मइ-विजिय-तियसामुर-गुरु-बुद्धिस्सु ॥

[२५०]

सुलह-पुत्थय-पमुह-सामगि

अणुकूल-गुरुयण-दियउ पुव्व-जम्म-कय-सुकय-संचउ ।
 ससि-निम्मल-मइ-विहवु विहिय-पाव-पम्भार-अवचउ ॥
 गुरुयण-विणय-प्पमुह-गुण-रयण-रासि संजुत्तु ।
 अइरिण सयल-कलोयहिदि सो पर-पारि पट्टु ॥

[२५१]

तयणु गहिरिम-दसिय-सरि-नाहु

तुंगत्तण-तुलिय-गिरि थिर-सरूव-अहरिय-धरायलु ।
 तेयडिठम-विजिय-रवि सिसिर-भाव-उवहय-दिमायलु ॥
 असरिस-फुरिय-परक्कमिण निज्जिय-सीह-किसोरु ।
 सयल महीयल-सुयण-मण-रयणावहरण-चोरु ॥

[२५२]

पुहइ-सामिय दियय-मज्झन्धु

निव लोय-संतोस-यरु तरुणि-माण-दह-थंम-भंजणु ।
 उवसम-गुण-रयण-निहि पणय-सणु रिउ-गव्व-गंजणु ॥
 संतहं पढमु गुणिहि तिलउ दिक्खायरिउ वुदाहं ।
 हुयउ सु जोव्वण-भरि कुमरु मंदिरु परम-मुदाहं ॥

[२५३]

अह ठिइ-क्खइ ते वि तमु भाय

धणदेव-धणदत्त-सुर भुत्त-पंचविह-विसय-सुह-सय ।
 सोहम्म-सुरालयह चविवि जाय विलसत्त-अइसय ॥
 स्सरतेय-निवइदि तणय विज्जुमइहि संभूय ।
 डहरय तस्सु वि चित्तगइ-कुमरह वंधव हूय ॥

[२५४]

कमिण ताण चि असम-रूवाण .

सुहि-सयणाणंदयहिं सूरतेय-विज्जुमइ-देविहिं ।

सु-पसत्थइ लग्ग-दिणि विविह-खयर-परिविहिय-सेविहिं ॥

मणगइ-चवलगइ त्ति जय- पयड-दिण्ण-अभिहाण ।

अह कम-पाविय-वुड्ढि दु वि भवणइं हूय सुहाण ॥

इओ य -

[२५५]

तस्सु वेयड-(?) सिहरि-रयणस्सु

दाहिणय-सेदिहि पवरि निय-समिद्धि-उवहसिय-सुर-पुरि ।

सियमंदिर-नाम-पुरि पउर-खयर-नर-तरुणि-मुंदरि ॥

रुव-परक्कम-निज्जिणिय- पंचवाण-हरिणिंदु ।

आसि अणंगस्सीहु इय नाम पयडु खयरिंदु ॥

[२५६]

तस्सु लोयण-जुयल-उम्मेस-

मेत्तेण सुइय-तियस- असुर-तरुणि-विसरिस-सरूवय ।

पिय आसि समुल्लसिय- रुव-विहव-लायण-संचय ॥

सारय-ससहर-पह-विमल सील-रयण भंडार ।

ससिपह-नामिण पच्च-जस जय-तरुणीयण-सार ॥

[२५७]

तेसि असरिस-विसय-सुक्खाइं

साणंदु उवभुंजिरहं जाइ कालु कित्तिउ वि अन्नय ।

धणवइ-सुरु ठिइ खण्ण चविय हूय वर-रूव कन्नय ॥

तयणु धराणय-सय-सहस- खयर-स्सिरि-संकिण्णु ।

नामु महा-मह-पुव्वु तहि रयणवइ त्ति विइण्णु ॥

२५५. १. क. वेवय, ख. वेवय. ३. क. सिवपुरी.

२५६. ३. क. मरूवय, ख. रूवय.

२५७. ३. क. कित्तिओ.

[२५८]

अह अणुक्कम-पत्त-तारुण

समहीय-आस सकल सयल-तरुण-मण-हरिण-बंधण ।

निय-रूविण विजिय-रइ- रंभ-महिम मयणाणुसंधण ॥

अ-कुणंती परिणयण-कह अहगामइ दियहाणि ।

देत्ती दिट्ठि-पहागयहं तरुणहं मयण-दुहाणि ॥

[२५९]

अह निरिक्खि वि वाल तइ-रूव

खयरिंदु पणइणि-जुउ वि वाहरेवि तिहुयण-वियक्खणु ।

नेमिच्छि तसु पुरउ भणइ - भइ किं कु-वि सु-लक्खणु ॥

होसइ सुर-नहयर-तरुण- विहेसिणि-पगईए ।

विज्जाहरु महि गोयरु व पिययसु रयणवईए ॥

[२६०]

जमिह जोव्वण-भरिण उवलद्ध-

सव्वंग-निरुवम-सिरि वि तरुण-रयण-पत्थिज्जमाण वि ।

सविह-द्विय-सहियणिण बहु-वियप्पु तोरिज्जमाण वि ॥

सासिज्जंति वि बुइद्वियहिं अंव-धाइ-पमुहाहिं ।

रज्जइ कह वि न कुमरि एह मणिण वि विसय-कहाहिं ॥

[२६१]

अहव दीणिम कुणहिं जायंत

वइदंत चित्तं खिवहिं तवहिं निच्चु पर-भवणि जंतिय ।

पिय-चत्तिय देति दुहु विहर एंति अण-हुंत पुत्तिय ॥

दोहग्गिणिउ वि विहविय वि असुह-यरिउ जणयाहं ।

जम्म-दिणे च्चिय नयण-जलु ते दिज्जइ धूयाहं ॥

२५८. २. समहीभसिसकल. ९. नयणदुहाणि.

२५९. ४. तसु पुरउ. ७. क. विहेसिणि.

२६०. ९. मणिण दिविरायकहाहि.

[२६२]

इय अहं पि हु विविह-गुण-रयण-
 बिलसंत-मंजूसिण वि असम-कित्ति-धवलिय-महीण वि ।
 मणियाण वि सयल-कुल- महयरीहिं सह तस्सहीण वि ॥
 अ-पवज्जंति परिणयणु दुहियण रयणवईण ।
 चिहउं चिंताउरु सहिउ दइयण (वि) विगय-रईण ॥

[२६३]

अह परंपिउ ईसि विहसेवि
 साणंदु नेमिच्छिण नाह होसु मा तुहुं-सचिंतउ ।
 जं होसइ सयमवि हु थोव-दियह-मज्झि वि पविस्तउ ॥
 सुहय-सिरोमणि भड-तिलउ विवुह-वग्ग-तियसिंदु ।
 कुमरिहि रयणवइहि दइउ हियय-हारि खवरिंदु ॥

[२६४]

सिरि-सुमिच्छह निवह भइणीण
 कालिंग-निवइहि पियह हरिणि-जणिय दुहु तुज्झ नंदणु ।
 निय-विज्जावल-मुइउ कमलु सयल-रिउ-माण-खंडणु ॥
 विजिउण गेण्हिवि तवभइणि अप्पिवि तस्सु निवस्सु ।
 जो करिहइ भुय-वल-दलिय- रिउ-कुलु हरिसु अवस्सु ॥

[२६५]

जस्सु पत्तह सिद्ध-आययणि
 रोमंचिय-तणु-लयह गहिर-रविण थोत्तइं भणंतह ।
 आणंदिण पुणु वि पुणु तित्थ-सामि-पडिमउ नमंतह ॥
 साहुक्कार-पुरस्सरइं वर-परिमल-परमाइं ।
 उवरि पडिस्सहिं नह-यलहु पणपन्नइं कुसुमाइं ॥

२६२. ५. सहयरीहिं. ८. चित्तागह.

२६३. ५. क. ख. दियहं.

२६४. ५. सयलु.

[२६६]

जो य बहुविह-समर-संरंभ-
 संपत्त-कित्ति-प्पसरु हरिय-सयल-रिउ-कुल-मडप्परु ।
 अलि-मरगाय-गवळ-हर- गल-तमाल-दल-कंति-विथरु ॥
 तियस-विसेस-विइण्णु बहु-पुरिस-परंपर-पत्तु ।
 तुह गेण्हिस्सइ असि-रयणु तुममवि जिणिवि निरुत्तु ॥

[२६७]

सो सुरायल-तुंग-माहप्पु
 विज्जाहर-कुल-तिलउ निय-पयाव-निज्जिय-दिवायरु ।
 नायव्वउ रयणवइ कुमरि-दइउ पणमंत-मुह-यरु ॥
 इय निमुणिवि नेमिच्चियह वयणु झत्ति खयरिंदु ।
 चितइ हरिस-विसाय-भर- विम्हिय-मुह-अरविंदु ॥

[२६८]

अहह को मह दलिय-नीसेस-
 रिउ-नियर-मडप्परह हडिण माण-खंडणु करिस्सइ ।
 मुर-वियरिउ असि-रयणु दढ-पयावु एहु जो गहिस्सइ ॥
 अहव न विम्हउ धरणि-यलि गुरु गरुयर-भरियम्मि ।
 गरुयाहं वि मण-वल्लइ माण-रयणि हरियम्मि ॥

[२६९]

अहव एस वि मज्झ गुरु रिद्धि
 नर-रयणु जइ तारिसउ हवइ कह वि कुमरिहि पियत्तिण ।
 ता किज्जउ तस्सु अवलोयणत्थु आरंभु जत्तिण ॥
 इय परिभाविवि कारणिय माणव सदावेइ ।
 अह तहं सयलु वि खयर-वइ स-वियप्पिउ साहेइ ॥

एत्तो य -

[२७०]

जंबु-दीविहिं भरह-वासम्मि
नयरम्मि उ चक्कउरे जणिय-सुयण-आणंदु नरवइ ।
सुग्गीवय-नामु तसु आसि दइय नामेण जसमइ ॥
इयर वि भइभिहाण गुणवंत गहिय-सिक्खा य ।
तेसि तणुब्भव दोण्णि अणुकमिण भुवणि विक्खाय ॥

[२७१]

तत्थ पढमइ पढसु वर-रुडु
अक्खोहणु मइविउ नियडि-रहिउ निम्मसु वियक्खणु ।
आराहिय-सुहि-सयणु पणय-सरणु सु-पसत्थ-लक्खणु ॥
जिणवर-देवय-गुरुयणहं भत्ति-विहाण-पवित्तु ।
भुवण-पयासिय-जस-पसरु अभिहाणिण वि सुमित्तु ॥

[२७२]

सुउ कणिट्ठउ भइ-देवीए
पुणु तारिसु गुण-रहिउ विसम-सील-सम्भावु दुम्मसुहु ।
अ-कयण्णुउ अथिर-मइ अवुह-संगु अणहिमय-सिव-सुहु ॥
अगहिय-स-जणणि-जणय-मणु अविहिय-सुकय-निहाणु ।
रहिउ तहाविह-विमल-जस-गुणिहिं पउम-अभिहाणु ॥

[२७३]

अवर-वासरि विहि-निओएण
रमणीण चवलत्तणिण भव-दवस्सु दुह-हेउयत्तिण ।
अथिरत्तिण जोव्वणह विसय-सुहहं परिणइ-दुहत्तिण ॥
सुणिवि सुमित्तह कित्ति-भरु दट्ठु समिद्धि-पयाउ ।
भइ अभइयरण-रुइ विस्सु वियरेइ सु जाउ ॥

[२७४]

ता खणद्धिण नील-नह-दंतु

भज्जंत-असेस-तणु पसरमाण-लालाउलाणणु ।
 आगच्छिर-पउर-विस- वेणु दाह-जर-खुडिय-गुरुयणु ॥
 मुच्छ-समागम-विहुर-तणु लहु वि णिमीलिय-अच्छु ।
 पडिउ सुमित्त-कुमार परिमुद्ध-धरायलि हच्छु ॥

[२७५]

अह नराहिवु किं किमेयं ति

परिजंपिरु सुय-पुरउ गुरु-दुहत्तु धावंतु पत्तउ ।
 धाहाविरु परियणु वि खलिर-पडिरु दुह-जलण-तत्तउ ॥
 तत्थागंतु नराहिवइ- उवइठइं सव्वाइं ।
 कुणइ तुरंतउ तस्समप- निय-निय-कायव्वाइं ॥

[२७६]

तयणु तक्खणि मिलिय बहु वेज्ज

संपत्त तंतिय-तिलय विज्ज-मंत-सिद्ध वि पट्टु तय ।
 अह निय-निय-समय-विहि- किरिय सयल कुमार पउत्तय ॥
 किंतु कुमार-सिरोमणिहि तस्सु न को वि विसेसु ।
 जायउ ता नरवइ-पमुहु विलवइ लोउ असेसु ॥

[२७७]

अहह निय-कुल-गयण-हरिणंक

ससि-निम्मल-गुण-भवण चारु-चरिय सु-वियइह सुन्दर ।
 पिय-भासण गय-गमण हरिण-नयण तरुणियण-मणहर ॥
 पढम-वयम्मि वि नर-रयण ववगय-जोव्वण-दोस ।
 गुरुयण-वरुल्ल सुहि-सयण- हियय-जणिय-संतोस ॥

[२७८]

किं न संपदं पसिय संभासु
 वियरेसि निय-परियणह कइसि स-दुहु न य जणणि-जणयहं ।
 न य दिट्ठि-पसाउ किह कुणसि पियहं पहु विणय-पणयहं ॥
 अ-विणउ को वि न कुणइ तुह सुहय सुमित्त-कुमार ।
 ता उट्ठिवि लहु सुहि-सयण संभूससु जय-सार ॥

[२७९]

एत्थ-अंतरि स्वरतेयस्सु
 खयरिंदह अंगरुहु दुहिय-सरणु बहु-वल-समन्निउ ।
 वच्चंतउ नह-यलिण पत्तु तत्थ वंदियण-वन्निउ ॥
 सुगहिय-नामु महा-महिम्मु चित्तगई-अभिहाणु ।
 नियइ समग्गु वि तं नयरु विलसिर-सोय-निहाणु ॥

[२८०]

न वि य निम्भणइ मंगलुग्गारु
 न य कत्थवि भेय-झुणि न वि य ललिउ बोल्लंत मिहुणइं ।
 न य मंगल-तुर-रबु न वि य पट्ठिर-वंदियण-वयणइं ॥
 नवरि पहाविर-पडिखलिर- देवि-निवइ-मंतीहिं ।
 वियइ सुमित्तु तहा-विहु वि उल्लाविरु जुत्तीहिं ॥

[२८१]

तयणु गयणह अवयरेऊण
 सहस च्चिय चित्तगइ भणइ पुरउ वसुहाहिरायह ।
 मा नरवर सोउ करि करिमु सज्ज तणु तुज्ज जायह ॥
 अह नरवइ वियसिय-वयणु भणइ — पसिउ नर-रयण ।
 जीवावसु एहु कुमरु जह अहि वि जियहुं स-सयण ॥

[२८२]

अह सयं-कय-मंत-कवण

तक्कालालिहिय-गुरु- मंडळम्मि निव-कुमरु ठाविवि ।
 अविवितिय-वल-कलिउ को वि मंतु निय-मणि निवेसिवि ॥
 तह कहमवि सो चित्तगइ उवयरेइ जह झत्ति ।
 हय-निइ व उट्ठइ कुमरु गय-विस-वेगु तह ति ॥

[२८३]

अह वियंभिय-हरिसु वसुह्हिदु

उल्लसिय-ऊसव सचिव फुरिय-हरिस-रोमंच परियण ।
 सु-पहिट्ट अंतेउरि य जाय-गरुय-आणंद सज्जण ॥
 किं किं न कुणहिं मंगलिउ पयडिय-जस-पसराहं ।
 परिओसिय-सुहि-सज्जणहं दोण्ह वि तहं कुमराहं ॥

[२८४]

एत्थ-अंतरि नियय-दुच्चरिय-

वज्जहाय भिन्न-मुह- छाय निवइ-लहु-पिय अ-भइय ।
 अक्कोसिय-सयल-महि- जणिण सुणिय-वइयरिण भइय ॥
 अह लायणिण सिरिण निय- तणु-कंतिण वि मलाण ।
 वसुहाहिविण अल्लक्खिय वि लहु नासिउण पलाण ॥

[२८५]

अह सुमिच्छिण सुणिय-नीसेस-

बुचंतिण वज्जरिउ पुरउ चित्तगइ-खयर-कुमरह ।
 जह सु-पुरिस दुहिय हिय- करण दुल्ललिय-हिय-पसरह ॥
 किं वण्णउं तुह मंद-मइ मणुय-मेत्तु इग-जीहु ।
 को सक्कइ परिकलिउ वणि असम-परक्कमु सीहु ॥

[२८६]

जइ न हुंतउ पत्थु तुहुं पत्तु

निक्कारण-कारुणिउ गयण-पहिण असरण-सरणउ ।
 ता एत्तिउ कालु हउं होतु अकय-मुकउ विवण्णउ ॥
 परमज्ज-वि मह नर-भविण होयवउं सुहएण ।
 जं मेलावउ हुयउ तुह सरिसिण नर-रयणेण ॥

[२८७]

तह महायस तुह समासेण

आयारिण कहिउ कुलु ख्व-रिद्धि सयमवि निरिक्खिय ।
 उदयंतह दिणयरह पयडणेण न जयहिं सु सिक्खिय ॥
 तह वि पसाउ करेवि मह साहसु स-कुलुप्पत्ति ।
 जं सुमंत वि गरुय कह निहणइ अमुह-पवित्ति ॥

[२८८]

तयणु स-मुहिण कहिउमसमत्थु

निय-वइयरु चित्तगइ खयर-राय-कुल-गयण-ससइरु ।
 उचिय-टिइ-आयरण- निरय-चिन्तु उवरोह-मुंदरु ॥
 दाहिण-नयण-वियास-कय- संकेइण अणुयम्मि ।
 अणुमन्नइ इगु खयर-मुउ पत्थुय-कह-कहणम्मि ॥

[२८९]

ता खणद्धिण कहइ इयरो वि

नीसेसु वि चित्तगइ- खयर-बुमर-बुत्तंतु लेसिण ।
 अह नरवइ-पमुहु जणु सयलु गहिउ गरुएण हरिसिण ॥
 भणइय-सयमवि सप्पुरिस अहह परत्थि जयंति ।
 अहव महहुम पहि-यणह किं पत्थिया फलंति ॥

[२९०]

एतथ-अंतरि गहिर-सहेण

निव-काल-निवेयणिण भणिउ - देव दिण-इंदु संपइ ।
 दीवंतरि गमिरु लहु जणहं पुरउ नं एहु पयंपइ ॥
 एतथ न दिट्ठउ चित्तगइ- समु महि-भर-धुर-धवलु ।
 तो जोइवि दीवंतरि वि करिसु कह वि एहु जुयलु ॥

[२९१]

अहह सुंदरु पढिउ तई भइ

इय जंपिवि नरवरिण दिण्णु दाणु बहु वंदि-पुरिसह ।
 तव्वयणिण स-परियणु चित्तगइ वि सु सुमित्तण सह ॥
 पमुइय-नरवइ-पमुह-जण- कय बहुविह-पडिवत्ति ।
 मुर-घर-सरिसि विभिन्नि धवलहरि पढुत्तु झड चि ॥

[२९२]

अह परोप्परु दो वि ते कुमर

परिविलसिर-नेह-भर ठंति तत्थ कित्थि वि वासर ।
 ता पत्तउ कमिण महु- समउ जत्थ उवलद्ध-अवसर ॥
 माणिज्जहि पिय-संग-सुह पूनयहिं दईउ ।
 पसरहिं मलयानिल बहल पीडिज्जहिं विरहीउ ॥

जो य

[२९३]

जच्च-मिगमय-चारु-सिरिवंड-

वर-कुंकुम-सुरहि-बहु- कुसुम-दविण किज्जंत-छंटणु ।
 वण-विलसिर-कुसुम-महु- लुद्ध-भमर-परिविहिय-रुंटणु ॥
 मालइ-कुसुमामोय-भर- निहणिय-माणिणि-माणु ।
 ठाणि ठाणि भारहिय-कुल- पयडिय-निय-विण्णाणु ॥

[२९४]

कणिर-किंकिणि-जाल-रव-भ्रुहल-

स-धराधर-गिरि-विवर- नच्वमाण-पण-तरुणि-मणहरु ।
 निरु कोमल-कंठ-जुव- मिहुण-गेय-श्रुणि-श्रुवण-सुहयरु ॥
 करयल-वियरिय-ताल-रव- मीसिय-चच्चरि-सहु ।
 बज्जिर-पडहा-रव-मिलिय- लोय-दूय-संमहु ॥

[२९५]

पउर-अलि-उल-महुर-झंकार-

सवणसुय-निय-नयर- समुह-तुरिय-धावंत-पहियणु ।
 रयणायर-गहिर-सरि तरुण-मिहुण-किज्जंत-मज्जणु ॥
 परहुय-कुल-परिओस-कर- मंजरि-पसरिय-कंति ।
 विरहिय-मण-उत्ताव-यर सहयार-दुम-पंति ॥

[२९६]

जहिं सियाई वि कुंद-कुसुमाई

संजायई धूसरई पिय-विओइ कामिणि-भुहाई व ।
 वियलंति य माणिणिहिं माण-सविह दइयहं दुहाई व ॥
 लोद्ध-पियंगुहिं कुसुम-सिरि चत्त चवल असइ व्व ।
 सा वि हु अंकोल्लय-विहिय सिरि नव-गहिय-पइ व्व ॥

[२९७]

नलिणि-कामिणि सिसिर-काउरिस-

विच्छाडय-तणु-लय वि पत्तलच्छि किय महु-नरिदिण ।
 कणियार महु-दुम वि विहिय-सोह भर-कुसुम-रिदिण ॥
 कुरुवय-तरु पुणु घण-थणिउ तरुणिउ आलिगंति ।
 कामिणि-गंडूसएहिं पुणु केसर स-हरिस होति ॥

[२९८]

विरह-तरुवर पंचमुग्गारु

निमुणेविणु कुसुम-भरु लेति वउल विसएहिं पंचहिं ।
 इय विसयासत्त तरु जत्थ तत्थ किं कहउं अन्नहिं ॥
 इय एरिसइ वसंत-महि जुव-मण-हरणि पयट्ठि ।
 सहिउ मुमिच्छिण चित्तगइ पउणि तुरंगम-थट्ठि ॥

[२९९]

गंध-सिंधुर-कुल-कवोल-यल-

मय-वारि-धारा-सहस- समियमाण-रय-भर-वमुंधरु ।
 धुव्वंत-धयवरु कणिर- किंकिणीहिं संदणिहि मणइरु ॥
 उक्खय-सत्थ असंख-भड- भिउडि-भीय-पडिक्खु ।
 उज्जाणम्मि पहुत्तु लहु जल-कीलण-कय-लक्खु ॥

[३००]

तयणु चंपय-नाय-पुन्नाय-

नालियरि-लवली-लयहं नायवल्लि-मुहिय-लवंगहं ।
 खज्जूरि-सहयार-गुरु- ताल-साल-पोप्फलि-असोगहं ॥
 मालइ-मल्लिय-केयइहिं करुणि-कयलि-प्लाहं ।
 कप्पूरागुरु-चंदणहं पाडल-वियइल्लाहं ॥

[३०१]

खणु नियंतउ कुसुम-फल-रिद्धि

खणु वार-विलासिणिहिं ललिय-गीय-मुह-रसिण सित्तउ ।
 खणु हरिसिण मग्गणहं कुसुम-कणय-रयणाणि देतउ ॥
 खणु कारेंतउ भारहिय नट्टारंभ-विसेसु ।
 खणु कीलंतउ सह पवर- तरुणिहिं कमल-सरेसु ॥

२९८. ४. क. विसयासन्न.

२९९. ४. धयवरु (The last letter illegible.) ख. धयवम.

३००. ५. क. पोक्खि.

[३०२]

ललियमंदिर-नाम-उज्जाण-

मज्झमि परियण-सहिउ कुमर-रयणु संतुद्ध-माणसु ।
 परिचिद्धइ जाव खणु ताव तस्सु-जिय-हंस-सारसु ॥
 सवणम्भंतरि महुर झुणि अमुणिय-पुब्बु पविट्ठु ।
 अह चित्तइ खयरहिबइ- नंदणु धणिय पट्ठिट्ठु ॥

[३०३]

अहह किं एहु खुहिय-सरिनाह-

निग्घोसु मेह-ज्झुणि व वण-गइंद-गालगज्जियं पिव ।
 गंधव्वहं किन्नरहं महु-महुत्थ-संगीययं पिव ॥
 जं न इमेरिसु कह वि झुणि मुणिय-पुब्बु अम्हेहिं ।
 अहव न सरि सरि-हंस-कुलु दीसइ हिंडंतेहिं ॥

[३०४]

ता सुमिच्छिण मुणिय-वइयरिण

परिजंपिउ - नर-रयण एत्थ अत्थि सरि-सुजसु केवलि ।
 अवइण्णउ विविह-मुणि- निवह-सहिउ सु-विमुद्ध-महियलि ॥
 इय वंदिवि तसु पय-कमल सलहिज्जउ अप्पाणु ।
 अह चित्तगइ-कुमारु गुरु- भत्ति-विहाण-पहाणु ॥

[३०५]

सह सुमिच्छिण तह स-परियरिण

पवियंभिय-हरिस-भरु गंतु पुरउ गुरु-वल्लण-कमलहं ।
 सारय-रिउ-रयणियर- जुण्ह-सरिस-नह-कंति-विमलहं ॥
 कुमरु सुमिच्छिण कहिय-जिण- समय-विहिण पणमेइ ।
 अह कर-संपुडु सरि धरिवि उचियासणि निविसेइ ॥

३०२. ५. तस्सु जियहं.

३०५. ९. क. निवसेइ; ख. निवसोइ.

[३०६]

तयणु तक्खणि पत्त-सुर-असुर-

स्वयराहिव-नर-सहं कणय कमल उयरोवविट्ठिण ।
 भयवन्तिण केवल्लिण भविय-लोय-मण-जणिय-तुट्ठिण ॥
 निरुवम सग्ग-पवग्ग-सुह- रयणावलिहि निहाण ।
 पारद्विय मुणि-धम्म-कह भव-निव्वेय-पहाण ॥

[३०७]

इह हि चउ-गाइ-भीम-भव-रणिण

मणुयत्तण दुल्लहउं तह वि खेत्त-कुल जाइ-रुवहं ।
 निरुयत्तण-अक्खलिय- आउ बुद्धि-सद्धम्म-भावहं ।
 सामग्गी अविद्विय-सुहहं जीवहं अइ-दुल्लंभ ।
 ता मा चिट्ठहु भवि-यणहु अविद्विय-धम्ममारंभ ॥

[३०८]

अह मुणिदह पुरउ सिर-रइय-

कर-संपुहु चित्तगइ विण्णवेइ - मुणि-नाह पसिउण ।
 मह वियरसु को वि सिव- सुहउ धम्म उचियत्तु मुणिउण ॥
 तयणु मुणिदिण परिकलिवि चित्तगइहि जोगत्तु ।
 समय-विहिण वियरिउ पवरु सावय धम्म पवित्तु ॥

[३०९]

तयणु पाविय-रउज-रिद्धि व्व

उवल्ल-चित्तामणि व भवण-अजिर-सुय-कामधेणु व ।
 घर-उग्गय-सुरतरु व गहिय-सत्तु-चउरंग-सेणु व ॥
 हरिस-वियासिय-सुह-कमलु सिरि-चित्तगइ-कुमारु ।
 पुणु पुणु पणमइ गुरु-चलण जुयलु तिळोयह सारु ॥

[३१०]

एत्थ-अंतरि सुणिय-बुद्धं तु

सुग्गीबु नराहिबइ पत्तु पुरउ केवलिहि चलणहं ।
 दुट्ठद्वय-कम्म-रिउ- हम्ममाण-जय-जंतु-सरणहं ॥
 मन्नंतउ अप्पाणु कय- किच्चु मणेण पढिट्ठु ।
 पणमेप्पिणु गुरु-भत्ति-भरु उचियासणि उवविट्ठु ॥

[३११]

भणइ - सुणिवर कहसु पसिऊण

सा तारिस दुच्चरिय नीहरेउ कहिं भइ पत्तिय ।
 ता केवलि कहइ - नर-नाह नियय-दुक्कय-नियंतिय ॥
 तुह घरु मेल्लिवि नीहरिवि नयरंतरि गच्छंत ।
 वत्थाहरण-सणाह-तणु पहि चोरिहिं संपत्त ॥

[३१२]

तयणु हक्किवि हरिय-सव्वस्स

अवल्लोइय-सकय-फल लुह-पिवास-परिसुसिय-वयणिय ,
 कर-संपुड-पिहिय-पिहिय व्व दूरिहुय-दइय-सयणिय ॥
 बहु-मुल्लिण थी-लोलुयह पल्लीवइहि विइण्ण ।
 स-कय-अभइय भइ अह गरुयर-दुह-संकिण्ण ॥

[३१३]

रहु लहेविणु घरह नीहरिवि

परिवंचिय पल्लिवइ लोय-दिट्ठि-फुरियावसइय ।
 गिरि-मग्गिण नट्ट दह- वद्ध-मुट्ठि भइय अभइय ॥
 गच्छंती उ चउदिसिहिं दविण सविह-पत्तेण ।
 तह सव्वंगु निदइह जह कवल्लिय पंचत्तेण ॥

[३१४]

अह तहाविह-पाव-मरणेण

मरिऊण सा स-कय-हय- नरय-कुहरि घोरम्मि पत्तिय ।
 ता वयण-आगोयरिहिं दुह-सएहिं तहिं निरु निकंतिय ॥
 चिदठइ सुइरुव्वट्टिय वि चउगइ-भवि विरसाइं ।
 वह-छेय-प्पमुहइं दुहइं सहिहि नरय-सरिसाइं ॥

[३१५]

ता पकंपिर अंगुवंगेण

मुग्गीव-नरादिविण भणिउ - अहह कह तीए एह कह ।
 मह तणयह अवगरिवि हय जम्म सय-सहस दुस्सह ॥
 केवलि तयणु समुल्लवइ नत्थि दोसु एयस्सु ।
 एहु सामंतहं दोसु दुहुं सचिवस्सु य एगग्गु ॥

[३१६]

तयणु तक्खणि खुहिउ खोणिंदु

सचिविंद ठक्कुर डरिय कुमार सुहड दह दिहि जुयाविय ।
 सामंत असेस दह- माण-सिहरि-भंजणु कराविय ॥
 अवलोयहिं सवियक्क-मण अन्नोन्नइं वयणाइं ।
 तह केण-इ सव्वस्स-जुय नं हरियइं भवणाइं ॥

[३१७]

ता मुणिदिण भणिउ - नरनाह

सचिविंद सामंत इह अंतरंग वहिरंग इय दुह ।
 वहिरंगु नरिंदु तुहुं सचिव सेट्ठि सामंत एहि तुह ॥
 अंतरंगु मोह-निवु जय- सीस-पडिच्छिय-आणु ।
 तस्सु सचिवु दह-माण-धणु अत्थि मिच्छ-अभिहाणु ॥

३१३. १. क. भाहरवि. ३. क. पुरिया. ३१४. ५. निकितिय.

३१५. ४. क. अवगिरिय.

[३१८]

पयड-भुय-बल-दलिय-पडिवक्ख

तइलोय-कंटय-तिलय तस्स संति सामंत दोण्णिउ ।
 तहं दोस गइंदु गुरु वीउ राय-केसरि वि वण्णिउ ॥
 ते उण मय-मच्छर-मयण- अविवेय-प्पमुहेहिं ।
 जगु वि विडंबहिं परियरिय विसम-चरिय-चरडेहिं ॥

[३१९]

तेसि वसगय-जीव-जायम्मि

सामित्तिणि कित्तिय वि मूढ-हियय तिहुयणु वि तिण-समु ।
 मन्नंति निय-गुरुयणु वि अवगणिति न कुणंति उवसमु ॥
 तह सेविस्सहुं वर विसय करिस्सहुं वसि भुवणं पि ।
 पूरिस्सहुं निय-कणय-मणि- धण-धन्निहिं वसुहं पि ॥

[३२०]

इय विचित्तिर करहिं भिच्चत्तु

देसंतर परियरहिं विसहिं विसम-रण-रंग वसुहहं ।
 आरोहहिं गिरि-सिहरि तरहिं उयहि अणुसरहिं पावहं ॥
 कुणहिं अकज्जाइं वि न उण अकय सुकय पावंति ।
 फलु किंचि वि एमेव चिरु धरणीयलि धावंति ॥

[३२१]

तुह सुयस्स वि मोह-नरवइहि

आएसिण पहु-वयण- रुइण मिच्छअभिमाण-मंतिण ।
 पहु-अहिमय-विहि-चउर- चरड-सहिय-सामंत-जुत्तिण ॥
 दिण्ण-निओयहं भइयहं एरिस विहिय अवत्थ ।
 तुह मंतिहिं सामंतहं वि तहिं अक्कमहिं न सत्थ ॥

३१८. ८. क. जगु वडवहिं.

३१९. २. क. कित्तिह.

३२१. १. सुयस्सु.

[३२२]

अह नरिदिण भणिउ पणमेवि

मुणि-नायग मह कहसु संति के वि किं जेहिं वसुहहं ।
 फुरिपरिस-विक्कमहं दलिउ दणु पावाहं एयहं ॥
 ता पूरिय दह-दिहि-विबरु दंत-पंति-किरणेहिं ।
 भणइ मुणीसरु संति नय-चलण तिहिं वि भुवणेहिं ॥

[३२३]

धरण-धम्मह धरणि-नाहस्सु

दो नंदण जय-सैरण भुवण-मज्झि विक्खाय-गुण-गण ।
 वारह-दह-मुहड-जुय देस-सव्व-विरइ-त्ति-लक्खण ॥
 निहणिय-मोह-नरिद-धल सिय-जस-भरिय-दसास ।
 सिहरि-विवेय-गिरिहिं वसहिं पणयहं सहलिय-आस ॥

[३२४]

अह नरिदिण तेण तेणेव

वेरगिण कह कह वि सो मुमित्तु निय-रज्जि ठाविउ ।
 गुरु-रिद्धिण केवलहिं चलण-जुयलु तमु चेव पाविउ ॥
 जिणवर-गणहर-चक्कवइ सेविउ वेत्तु चरित्तु ।
 लद्धउं सगापवग्ग-पुर-आहिवच्चु मु-पवित्तु ॥

[३२५]

ता मुमित्तिण विहिय सक्कारु

अणुमन्निउ कह कह वि सूरतेय-स्वयरिद-नंदणु ।
 आमंतु वेयइठ मिरिराय-सिहरि साणंद-परियणु ॥
 चक्कंकर-सरि-सूर-सरवर-लक्खण-भुवणेसु ।
 पणमइ पयडिय-विणय-विहि जणणि-जणय-चलणेसु ॥

[३२६]

तयणु भक्तिण कुणह जिण-पूयः
 पडिलाहइ मुणि-वसह विहरमाण जिण-नाह वंदइ ।
 सम्माणइ सरिस-गुण सइह-कुलइं गुरुयणहिणंदइ ॥
 आराहइ सम्मत्त-धुर- वारस-वयइं निरुत्तु ।
 भावइ तत्त जिय-प्पमुह सिव-संगम-गय-चिच्चु ॥

[३२७]

निवु सुमित्तु त्रि सयल धरणि-यल-
 वित्थारिय-कित्ति-भरु गुरु-विइण्ण-संमत्त-भावितु ।
 नयरेसु य कित्तिप्पसु सो वि पउमु सामित्ति ठावितु ॥
 साहम्मिय-गुरु-जिणवरहं कम-संपन्नदयाहं ।
 कुणइ भक्ति जिणवर-विहिण कम-वड्ढिर-सुहयाहं ॥

[३२८]

पउम-कुमरु वि दुट्ठ-सम्भावु
 परिचत्त-विवेय-निहि तेत्तिप्पहिं नयरिहिं अतुट्ठउ ।
 पडिवविस्वय-नरवरहं मिलितु अह सु तेहिं पि मुट्ठउ ॥
 चिहइ कह कहमवि दुहिहिं निय-उयरु वि पूरेत्तु ।
 गुरुयण-मित्त-कलत्त-सुय- सयणिहिं सोइज्जंतु ॥

[३२९]

अन्न-वासरि सरि-सुमित्तसु
 नरनाहह लहु भइणि नियय-रुव-जिय-तिथस-कामिणि ।
 सुग्गीवत्तरिद-धुय स्मिरि-कल्लिण-विसय-पहु-सक्किणि ॥
 हरिय अण्णससीह-सुखरिद-सुइण कम्मलेण ।
 तरुणी-रयणह रयणावइ- नामइ सोयरएण ॥

३२७. २. क. भर. ७. Marginally supplied in क. but illegible.

३२८. ४. क. नरवरह.

[३३०]

इय मुनेत्तु मुमित्त-नरनाहु

पसरंत-मच्छर-भरु वि विगय-सत्तु महि-गोयरत्तिण ।
 लहु-भइणिहि विमल-गुण- रयण-निहिहि अइ-वल्लहत्तिण ॥
 चिट्ठइ दुह-संतत्त-मणु तल्लोवेल्लि कुणंतु ।
 उल्लाविरु वि पुरट्ठिउ वि स-परिअणु वि अ-मुणंतु ॥

[३३१]

एहु वइयरु मुणिवि निय-खयर-

वयणेहिं सिरि-चित्तगइ फुरिय-दप्पु चउरंग-सेन्निण ।
 आऊरिय-गयण-यल्लु घुट्ठ-कित्ति मागहिय-विंदिण ॥
 सायरु पणमिय-निय-जणणि- जणय-चलण-अरविंदु ।
 चलिउ अणंगस्सीह-मुय- उवरि खुहिय-खयरिंदु ॥

[३३२]

नियय-तेइण भरिय-वंभंडु

पसरंत-रण-तूर-रवु संख-सइ-पूरिय-दियंतरु ।
 परिचलिय-वहु-वल-कइण कल्लयलेण फुरंत-अंवरु ॥
 पत्तउ कमिण मुक्ख-गिरि- सिहर-उवरि गयणेण ।
 सविह-ट्ठिय-रिउ-मुद्धि-विहि- कहय-खयर-वयणेण ॥

[३३३]

मुणिवि बहु-वल्लु चित्तगइ एंतु

मणि खुट्ठु वि कमलु लहु निय-त्रलेण सह चलिउ सम्मुहु ।
 पर-कामिणि-रमण-मण- जणिय-पाव-पभार-हय-सुहु ॥
 अवरोप्पर-मच्छर-भरिय- हिययइं दो वि वलाइं ।
 मम्मइं विंधहिं दु-वयणिहिं महि-यल्लु जेम्ब हलाइं ।

[३३४]

उद्ध-अंकुस मुक्क मायंग

कस-पहय धाविय तुरय मुक्क-रासि संचलिय संदण
 लहु पट्टिय भड-निवह सत्थ-इत्थ रिउ-मुंड-खंडण ॥
 रण-कलयलि नहि उच्छलिइ कायर-कंपि पयट्ठि ।
 हेसारव-रंजिय-मुहडि धायइ साहण-थट्ठि ॥

[३३५]

अह परोप्पर-मुणिय-वुत्तत्त

खयरिंद-सुय चित्तगइ- कमल नाम निय-दूय-वयणिहिं ।
 परिसज्जिय-विउल-वल दो वि मिलिय लहु समर-धरणिहिं ॥
 ता दोण्ह वि कुमरुत्तिमहं मिलिय मुहड मुहडेहिं ।
 कुंजर करिहिं तुरय हएहिं रहिय पुणो रहिएहिं ॥

[३३६]

ता खणद्धिण किंचि चित्तगइ-

अगिम-वल्ल रिउ-भडिहिं दलिय-दप्पु दिसि-मुह जुयाविउ ।
 अह दाहिण-करिण धणु सरतेय-नंदणु चडाविउ ॥
 भणइ कमल-कुमरह पुरउ फुरिय-दप्प-ददुट्टु ।
 चिरु कुमराहम तुह जणिण जय-जय-रवु उग्घुट्टु ॥

[३३७]

किंतु संपइ होसु खणमेण-

मुवचेत्तु कोदंड करि मज्झ समुहु जह तुह खणद्धिण ।
 जय-जय-रवु संहरउं चिर-परुहु सह रज्ज-रिद्धिण ॥
 अन्नह उज्झवि पर-रमणि नाससु तुरिउ हयास ।
 किं न निरिक्खसि मंडिया तणा कयंतह पास ॥

[३३८]

इय सुणेविणु कमलु स-परियणु

रोसारुण-नयण-दलु गहिवि धणुहु साडोवु जंपइ ।
 पर-कज्जि म मरहि तुहुं कुमर सुमरि दुक्कंतु संपइ ॥
 सुत्तउ सीहु म जग्गवहि करिहि म गिण्हहि सप्पु ।
 सरणु न होसइ तिहुयणु वि हउं तुह भंजिसु दप्पु ॥

[३३९]

इय पयंपिर चित्तगइ-कमल

रण-इंगिय-तणु-लइय पउर-सेन्न-संछन्न-नहयल ।
 आरोविण-धणुह-गुण- रविण दलिय-माहप्प-पर-वल ॥
 समर-अरहं अहरिय-करुण- दुद्धर-माण-मरट्ट ।
 दो वि ति दुक्का भड-तिलम रिउ-कुल-दलण-परड्ड ॥

[३४०]

हय-सुरुक्खय-खोणिधर-रेणु-

पसरेण छन्निहि दिसिहि अप्प-परह न बिसेसु नज्जइ ।
 फेक्कारहिं सिक्ख-सइस धूय-कुल्लिण धुक्कारु किज्जनइ-॥
 नल्लहिं गयणि पिप्पाय-सय साइयि हरिसु वइंति ।
 तियसासुर-तरुणिउ गयणि ठिय रण-भक्क जोवंति-॥

[३४१]

हत्थि नज्जहिं गुल्लुगुल्लइय

नज्जंति हय हेसिएसु बंधु-अम्म इक्कहिं सुणिज्जहिं ।
 रह-चक्क घणघण-एविण रणि रसंत तुरइं वि नज्जहिं-॥
 सुहड विसंठुल संचरहिं धूल्लुदुल्लिय-केस ।
 कृणहिं य कज्जइं तम-भरि वि इह जिह पंसुलि बेस-॥

३३८. २. क. दलु; ७ क. सिण्हइ; ९. क. संजिसु.

३४१. ३. क. इक्कहि. ६. क. सुहडि.

[३४२]

एतत्-अंतरि कुरिय-महपु

सिरि-धरतेबन्धु दयैर-अस-पसर-कंसिउं ।
 कोवारुण-कुडिल-निष- मेयण-जुएण पर-वेळु कहिखिउं ॥
 सिरि-चित्तगइ-कुमारु वर- बिउणा-सहस-सणाहु ।
 भुय-बल-तोलिय-तियस-पहु जुय-विधिणाय-वाहु

[३४३]

एक्कु संधइ देव-जौएण

सर पसरहिं सय-सहस लख-कौडि छाइय-नहंतर ।
 सरुद्ध-रवि-कर-नियर कमल-सेनि निवडहिं निरंतर ॥
 नत्थि सु सारहि न सु-सुहइ न हउं न करि न पवाई ।
 चित्तगइण सर-जालियउ जो न पणट्टउ जाइ ॥

[३४४]

अरिरि नासइ कैण कंउजेण

थिर होइ मी अउं करहं जिणिंसु सत्तु तुम्हई नियंतई ।
 इय भणिहं वि संगहिउ कमल-कुमरु मग्गेण संतई ॥
 अह लहु जय-जय-रख-मुहल- भुवण-जणिय-संतुट्टि ।
 गयणह तियस-नियविणिहिं भुविकय कुमुमई वुट्टि ॥

[३४५]

अह भुएविणु कमळु स-बलो वि

रणरंग-वसुहइं जिजिबि भुवणु भरिवि निष-कित्ति-वसरिण ।
 उवचेत्तु मुमित्त-निब- अइणि भरिव-विफुरिय-हरिसिण ।
 गंतु मुमित्तह नरवइहि विवरिय अखलिब-सील ।
 सिरि-चित्तगइ-पसाय-वस- वरिव-भंडासइ-सील ॥

[३४६]

अह सुमिच्छह समर-बुत्तंतु

परिसाहिउ चित्तगइ- सविह-गएण खयरेण एगिण ।
 ता नरवइ हरिसिउ वि भइणि-लंभि भाविउ विवेगिण ॥
 चित्तइ-धिसि धिसि एरिसउ कसु कए जिय-संहारु ।
 हुयउ जाम स-जिणिहिं कहिउ निरु संसारु असारु ॥

[३४७]

जमिह जणउ वि कुणइ अवमाणु

जणणी वि हु अवयरइ देइ दुहइं दुसहाइं चंथु वि ।
 भइणी उण पर-भवण- विहिय-सोह सायरु ति-संश्रु वि ॥
 निय-कज्जुज्जय-मानसह दइयह किं भणियव्वु ।
 चिर-संचिउ वि जु नेह-भरु चयइ खणेण वि सव्वु ॥

[३४८]

सिहरि-सरि-रय-सरिसु तारुणु

करि-कण्ण-चंचलु विहवु सयण-नेहु सरयब्भ-विब्भसु ।
 संझब्भ-रायब्भहिउ भियगु भणइ जिणवरह आगसु ।
 इय चित्तंतु सुमिच्छ-निवु मेलिवि सयलु स-वग्गु ।
 रज्जि निवेसिवि निय-तणउ पसरिय-तेय-उदग्गु ॥

[३४९]

अह कहेविणु हियय-सब्भावु

सिरि-सूरतेयंगयह बहु-वियप्पु पवयणु पहाविवि ।
 अहिकंखिवि परम-सुहु हियय-मज्झि गुरु-वयणु ठाविवि ॥
 उज्जाणम्मि समोसदहं निय-नयरह वि सयासि ।
 गिण्हइ गंतु चरित्तु निवु सुजस-मुणिदह पासि ॥

[३५०]

ता बिसेसिण चित्तगद्गुप्ततु

पसरंत-रोमंच-भरु चारु-चरिय-चरणेक्क-माणसु ।
 तस्सेव य अहिणवह राय-रिसिहि गुण-गहणि अणलसु ॥
 वंदिवि सुजस-मुणीसरह स-हरिसु पय-पउमाई ।
 पत्तु स-नयरि सरिवि नियय- जणणि-जणय-नामाई ॥
 इओ य—

[३५१]

सुणिवि सयलु वि कमल-वुत्तंतु

अच्चंत-उव्विग्ग-मणु दहु अणंगसीहु प्पयंपइ ।
 अरि निग्गुण कमल तपं एहु विट्ठिउ किमकज्जु संपइ ॥
 जं पर-रमणिहि हरणि एगु स-कुलह जणिउ कळंकु ।
 तह अवहत्थिउ सुहड-जसु पुव्वज्जिउ वि असंकु ॥

[३५२]

अहव केत्थिय-मेत्तु एहु हंत

पर-दार-लोलुय-मणह जमिह सीसु सळिन्नु वंभह ।
 अवलुत्तउ लिंगु वणि हरह अहु य पर-रमणि-लंभह ॥
 सुर-सामिहि वि सरीरि तह नयण-सहसु संजाउ ।
 कुल-छेयण-दहवयणह वि गरुयरु हुयउ विसाउ ॥

[३५३]

जइ व गुरुहु वि हवइ मइ-मोहु

पडिक्कल-हय-विहि-वसिण इय मुणेवि किं सोइयव्विण ।
 तह एइण स-पुरिसिण नणु हुयच्चु कुमरिहि पियत्तिण ॥
 जं एगत्थ निमित्थियह वयणु हुयउं ता सच्चु ।
 ता जोयहु सु सुपुरिसु — इय भणिवि निउत्तु अमच्चु ॥

३५१. ३. क. The last letters are very minute and hardly legible. After 351 क. ख. अथाश्रं १०००.

३५२. ८. कुलछेयण.

[३५४]

तयणु निम्मलबुद्धि-नामेण

सचिविदिण निय-पहुहु लहु एहु आपसु स-हरिसु ।
 परिभाविवि निय-मणिण भणिउ पुरउ तस्सेव एरिसु ॥
 काउ सयंवर-मंडवउ रयणवइहि पाउग्गु ।
 सयलहं खयर-निबंगयहं देहु छेह जह-जोग्गु ॥

[३५५]*

तह सयंवर-मंडवह मज्झि

विणिवेसहु असि-रयणु कुमरि-करिहि तसु पूय कारहु ।
 लहु सिद्धाययणि पुणु के-वि पुरिस पच्चइय धारहु ॥
 इय जइ कह-वि व नर-रयणु एइ इह वि सयमेव ।
 ता सिज्झइ सामिहि सयलु एहु कज्जु एमेव ॥

[३५६]

अह समग्गु वि जुत्तु जुत्तु त्ति

पडिवज्जिवि सायरिण लहु अणंगसीहिण खगिदिण ।
 सहाविवि सयमवि हु निय-निउत्त-नहयर-सहस्सिण ॥
 मेलाविवि भुवणब्भहिउ दल-विसेसु साणंदु ।
 पत्थुय-कज्ज-विहाणि लहु आइठउ सचिविंदु ॥

[३५७]

तयणु मरगय-रयणमय-पीढ-

वर-फालिह-मणि-विहिय- भित्ति कणय-कय-सिचय-चट्ठिउ ।
 कक्केयण-यंभ-सउ पउमराय-मणि-खंड-मंडिउ ॥
 कय-उवरिम-तलु दिण-रयणि निहणिय-तम-सेणीहि ।
 अंक-पुलय-वेरुलिय-गुरु पुलउग्गार-मणीहि ॥

* For parts of stanzas 355, 356 and whole of 357, 354, 359, 360, and 361 (except the last line) ॥ leaves blank space.

[३५८]

विमल-बहुविह-रयण-तोरणिहि

सोहंत-असेस-दिसि स-सिरि-विजिय-सुरराय-मंदिरु ।

बहु-भंग-विभत्ति-जय- जंतु-जाय-आणंद-संदिरु ॥

मुत्तावलि-रयणावलिहिं मालिय-सयल-पएसु ।

तियस-महदुम-कुसम-सरि-विरइय-सोह-विसेसु ॥

[३५९]

वरु सयंवर-मंडवु करेवि

सचिर्विंदु साहइ पहुहु ता अणंगसीहिण खणदिण ।

निय लेह पेसिवि सयल खयर-कुमार वाहरिय हरिसिण ॥

ति वि तस्लेहुवदंसणिण स-वल-भरिण पसरंत ।

रयणवइहि लोलुय-हियय तहिं पहुत्त तूरंत ॥

[३६०]

ता अणुक्कसु खयर-नाहस्सु

उवएसिण कय-सयल- नियय-नियय-कायन्न-वित्थर ।

आवासिहि गंतु ठिय खयर-कुमार गुरु-हरिस-निम्भर ॥

अह सह सयण-मणोरहिहि लग्ग-दिणम्मि पहुत्ति ।

तम्मि य खयर-कुमार-गणि वियसिय-मुह-सयवत्ति ॥

[३६१]

ठविवि मणिमय-पीढ-उवरिम्मि

खयरिंदिण निय-करिहिं करिवि पूय सम्माणु पयडिवि ।

सुर-वियरिउ फुरिय-गिरि- गुरु-पयावु असि-रयणु मेल्लिवि ॥

मज्झि सयंवर-मंडवह तयणु कुमरि संलत्त ।

एहु पूयसु जह लहु हवइ पिययम-पत्ति निरुत्त ॥

३५८. ३. क. विजय.

३५९. ८. क. हिय.

३६१. ९, क. पियय.

[३६२]

तयणु गुरुयण-जणिय-उवरोह-

परतंत सुंदर-चरिय विहिय-पवर-सिंगार वालिय ।
 कर-पल्लव-गहिय-निरु- सुरहि-गंध-सिय-कुसुम-मालिय ॥
 असि-रयणह गुरुयण-विहिण पूय-विहेय-पयट्ट ।
 भावि-हरिस-पम्भार-वस- वियसिय-मुह-कंदोह ॥

[३६३]

अह पयट्टइ जय-जयारावि

वज्जंतइ मंगलिय- तूरि वंदि-विदिण पढंतिण ।
 किज्जंतइ मंगलिय- कज्जि खयर-लोइण मिलंतिण ॥
 कमिण सयंवर-मंडवह मज्झि असम-संवेसु ।
 खयरिदिण ते खयर-सुय उववेसिय मंचेसु ॥

[३६४]

तयणु नहयर-राय-वयणेण

निय-रुविण विजिय-रइ पास-कुसुम-पडलि-यर-दासिय ।
 करयल-किय-पंचविह- सुरहि-कुसुम-मालिय सुहासिय ॥
 तिअसासुर-नरवर-तरुण- मण-मंथण-मंथाण ।
 कमिण पहुत्तिय रयणवइ पुरउ खयर-कुमराण ॥

[३६५]

अंव-धाइहिं भणिउ—अह एस

गंधव्व-नयराहिवइ विहिय-सयल-पडिवक्ख-खंडणु ।
 सारय-ससि-विमल-जसु भुवण-मुहय-गुण-रयण-मंडणु ॥
 पवणवेग-खयराहिवइ- कुल-मंदिर-सिरि-केउ ।
 दिट्ठि-पसाइण कुमरु अणुगेहसु ससि-मुहि एउ ॥

[३६६]

एस उण सिरि-अच्चिमालिस्सु

खयरिंदह अंगरुहु फुरिय-गरुय-माहप्प-वित्थरु ।

वहु-मंत-तंतोसहिहि पत्त-कित्ति-धवलिय-दियंतरु ॥

निय-लायण-पहाव-हय- माणिणि-माण-मरट्टु ।

किरणवेग-नामिण पयडु वुज्जण-दलण-घरट्टु ॥

[३६७]

एस उण ससि-वयणि दाणेण

परिनिज्जिय-गंधकरि फुरिय-तेय-अहरिय-दिवायरु ।

गंभीरिम रयण-निहि थिरिम वसुह नय-विहि-कयायरु ॥

वर-माल-विखवणिण सुयणु संभावसु गुण-धामु ।

विज्जाहर-पहु रवि-किरण- नंदणु रविरह-नामु ॥

[३६८]

इय समग्गि वि अंव-धार्इए

पडिगोत्तुक्किच्चणिण चंद-कुंद-सिय-कित्ति-कहणिण ।

उवदंसिय-खयर-पहु- तणय न उण कुमरोए दिट्ठिण ॥

संभाविउ एगो वि तहं मज्झि खयर-कुमराहं ।

ता सयल्लु वि सो खयर-गणु खुहिउ न माइ धराहं ॥

[३६९]

एत्थ-अंतरि स-पहु-वयणेण

एगयरिण कंचुगिण भणिउ पुरउ खयरिंद-कुमराहं ।

इयु मज्झह तुम्हह हर- हास-कास-सिय-कित्ति-पसराहं ॥

कोवि-हु पयडिय-नियय वल्लु लक्खण-सय-धरणीए ।

हवउ गहेविणु असि-रयणु पिययमु रयणवर्इए ॥

[३७०]

तयणु अ-मुणिवि नियय-माहप्पु
 अ-निरिक्खिवि नियय-वल्लु अप्प-परहं अंतरु अ-चित्तिवि ।
 निमुणेविणु कंचुगिहि वयणु रयणवइ-रुवु पेक्खिवि ॥
 आऊराविय-संख-सय ताडाविय-त्रय-ढक्क ।
 चलिय ति असि-रयणह समुह परमद्धि वि के-वि थक्क ॥

[३७१]

चित्त-लिहिय व लेप्पमइय व्व
 पाहाणुक्किण इव हट्ठिण हरिय-सव्वस्स दुहिय व ।
 संपाविय-मुच्छ इव फुरिय-गरुय-मय-मोह-निहय व ॥
 सव्वत्तो वि हु परिगलिय- कज्जाकज्ज-वियार ।
 कि-वि असि-रयण-पहंतरि वि निवडिय नीसाहार ॥

[३७२]

के-वि पुणु दद-मंत-कय-कवय-
 बहु-भेय-विज्जाहिगम विहिय-गव्व कह कह वि खग्गह ।
 सविहम्मि पटुत्त गुरु- जणिय-चोज्ज-निय-खयर-वग्गह ॥
 जाव य लग्ग गहेउ असि- रयणु ताव सहसत्ति ।
 गिरिहि सिहर असि-पडिरविण तुट्ठिउ लग्ग तडत्ति ॥
 अवि य—

[३७३]

विसइ वसुहहं वड-परोहु व्व
 जलयालि व धट्ठहडइ गयणि विज्जु-पुंजु व झलक्कइ ।
 फुक्कारइ विसइरु व सत्तु-हियइ उवल्लु व धवक्कइ ॥
 उप्पयंतु मडियलि भुवण- भय-जणणेक्क-करालु ।
 कसु कसु खयरह मणु खणिण न क्खोहइ करवालु ॥

[३७४]

तह वि केसु वि खयर-कुमरेसु

निय-विज्जा-मंत-वल- वसिण असिहि करु निक्खिवंतिसु ।
 सिरि-मुम्मुर-वरिसु असि- वसिण पडिउ विरसं रसंतिमु ॥
 तह जय-जण-विक्खोह-यर पयद्दीहुय वेयाल ।
 गुरु-फुक्कारव-भरिय-गयण-यल भुयंग कराल ॥

[३७५]

इय समग्गि वि दुहं वि सेढीण

खयरहिब-अंगरुह असिहि समुहु धाविर विगुत्तय
 चिंतंति विसन्न-मण अहह अम्हि किं इह पहुत्तय ॥
 एस वि अम्हहं रयणवइ अयस-दाण-उउमेण ।
 जाय अणंगस्सीह-घरि पुव्वज्जिय-अहमेण ॥

[३७६]

इय विचिंतिर रयणवइ-विसय-

वियलंत-अणुराय-रस दूर-मुक्क-करवाल-गोयर ।
 विच्छाडय-वयण निय- ठाणि ठंति सच्चे वि खेयर ॥
 तयणु अणंगस्सीहु खयरहिबु चिंतावन्नु ।
 भणिउ अमच्चिण- देव वरु कुमरिहि चिट्ठइ अन्नु ॥

[३७७]

इय पसीउण सिद्ध-आययणि

पेसिज्जहुं के-वि निय- खयर-कुमर-रज्ज-प्पहाणय ।
 विज्जाहर-सामियहं सहहं विउस-मणियव्व-जाणय ॥
 जिण जसु जायइ नहयलह कुसुम-वरिस-पम्भारु ।
 आणहिं नेमिच्चिय-कहिउ कुमरु सु नहयर-सारु ॥

[३७८]

एत्थ-अंतरि महिहिं सयळाइं

जिण-नायग-चेइयइं वंदिऊण निच्चइं नमंसिरु ।
 संपत्तु सिद्धाययणि सूरतेय-सुउ हरिस-विलसिरु ॥
 समय-विहिण जिण-नाह-पडिमाहं अवग्गहि गंतु ।
 सुद्ध-ज्झाण-कुठारइण पाव-वणइं निहणंतु ॥

[३७९]

वउल-मालइ-तिलय-वियइल्ल-

मंदार-हरि-चंदणय- वन्न-जूहि-जाम्बूण-कुमुमिहिं ।
 विरएविणु पूय तह दिव्व-पट्ट-चीणंसु-पमुहिहिं ॥
 उत्तिम-वत्थिहिं तित्थयर- पडिमउ सक्कारेवि ।
 गरुय-पयासिय-भक्ति-भरु धूवुक्खेवु करेवि ॥

[३८०]

तयणु तक्खणि मिलिय-वहु-सिद्ध-

गंधव्व-खयराहिवइ- निवह-जणिय-आणंद-सुंदरु ।
 कारावइ पेच्छणउं असम-सग्ग-अपवग्ग-सुहयरु ॥
 अह मन्नंतउ चित्तगइ कय-किच्चउं अप्पाणु ।
 थुणइ जिणेसरु गहिर-सरु पसरिय-गुरु-वहु-माणु ॥

[३८१]

सामि दिट्ठउ कप्पतरु अज्जु

उवलद्ध चिंतामणि व काम-धेणु पाविय कयत्थिण ।
 जं भुवण-पियामहह तुज्झ महिय पय मइं स-हत्थिण ॥
 कंचण-वुट्ठि अहन्न-यरि न हि संभावइ कोइ ।
 गुरुयण-चलणहं सेव कय कह वि न निप्फल होइ ॥

[३८२]

कुडिल-कुंतल विउल-भालयल

सरलायय-नयण-दल- जुय विसाल-उत्तुंग-नासिय ।

ससिकंत-कबोल सिय- दंत-पंति महु-महुर-भासिय ॥

पउम-दलारुण-अहर-दल विलसिर-तिवलि-तरंग ।

अंसत्थल-योळिर-सवण समुचिय-सिव-वहु-संग ॥

[३८३]

निहय-रिउ-कुल-नियर-भुय-दंड

वच्छयल-ललंत-जय- लच्छि गहिरतर-नाहि-मंडल ।

आरोह-वित्थर-विजिय- गिरि-नियंव दद-वल-अखंडल ॥

सीह-किसोर-तुरंग-सुरआउह-संनिह-मज्झ ।

सिवपुर-तोरण-थंभ-उरु राय-द्वोस-असज्झ ॥

[३८४]

फुरिय-दिणयर-किरण-नह-पंति

विमलंगुलि-दल-कलिय- चलण-कमल तइलोय-सामिय ।

निक्कारण-कारुणिय जय-सरण सिव-नयर-गामिय ॥

झाइजसि जेण अणुदिणु वि पुलयंचिय-अंगेण ।

सो मुच्चइ गुरु-भएण इव चउ-गइ-भव-संगेण ॥

[३८५]

भुवण-वच्छल भविय-भमर-उल-

परिसेविय-पय-पउम स-भुव-तरिय-संसार-सायर ।

दूरुज्झिय-सयल-भव- भाव सिद्धि-वहु-विहिय-आयर ॥

गुण-रयणायर विउल-पय- सहेसण-कल्लोल ।

उदयाहिलसिक्क अणुसरइ कु न तइं संजम-लोल ॥

३८४. ४. क. निक्कारण.

३८५. ७. सहेण संकल्लोल.

[३८६]

अहह तिहुयण-परम-कारुणिय

लद्धम्मि वि तइं पहुहुं पेच्छ पेच्छ हउं कहकयत्थिउ ।
 इह अंतर-रिउ-निविहिं पुणु वि पुणु वि भवि भवि गलत्थिउ ॥
 पाडिउ कुडिल-कसाय-वण-गहणि करुणु विलवंतु ।
 पहरिज्जंतउ दुज्जणिहिं सुअणिहिं सोइज्जंतु ॥

[३८७]

जणय-वंधव-सयण-सुद्धि-विहव-

ववएसिण मोहिउण धम्म-कम्म-कवएण विमुक्कउ ।
 परिसल्लिउ कह कह न मोह-सट्ठिण निय-कज्ज-चुक्कउ ॥
 इय परिभाविवितह कहवि कुणसु नमंत-सरण्ण ।
 जह न हणइ मइं मोह-रिउ जिण निरुवम-कारुण ॥

[३८८]

रज्जु पंजरु विसु विसय-सुक्खु

पिय-संगु विओग-फलु देइ दुक्ख-दंदोलि जणउ वि ।
 उवतावइ सोयरु वि अवगरेइ संसारि तणउ वि ॥
 इय तहिं कह वि न रमइ मणु मज्झ भुवण-दिण-इंद ।
 तो निरुवदवु किं-पि पउ वियरसु पसिय जिणिंद ॥

[३८९]

नमिर-सुरवर-धुणिय-पय-पउम

तुह संथवि भुवण-रवि कउणु एहु विप्फुरिय-तम-भरु ।
 न हि केसरि-गम्मि करि करड-दलणि उज्जमइ वानरु ॥
 अहव स-पहु-वहु-मन्नियउ जणु किं जं न करेइ ।
 हरिणु वि ससि-उच्छंगि ठिउ भुवणोवरि विलसेइ ॥

३८६. ४. क. अंतरिउ ८. क. दुज्जणिहि.

३८९. ३. क. कउण. ७. क. जन्न.

[३९०]

गुरुय-भक्तिण भरिउ पणिवइउ

हरिभद-सूरि-स्थुणिउ ति-जय-तरणि पणमंत-वच्छल्लु ।
 इहु जिणवरु पसिय मह हणउ सयल्लु भव-वासु पिच्छल्लु ॥
 नहि उदयंतइ सहस-करि पीडइ जडिम जयम्मि ।
 कप्प-तरुम्मि कि इच्छियइं न हवहिं जण-हिययम्मि ॥

[३९१]

इय थुणेविणु जाव पणमेइ

पय-पंकय जय-पहुहु सूरतेय-सुउ पुल्लय-अंचिउ ।
 ता जय-जय-पुव्वु नह-यलइ गुरुय-तन्मत्ति-संचिउ ॥
 निरुवम-परिमल-मंसलिउ कुसुम-वरिसु परिमुक्कु ।
 तियस-विसेसिण चित्तगइ कुमरस्सुपरि अ-चुक्कु ॥

[३९२]

एत्थ-अंतरि गयणि तियसेहिं

जिण-मंदिरि नहयरिहिं गरुय-हरिस-वियसंत-वयणिहिं ।
 समगाहय-मंगलिय- तूर-रविण बहिरिय-दियंतिहिं ॥
 जंपिउ फुरियाणंद-जल- पयडिय-अणुरत्तीए ।
 अहह अहह जिणवरु थुणिउ चित्तगइण भत्तीए ॥

[३९३]

अह अणंगस्सीह-खयरिंद-

आइट्टिहिं तत्थ लहु खयरनाह-कुमरिहिं पट्टुत्तिहिं ।
 संलत्तउ चित्तगइ- कुमरु विउस-वयणिहिं विचित्तिहिं ॥
 सो वि सयंवर-मंडवह वडयरु कहिउ असेसु ।
 सूरतेय-नंदणु तयणु विम्भिउ मणिण निमेसु ॥

[३९४]

भणइ—धिसि धिसि तेहिं किं खयरेहिं
 किं एसिय-मेत्तिण वि कज्जि एम्ब अप्पउं विगोविउ ।
 निय-वंसु वि पर-भवणि गंतु विट्ठलु नित्तलु हसाविउ ॥
 जं किमसज्झउं जगि भडहं दद-साहस-रसियाहं ।
 परितोलिय-निय-भुय-वलहं निम्मल-जस-तिसियाहं ॥

[३९५]

ता सुणेविणु नूण एसेव
 नेमिच्चिय-कहिउ नर- रयणु रयणवइ-कुमरि-पिययमु ।
 विणत्तु इयरेहिं जह पुरिस-रयण जइ तुहं जि निरुवमु ॥
 सत्तु फुराविवि गहिवि असि- रयणु कुमरि परिणेसि ॥
 न उण जयम्मि विअत्थि इह मामत्थिम अन्नेसि ॥

[३९६]

अह सयंवर-मंडवह समुद्दु
 संचल्लिउ चित्तगइ जाव ताव सुहि-वंधु-सयणिहिं ।
 कर-पिहिय-स्सवणएहिं भणिउ - हंत एयाहं वयणिहिं ॥
 किमसक्कारंभिण कुमर तुह उज्जमिण इमम्मि ।
 खयर-कुमार-विगोयणिहि रयणवइहिं विसयम्मि ॥

[३९७]

जमिह सुर-गिरि सुहिण वाहाहिं
 तोलिज्जइ जल-निहि वि वाहु-पोय-जोएण तरिज्जइ ।
 उप्पाडिवि करयलिण स-धरधर वि मडि छत्तु किज्जइ ॥
 न उण महाबल-सुर-गणिण रक्खिज्जंतु सु-तेउ ।
 तीरइ वेत्तु करेहिं असि- रयणु सुरेहिं वि एउ ॥

३९३. १ क. आइडुहि.

३९६. १. क. रयणवएहि.

[३९८]

तयणु — दुद्धरु ताव सूर-सेलु

ता दुत्तरु रयण-निहि ता उ गरुय भावइ वसुंधर ।
 ता विउलु नहंगणु वि जाव पउर-सोडीर-मुंदर ॥
 अब्धुवगमहि न सप्पुरिस जीयह पणु मिल्लेवि ।
 इय बहु-वयणिहि नियय-जणु वोहिवि संचल्लेवि ॥

[३९९]

लहु सयंवर-मंडवह मज्झि

संपत्तउ चित्तगइ पवर-सउण-उवइद्व-सिद्धिउ ।
 जा ताव पुव्वागइहि भणिउ खयर-कुमरिहि कु-बुद्धिउ ॥
 नणु को इहु खयरंगरुहु जो तिहुयणह अ-गेज्झि ।
 लहुईहोहिइ उज्जमिरु असिहि खयर-गण-मज्झि ॥

[४००]

जेम्ब दम्मइ जणिण करि-राउ

नहि तेम्ब पंचाणणु वि न य नइ व्व जलहि वि तरिज्जइ ।
 गुड-पिंडु व न य किण-वि तुलहं धरिवि सूर-गिरि तुळिज्जइ ॥
 किं जिम्ब चव्विज्जहि चणय तिम्व मरियइं खज्जंति ।
 अन्न ति केसर केसरिहि जिहि गय भेसिज्जंति ॥

[४०१]

इय मुणेविणु मुयसु असि-रयण-

गहण-भहु खयर-मुय मा हवेसु सोयव्वु लोयहं ।
 इय निमुणिवि चित्तगइ भणइ पुरउ खयराहं एयहं ॥
 विहि विनडउ पीडंतु गह पुज्जउ दुज्जण-आस ।
 हउं पुणु गेण्हिसु असि-रयणु जहिं सउ तहिं पंचास ॥

अवि य-

[४०२]

सिद्धु जइ तुहुं पुव्वि पडिक्कण्ह-
 वलभइ लच्छिप्पियहं चक्कवइहिं साहस-निहाणहं ।
 अन्नेसि वि नमि-विनमि- अनिलवेग-पमुहहं पहाणहं ॥
 धीरहं निय-भुव-वल-इलिय- भुवण-मुहड-गव्वाहं ।
 ता असि-रयण मह वि पसिय पेक्खंतहं खयराहं ॥

[४०३]

इय भणेविणु पंच-नवकारु
 सुमरेविणु भत्ति-भरु दूर-नट्ट-पडिहार-सुर-गणु ।
 उवगेण्हइ चित्तगइ खग्ग-रयणु सुर-सिहरि-थिर-मणु ॥
 अह तियसामुर-किन्नरहं तरुणिहिं कुमरुवरिम्मि ।
 कुसुम-बुट्ठि मुक्किय खयर- गणि विम्बिय-दिययम्मि ॥

[४०४]

तयणु तक्खणि मंजु-सिजंत-
 भमरावलि-सामलिय उल्लसंत-परिमल कुमारह ।
 पुव्वज्जिय-सरय-ससि- किरण-सरिस-निय-सुकय-सारह ॥
 रयणवइहिं स-हरिसु खिविय गल-कंदलि वर-माल ।
 सयमवि खयर कुमर-खिविय- लोयण-कमल-वम्बाल ॥

[४०५]

अह पयट्टउ जय-जयारावु
 सुर-दुंदुहि-रवु फुरिउ कुमर-कित्ति वित्थरिय दह-दिहि ।
 अन्नोन्निण भणइ जणु अहइ अहइ अइ-निउणु एहु विहि ॥
 दूराउ वि जं जसु तणउं तं तसु लहु मेलेइ ।
 मिलिउ वलिहटु वि भुवण-जणु किं अन्नयरु करेइ ॥

[४०६]

एत्थ-अंतरि फुरिअ-तणु-कंति-

उज्जोइय दिहि-विवरु रइय-असम-सिंगार-मुंदरु ।
 बहु-सुर-यण-परियरिउ उत्तरेवि नहयलह मणहरु ॥
 तियस-विसेसु चिरोवचिय- मुकय-प्पसर-पवित्तु ।
 पुणु पुणु पणमइ कुमर-पय तोस-परव्वस-चित्तु ॥

[४०७]

अह चमक्किय-चित्ति नीसेस-

खयराहिच-कुमर-कुलि दलिय-दप्पि पडिक्ख-मंडलि ।
 रयणवइहिं तुट्ठियहिं तरुणि-जणिण दिज्जंत-मंगलि ॥
 ताडिज्जंतिहिं दुंदुहिहिं जय-जय-रवि उग्गुट्ठि ।
 तम्मि अणंगस्सीह-खयरेसरि निरु संतुट्ठि ॥

[४०८]

भणिउ तियसिण - कुमर मा सज्ज

किं सूरतेयंगरुह पुरिस-रयण असरण-सरणय ।
 पुव्वज्जिय-मुकय-वस- हय-अरिट्ठ पसरिय-करुणय ॥
 सारय-रयणीयर-विमल-गुण-रयणोह-निहाण ।
 मं उवलक्खसि चित्तगइ तुहुं सुगहिय-अभिहाण ॥

[४०९]

तयणु कुमरिण भणिउ साणंदु

पसरंत-तेयमहिय निय-समिद्धि-परिविजिय-तिहुयण ।
 को न मुणइ इंद-समु तुम्भि तियस-कल्लाण-भायण ॥
 न हि दप्पणिण कर-ट्ठियउ कंकणु जोयइ कोइ ।
 अहव कि किण-वि पयासियउ दिणयरु पयडीहोइ ॥

[४१०]

अह पयंपइ तियसु - सिरि-सूर-
 तेयंगय इहु न हउं तुज्ज पुरउ पुच्छेमि संपइ ।
 ता साहसु पुव्व-भव-जणिउ किं-पि अह कुमरु जंपइ ॥
 जइ एवं ता सूर-रयण तं चिय मह पसिऊण ।
 कोऊहलु पूरसु सयलु निय-वइयरु कहिऊण ॥

[४११]

तयणु पभणइ तियसु पसरंत-
 मुह-ससहरु खयर-नर नारि-नियर-मण-जणिय-विम्हउ ।
 किं साहउं नर-रयण चरिय-विजिय-जय पुरउ तुम्हउ ॥
 तह वि कहिज्जउ को-वि इह लेसिण निय-वुत्तंतु ।
 इय एहु अवहिय-मण-पसर होहि वि खणु निमुणंतु ॥

[४१२]

तइं सुमित्तह निवह लहु भइणि
 रण-रंग-मंडवि दडिण कमल-कुमर-हत्थह मुयाविवि ।
 आणंदिय-तदइय-वंधु-सयण निय-ठाणि ठाविवि ॥
 तयणु सुणेविणु रण-महिहि निव-रिउ-भड-संघाउ ।
 निवइ सुमित्तु झडत्ति-हुय-गुरु-संसार-विराउ ॥

[४१३]

तुह समक्खु वि सयलु निय-वग्गु
 कह कह वि अणुणविवि करिवि सुत्थु रज्जह समग्गह ।
 सक्कारिवि देव-गुरु गंतु पुरउ सूरिहि उदग्गह ॥
 तम्मूह-जलहर-संभविय-वयणामय-संसित्तु ।
 सुगइ-नियंविणि-संग-मुह-ऊम्भुगु वेत्तु चरित्तु ॥

[४१४]

तइं पहुत्तइ नियय-ठाणम्मि

विहरंतु सु राय-रिसि सह गुरुहिं मुणि-किरिय-तप्परु ।
 पाविय-जिण-समय-निहि अंतरंग-रिउ-दलण-मुग्गरु ॥
 अणुजाणाविवि नियय-गुरु तियस-सिहरि-थिर-चित्तु ।
 समय-विहिण अणुकमिण पडिवज्जइ एगागित्तु ॥

[४१५]

चिरु वसुंधर-वलइ विहरंतु

संपत्तु काल-क्कमिण मगह-त्रिसय-अंतिमह नयरह ।
 एगस्सु सुसाण-वणि जं च सरिसु जम-भवण-अजिरह ॥
 कत्थ वि मंसासण-भमिर- भीम महासिव-सहु ।
 कत्थ वि भूय-पिसाय-सय- वेयाळेहिं रउ ॥

[४१६]

कह वि डम्भिर-मयग-संकिण-

धरणीयलु कह वि मय- सगसगेंत-किमि-जाल-पिच्छलु ।
 कत्थ वि नहि परिभमिर- उलुय-कंकु जम-दूय-वच्छलु ॥
 साइणि-फेक्कारव-विहिय- भुवण-क्खोहु कहिंचि ।
 तम्मि समग्गह जणह पयडिय-संसार-पवंचि ॥

[४१७]

ठिउ महा-मुणि मेरु-थिर-चित्तु

वग्यारिय-कर-जुयलु पुव्व-पुरिस-कय-काउसग्गिण ।
 एत्तो य सुसाण-वणि तम्मि चेव हय-विहि-निओइण ॥
 पडिवक्खिय-नरवइ-गहिय- गिह-गय-सयल-समिद्धि ।
 नीसेसेण वि परियणिण परिचत्तउ दुब्बुद्धि ॥

[४१८]

परियहंतउ विविह-देसेसु

उयर-पूरणु अणुदियहु दियह-अंति कहमवि कुणंतउ ।
 पुव्वुत्तउ तसु वि लहु वंधु पउम अभिहाणु पत्तउ ॥
 अह गरुयर-अमरिस-वसिण आयइहिय-धणुहेण ।
 हणिउ महा-मुणि वच्छयलि सरिण तेण पावेण ॥

[४१९]

मइं पढंतिण के-वि जइ जीव

धरणि-यलि उवइविय तेसि मज्झ मिच्छा मि दुक्कडु ।
 न य कस्सु वि वसिण इहु तुज्झ जीव आवडिउ संकडु ॥
 निय-कर-आरोविय-गरुय- कम्म-तरुण फलाणि ।
 पत्त-विवाग पढंति धुवु उवरि जणह सयलाणि ॥

[४२०]

निय-तरंगिहि भिन्न-कुल-सेलु

जलही वि वाहा-जुइण सक्कु तरिउ साइसिय-पुरिमिहि ।
 खर-नहर-भयंकरु वि सीइ-पोउ धरियइ करगिहि ॥
 लहु साहिज्जइ कुंजरु वि थंभिज्जइ जलणो वि ।
 सप्पु वि वेप्पइ करिण वसिकिज्जइ वेयालो वि ॥

[४२१]

न उण तिहुयण-पयड-माहप्पु

पसरंतु समुल्लसिय- मउ कयंत-केसरि तरिज्जइ ।
 उवसाहिउ मुर-अमुर- नरवरेहि वि हु जइ मिलिज्जइ ॥
 ता सुमरसु रे जीव तुहुं मणिण पंच-नवकारु ।
 मित्त-अमित्तेसु य कुणसु सरिम-भावु जय-सारु ॥

४१७. ६. Illegible in K.

४१८. २. K. अणुदियह. ४. K. तसु दि. ४२०. ५. K. धरियहि.

[४२२]

अवि य अंतर-सत्तु-निदलणु

पणमंत-तिहुयण-सरणु चरण-धरणिवइ-सेन्न-मंडणु ।
 संसारिय-दुइ-दलणु महि-ललंत-कुनय-मय-खंडणु ॥
 तियसासुर-नर-नय-चलणु विहुरिय-विहिय-त्ताणु ।
 अरिहंतइं निउरंउ मह लहु वियरउ कल्लाणु ॥

[४२३]

सुइर-संचिय-कम्म-हुयवाह-

उवसामण-नीर-धरु भुवण-भवण-सिहरि-प्पइट्टिउ ।
 निट्ठाविय-असुह-मल्लु सासयम्मि ठाणम्मि संठिउ ॥
 सुद्ध-ज्झाण-हुयासणिण जालिय-भव-कंतारु ।
 सिव-वहु-वल्लहु सिद्ध-मणु निहणउ मह संसारु ॥

[४२४]

चरिय-दस-विह-समण-आयारु

गंभीरु उवएस-यरु बुद्धिमंतु जिण-मय-वियक्खणु ।
 सिवु सोमु समुल्लसिय- दित्ति-कित्ति सु-पसत्थ-लक्खणु ॥
 विहि-पडिवन्नु चरित्त-निहि देस-काल-भाव-णु ।
 भवि भवि मह आयरिय-निउरंउ हवेज्ज सरणु ॥

[४२५]

समय-जलनिहि-पार-संपत्तु

उवसंतु तेयभहिउ कित्तिमंतु मुणि-किरिय-रत्तउ ।
 गीयत्थुवएस-रुइ विजिय-परिमु निरु स-गुरु-भत्तउ ॥
 थिर-परिवाडि-विणीय-वहु- सीस-पडिच्छिय-आणु ।
 मज्झ उवज्झायइं नियरु हवउ सरण-पहाणु ॥

[४२६]

समिह-समियहं गुत्ति-गुत्ताहं

उज्जुत्तह तव-चरणि संजमम्मि उवउत्त-चित्तहं ।
 पंचासव-विरइयहं छसु जयाहं पसरंत-सत्तहं ॥
 हउं निग्गंथहं सुणिवरहं पय-पउमइं पणमेमि ।
 जह पुणरवि भव-भाविइं विविह-दुहइं न लहेमि ॥

[४२७]

इय विचित्तिरु सुद्ध-परिणासु

मरिऊण सु राय-रिसि तियस-भवणि पंचमि पहुत्तउ ।
 पउमो वि हू सुणि-हणण-जणिय-पाव-मरु दुट्ठ-चित्तउ ॥
 परियडमाणुज्जाण-वणि कसिणाहिण संदट्ठु ।
 सत्तम-नरय-महिहिं मरिवि निय-दुक्कएण पविदट्ठु ॥

[४२८]

तयणु अवहिण सुणिय-निय-पुव्व-

भव-वइयरु सुर-नियर-विहिय-विविह-पडिवत्ति-वित्थरु ।
 निय-परियण-परियरिउ सरिवि पुव्व-भव-नेह-वइयरु ॥
 वीर-सिरोमणि चित्तगइ तुह पुरओमिह पहुत्तु ।
 सो हउं तियसु सुमित्तु इय कहिउ तुह स-वुत्तंतु ॥

[४२९]

इय भणंतु वि करिवि पुव्विल्लु

सु सुमित्त-नराहिवइ-रुवु पडिवि चित्तगइ-चलणिहिं ।
 साणंदु समुल्लवइ तियसु असम-कय-विणय-वयणिहिं ॥
 जइ तइयहं हउं नर-रयण तइं रक्खिउ न हवेज्ज ।
 ता कइ मह चारित्तु तह सुर-सिरि संपज्जेज्ज ॥

[४३०]

ता पयंपइ चित्तगइ-कुमरु

सुर-रयण नणु को णु हउं जीवियव्व-रक्खण-विहाणिण ।
 तुह तइयहं सुकय-कय- सज्ज-तणुहु किं पुण पयत्तिण ॥
 पइ संजायउ तुहुं जि पर- हेउ धम्म-लद्धीए ।
 तइयहं गुरु-मेलावगह करणिण सुह-वुद्धीए ॥

[४३१]

तह कयत्थउ हउं जि संजाउ

जं अवसरि एरिसइ पत्तु अज्ज तुहुं तियस-सुंदर
 सुर-इंसणु महिहिं कय- जत्त अवि हु न लहंति जमियर ॥
 इय पडिवत्ति-पुरस्सरिहिं वयणिहिं दु-वि चिट्ठंत ।
 पेच्छहिं तत्थ-द्विय-खयर- कुमर वि हरिसिज्जंत ॥

[४३२]

इय कुमारह सुणिवि वुत्तंतु

अवलोइवि ख्व-सिरि गरुय-हरिस-रोमंच-अंचिय ।
 सा ससि-सुहि रयणवइ पुव्व-जम्म-कय-सुकय-संचिय ॥
 संपाविय-रज्ज-स्सिरिव परमामय-सित्ति व्व ।
 हुय असमाण-सरीर-पह पुण्णिम-ससि-सुत्ति व्व ॥

[४३३]

अहह कटकट पत्त-संजोगु

वपु निउणउ को-वि विहि मिहुणयस्स निउंछणउं किज्जइ
 इय भणिरइ खयर-नर- नारि-नियरि कुमरस्सु दिज्जइ ॥
 सा तणुयंगी रयणवइ तयणु गरुय-रिद्धीए ।
 काराविउ वीवाहु खयरिदिण दिण-सुद्धीए ॥

[४३४]

अह अणंगस्सीह-खयरिदि

संतुट्टइ विम्हियइ खयर-कुमर-नियरम्मि तक्खणि ।
 थुव्वंतइ मग्गणिहिं सूरतेय-नंदणि स-लक्खणि ॥
 ओसप्पिर-गुरु-हरिस-वस- वियसिय-मुह-कंदुट्ठि ।
 परिकीलंतइ खयर-जणि वद्धावणइ पयट्ठि ॥

[४३५]

पत्त-अक्सरु तियसु सु मुमित्तु

पडिवत्ति बहु-विह करिवि सूरतेय-तण्ण विसज्जिउ ।
 निय-पुण्णिहिं अप्पण वि कित्ति-पसरु असरिसु समज्जिउ ॥
 खयर-कुमारहं सयलहं वि मज्झि कयासम-लीदु ।
 अणुजाणाविवि कह-वि खयरिदु अणंगस्सीहु ॥

[४३६]

पत्तु निय-पुरि चित्तगइ-कुमरु

आणंदिय-सयण-मणु सहिउ रयणवइ-तरुणि-रयणिण ।
 अह सलहिउ मुणिय-हुय- वइयरेण निय-जणणि-जणण ॥
 तह निय-लोयण-निज्जिणिय- तसिय-वाल-हरिणीहिं ।
 परिणाविउ सह बहु-विहिहिं विज्जाहर-तरुणीहिं ॥

[४३७]

अह ललंतउ रयणवइ-पमुह-

निय-दइयहिं सह सुइरु देतु दाणु मग्गणहं स-हरिसु ।
 कुव्वंतउ जिणवरहं तह गुरुण सम्माणु असरिसु ॥
 संभासंतउ मुहि-सयण निय-गुण वित्थारंतु ।
 तियसु व चिट्ठइ चित्तगइ गउ वि कालु अ-मुणंतु ॥

[४३८]

काल-जोगिण पुण अइक्कंति

निरु पाउस-काउरिसि वहल-सलिल-पिच्छलिय-महियलि ।
 अवइण्णउ सरय-रिउ जत्थ गलिय-जलयालि नह-यलि ॥
 हंस-नियंसण तुच्छ-रस बियड-पुलिण-सोणीउ ।
 नं सरि-तरुणिउ जलय-पिय- विरहिदुयाउ किसीउ ॥

[४३९]

जहिं य वियसिय-कुमुय-सरवरहं

तह फुरिय-तार-यनहहं दित्त-राय-मंडल-महग्यहं ।
 पप्फुल्लिय-कास-वण- महिहि तह य हिम-सिहरि-सिहरहं ॥
 निरुवम-मित्त-पयाव-भर- दुगुणीकय-तेयस्सु ।
 रयणिहिं दिणि व न जय-जणिण धुवु लक्खियइ विसेसु ॥

[४४०]

जणिय-तिहुयण-हरिसि सरयम्मि

तहिं एरिसि निय-मुहिहिं सहिउ धवलहर-उवरि संठिउ ।
 संतेउरु चित्तगइ पुब्ब-पुरिस-कह-सवणुकंठिउ ॥
 पुणिम-रयणि-समागमणि कुमुइणि-पिय-उदयम्मि ।
 साहीण-प्पिययमि तरुणि- नियरि तुह-हिययम्मि ॥

[४४१]

भणिउ पणमिवि सुमइ-नामेण

एणेण वंदिण - अहह नाह गरुय अच्छरिय-कारणु ।
 साहेतउ धम्म-कह अज्ज निमुउ मइं समणु चारणु ॥
 तत्थ य उत्तिम-पुरिस-कह- अवसरि सुह-जणयस्सु ।
 आयणिय अ-समाण कह एगह नर-रयणस्सु ॥

[४४२]

तयणु वियसिय-वयण-रयणिदु

पप्फुल्ल-लोयण-कमलु चित्तगइ वि साणंदु जंपइ ।
 सा चारण-गुणि-कहिय कहसु कहसु कह मह वि संपइ ॥
 जं सोयव्व-निसामणिण सवण पसंसिज्जंति ।
 दट्ठव्वहं दंसणिण फुडु नयण वि सहलीहुंति ॥

[४४३]

अह जिणिदह करिवि नवकारु

पणमेप्पिणु गुरु-पयहं भणइ सुमइ जह — नाह निमुणसु ।
 स-परियणु वि मह पसिय होउ किंचि समवहिय-माणसु ॥
 जेण कहाणउं कहउं हउं आणंदिय-भुवणस्सु ।
 सणतुकुमारह धरणियल- तिलयह नर-रयणस्सु ॥

[४४४]

तहा हि—

मलय-गिरि-वण-कैस-पासाए

उत्तुंग-सुर-गिरि-सिहर- उत्तिमंग-संपत्त-कित्तिहि ।
 ससि-दिणयर-लोयणिहि तार-सेणि सिय-दंत-पत्तिहि ॥
 हिमगिरि-विंझ-गिरिंद-थिर- थोर-त्थण-जुयलाए ।
 कालिंदी-सरि-सलिल-भर- रोमावलि-कलियाए ॥

[४४५]

सुर तरंगिणि-पुलिण-जहणाए

रयणायर-अंवरहि पुहइ-वहुहु संजणिय-मंडणि ।
 निय-मंदर-गिरि-फुरिय- सेस-दीव-माहप्प-खंडणि ॥
 नग-नगरागर-गाम-सरि- विसय-सहस्स-समिद्धि ।
 जंबु-दीवि महंति तहि भरह-क्खित्ति पसिद्धि ॥

[४४६]

जत्थ रयणिहिं रयणि-रमणुदइ

ससिकंत-रयणुल्लसिय- सलिल-पूर-संपुण्ण-लोयण ।
 परिवियलिय-चित्त-भर सुणिय-अत्थ-जय-पिय-विरोयण ॥
 नं निम्भर-दुह-पसर-परिपूरिय-गल-सरणीउ ।
 रोयहिं रवि-विरहम्मि घर-चित्त-भित्ति-तरुणीउ ॥

[४४७]

जत्थ गिरिवर-तुंग-करिराय-

गंड-त्थल-परिगलिर- दान-वारि-परिसित्त-धरणिहिं ।
 अवसारिय-स्वर-किरणि निवइ-निवह-सिय-छत्त-रयणिहिं ॥
 द्वियइच्छिय-वियरण-चउर- निव-कय-तोस-विसेसु ।
 न सरइ गिम्हि वि पाउसइ कहमवि लोगु असेसु ॥

[४४८]

स-गुणु उवचिय-कोट्टलंकारु

सुनिवेसाणंदयरु असम-वंस-रयणायरुम्भवु ।
 सु-पवित्तु सु-वाणियउ सुयण-द्वियय-गउ गय-उवइवु ॥
 सुत्ता-रयणु व विप्फुरिय-अमरावइ-सुंदेरु ।
 इह अहेसि गयपुरु नयरु अरिहिं अखंडिय-मेरु ॥

[४४९]

तत्थ सूरु वि समिय-संतावु

वहु-दाणु वि मय-रहिउ गय-पिओ वि स-कलत्त-मणइरु ।
 दोसायर-खंडणु वि निच्चु कुमुय-वण-तोस-सुंदरु ॥
 धम्ममई वि परत्थ-रुइ अ-जल-निही वि समुहु ।
 बहु-माणो वि अ-माणु पिय- सिव-संगो वि अ-रुहु ॥

४४६. ५. सुणिणियत्थ. ७. क. सरणीओ. ९. क. तरुणीओ.

४४८. ६. परिफुरिय

[४५०]

तुंग पणमिरु विउसु सुकुलीण
 सु-समत्थउ खंति-यरु सीलवंतु सोहग्ग-मंदिरु ।
 अहिग्गम्मउ दुद्धरिसु षण-समिद्ध दाणंभु-संदिरु ॥
 जय-जण-नयण-सुहावणउ गरुय-तेय-पद्भारु ।
 आससेण-अभिहाणु निवु आसि वसुंधर-सारु ॥

[४५१]

तस्सु निरुवम-रुव-लायण्ण-
 गुण-रयण रोहण-वसुह कुंद-कलिय-सम-दंत-पंतिय ।
 कुवल्लय-दल-नयण-जुय वयण-विजिय-तामरस-कंतिय ॥
 कलहंसिय-सारस-तरुणि-परहृय-महुरालाव ।
 सारय-रयणीयर-सरिस-पसरिय-कित्ति-कलाव ॥

[४५२]

हरह गोरिव सिरि व मुर-रिउहु
 तारा इव ससहरह उव्वसि व्व तियसाहिरायह ।
 दोवइ इव पंडवहं तह रइ व्व सिरि-दइय-जायह ॥
 सीया इव दसरह-सुयह गुरु-गुण-रयण-समिद्ध ।
 आसि हियय-पिय पिय-पवर सहदेवि त्ति पसिद्ध ॥

[४५३]

तेसि धम्मि अविहिय-वाहाए
 भुंजंतहं विसय-सुहु असम-राय-अणुरत्त-चित्तहं ।
 उव्वगच्छइ कालु कु-वि पुव्व-भविय-मुकयह पवित्तहं ॥
 अन्नम्मि उ अवसरि निसिहिं सुह-सयणम्मि पसुत्त ।
 सिविणंतरि सहएवि जय- जंतु-सुहय गुण-जुत्त ॥

[४५४]

कुंभि-केसरि-वसह-अहिसेय-

ससि-दिणयर-झय-कलस- दाम-पउमसर-जलहि-सुरघर ।
 रयणुच्चय-जलण मुहि पविसमाण पेच्छेइ मणहर ॥
 तयणंतरु संभंत-मुह उट्टेविणु सहस ति ।
 साहइ सिविणइं विणय-कय- कर-संपुड निवहं ति ॥

[४५५]

तयणु पुण्णिम-सरय-रयणियर-

उदयग्गि रयणायरु व जलय-माल-दंसणि सिंहंडि व ।
 कमलायरु दिणयरि व रायहंस-कुलु कमल-संडि व ॥
 सहयारु व वसंत-महि पत्तइ दुगुणिय-सोहु ।
 कह वि न माइ न ठाइ निवु सिविणिहिं कय-सिरि-वोहु ॥

[४५६]

तो पयंपइ पुहइ-हरिणंकु

आणंद-गग्गर-गिरहिं पुरउ नियय-सहदेवि-दइयह ।
 जह - होहिइ देवि तुह तणय-रयणु मुह-जणणु ति-जयह ॥
 तियसामुर-नर-नमिय-पय- पउमु जिणाहिबइ व्व ।
 नव-निहि-चउदह-वर-रयण- सामिउ चक्कवइ व्व ॥

[४५७]

अह मुहा-रस-कुंड-बुइड व्व

उवलद्ध-चिंतामणि व पत्त-चक्कवइ-रउज-रिद्धि व ।
 गिह-उग्गय-सुरतरु व अइर-जाय-वर-मंत-सिद्धि व ॥
 हरिस-वियासिय-मुह-कमल सिर-विरइय-कर-कोस ।
 हवउ पहु इय पुणु वि पुणु देवि वि भणइ स-तोस ॥

[४५८]

इय परोष्परु दो वि साणंदु

सद्धम्म-धम्मिय-कहहिं रयणि-सेसु सयलु वि गमावहिं ।
 अह जायइ अरुणुदइ वंदि-विंद निव-भवणि आवहिं ॥
 मंगल-तूर-रवंतरिण उद्धीकय-करताल ।
 जंपंति य गहिर-ज्झणिण एरिसु हरिस-विसाल ॥

[४५९]

उदय-गिरिवर-सविह पत्तो वि

नयणाणमगोयरु वि अकय-तिव्व-स-पयाव-पसरु वि ।
 गम्भागाय-मुणुरिसु व अणवइण गुण-रयण-नियरु वि ॥
 जगि पडिविक्खिय-पह हरइ पयडइ कमळाणंदु ।
 तोसइ सव्वकइ जणइ सुयण-हरिस नीसंदु ॥

[४६०]

तयणु देविहि सिविण-अणुरुवु

नणु वंदिण भणिय इय गरुय-हरिसु चिंतितु नरवइ ।
 स-निउत्तय-नरिहिं बहु- तुट्ठि-दाणु वंदिहि दवावइ ॥
 अह सयणिज्जह उट्ठिउण निम्मावइ सव्वाइं ।
 हरिस-वियासिय-मुहु निवइ गोसिय-कायव्वाइं ॥

[४६१]

तयणु सुंदरु करिवि सिंगारु

आणंद-समुल्लसिय- रोम-राइ-रेहंत-विग्गहु ।
 कुरु-वंस-मंडण-रयणु सहल-विट्ठिय-निय-दार-स संगहु ॥
 सिविण-वियाणय नर नियय-पुरिसिहिं सद्दावेइ ।
 अह लहु सविहागयहं तहं आसणु वियरावेइ ॥

४५९.८. तो सव्वक जणइ.

४६०.२ क. अणुरुवु, क सुह. ४६१. ७. क. पुरिसिहि; क. तह.

[४६२]

अह करेविणु विविह-पडिवत्ति

निवु सिविण-विसारयहं कइइ देवि-दिट्ठाइं सिविणइं ।
 इयरे वि विणिच्छिउण नियय-सिविण-सत्थत्थु पभणइं ॥
 वाहत्तरि कहियाइं इह सिविणइं सामन्नेण ।
 तत्थ य तीस महा-सिमिण पवरइं भणिय जणेण ॥

[४६३]

तह वि चउइह सिविण सु-पसत्थ

जिणनायग-चक्कवइ- जम्म-हेउ जायंति धन्नहं ।
 नर-नायग-भारियहं भावि-सुगइ-सुक्खहं सउण्णहं ॥
 तेसि वि मज्झह सत्त चउ सिविणइं हरि-मुसलीण ।
 जम्मु कहिं निव-भारियहं सुह-कमलम्मि निलीण ॥

[४६४]

सेस नरवइ-सचिव-सामंत-

सत्थाह-सेट्ठि-प्पमुह पुरिस-रयण-जणणिउ विउज्झहिं ।
 एक्केक्कु सिविणउं णियवि पुव्व-उत्त-सिविणाण मज्झहिं ॥
 ता सामिय भुवणन्निहिउ नंदणु को-वि विसिट्ठु ।
 होसइ सिविण-समूहु एहु जं तुह देविहिं दिदु ॥

[४६५]

अह नराहिवु सम्मु एयं ति

तं सिविण-विसारयहं सयल्ल वयणु अन्धुवगमेविणु ।
 पडिवत्ति अणेग-विह अह निउत्त-पुरिसिहिं करेविणु ॥
 निय-निय-ठाणि अणुणवइ सिविण-विउस नीसेस ।
 विउसुवइट्ठु पियइ कहइ सिविणहं कह स-विसेस ॥

[४६६]

अह नराहिव-वयणु निसुणेवि

संतोसामय-वरिस- सित्त-गत-लइय व्व असरिसु ।
 उवदंसिर-पुलय-भरु भणइ साणुणउ देवि स-हरिसु ॥
 हवउ हवउ मह देव-गुरु- चळण-पसाइण पहु ।
 जह जायहुं इह-पर-भवि वि हउं वि सयल सुह-गेहु ॥

[४६७]

तयणु नंदण-वयण-रयणिंद-

उवदंसण-सुह-तिसिय देवि देइ देवयहं विविहहं ।
 उवयाइय-सय-सहस कुणइ पूय जिण-पाय-पउमहं ॥
 आराहइ गुरुयण-चळण ओसह-सयइं पिपइ ।
 निय-गम्भह निव्विग्घ-कए वहु-रक्खाउ करेइ ॥

[४६८]

तयणु स-हरिसु धरणि-हरिणंक-

संपूरिय-दोहलय गमइ कमिण पडिपुन्न-वासर ।
 अह सयल-गुणम्भहिइं दियहिं पत्त-गय-दोस-अवसर ॥
 पसवइ देवि समग्ग-गुण- लक्खण-रयण-निहाणु ।
 भुवणाणंदणु सुय-रयणु पयडिय-विहि-विण्णाणु ॥

[४६९]

अह पढंतिहिं भट्ट-चट्टेहिं

गायंतिहिं गायणिहिं दिज्जमाणि दाणम्मि वंदिहिं ।
 किज्जंतिहिं मंगलिहिं वज्जिरेहिं बहु-तूर-विदिहिं ॥
 सधराधर-धरणियल-जण- परम-सुहाण निहाणु ।
 दिण्णु नरिदिण नंदणह सणत्तुकुमारभिहाणु ॥

[४७०]

तयणु पमुइउ निवइ हिययम्मि

आणंदिय देवि मणि गरुय-हरिस हुय महिहिं सज्जण ।
 परिओसिय बंदि-यण तुह विवुह निरु डरिय दुज्जण ॥
 अहव समग्गु वि धरणियलु भाविय-गुरु-उदण ।
 असरिसु हरिसु समुच्चइइ कुमार-नाम-सवणेण ॥

[४७१]

सिहरि-कंदरि हरि-किसोरु च्व

अप्पडिहय-पय-पसरु पत्त-कित्ति अणुकमिण कुमार वि ।
 आणंदिय-मुहि-सयणु हणिय-पिसुण-मणु अट्ट-वरिसु वि ॥
 परिओसइ वीरहं हियय विहसइ मुहड-कहासु ।
 निसुणइ पुरिसुत्तिम-चरिय निवसइ विउस-सहासु ॥

[४७२]

अह नरिदिण गरुय-रिद्धीए

साणंदु सु कुमार-वरु सुप्पसत्थ-वासर-मुहुत्तिण ।
 उवसायह सविहि परिमुक्कु तयणु सुप्पसन्न-चित्तिण ॥
 पाविउ थोवेहिं वि दिणिहिं असरिस-गुण-निलएण ।
 पारि समग्ग-कलोयहिहिं कुमार कलायरिण ॥

[४७३]

तयणु पुण्णिम-रयणि-रमणु च्व

ज्झि-ज्झण-भर-भरिय- भुवण-विवरु निम्मल-कलालउ ।
 गंभीरिम-रयणनिहि थिरिम-धरणि तुंगिम-विसालउ ॥
 सेविज्जंतउ सज्जणिहिं सलहिज्जंतु बुहेहिं ।
 हुयउ जयस्सु समग्गह वि पयडउ नियय-गुणेहिं ॥

[४७४]

तस्मि पुण सह-काल-संजाउ

सह-पंसुक्कीलियउ सह-गह्वीय-गुण-रयण-मंडणु ।
 सह-संचिय-किचि-भरु समग-विहिय-पडिक्ख-खंडणु ॥
 सम-सुह-दुहु सम-रुव-सिरि सम-जोव्वणु सम-सीलु ।
 सम-सुहि-सज्जण-विहिय-सुहु सम-परिसीलिय-लीलु ॥

[४७५]

मूल-नरवड-पय-समुद्धरण

कालिदिय-देविहि तणउ जणिय-सुयण-आणंद-सुंदरु ।
 सिमु-भावि वि बुड्ह-समु पुव्व-पुरिस-आयरिण-मणहरु ॥
 बाल-वयंसु अहेसि पर- कामिणि-रमण-निरीहु ।
 अविह-रुविण नामिण वि पयडु महिंदस्सीहु ॥

[४७६]

तयणु विलसिर-वहल-लायण

संपुण-जोव्वण-भरिण फुरिय गरुय-पडिक्ख-खंडण ।
 संतोसिय-सुहि-सयण दह-पइण दुज्जण-विहंडण ॥
 पोढ-नियंविणि-माण-गुरु- तरुवर-दलण-कुठार ।
 विलसहिं महिहिं महा-महिण दु-वि ति नरिंद-कुमार ॥

[४७७]

तहं ललंतहं काल-जोगेणं

संपत्तु वसंत-महु जहिं स-तोसु सहयार-साहिहिं ।
 निरु-विहुरिय-विरहिणहिं मंजरीउ अवयंसिक्किज्जहिं ॥
 मलयानिल-संगमि भमर- पसरिय-गुरु-झंकार ।
 देसंतर-गमणुम्मणहं पडियहं कुणहिं निवार ॥

४७५ १. सूर. ४. क. सिमु. ५. आयरण. ७. क. कामिणिहिं निरीहु marginally corrected as कामिणिरमणहिं निरीहु. ४७७. ३. क. सुहयार. ७. क. पसरि.

[४७८]

मयण-नरवइ-रज्ज-अभिसेउ

साहंति व तिहुयणहं महुर-रविहिं तरु-सिहर-संठिय ।
 कलयंठिय चुय-तरुहं मंजरीण कवलणि पढट्टिय ॥
 सिसिरु हयामु सु उहु गयउ कवलितु महु-दियहेहिं ।
 इय कुमुदणि-तरुणिउ हसहिं वियसिय-कुमुय-मुहेहिं ॥

[४७९]

वउल-तरुवर-नियर घुम्मंति

वहु-पीय-सीयासव व अंव तंव-पह पुणु विरायहिं ।
 मज्झम्मि अ-माइयउ वहि फुरंतु नं राउ दावहिं ॥
 मिउ-पवणाहय-उल्लसिय- किललय-करहिणएण ।
 लामु पयासहिं तरु-लइय भमरारव-गीएण ॥

[४८०]

जणहिं भुवणह हियय-संतोसु

सु-सिणिद्ध पत्तल सरस भुयग-संग-संपत्त-कित्तिय ।
 गोसीस-सिरिखंड-तरु लइय वार-विलय व विचित्तिय ॥
 इय एरिसइ वसंत-महि पसरिय-वणराइम्मि ।
 हरिसु जणंतइ महियलह आससेण-निवइम्मि ॥

[४८१]

रइय-असरिस-अंग-सिंगार

निय-सार-परियण-सहिय विहिय-सयल-सुहि-सयण-सुह ।
 दु-वि स-हरिस कुमर-वर चलिथ नयर-उज्जाण-संसुह ॥
 खण-मित्तेण य मण-पवण- रइहिं तुरय-रयणेहिं ।
 पत्त स-नयरुज्जाण-वणि पढिरिहिं वेदि-यणेहिं ॥

४७८. ३. क. रविहि. ६. क. ओहु. ७. क. दियदेहिं.

४७९. ३. क. पह. ७. क. हिएण. ४८०. ५. क. ख, वि.

[४८२]

तयणु चंपय-चारु-सहयार-

नालियरि-असोय-सिरिखंड-पमुह-विडविहिं विचित्तहं ।
 पेक्खंत वसंत-सिरि वित्थरंत-फल-कुसुम-पत्तहं ॥
 एत्थंतारि वियसिय-वयणु पहु-आएस-समीहु ।
 सणतुकुमारिण स-हरसिण भणिउ महिंदस्सीहु ॥

[४८३]

मलय-मारुय-एसर-घरिसणिण

नीलुप्पल-पत्तु जिह फुरइ मज्झ जं नयणु दाहिणु ।
 तं मन्नउं मण-पियह जणह कसु वि दंसणह साहिणु ॥
 ता अणुमन्निउ निय-सुहिण मयणाययण-दुवारि ।
 सणतुकुमारु पहुत्तु कय- बहु-मंगल-आयारि ॥

[४८४]

एत्थ-अंतरि विहिय-सिगार

बहु-सहि-यण-परियरिय फुरिय-कंति-सव्वंग-मुंदर ।
 चुंटंती मालइहि कुसुम ललिय-खोहिय-पुरंदर ॥
 दंसण-मित्तुत्तावियहं तरुणहं हरिय-विवेग ।
 आससेण-नरवइ-मुइण दिट्ठ नियंविणि एग ॥

[४८५]

अह तुमं चिय जाइ जाया सि

संजुत्त-कुसुम-स्सरिहिं मज्झि लयहं एयहं पहाणहं ।
 संजायउ जीए पहु पाणि-फरिसु फलु तरुणि-रयणहं ॥
 इय चित्तंतह अवहियह अणिमिस-नयण-जुयस्सु ।
 इयरीए वि रायवभहिय खिविय दिट्ठि कुमरस्सु ॥

४८१. ७. तुरय-रयणेहि missing. ९. क. पडिरिहि.

४८४. ६. क. नाम added marginally and not clearly legible,

ख. missing.

[४८६]

तयणु पभणिउ पुरउ स-सहीण

नणु एस नवल्लु कु-वि अह भणेइ क-वि ईसि विहसिउ ।
 धुवु न हवइ वल्लु एहु महिहि तिलउ मइ तुह पयासिउ ॥
 इयर पर्यपइ — हलि सहिउ मह वयणु वि निमुणेह ।
 एस असोगु जु पिय-सहिहि सच्चविओ त्ति मुणेह ॥

[४८७]

अवर पुणु परिमुणिय-सहि-हियय

भणियच्च-वियक्खणिय भणइ — तुम्भि किंचि वि न-याणहं ।
 जं अम्हहं पिय-सहिहि भत्ति-भरिण पयडिज्जमाणहं ॥
 पूया-विहिहि पडिच्छ-कए पुलयंचिय-सव्वंगु ।
 सक्खं चिय पयडीहुयउ चिट्ठइ एहु अणंगु ॥

[४८८]

इय सणद्धिण सयण-यणसार-

कत्थूरिय-अगुरु-सिरिखंड पंक-फळ-कुसुम-दामिहि ।
 निय-हत्थिहि पूय-विदि विसम-सरह परिमलहिरामिहि ॥
 पिय-सहि किज्जउ भत्ति-भरु जेण मयणु भयवंतु ।
 हियइच्छिय-वर-वियरणिण तुरिउ हवइ फलवंतु ॥

[४८९]

सयलु अ-वितहु एहु इय मुणिर

वियसंत-वयणंवुरुह मयण-पूय-सामग्गि धेप्पिणु ।
 सा वालिय गंतु तहि कमल-माल निय-करि धरिप्पिणु ॥
 गल-कंदलि आरोविउण विम्भिय-मण-पसरस्सु ।
 हरि-चंदणिण विलिपिउण वच्छ-त्थलु कुमरस्सु ॥

४८६. १. क. विहसिउ.

४८८. ३. दामिहि. ४८९. ५. निय करिप्पिणु.

[४९०]

नमिवि भस्तिण चल्ण-तामरस-

कर-संपुटु सिरि धरिवि भणइ — मयण पणइ-यण-वच्छल ।
 जह पयडिउ अप्पु पइं करिवि मज्जुवरि करुण निम्मल ॥
 तह पसियसु हियइच्छियइ वरइ पयाणिण अज्जु ।
 जमिह महंतिहि संगहिउ हवइ असज्जु वि कज्जु ॥

[४९१]

एत्थ-अंतरि पुब्बि कि न आसि

अह होंतु न सच्चविउ सच्चविउ वि कि न चित्ति चडियउ ।
 मण-चडिओ वि वलियरह कसु वि वसिण कि मणइ निवडियउ ॥
 तियसामुर-नर-नहयरहं हरिस-विहाणि पगब्भु ।
 अन्नु न विहिण वि एरिसउ विहिउ चारु संदब्भु ॥

अवि य—

[४९२]

जेण सिरि-वइ रइउ गोविंदु

पंचाउहु रइहि पिउ उव्वसीए सामिउ मुरेसरु ।
 सीयइ पइ रामएवु पाण-नाहु तारयइ ससरु ॥
 सो थी-रयणइ एरिसइ करणुज्जय-हिययस्सु ।
 नीसेसु वि अब्भास-कए मन्ने विहिदि अवस्सु ॥

[४९३]

इय विचित्तिरु हरिस-वियसंत-

रोमंच-अंचिउ कुमरु भणिउ ईसि विहसिवि महिदिण ।
 नणु सामिय विसम-सर विजिय-तिजय गिय-कित्ति-वंदिण ॥
 हियइच्छिय-वर-अभिमुहउ किं न हवसि एईए ।
 सिंधुर-गमणिहि ससि-सुद्धिहि परहुय-सम-वयणीए ॥

४९०. २. क. धरवि. c क. महंतिहि. ४९२. २ क. पिचाउहु. ९. विहियवस्सु.

४९३. ३. क. महिदिणि.

[४९४]

अह कुमारह वाढ-संजमिय-

मण-वाया-कायह वि तरुणि-रयण-कय-पाणि-फरिसिण ।
 निय-मित्तह वयणिण वि बहल-पुलय-संजणिय-हरिसिण ॥
 फुरिय-अहरु वियसिय-वयणु पयडिय-नयण-वियासु ।
 दसण-किरण-धवलिय-भुवणु लडहु पयट्टउ हासु ॥

[४९५]

तयणु कुमरि वि नणु किमेयं ति

चित्तंत गुरु-सज्जसिण कंपमाण-कर-अहर-चरणिय ।
 जा चिट्ठइ कंचि खणु दुगुण-सोढ-विलसंत-वयणिय ॥
 ता उद्धीकय-करयलिण वंदिण अवसर-पत्तु ।
 पडिउ कुमारह पुरउ — पट्टु निमुणउ अविचल-चित्तु ॥

[४९६]*

कोल संपइ सरहिं पल्ललहं

संतावु निरसहिं करिहिं जूह नियय-कर-सीयरोहिहिं ।
 रोमंथ-मंथर-मुट्ठिहिं आलवालि ठिउ हरिण-जूहिहिं ॥
 तावुवसम-कइ पिय-वयण- चंदणु सरसु भुयंग ।
 दु-वि सेवहिं तह पडिय तरु छाया लिति तवियंग ॥

[४९७]

अह मुणेविणु मत्थयारूढु

दिणइंदु सही-यणिण सहिय कुमरि निय-देह-मेत्तिण ।
 कहकहमवि निय-घरह समुहु चलिय मुन्नेण चित्तिण ॥
 कुमरु वि कर-उत्तिण-चिर- पाविय-रज्ज-सिरि व्व ।
 ठिउ निच्चल-मण-तणु-वयणु खणु तत्थ वि सिद्धरि व्व ॥

* As the end portion of the palm leaf is lost,
 496-8-9 to 498. 4. is missing in K.

[४९८]

अह महिदस्सीह-वयणेण

तणु-मेत्तिण काणणह कुमरु कह-वि निय-भवणि पत्तउ ।
 नीसेसु वि भुवणयल- वत्थु-सत्थु तिण-ससु मुणंतउ ॥
 कहमवि विहिय-सरीर-ठिइ वारिय-इयर-पवेसु ।
 चिहइ निरु सुमरंतु तसु तरुणिहि ललितु असेसु ॥

अवि य—

[४९९]

स जिज चंचल-कमल-दल-नयणि

सा सिंधुर-सम-गमणि स जिज महुर-कलहंस-भासिणि ।
 सा पुण्ण-ससहर-वयणि स जिज असम-विभ्रम-पयासिणि ॥
 सुमरिवि सुमरिवि विसमसर- आउरु खणु एगेगु ॥
 तसु मणु मुज्झइ विम्हियइ तूसइ विगय-विवेसु ॥

[५००]*

तयणु निमुणिय-कुमर-वुत्तंतु

चत्तेयर-कज्ज-विहि पत्तु तत्थ तम्मिच्चु तक्खणि ।
 जंपेइ य — पहु पसिय कहसु हेउ स-सरीर-कारणि ॥
 अह दीहुणहुस्सास-वस- सोसिय-अहर-दलिल्लु ।
 कुमरु भणइ — नणु पयइ तुह मह वइयरु पुव्विल्लु ॥

[५०१]

इय मयच्छिहि तीए कह-सवण-

उक्कंठितु मज्झ मणु महइ सविह-विहि सवण-जुयलह ।
 मिच्चत्तणु लोयणहं दट्टकासु सिरि तीए रूवह ॥
 अगगगइ धावइ तुरितु तस्संगम-जणियासु ।
 बारिज्जंतु वि न विरमइ इहु हियडुलउं हयासु ॥

५००. ४. क. व. ५०१. ९. इहु लहुलउं.

* As the end portion of the palm leaf is lost, lines 500, 1-2, 503. 3-5; 504. 7 are partly or wholly missnig in R.

[५०२]

अह सु भित्तिण भणिउ — नणु नाह

तहिं वेवुज्जाण-वणि चल्ह कह-वि विहि वसिण जइ पुणु ।
 सा पत्तिव हवइ निय- रूव-विजिय-जय-तरुणि वर-त्तणु ॥
 ता पच्चूसि समुट्ठिउण मित्त-मेत्त-परिवार ।
 तरुणी-यण-दंसण-तिसिउ गउ उज्जाणि कुमार ॥

[५०३]

तयणु — मयणह भवणु एहु तं जि

सा चेव एह रयण-धर सु जि असोउ एहु महु सद्दोयर ।
 मलयाणिलु एहु सु जि आसि सविहि ससि-मुहिहि मुंदरु ॥
 संपइ पुणु तमु वालियह दुसइ हुयइ विओइ ।
 पलयाणिलु वि विसेसवइ वंधव जोइ-न जोइ ॥

[५०४]

इय विसप्पिर-दीह-नीसामु

परिविलसिर विरह-दुहु कुमरु करुणु विलवंतु मित्तिण ।
 निय-अंग-परिप्फुरण- कट्ठिय-कज्ज-सिद्धिण पसंतिण ॥
 भणिउ — विस्रसि नाह किह तुहुं पागय-पुरिसु व्व ।
 जमु कज्जिण हउं उज्जमहुं सयल-रयणि-दिवसु व्व ॥

[५०५]

ता पयच्छसु मज्झ आपसु

पायालह महि-यलह नह-यलह व लीलइं गहेविणु ।
 निय-नायग-गाढ-गुण- गहिय-हियय अग्गइ करेविणु ॥
 सा लहु निय-पहु मण-रयण- तक्करि उवदंसेमि ।
 अन्नह मज्झि वसुंधरह निय-नामु वि न वहेमि ॥

[५०६]

इय ठवेविणु कुमरु कंदप्प-

भवणाजिरि कद-कद-वि कुमर दिण्ण-आएसु तस्सुहि ।
 अन्नेसणि तरुणियह चलिउ जाव ता नियइ ससि-मुहि ॥
 सहि तीए चिवय गोरियह विहिय-पुरिस-नेवच्छ ।
 गच्छंतिय लइयंतरहं समुहु वियासिय-अच्छ ॥

[५०७]

अह महिदस्सीह-कुमरेण

बोल्लाविय सा - सुयणु कहसु मज्झ को एहु वइयरु ।
 जं दीसइ पइं विहिउ पुरिस-वेसु वयणह अगोयरु ॥
 तयणु हसेविणु गोरडी भणइ सविहि आगंतु ।
 निमुणसु सु-पुरिस अइहियउ होउण मह वुत्तंतु ॥

तहा हि—

[५०८]

दियहि पच्छिमि इह वि उज्जाणि

संपत्तिय मज्झ सहि आसि मयण-पूयणह कज्जिण ।
 ता अहरिय-विसमसर- तियस-इंद-गोविंदु रुविण ॥
 दिट्ठउ को-वि हु मह सहिहिं मयण-वभवण-दुवारि ।
 भुवण-सिरोमणि नर-रयणु विहिय-अवहि-सिंगारि ॥

[५०९]

तयणु अवगय-हियय-भावाण

स-सहीण वयणिण मयण- विवभमेण तसु पूय विरइय ।
 तह स-करिहिं चंदणिण अंगुवंग सयलि वि विलेविय ॥
 मुद्धहि मज्झ वयंसियहि अह तत्तणु-फरिसेण ।
 अइ-कोमलिण सु-दुल्लहिण नडिउ अंगु अइरेण ॥

[५१०]

सुयणु संपइ हुयउ अइ-काल

ता गम्मउ — इय सहिहिं भणिय मुद्ध सा देह-मेत्तिण ।
 कह-कहमवि काणणह नियय-भवणि गय मुन्न-चित्तिण ।
 ता संपाविय-अवसरिण विसम-सरिण सा वाल ।
 आलिं गिय तह कह वि जह हुय तसु दस विगराल ॥

[५११]

अह तुरंतिहिं सविह-गय-सहिहिं

विरहाणल-पज्जलिर पढम-निसिहिं उदियम्मि ससहरि ।
 वायंतइ मलय-गिरि- पवणि कयइ तामरस-सत्थरि ॥
 मणिमय-कुट्टिम-तल-उवरि नेउ निवेसिय मुद्ध ।
 अह दहयरु विरहिण तविय नं पलयाणलि लुद्ध ॥

[५१२]

किं नु विरइउ एउ रवि-करिहिं

किं व उट्ठिउ वाडवह किं व जणिउ कप्पंत-जलणिण ।
 किं व निम्मिउ तडि-लयहं किं व विहिउ वज्जग्गि-पडणिण ।
 सहयार-इम-मंजरिहिं संगिण खलियावेगु ।
 मलयाणिलु तणु-दाहयरु हुउ महू हरिय-विवेगु ॥

[५१३]

हुयउ मुम्मुर-मउ व तामरस-

दल-संचिउ सत्थरु वि चंद-किरण पुण सर विसेसहिं ।
 गोसीस-चंदण-रस वि अंगि लग्ग हुयवह व सोसहिं ॥
 इय विलवंतिय पुण पुणु वि वियलिय-सयल-विवेय ।
 उट्ठिर विहसिर चंक्रमिर भणिय गोसि मइ एय ॥

[५१४]

किह णु पिय-सहि चइवि धीरत्तु

एम्भ वि तुहुं चिह्हिसि किं न कुणसि केत्तिउ वि उज्जम्भ ।
 जह दंसहुं करि धरिवि विसम-वाणु तुह सो जिज निरुवम्भ ॥
 अह किं-चि वि तक्कह-सवण- पच्चाणयचेयन्न ।
 संपत्तिय उज्जाण-वणि सा इह मइं सउं कन्न ॥

[५१५]

ता निरिक्खिवि मयण-आययणु

अवलोइवि सयलु वणु सु जिज मयणु अनियंत वालिय ।
 सविसेस-समुल्लसिय- विरह-जलिर-हुयवह-करालिय ॥
 गंतु मज्झि कयलिय-हरह निवडिय नीसाहार ।
 भणइ य कहमवि मह पुरउ खलिरक्खर-पम्भार ॥

[५१६]

सहि करेविणु वेसु मयणस्सु

आगच्छसु मह पुरउ जेण लल्लहुं तेण वि विणोइण ।
 तह चेव य कयइ मइं मिलिउ तुहुं वि इह विहि-निओइण ॥
 इय जइ कहमवि सु वि मुहउ एइ एत्थ पत्थावि ।
 ता अप्पउं सु-कयत्थु हउं मन्नहुं अकयत्था वि ॥

[५१७]

एत्थ-अंतरि मयण-आययणि

अ-लहंतउ रइ कुमरु परिभमंतु तत्थ वि पट्टत्तउ ।
 अह विम्भिय-मण-पसरु सुणित्रि ताहं दोणहं पि वत्तउ ॥
 नणु मह नेवत्थिण वि तुहुं इह वि अच्छु पसयच्छि ।
 तुह छम्मिण जिण गंतु तर्हि पेच्छउं हउं जि मयच्छि ॥

५१४. ७. क. सेयज्ज, ५१६. २. क. सयल.

५१७. १. क. आयणिण,

[५१८]

इय भणेविणु ताल-रव-पुव्वु

पहसंतिहि तिहि दुहि वि चारु चारु इय जंपमाणिहिं ।
 वियसंत-वयणंबुरुहु पत्तु सविहि तसु हरिण-नयणिहि ॥
 इह उत्तम्मिवि गोरढी ठीय अहोमुह जाव ।
 आलिंगिवि सिरि चुंविउण भणिय कुमारिण ताव ॥

[५१९]

सुयणु पच्छिम-दियहि कुसुमोद-

हरियंदण-रसिण तइं महिउ अंगु तह सुद्ध-बुद्धिण ।
 महुरक्खर-रविण मह पुरउ पठिय थुइ भाव-सुद्धिण ॥
 तिण हउं पीय-सुहा-रसु व पत्त-परम-उदउ व्व ।
 हुयउ हरिस-पुलयंकुरिउ कप्पहुम-पोउ व्व ॥

[५२०]

अज्जु तुहुं पुणु किह णु ससि-वयणि

पसिऊण संभासिण वि कुणसि न मह संमाणु माणिणि ।
 जं चिट्ठसि वसुमइहिं निसिय-नयण कलहंस-गामिणि ॥
 ता दाहिण-भुय-लय मुहय- खंधि निवेसिवि मुद्ध ।
 जंपइ-हुं हुं मइं सुणिउ तुह नेहु सुहासिय सुद्ध ॥

[५२१]

तुह विओएण सुहय हउं थक्क

विरहाणल-तविय-तणु जीवियंत-संपत्त-दुह-भर ।
 तुह गोयरि अणायर रमहिं रमणि सय-सहस सुंदर ॥
 अह भीडिवि वच्छ-त्थलिण वंधिवि भुय-पासेहिं ।
 भणइ स-सज्जसु कुमरु ससि-मुहि वयणिहिं सरसेहिं ॥

[५२२]

सुयणु बहुहिं वि वाम-नयणाहिं

निय-सविहिं संठियहिं आसि विरसु मह अमय-पाणु वि ।
 अइ-उणहु चंदण-रसु वि तणुहु दाह-करु मलय-पवणु वि ॥
 मुम्भुर-अग्नि-विसेसयर रयणीयर-किरणा वि ।
 करवालाउ वि तिकखयर मुत्ताहल-दारा वि ॥

[५२३]

एण्हि पुणु तुहु ति-जय-तिलयाए

तणु-संगम-अमय-रस- पसर-सित्तु पुव्वुत्तु सयलु वि ।
 हउं मन्नउं परम-सुह- हेउं सेस-तरुणियण-वियलु वि ।
 ता पसयच्चिड्ढ सिणिद्ध-निय- दिट्ठिण संभावेसु ।
 मा तिल-तुस-तिग्भाणि वि महुवरि कोवु करेसु ॥

[५२४]

तयणु मह सहि सुहय-नेवत्थ

एस त्ति परिचितिरिय अकय संक निय-अंकि ठाविवि ।
 जहण-त्थल-थण-वयण- पाणि-फरिस-मुहु परमु पाविवि ॥
 सव्वंगालिगणु करिवि सायर लोयणि वामि ।
 कुमरिण चुंविय वाल निरु मयणुज्जीवण-धामि ॥

[५२५]

एत्थ-अंतरि जणय-पासाउ

तुरंतउ पवर-नरु नाइदूर-देसम्मि पत्तउ ।
 जंपेइ य गुरु-हरिस- रोम-राइ-रेहंत-गत्तउ ॥
 सूर नराहिव-नंदणह सविहि गहिर-सदेण ।
 हउं पेसितु चिट्ठउ पुरउ कुमरह धरणिदेण ॥

[५२६]

चोल-सिंहल-निवड-नय-चलणु

चेदीस-चिंता-रयणु जिय-कलिंग-वंगंग-नायगु ।
 सिरि-लाड-नराहिवड- विहिय-सेवु नय-इठ-दायगु ॥
 भोय-नराहिव-अंगरुहु कुमारड सेव-पवन्नु ।
 अत्थि पडुत्तउ धवलहरि सेस-निवड-मुह-वन्नु ॥*

[५२७]

इय सुणेविणु कुमार नीहरड

कह कह वि कयलीहरड जाव ताव सु जि भोय-नंदणु ।
 संपत्तउ संनिहिहिं अह नमेवि तसु भुवण-मंडणु ॥
 निज्जिय-रवि-रह-तुरय-रउ भुवणक्कमणि सुलोलु ।
 निरुवम-लक्खणु पयड-अभिहाणु जलहिकल्लोलु ॥

[५२८]

जो य अंगुल असिड उस्सेहि

परिणाहिण नवनवड आयईए सउ अट्ट-उत्तरु ।
 चउरं-गुल पुणु सवण जन्नु-खुरिय उवलद्ध-वित्थरु ॥
 वत्तीससिय-सिर-पवरु वीसड-वाहुय-दंडु ।
 सोलस-अंगुल-जंघ-जुउ गूढय-पट्टि-वरंडु ॥

[५२९]

मडह-तल्लिय-सवणु चउरंसु

वित्थिण्ण-निडालयलु कुडिल-कडिण-निम्भंस-वयणउ ।
 थिर-पत्तल-नयणु निरु फुरुफुरंत-विलसंत-योणउ ॥
 सुघडिय-सम-मणिवंधु तणु- उयरु सु-दीहर-जंघु ।
 सुललिय-चमकिय-पुलिय-वर- वग्गिय-गड-निव्विग्घु ॥

* At the end of st. 526 क. ख. read प्रेक्षां १५००. ५२८. ६. क. वत्ती-
 भूषियसिरयवरु. ५२९. १. क. समणु

[५३०]

वहर-मरगय-पुलय-वेरुलिय-

ससि-सूरकंतक-मणि- इंदनील-पमुहेहिं रयणिहिं ।
 परिविलसिर-आहरण- विहिय-सोह-सवंगु धरणिहिं ॥
 पसरिय-कित्ति तुरय-रयणु वियरिउ कुंवर-वरस्सु ।
 अह नणु भुवणु वि अवकमइ एहु निय-गुणिहिं अवस्सु ॥

[५३१]

इय विचिंतितिवि जलहिकल्लोल-

अभिहाणिग पायडइ तुरय-रयणि तहिं आरुहेविणु ।
 सविहागय-निव-मुयहं बहुहुं पुरउ स-हरिसु भणेविणु ॥
 नणु धाविरहं तुरंगमहं को जिण्णइ कवणेण ।
 सह बहु-कुमर-तुरंगमिहिं मुयइ तुरउ वेगेण ॥

[५३२]

ता खणद्धिण जलहिकल्लोलु

परिधाविरु विजिय-मण- पवण-वेगु बहुयर वसुंधर ।
 अवकमिउण गयउ अह सेस कुमर पसरंत-दुह-भर ॥
 उहु आगच्छइ जाइ उहु उहु गउ दूर-पएसि ।
 उहु सु न दीसइ - इय सुइरु विलवहिं कुमरह रेसि ॥

[५३३]

अह समुब्भुय-नियय-अंगरुह-

पहमेल्लुय-विरह-दुहु सुणिय-पुच्च-उवइह-वइयरु ।
 चउरंगिण निय-वल्लिण चलिउ सयल-पडिक्ख-दुह-यरु ॥
 आससेण-वसुहाहिवइ विहलिय-माण-मरदु ।
 गयउ वसुंधर अइ-वहुय मउलिय-मुह-कंदुदु ॥

५३१. क. बहुहु पुरओ.

५३२. १. क. कल्लोल. ६. ७. ८. क. ओहु at all the four places.

५३३. १. क. समुब्भुव.

[५३४]

तयणु मोडिय-छत्त-दंढेण

सुसुमूरिय-तरुवरिण दलिय-सयल-गिरि-नियर-सिहरिण ।
 उप्पाडिय-मंदिरिण खुणिय-खोणि-तल-रेणु-पसरिण ॥
 अंधीकय-जय-लोयणिण पलयाणिल-सरिसेण ।
 निवइ स-सेन्नु विसंठुलिउ बलवन्तिण पवणेण ॥

[५३५]

एत्थ-अंतरि नमिवि सिरि-सूर-

नरनाह-अंगुळभविण भणिउ भावि-असमाण-रिद्धिण ।
 वद्धाविमु इउं जि धुवु सामिसाल पइं कज्ज-सिद्धिण ॥
 पसिय नियत्तमु जमिह रवि-किरण च्चिय जिय-लोइ ।
 तम-भरु पसरंतु वि हरहिं जह न त नहयलु जोइ ॥

[५३६]

इय विचित्तिहिं वयण-रयणणेहिं

कह-कहमवि विण्णविवि आससेणु नरनाहु वालिवि ।
 सिरि-सूर-निवंगरुहु चलिउ कुमर-दिसि-मुह निहालिवि ॥
 कमिण असेसि वि सेस-जणि निय-निय-ठाणि पट्टुत्ति ।
 भमइ स-वाहु-विइज्जु महि सूर-नरिंद-मुओ चि ॥

[५३७]

विसइ सरवर-कूव-विवरेसु

गिरि-सिहरिहि आरुहइ नयरि पविसेइ पुणु पुणु ।
 अणुधावइ काणणहं मणि धरंतु निय-सुद्धिहि गुण-गणु ॥
 कुणइ सरीर-ट्ठिइ वि फल-पत्त-कंद-कुसुमेहिं ।
 न रमइ पइ-निवइहिं कइहिं गउरविहिं वि परमेहिं ॥

[५३८]

कमिण पुणु अणुदिणु वि परिगमिरु
 संपत्तु महाडविहिं कह वि कूर-सावय-रउदिहिं ।
 अह निमुणिवि गडयडिउ विडिउ विविह-सिंधुरिहिं भदिहिं ॥
 नणु किं सणतुकुमार-नर- रयण-गहिर-शुणि एउ ।
 इय चितिरु तमु संपुहउ धाइ मुट्ठि वंवेउ ॥

[५३९]

चमरि-केसरि-वग्ग-सहुल-
 वण-वारण-सरह-हरि- हरिण-नउल-कलहंस-संकुलि ।
 गुरु-तरुयर-गिरि-गहण- विउल-तडिणि-सरवर-समाउलि ॥
 हिंडंतह तमु तहिं महिहिं पत्तु वसंतु दुरंतु ।
 जहिं विरहिउ पिय-माणुसह गुण सुमरइ श्ररंतु ॥

[५४०]

कमु व वर-तरु-कुसुम-मयरंद-
 आमोय-वहलिय-सयल- वसुह-वलय-गिरि-विवर-अंवरु ।
 सहयार-तरु-मंजरिहिं रेणु-पसर-पिंजरण-मणहरु ॥
 किंपाग-हुम-कुसुम-रय- भरिय-दियंतरु एउ ।
 वियलइ हियडुल्लउं जणहं मलयाणिलु महु-केउ ॥

[५४१]

तवहिं पहि-यणु भमर-अंकार
 परहुय-रव निडुहहिं जणहिं खेउ केसुय असोय वि ।
 वियइल्ल मालइ वउल कन्नियार बुह देति गरुय वि ॥
 नं चिट्ठइ रुट्ठिण विहिण पहियहं मंडिउ पासु ।
 इय कमु मुहि ण अइक्कमइ एहु वसंतु हयासु ॥

[५४२]

गरुय-गिरिवर-महण-पजलंत-

दावाणल-संगमिण जणिय-झुवण-संतावु निदठुरु ।
 परिसोसिय-महि-वल्लय- वावि-कूव-सरि-सरु मुदुदुरु ॥
 वायंतउ झंझा-पवणु कय-तरु-पत्तस्साडु ।
 कसु कसु न हवइ डाहयरु गिम्ह-यालि जिम्ब भाडु ॥

[५४३]

विगय-पत्तहिं दलिय-कमलाहिं

परिवियलिय-पाणियहिं दूर तसिय-सरि-नल्लिणि-तरुणिहि ।
 रवि-कुनिविण खर-करिहिं निहय-कंति-सयवत्त-वयणिहिं ॥
 तह खर-पवणुद्वय-रइण उदुंधुलिय-दिसेण ।
 कु न संताविउ महि-वल्लइ गिम्हिण काउरिसेण ॥

[५४४]

सजल-जलहर-धार-सर-सेणि

यण-गज्जि-हुंकार-रवु विज्जु-पुंज-कन्निय-भयंकरु ।
 महु-लुद्ध-धाविर-भमर- कुळ-कयंव-केसर-विसप्पिरु ॥
 निय-पिय-सहिय-सिंहंडि-कुल- परितड्ढविय-कलावु ।
 पाउस-पामरु विरहियह कसु न कुणइ संतावु ॥

[५४५]

नियवि सुरवइ-धणुहु गयण-यलि

कलहंस माणसि गमिर सरिय दो वि कूलइं निवाडिर ।
 सिजंत चायग महुरु जल-पवाह महियलु विहाडिर ॥
 केयइ-सिहरि-सिलिध-दुम- कुडय-विडवि-कुसुमाइं ।
 कसु पाउसि नहि विरहियह फुट्टइं हियडुलअइं ॥

५४२. २. क. दावाणल. ७. पत्तास्साडु.

५४३. १. क. °कमलाइं ७. उदुंधुलिय.

५४५. २. क. माणस. ५. पवाहु

[५४६]

विरल-जलहर-वरिसु पसरंत-

रयणीयर-किरण-भरु पिवक-सालि-परिमल-मणोहर ।
 उज्जीविय-सरिय-सर- पउम-कमल-कलहार-सुंदरु ॥
 कुसुमिय-सत्तच्छय-विहिय- वंधुजीव-सिरि-सारु ।
 दुह वि पयासिय-उदय-पिय- रायहंस-पवियारु ॥

[५४७]

हरिय-कवलण-मुइय-गोवग्ग-

सिंगग-दारिय-घरणि जणिय-तरणि-किरणोलि-वित्थरु ।
 परिसोसिय-सयल-महि- वलय-पंकु कय-पहिय-संवुरु ॥
 निय-निय-सामि-विओइयहं कय-असुइहं सत्ताहं ।
 किह अइगच्छइ सरय-रिउ महियलि जीवताहं ॥

[५४८]

मलिय-मालइ-वउल-वियइल्ल-

मंदार-तरुवर-विहवु विहिय-वयरि-तरु-कुसुम-फल-सिरि ।
 पवियंभिर-तुहिण-कण- पसर-गरिम-परितुलिय-हिमगिरि ॥
 तणुईकय-वासर-समउ दुगुणिय-रयणि-विभागु ।
 पयडिय-पहिय-दरिहि-यण- विग्गह-विसम-विवागु ॥

[५४९]

परम-कुंकुम-निविड-धवलहर-

बहु-सगडिय-वर-तरुणि- सुरहि-तेल्ल-सुहि-विहिय-आयरु ।
 पिय-पिययम-संग-सुहु गहिय-निविड-कंवल्लय-अंवरु ॥
 धण-रहियहं पहु-उज्झियहं मणुयहं दुह पयडंतु ।
 कालिहिं खड्डउ जाइसइ कइयहं इहु हेमंतु ॥

[५५०]

दुहय-ससहरु दइय-दिणइंदु
 फल-भार-भज्जिर-वइरि हरिय-वल्ल-वितागि-फल-भरु ।
 कप्पासिय-तूयरिहिं कुसुम-पसर-संहार-दुह-यरु ॥
 लोघ्र-पियंगु-पखण-भर- रय-रंजविय-दसासु ।
 कुंद-कलिय-मालइ-कुसुम- हरिसु वियासिय-कासु ॥

[५५१]

सयय-निवडिर-तुहिण-कंपंत-
 वज्जंत-दंतावलिहिं विहिय-वाहु-संवंध-हिययहं ।
 मुहि-सज्जण-विरहियहं धण-समिद्धि-कंखियहं पहियहं ॥
 सिसिरु हयासु दहावणउ किह कुसलावहु होइ ।
 ठायहं ठाणंतरि मुहिउ जहिं संचरइ न कोइ ॥

[५५२]

इय विचित्तिरु फुरिय-संतावु
 सिरि-सूर-निवंगरुहु वसुह-वीढि आ-वरिसु हिंढिउ ।
 न य स-वयण-परिविहिय- निय-पइण-लोविण विहंढिउ ॥
 अह पुव्वज्जिय-सुकय-कय- दाहिण-नयण-प्फंदु ।
 कुमरु महिदस्सीहु लहु पसरिय-गरुयाणंदु ॥

[५५३]

कमिण पुणरवि पत्ति जय-जंतु-
 तोस-यरि वसंत-महि- गहिय-विहवि सहयार-तरुवरि ।
 विप्फुरिइहिं परहुइहिं मलय-अणिलि उवलद्ध-अवसरि ॥
 अलि-उल-झंकारारविहिं वोहिज्जंति अणंगि ।
 दुगुणिय-पह-उच्छाह-गुणु हुयउ सूर-सुउ अंगि ॥

[५५४]

तयणु अग्गिम-मग्गि गच्छंतु
 आइण्णइ महुर झुणि रायहंस-सारसहं संतिय ।
 पेच्छेइ य कुसुम-फल- पत्त-रिद्धि वण-लय विचित्तिय ॥
 अंभोरुह-रय-पिंजरिय- मलयाणिल-संगेण ।
 षोणिउ नासा-संपुडिण तह अंगोवंगेण ॥

[५५५]

हंत निय-निय-विसय-उवलंभ-
 वावारिण इह वि मह तुट्ट एइ चत्तारि इंदिय ।
 रसणा उण थक्क एह एवमेव तण्हा-लुहदिय ॥
 इय चितंतउ सलिल-फल- अहिकंखिरु तूरंतु ।
 तीर-पइट्ठिय-विविह-वणि माणस-सरि संपत्तु ॥

[५५६]

तयणु स-हरिसु वण-गईदु व्व
 आलोडिवि सयलु सरु रुइ-पमाणु पाणिउ पिण्विणु ।
 जा भुंजइ कुसुम-फल तीर-सिहरि-सिहरहं गहेविणु ॥
 अहरिय-नहयर-सुर-असुर- किन्निर-गेय-निनाउ ।
 ता जिय-सारस-हंस-सिहि निमुणइ महुरालाउ ॥

[५५७]

अह — कहेरिसु गीय-उग्गारु
 निम्मणुय-महाडयहिं इय मणम्मि चितंतु सायर ।
 जा गच्छइ कय-हरिसु अग्गिमम्मि मग्गम्मि तुरियरु ॥
 ता तियसामुर-खयर-नर- तरुणहं मणहरणीण ।
 नयण-निमेसिण सुर-वहुहुं वेहम्महं तरुणीण ॥

५५४. ५. क विचित्तिय.

५५५. २. क. तुट्ट. ४. क. इहु.

५५७. ५. क. तरुणह.

[५५८]

मज्झि संठिउ गरुय-संतोमु

विज्जाहर-वंदियण- पढिय-कित्ति सव्वंग-मुंदरु ।
 गोसीस-चंदण-रसिण जणिय-दुग्गुण-तणु-कंति-वित्थरु ॥
 कुंडल-लिहिय-कबोल-थलु वर-मउडालंकारु ।
 हार-विराड्य-वच्छ-यलु कय-निरुवम-सिंगारु ॥

[५५९]

मयण-भवणह दार-देसम्मि

कयली-हर-अंतरिउ कणय-रयण-आसणुवविहुउ ।
 कय-गीउग्गार-वर- पेच्छणीय-दंसणि पढिहुउ ॥
 अइर-पयासिय-पुव्व-भव- संचिय-मुह-पव्वारु ।
 पणय-लोय-आणंद-यरु पेच्छइ सणतुकुमारु ॥

[५६०]

तमु कहेरिस रिद्धि अइरेण

जाय त्ति चित्तिरु सणिउ सणिउ गहिवि पच्छिम वसुंधर ।
 चिट्ठेउ छायाहं तरुहु मुणइ पढिर मग्गण फुडक्खर ॥
 पिमुण-मरट्ट-घरट्टु निरु नमिर-गुरुय-सिरि-हेउ ।
 कउरव-वंसुज्जोय-गरु आससेण-कुल-केउ ॥

[५६१]

समर-निज्जिय-सयल-खयरिंदु

विज्जाहर-चक्कवइ नियय-तेय-अहरिय-दिवायरु ।
 असिधारहं वीसमिर- सत्तु-सेणि गुण-रयण-सायरु ॥
 नहयर-कामिणि-थण-सिहर- संगम-जणियाणंदु ।
 जयउ जयउ भुवणव्वरिउ सणतुकुमारु नरिंदु ॥

५५८. ६. क. लिहिय, ख. हिय.

५६०. ४. क. छायाह.

५६१. ४. वासमिर. ५. क. रयणि

[५६२]

अह विणिच्छिवि — नूण सो चेव

इहु अम्ह कुल-कप्प-तरु आससेण-नरनाह-नंदणु ।
 आगंतु वि तसु पयई नमई सूर-निव-भवण-मंडणु ॥
 अह लहु उट्ठिवि सम्मुहिण आलिंणितु सव्वंगु ।
 सणतुकुमारिण सूर-सुउ हरिस-विराडय-अंगु ॥

[५६३]

तयणु महरिह-आसणुवविट्ठ

अन्नोन्न-वियसिय-वयण जणिय-पणय-आणंद-कंदल ।
 विम्हारिय-पुव्व-दुह नियय-सयल-सुहि-सयण-वच्छल ॥
 पढमय-मेलावग-उचिय-कय-पडिवत्ति-विहाण ।
 चिद्धहि एगत्थ वि ति दु वि खणु सुगहिय-अभिहाण ॥

[५६४]

एत्थ-अंतरि विहिय-सक्कारु

स-वयंसु नहयर-धुयहि निय-पियाहि कारेवि भोयणु ।
 चिर-दंसण-उल्लसिय-वाह-सलिल-संपुण्ण-लोयणु ॥
 सणतुकुमारु भणइ—कहसु कह तुहुं अखलिय-सत्तु ।
 बाहु-विइज्जु महाडविहि इह वयंस संपत्तु ॥

[५६५]

कह वि चिद्धहि मह विओयम्मि

दद-नेह जणणी-जणय तह ति मंति-सामंत-सज्जण ।
 मह निमुणिवि अरहरणु कह व पिउहु बट्ठति दुज्जण ॥
 अह कर-संपुडु सिरि धरिवि सूर-नराहिव-पुत्तु ।
 साहिवि नीसेसु वि खणिण निय-वइयरु पुव्वुत्तु ॥

[५६६]

भणइ—पसियह मज्झ तुम्हे वि

निय-वइयर-पयडणिण तुरय-रयण-अवहार-पमुहिण ।
 ता कुमरु अ-सत्तु तमु कहिउ नियय-वुत्तंतु स-मुहिण ॥
 स-दइय विज्जा-वल-मुणिय- तत्त-विसेस-समिद्ध ।
 अणुजाणइ पत्थुय-विसइ विमलमइ त्ति पसिद्ध ॥

[५६७]

गुरु-परिस्सम-वसिण निदाए

घुम्मंति मह लोयणइ वीसमेमि ता इह वि कु वि खणु ।
 इय जंपिवि उट्ठिउण मोत्तु तत्थ सयलो वि परियणु ॥
 मज्झि गंतु कयली-हरह पुच्च-विहिय-सयणम्मि ।
 निसियइ कुमरु स-वइयरह सवणि निविट्ठि मणम्मि ॥

[५६८]

तयणु निम्मल-दसण-किरणोलि-

परिधवलिय-सयल-दिसि चंद-वयण विमलमइ जंपइ ।
 जह-निमुणमु कुमर तुहं नियय-मित्त-वुत्तंतु संपइ ॥
 किल तइयहं तुम्हह पुरउ तिण तुरंग-रयणेण ।
 अज्ज-उत्तु इहु अवहरिवि परिखेवियउ खणेण ॥

[५६९]

तसिय-मय-कुलि भीय-सदूलि

परितुट्ठिर-गिरि-सिहरि भमिर-तुरइ नासंत-कुंजरि ।
 विलवंत-पुलिंद-यणि गलिय-विहव-निवडंत-तरुवरि ।
 फुट्ठिर-वंस-सहस्सि इय- कायर-जण-वेयणि ।
 जलिर-दवानलि जम-भवण- सरिसइ गरुय-अरणि ॥

[५७०]

ता किमिच्छु वि तुरउ जाहि चि
 बिंतेवि विमुक्कु सिरि- आससेण-कुल-गयण-चंदिण ।
 अह दीहर-सास-भर भरिउ तहिं जि सो ठिउ खणद्धिण ॥
 नणु धिसि धिसि मइं एहु तुरउ विवरिय-सिक्खु न नाउ ।
 इय चिंतंतु कुमार-वरु पयडिय-गरुय-विसाउ ॥

[५७१]

जा स-हत्थिण सिद्धिल-पत्ताहु
 हय-रयणु करेह लहु ता भमेवि महि-यलि तुरंगमु ।
 बहु-सास-स्सम-हयउ पडिवि हुयउ जम-भवण-संगमु ॥
 अह बहुयर-दुह-तविय-तणु आससेण-निव-जाउ ।
 तण्हा-छुहहिं किलंतु कह कहमवि फुरिय-विसाउ ॥

[५७२]

पत्तु पत्तल-साह-सहसस्सु
 सत्तच्छय-पायवह तल-पएसि जा ता खणद्धिण ।
 अनिरिक्खिय-पुल्ल-रवि- ताव-दुक्खु देव्वह निओइण ।
 तइयहं मुच्छ-विल्लिगलिउ निवडिउ निस्साहारु ।
 अह तक्खणिण वि पेक्खिउण तारिमु सणतुकुमारु ॥

[५७३]

भुवण-समहिय-रूव-विहवेण
 पसरंत-जोव्वण-भरिण विहिय-चारु-सिंगार-अंगिण ।
 उचिय-गणु-चूडामणिण अमय-महुर-मिउ-वयण-चंगिण ॥
 अज्जउत्त-पुण्णोवचय- आयइहिइण नरेण ।
 केण वि माणस-सरवरह जलु आणिवि स-करेण ॥

[५७४]

कुमरु सायरु सितु सव्वंगु
 ता पाविय-वेयणिण पीय-जलिण जंपिउ कुमारिण ।
 जह— भइ कुभो सि तुहुं को व कह व कय-परुवयारिण ॥
 तइं एहु ससहर-कर-धवलु अमय-महुरु आणीउ ।
 जीवाविउ हउं सप्पुरिस पाएविणु पाणीउ ॥

[५७५]

अह पयंपइ इयरु — निमुणेसु
 मह वइयरु नर-रयण रम्मि पहिय-अवहरिय-आहिबि ।
 कमलकख-नामिण पयडु जक्खु बसहुं हउं एत्थ पायवि ॥
 ता पेक्खिबि भुवणुत्तिमह तुह एह विसम अवत्थ ।
 आणिवि मइं माणस-सलिलु तुब्धि विहिय बीसत्थ ॥

[५७६]

तयणु पुणरवि भणिउ कुमरेण—
 पलयाणल-डाह-समु मह सरीरि संतावु पसरिउ ।
 तह जह इहु उवसमइ ताम जाम सव्वंगु वियरिउ ॥
 सलिलंजलि सारीरियहं संतावहं एयस्सु ।
 माणस-सरवर-सलिलु लहु अवगाहेवि अवस्सु ॥

[५७७]

तयणु जक्खिण अकय-विकखेवु
 परिकीलिर-खयर-वहु- चक्कवाय-कलहंस-कुंजरि ।
 कर-संपुडि कुमर-वरु करिवि नीउ माणस-सरोवरि ॥
 अह संपीणिय-नयण-मणु सणतुकुमारु सरम्मि ।
 पविसइ तियसामुर-तिरिय- तणु-संताव-हरम्मि ।

५७५. ३. क. The letter between भा and वि is unclear due to correction. ख. आहि° missing.

[५७८]

समय-मञ्जिर-खयर-तरुणि-यण-

यण-अंगरागारुणिउ कमल-रेणु-परिविहिय-सोहलु ।
 वण-कुंजर-गंड-यल- दाण-वारि-परिमलिण मंसलु ॥
 तीर-द्विय-पत्तल-वहल- साह-सिहरि-सच्छाउ ।
 अवगाह माणस-सल्लिलु अविहिय-अमय-विभाउ ॥

[५७९]

तयणु ववगय-अंग-संतावु

जा लगाउ नीहरिउ सरह गाढ-कय-चरण-संदणु ।
 निय-पुण्ण-संचिय-कवउ आससेण-नरनाह-नंदणु ॥
 ता मोडिय-तीर-हुमिण तोडिय-गिरि-सिहरेण ।
 धंधोलिय-वण-चारणिण उक्खय-रय-पसरणे ॥

[५८०]

निहय-विहण दलिय-मय-कुलिण

बेलविय-पुलिंदइण जणिय-दरिण अइ-उग्ग पवणिण ।
 संछाइय दिसि भरिय कुमर-नयण पुण रेणु-पसरिण ॥
 तह वि कुमारु सु तियस-गिरि- चूला अविचल-चित्त ।
 परिचिट्ठइ अक्खुहिय-मणु किं एहु इय चिंतंतु ॥

[५८१]

तयणु पसरिय-घोर-फुक्कार

रोसारुण-नयण-जुय दीह-काय अलि-गवल-सामल ।
 जम-दूयइं संनिहय जमल-जीह विस-वेग-पिच्छल ॥
 कुविय असेसस्स वि जयह कवलण-विहिहिं अ-चुक्क ।
 केण वि वहलिय-गयण-यल विसहर-निवह विमुक्क ॥

[५८२]

वद्ध तेहिं वि नाग-पासेहिं

सव्वंगु कुमार-वरु तयणु जलहि-अक्खुहिय-हियइण ।
 उद्धणिय स-भुय-लइण अहिअ-संधि तोडिय कुमारिण ॥
 अह गल-कंदल-लुलिय नर- रुंड-माल-वम्वालु ।
 वयण-निवेसिय-पुरिस-सवु करयल-कलिय-कवालु ॥

[५८३]

घोर-विसहर-वद्ध-जड-मउडु

दढ-दइह-घरिसण-फुरिय- रव-रउडु तडि सरिस-लोयणु ।
 अणुगच्छिर-कडकडिर- दसण-सेणि-वेयाल-भीसणु ॥
 अरि अरि सरि सरि इट्ठु कु वि इय साडोवु भणंतु ।
 दिट्ठु कयंत-कराल-तणु रक्खसु इगु आवंतु ॥

[५८४]

ता वि तुड्डिर-तुंग-सिंगगु

उभंत-सत्ताउलिउ विहिय-गहिर-बुक्कार-वानरु ।
 दढ-सिलयल-दलिय-पडिवक्खु खुहिय-विरसंत-कुंजरु ॥
 गुरु-गिरि-वरु करयलि धरिवि खिविउ कुमर-उवरिम्मि ।
 मुर-नहयर-कामिणि-नयण- जल-परिसित्त-सिरम्मि ॥

[५८५]

तयणु विसरिस-दंत-पंतीहिं

निम्मंस-सोणिय-तणुहिं चिविड-नहिहिं निरु सारि-कुच्छिहिं
 दुमुहिहिं तिमुहिहिं चउमुहिहिं पण-मुहेहिं सिय-गहिर-अच्छिहिं ॥
 वेयालिहिं पमुइय-मणिहिं जय-जय-रवु उग्घुट्ठु ।
 अह उद्धणिय-तणु खणिण पास-खिविय-गिरि-वट्ठु ॥

[५८६]

अहह पेच्छह सयल-जय-हरण-

रोसारुण-लोयणिण रक्खसेण जो मुक्कु गिरिवरु ।
 सो लीलइं कंदुगु व खिविवि दूरि विप्फुरिय-मच्छरु ॥
 धावइ को वि जयब्भहिउ सुहइ किं पि जंपंतु ।
 इय तियसामुर-नहयरहं वयणइं कुमरु सुणंतु ॥

[५८७]

पीण-मह-भुय-जंत-निप्पिट्टु

सरसिच्छ-लट्ठि व गलिय- सयल-धाउ-रस-पसर-दाणिण ।
 अरि रक्खस पाव तुहुं कुणमु तोमु दिय-गणहं अइरिण ॥
 मइं जीवंति स-तेय-भर- विजिय-सेस-तेयसि ।
 निहलज्जिण किण घोसियइ जय-जय-रवु इयरेसि ॥

[५८८]

इय पयंपिरु तुरिउ पसरंत-

दुप्पेच्छ-मच्छर-वसिण अरुण-नयणु धाविवि खणद्धिण ।
 आवीइइ रक्खसह देहु निविड-भुय-दंड-जंतिण ॥
 तह जह परिवियलिर-नयणु गरुय-मुक्क-पुक्कारु ।
 रक्खस-अहमु मही-चलइ पडियउ नीसाहारु ॥

[५८९]

अह कहिंचि वि लद्ध-चेयन्नु

लहु पुणरवि उट्ठिउण फुरिय-कोवु सो रक्खसाहमु ।
 जिण निहणिय-महिहरहं सिरइं पलउ पावंति निरुवमु ॥
 तसिय-सुरासुर-नहयरिहि पेक्खिज्जंतु — सु एउ ।
 मुग्गरु वच्छ-त्थलि पडउ पाव तुह कखय-हेउ ॥

[५९०]

इय भणेविणु गुरु-निहाएण

संभंत-सुर-कामिणिहिं निहय-वच्छ-तुहंत-हारहं ।
 मुत्तावलि-संवलिय- गलिर-नयण-दल-नीर-धारहं ॥
 नीसासिहिं सह परिमुयइ मुग्गु भीरु करालु ।
 उवरि कुमार-सिरोमणिहिं निरु अप्पह खय-कालु ॥

[५९१]

तयणु मुग्गर-घाय-विहुरंगु

धरणी-यलि निवडियउ कुमरु खयर-सुर-तरुणि-दुह-यरु ।
 ता रक्खस-तणउं वलु किंचि फुरिय-संतोस-सुंदरु ।
 धावइ वग्गइ उप्पयइ घोसइ जय-जय-सद्दु ।
 अह आगय-चेयन्न-भरु कुमरु विभाविय-भद्दु ॥

[५९२]

गुरु-मडप्परु फुरिय-भुय-मूलु

उम्मूलिवि वड-विडवि गरुय-कोव-कंपंत-खंधरु ।
 भू-भंगिण भीम-मुहु चलण-भरिण चालिय-वसुंधरु ॥
 अरिरि पिसाय-अहम्म तुह वड-विडविण दलियंगु ।
 कुणउ हरिसु वायस-कुलहं गलिय-जीय-सव्वंगु ॥

[५९३]

इय पयंपिरु समर-सरंभ-

अवल्लोयण-वाउलिय- खयर-तरुणि-दंसण-कयायरु ।
 मूलग्गइ वड-तरुहु दलिवि करिण गुण-रयण-सायरु ॥
 आससेण-निव-अंगरुहु कर-कय-वड-दंडेण ।
 एग-पहारिण रिउ हणइ तह जह उदंडेण ॥

[५९४]

गहिउ तक्खणि खुद्धिय-खोणिंद-
 खयरहिंव-दुस्सहिण जीवियंत-पीडा-विसेसिण ।
 अह वेविर-देहु भय- भीउ चत्तु लहु पुरिस-यारिण ॥
 मेल्लिवि गुरु-पुक्कार-रवु वेयण-विहुरिय-पाणु ।
 वज्जिय-लज्जु त्रिमुक्क-मउ रक्खस-अहमु पलाणु ॥

[५९५]

अह कुमारह उवरि मुर-अमुर-
 खयरहिंव-कामिणिहिं हरिस-पुलय-विलसंत-अंगिहिं ।
 वर-परिमल्लु मुक्क सिय- कुसुम-वुट्ठि गयण-यल-संगिहिं ॥
 जय-जय-रवु उग्योसियउ हुंदुहि पइय स-तोमु ।
 सणतुकुमारु विनिहलिय- जक्ख-पयासिय-रोमु ॥

[५९६]

सरय-ससहर-सरिस-जस-पसर-
 परिधवलिय-धुवण-यल्लु मणि धरंतु पुव्वुत्त कामिणि ।
 जा गच्छइ कित्तिउ वि मग्गु ताव मुरवहु-स धम्मिणि ।
 पाविय तियसामुर-तरुणि- मज्झि महिम-अइरेग ।
 नियइ स-संगुह आगमिर पवर नियंविणि एग ॥

[५९७]

तयणु विम्भिय-मणिणि कुमरेण
 गच्छंतिण तस्समुहु दिद सत्त तस्सरिस वालिय ।
 नंदण-वण-मज्झ-गय पवर-रूव-गुण-विणय-कुसलिय ॥
 पुव्व-दिट्ठ-तरुणिहि पुरउ तयणु भणिउ-नण मुद्धि ।
 काउ इमाउ णियंविणिउ इय मह साहसु मुद्धि ॥

५९४. ७. क. वेहुरिय.

५९५. ७. क. पइ सेतोमु. ५९६. ४. क. कित्तिओ. ५९७. ५. गुरुविणय; ९. क. साहस.

[५९८]

ईसि विहसिर किंचि नमिरंग
 चलणंगुलि-लिहिय-महि पाणि-पउम-संवरीय-अंवर ।
 चलियाहर-पल्लविय फुरिय-नयण-आणंद-जल-भर ॥
 खलिरवखर-गगगर-गिरिहि किंचि वियासिय-अत्थ ।
 मुद्ध पयंपइ सिर-उवरि परिसज्जिय नेवत्थ ॥

[५९९]

मुहय संपइ पसिय मह उवरि
 एत्तो च्चिय चुय-वणह नाइदूर-देसोवसंठिउ ।
 सुर-किन्नर-नर-महिय- मलय-निलय-देउल-गरिठिउ ॥
 पिय संगम-अहिलास इय नामिण पत्त-पसिदि ।
 चिट्ठइ विज्जाहर-नयर पसरिय-गरुय-समिदि

[६००]

तहिं कियंतु वि कालु आगंतु
 वोसमिउण निय-तणुहु अवहरेह गरुयर परिस्समु ।
 ता सयमवि होइसइ तुम्ह एय-वुत्तंत-अवगमु ॥
 अह तासिं चिय कामिणिहिं कंचुगि-दंसिय-मग्गु ।
 निव-धवलहरि कुमरु गयउ अइ-विमिहय-सव्वंगु ॥

[६०१]

तयणु तप्पुर-सामि-नरवरिण
 सिरि-भाणुवेगाभिहिण उट्ठिऊण अभिमुह-कयायर ।
 सीहासणि निय-करिण ठविउ कुमरु गुण-रयण-सायर ॥
 अह सिरि कय-करयंजलिण गुरु पडिबत्ति करेवि ।
 भणिउ-कुणसु संतोसु मह धूय अट्ट परिणेवि ॥

५९८. ६. क. गिरिहि, ख. गिरिहि. ६००. ६ क. कामिणिहि.

६०१. ८. क. कुण.

[६०२]

जमिह अभ्हहं नियय दुहियाहं
 विसयम्मि चिताउरहं विहिय-विणय-पणमिर-सुरिदिण ।
 परिसाहिउ आसि सिरि- अच्चिमालि-नामिण मुणिदिण ॥
 जो अवहरिहइ दप्प-भरु जक्खह असियक्खस्सु ।
 सो तुह धूयहं अट्ठहं वि इविहइ दइउ अवस्सु ॥

[६०३]

ता कुमारिण गरुय-विहवेण
 तत्थेव य तक्खणि वि अट्ठ ताउ तरुणियण-सारिय ।
 पसरंत-अणुराय-रस- सोहमाण परिणिय कुमारिय ॥
 अह कय-नव-परिणीय-विहि विरइय-कंकण-वंधु ।
 पविसइ रइ-मंदिरि कुमरु ह्रुय-नव-वहु-संवंधु ॥

[६०४]

गुरु-परिस्सम-वसिण पुणु तस्सु
 अइरेण वि रइ-भवणि धरणि-नाह-लीलइं पमुत्तह ।
 समुवागय निद बहु तयणु सयण-सुहियण-विउत्तह ॥
 गोसि विहंगम-कुल-रविण पयडिय-पडिवोहस्सु ।
 तं पुरु सु परियणु ताउ नव पिययम अ-नियंतस्सु ॥

[६०५]

सिविणु किं एहु किं व मइ-मोहु
 किं व जायउं सच्चवउं इंदयालु किं व किण-वि दरिसिउ ।
 जं पुव्व-सपुर-सयण- दइय-विरह-दुहिओ वि हरिसिउ ॥
 आसि किंचि इउं अट्ठहिं वि दइयहिं सह संवंधि ।
 परि मह सिरि कुमुमिय-तरुहु डालि व भग्ग अ-संधि ॥

[६०६]

इय कुमारह विगय-नीसेस-

घर-परियण-पिययमह सुद्ध-धरणि-तल-संनिसन्नह ।
 अवियक्किय अणि सवणि पडिय एह गयण-यल-मग्गह ॥
 हा सहि हा पिय हा जणणि हा भाविय-भत्तार ।
 आससेण-नरवड-तणय रक्खहि सणत्तु कुमार ॥

[६०७]

तह — सुल्लोयणि किमिह ताएण

किं जणणिहिं किं सहिहिं किं व नियय-देवय-विसेसिण ।
 कि व तिण महि-गोयरिण आससेण-निव-मुय-कुपुरिसिण ॥
 तियसासुर-नर-मय-महणु मइं सुमरसु पसयच्छि ।
 कामाउर-मण जेण तुह तत्ति करावड लच्छि ॥

[६०८]

तयणु पाविण केण परिकुविय-

जमदयालोइएण दसण-गणण-उच्छट्टिय-चित्तिण ।
 परिस्सित्तउ नियय-करु वयणि सोह-पोयह कु-मंतिण ॥
 अवहरमाणिण किं पि एहु मह अणुरत्तु कलत्तु ।
 कुमरु पलोयड नह-यल्लह संमुहु इय चित्तंतु ॥

[६०९]

किंतु न नियड किं पि गयण-यलि

ता — एहु वि पुव्वु जिम्ब इंदियालु किंचि वि मुणंतउ ।
 ढंदुल्लइ जाव वणि स ज्जि तरुणि हियइण धटंतउ ॥
 ता सुर-भवणह निवडिउ व महरिह-सिरि-अवतारु ।
 इशु धवल्लहरु महाडइहिं नियड तिल्लोयह सारु ॥

६०६. ७. and रक्खहि in ८ lost in क. ८, जो ण.

६०८. ३. क. "गणण."

[६१०]

*अहं सु विन्दिउ — जत्थ सउ तत्थ
 पंचास वि इयं सुणिरु सणिउ सणिउ धवलहरि पविसइ ।
 ता निमुणइ मिउ-महुर- रविण लविर तिय इग महासइ ॥
 जह — जय पणय-मणिच्छियरि कमल-गम्भ-गोरंगि ।
 नमिरामर-नर-नायगहं रिउ-नासण-सव्वंगि ॥

[६११]

हुं खु दुरियहं हरणि ओं ह्रीं हि
 संपाइय-इह-फलि खग्ग-गुलिय-अंजणुवसाहणि ।
 फट्कारिण हणिय-रिउ- सेणि पणय-आणंद-कारिणि ॥
 जे तुह भत्तिहि पय नमहिं जोगेसरि तुहुं तेसि ।
 विहिहि अगोयरु सिविणहं वि फलु असरिसु वियरेसि ॥

[६१२]

इयं पसीयसि किं न पणइ-यण-
 चिंतामणि देवि मह गरुय-विणय-पणमंत-अंगह ।
 तसु दइयहं सुह-कमल- दंसणेण दुल्लभ-संगह ॥
 नियय-अवत्थहं सम-गुणहं निच्चु वि विणय-पराहं ।
 किं जुज्जइ अंतर-करणु निय-जणणी-जणयाहं ॥

[६१३]

अहं विसेसिण कुमरु सुमरंतु *
 हिययंतर-उल्लसिय पुव्व-दिट्ठ हरिणच्छि सु-चरिय ।
 हुं हुं एस वि क वि तरुणि फुरिय-गरुय-अणुराय-विहुरिय ॥
 मग्गइ गोरिहि पय-पुरउ पत्त-दसम-दस-काल ।
 अइ-दुल्लभउ को वि पिउ एहिं मइं व सा वाल ॥

* The text of stanzas 610, 611, 612, 613, 614, 615, and 616 in क is mostly blurred and illegible.

[६१४]

इय विचिंतिरु जाव अग्गम्मि

चउ पंच वि पय खिवइ कुमरु ताव सुह-सील-सुद्धइ ।
 जय-पायड-गुण-गणह पुरउ सु-गुरु-भत्तीए सुद्धइ ॥
 गोरिहिं देविहिं भणिउ इहु पयडेविणु अप्पाणु ।
 एहु ससि-मुहि पिउ आइयउ सो तुह गुणहं निहाणु ॥

[६१५]

सावमाण व तयणु तणुयंगि

जंपेइ गोरिहि पुरउ अजु वि देवि केत्तिउ पयारसि ।
 कर-सेठिउ साहिउण मज्झ दइउ जं नेय पयडसि ॥
 जइ पुणु कुरु-कुल-गयण-ससि पेक्खउं सणतुकुमार ।
 ता जाणहि भगवइ करउं कु-वि कु-वि तसु उवयारु ॥

[६१६]

इय सुणंतु वि हरिस-वियसंत-

सव्वंग-पुलयंकुरिय- वयण कमलु कुरु-वंस-मंडणु ।
 एहु ससि-मुहि निय-दइउ पेक्खिपेक्खि पडिक्ख-खंडणु ॥
 कुणसु सु मणिण जि कप्पियउ चिट्ठइ तसु उवयारु ।
 जं एहु हउं जि सु आइयउ पयडिय-मयण-वियारु ॥

[६१७]

अहव साहसु पसिय तुहुं कवण

कुरु-वंसह जस-कलसु को व सुयणु पइं दइउ मग्गिउ ।
 ता कन्नय भणइ अणुसरिवि लज्ज अज्जवु निसग्गिउ ॥
 जइ साकेय-पुराहिबह समरसीह-निवइस्सु ।
 अविताह-रूबह चंद-जस- अभिहाणह दइयस्सु ॥

[६१८]

ध्रुव सुनंदा नाम हउं अन्न-

दियहम्मि उमह जणय- पयहं पुरउ संपत्त-मेत्तिण ।
 एगयणिण दूयणिण नमिर-सिरिण विण्णत्तु जत्तिण ॥
 जह - गयउर-नयर-प्पहुहु आससेण-निवइस्सु ।
 निज्जिय-भुवण-नियंविणिहि सहदेविहि दइयस्सु ॥

[६१९]

अत्थि नंदणु भवण-अब्भहिय-

चक्काहिव-सिरि-तरुणि- रमणु अतणु-गुण-रयण-सायरु ।
 सोहग्गिय-सिरि-तिलउ रिउ-मरट्ट-घट्टण-कयायरु ॥
 पुण्णिम-ससि व समग्गहं वि विमल-कलाहं निहाणु ।
 रुविण जसिण जयब्भहिउ सणतुकुमारभिहाणु ॥

[६२०]

इय सुणंदह जइ न संवंधु

नर-रयणिण तेण सह हवइ विहिण ता नूण हारिउ ।
 मह जणण तयणु नणु जुत्तु एहु इय संपधारिउ ॥
 आससेण-नरवइ-पुरउ स-वल्लिण गच्छंतेण ।
 निय हउं सिरि-गयउर-नयरि हरिस्सु पयासंतेण ॥

[६२१]

अन्न-अवसरि सहिहि परियरिय

कंदप्प-पूयण-विहिण गइय आसि हउं नयर-काणणि ।
 ता मयणह पयडह जि विहिय पूय मइं हसिरि सहियणि ॥
 तयणंतुरु निय-घरि गइय केण-वि विहिहि वसेण ।
 अइव-दुरंतणि उप्परिण हउं गहोय दोसेण ॥

६१९. ३. अनणु°.

६२१. १. वसरि. २. क. पूरण. ६२२. ३. क. कहंकवि.

[६२२]

तयणु अविहिय-तणु-परित्ताण

वहु-मंत-तंत णुइहिं कह कहिंचि अइगमिय जामिणि ।
 गोसम्मि उ तहिं जि गय मयण-भवणि हिययाहिरामिणि ॥
 न उण सु तारिसु सच्चविउ पयडीहुयउ अणंगु ।
 तो सविसेसिय-दुहिहिं हउं विहुरीहुय सव्वंगु ॥

[६२३]

किंतु पयडीहुय-कंदुप्प-

नेवत्थिण सहिहिं तहिं तह कहिंचि-तइयइं विणोइय ।
 जह अइरिण पुव्व-दिण- संभवाहं दोसहं वि मोइय ॥
 तयणंतरुपुणु अवहरिउ आससेण-निव-पुत्तु ।
 दुट्ठ-तुरंगिण ता खणिण भुवणु वि हुयउं दुहत्तु ॥

[६२४]

हउं विसेसिण मुणिय-वुत्तंत

पसरंत दुट्ठ-विहुर-तणु पत्त मुच्छ सहि-यणिण कहमवि ।
 निय निय-घरि अह पर जु किंपि तं तु न मुणेमि सयमवि ॥
 किं पुण केण-वि नइयरिण विलविर हरिवि विमुक्क ।
 इह इय चिट्ठउं मंक्कडि व नियह पलंवह चुक्क ॥

[६२५]

सो उ संपइ कह वि अन्नत्थ

खयराहसु गयउ इय गोरि-देवि-पय-पउम-पणमिर ।
 इह चिट्ठउं हउं जणय जणणि दिणु निय-दइउ मम्मिर ॥
 अह विहसेवि स-ताल-रवु भणइ कुमरु - पसयच्छि ।
 इहु सु मयणु हउं किं न निमसि समरसीह-निव-वच्छि ॥

[६२६]

अह सया-वि हु विसम-पगईए
 कंदप्पह तह तसु वि ससि-मुहीए लज्जाउलसिण ।
 बिग्हारिय-तस्समय- उचिय-विहिहि रायाउरसिण ॥
 मह मणहरणिय स ज्जि एह इय परिचितंतेण ।
 सा कुमरिण कामिणि भणिय विम्बिय-मण-पसरेण ॥

[६२७]

चइवि संभसु मुइवि अवमाणु
 बिहिऊण पसाउ अणु सरिवि राउ सो पुव्व-इंसिउ ।
 जो तइयहं पयडियउ उदिसेवि तइं निय-वयंसिउ ॥
 पसरिय-अणुरायाणलिण उवताविय-अंगस्सु ।
 किं न वियरसि पसयच्छि तुहुं मह नेहह सव्वस्सु ॥

[६२८]

किं न सुमरसि सुयणु जं नयर-
 उज्जाणि कीलण-गयह मज्झ कंठि तइं मयण-वुद्धिण ।
 निक्खेविय कमल-वर- माल पूय कय भाव-सुद्धिण ॥
 मह नेवत्थिण सहिहिं सहुं आरंभिय-कीलाए ।
 तह तह परिरंभणु विहिउ मह जि सु-वीसंभाए ॥

[६२९]

इय भणंतिण कुमर-रयणेण
 तसु लज्ज-अहोमुहिहि वयण-कमलु दाहिणिण हत्थिण ।
 उक्खेविणु भणिउ - नणु सुयणु लद्ध तुहुं मइं कयत्थिण ॥
 चिंतामणि व अहन्न-घरि दुलह इमम्मि वणम्मि ।
 ता पसियसु अवलोयणिण धरिवि सु जेहु मणम्मि ॥

[६३०]

अह वियासिय-वयण जा किंवि

सा मुद समुल्लवइ ताव दिट्ठ हय-विहि-विसेसिण ।
 रोसारुण-लोयणिण गयण-ठिइण तिण खयर-पुरिसिण ॥
 अहह जियंतह फणिवइहि चूडामणि कु छिवेइ ।
 कु व केसर पंचाणणह जगंतह वि गहेइ ॥

[६३१]

इय भणंतिण विरसु रसिरस्सु

परिकंपिर-तणु-लयह संनिहीउ तसु तरुणि-रयणह ।
 अवहरिउ कुमार लहु अह मुणमि मुर-सिहरि-सिहरह ॥
 तह जह पर-पिय-मण-जणिय- पावह फलु पेक्खेवि ।
 निहणु उवेइ ह्यासु इहु सय-सक्करउ हवेवि ॥

[६३२]

इय विचित्तिरु तुरिउ अलि-गवल-

दल-नीलिण नह-यलिण लग्गु गंतु सो पाव-नहयर ।
 जा ताव निरिक्खिउण कुमर-वरिण सरि सिहरि पुरवर ॥
 गुरु लहु लहुयर लहुयतमु उद्ध उद्ध गमिरेण ।
 कह मई दिट्ठउ जाइसइ एहु इय चित्तंतेण ॥

[६३३]

हणिउ मुट्ठिण कुलिस-कहिणेण

निस्संकु कवाल-तलि तयणु गलिर-रुहिर-च्छडाविलु ।
 अवकंदिय-पडिरविण भरिय-गयण-गिरि-धरणि-मंडलु ॥
 मुह-कंदरह विणिस्सरिय- दीहर-रसणा-सप्पु ।
 कसु सोहग्गु न हुयउ लहु सो नहयर गय-दप्पु ॥

[६३४]

अह विइज्जह कुमर-घायस्सु

वीहंतु व तक्खणिणं स्वयर-अहम-जिउ नट्टु वेगैण ।
 ता नहयर-सवह तस्सु वयणु अ-नियमाणिणं व तरणिणं ॥
 अत्थ-सिहरि-सिहरह परइ गंतु विहिउ आवास्सु ।
 हय-रिउ कुमरु वि तस्सु पियह सुमरंतउ संभास्सु ॥

[६३५]

निसिय-ससहर-किरण-सर-भरिण

कर-कलिय-कराल-तणु कुमुय-कंति-कोदंड-लट्ठिण ।
 नहयर-वह-वइपरिण तविय-मणिणं इव मयण-धट्ठिण ॥
 रयणि-समागमि तह कह वि परिसल्लिउ सच्चंगु ।
 असुहिण सुहिणं व पत्थियउं जह न मुणइ निय-अंगु ॥

[६३६]

नणु हयास्सु सु सत्तु निहल्लिउ

लीलाए वि एहु पुणु किह णु भुवण-दुज्जउ जियव्वउ ।
 हुं हुं अत्थि उवाउ मइं जिणणि रिउहु एयह वि लद्धउ ॥
 जइ जीवंतु स-नयणुलिहिं हरिण-नयणि पेक्खेसु ।
 ता एयह मयणह रिउहु तुरिउ जल्लजलि देसु ॥

[६३७]

इय विचित्तिरु कुमरु अडईए

दंडोल्लिवि को-वि खणु गयउ कह वि धवलहरि तम्मि वि ।
 ता ससि-मुहि संभमिण उत्तरीउ संवरिवि विहसिवि ॥
 उट्ठिवि संमुह हरिस-भर-खल्लिरक्खर-वयणेहिं ।
 पुच्छइ पच्छिम कह मुइर वाह-सल्लिउ नयणेहिं ॥

[६३८]

अह समासिण निविड-नेहाए

तहि सारय-ससि-मुट्टिहि पुव्व-उत्त कह सयल साहिय ।
 ता पसरिय-हरिस-भर सा मयच्छि कुमरिण विवाहिय ॥
 अह पाविय-चक्कि-स्सिरि व फुरिय-हरिस-वावार ।
 तीए सुनंदह कामिणिहि सविहि वइदु कुमार ॥

[६३९]

अरिरि ससहर तवहि तुहुं अज्जु

मलयाणिल तुहुं फुरहि छेहि पसरु सहयार तं पि हु ।
 हलि कोइलि लवि तुहुं वि तुमि वि भमर झंकार पयडहु ॥
 अरि अरि धट्टय कुसुम-सर पुरिसु होहि तुहुं अज्जु ।
 एह पाडेसइ सयलहं वि तुम्हहं मत्थइ वज्जु ॥

[६४०]

तह सुलोयणि एहि जह तुज्जु

क-वि अक्खउं वत्तडी इय भणंतु पविसेइ अंगह ।
 जा ताव समुल्लसिय- रोस-पसर गयणयल-मगह ॥
 तसु खयरह कुमरिण हयह आयणिय-वुत्तंत ।
 संझावलि-नामिय लहुय भइणि तत्थ संपत्त ॥

[६४१]

किंतु कुमरह वयण-हरिणंक-

अवल्लोयण-अमय-रस- मित्त झीण-तणु-कोह-यवह ।
 मयणाणल-तविय-तणु हूय स जिज सच्चंग-दुस्सह ॥
 ता गंधव-विवाह-विहि अणुसरेवि परिणीय ।
 कुमरिण संझावलि वि निय- वसूकय-सिण उवणीय ॥

[६४२]

अह कुमारह सुकय-सयलम्भ-

हिय-इच्छिय-अत्थ-कर पढिय-सिद्ध गुरु-कमुवणामिय ।
 संझावलि-कामिणिहि दिण्ण विज्ज पण्णत्ति-नामिय ॥
 तेण वि साहिय अइरिण वि उवणसिय-विद्धि-पुव्वु ।
 विज्ज स पयडंतिण नियय- मणि उच्छाहु अउव्वु ॥

[६४३]

एत्थ अंतरि पढिण गयणरमु

सासाउल खुहिय-मण खयर-कुमर दो तत्थ आगय ।
 पणमंति य आयरिण कुमर-वरह तसु पाय-पंकय ॥
 तयणु कुमारिण भणिउ— किं एहु इय चिंतंतेण ।
 नणु के कत्तु व कह व तुमि इह आगय वेगेण ॥

[६४४]

अह पयंपहि खयर—नर-रयण

वेयइइह गिरि-वरह विहिय-सिरिहि गंधव्व-नयरिहि ।
 नाहेहि खयराहिबिहि चंडवेग-सिरिभाणुवेगिहि ॥
 पेसिय अम्भि नियंगरूह एहु रह-रयणु गहेउ ।
 चंदसेण-हरिचंद इय- नामय तुम्हहं हेउ ॥

[६४५]

सुणिय-निहणिय-तणय-वुत्तंतु

रोसारुण-नयण-दल्लु खयर-वल्लिण संलन्न-नह यल्लु ।
 नाणाविह-समर-धर- पत्त-कित्ति जिय-पिसुण-मंडल्लु ॥
 असणिवेग-अभिहाणु खयराहियु गरुय-मरदडु ।
 आगच्छंतु सुणेवि कय- नहयर-मण-संघट्टु ॥

६४२. ३. क. सिद्ध गुरुकमुणामिय.

६४४. ५. क. *भाणुविगिहि.

[६४६]

ता पसीउण तुम्हि नर-रयण

रह-रयणि इहारुहह तुरिउ एत्थ-अंतरि पहुत्तय ।
 खयरिद ति बहु-बलिण चंडवेग-सिरिमाणुवेगय ॥
 जाव य तिं वि कुमरेण सह मुह-दुह-कह अविखत ।
 अइवाहई तहिं कालु कु-वि रण-रस-पुलइज्जंत ॥

[६४७]

ताव निमुणिवि तणय-वुत्तंतु

साडोवु समुल्लसिय- रोसु जमु व तिहुयण-भयंकरु ।
 सदाविवि मंडलिय- सचिव-नियरु निय-रज्ज-मुंदरु ॥
 असणिवेगु पभणेइ - लहु चल्लहं संवहिऊण ।
 अज्जु जिम्बेसहुं सुय-वहय- कुमरह बलु मळिऊण ॥

[६४८]

ता पर्यपिउ पवर-मंतीहिं

नणु नाह न सत्तु लहु इय मुणेवि अवगणियव्वउ ।
 कु व एगु महावळह मह इमो त्ति न उवेहियव्वउ ॥
 वड्ढंतिण हुयवह-कणिण डज्झइ सयलु वि लोउ ।
 किज्जइ सीहिण एणिण वि करि-घड-इणणि विणोउ ॥

[६४९]

धरणि-मोयरु एहु अहयं तु

विज्जाहर-चक्क-पहु इय मुणेवि रिउ मावहीलह ।
 कि न रामिण रावणु सु हरिण कंसु सु न नीउ पलयह ॥
 इय बलवंतिहिं थिर-मणिहिं दिट्ठ-सत्तु-सत्तेहिं ।
 सु वियारेवि विहेउ खमु रण-संरंभु निवेहिं ॥

[६५०]

इय विचित्तिहि वयण-रयणाहिं

जंपंत वि मंति-वर अवगणेवि सो खयर-सामिउ ।
 चउरंगिण वल-भरिण चलिउ कुविय-विहि-रज्जु-दामिउ ॥
 समग-समाहय-विष्फुरिय- समर-तूर-निग्घोसु ।
 पुब्ब-पयट्ठ-अणेग-रण- सत्तु-विजय-संतोसु ॥

[६५१]

फुरिय-गरुपर-विविह-अवसउण-

पडिसिद्धु वि सुय-मरण- असुह-तिमिर-आवरिय-लोयणु ।
 लहु पत्तु महाडइहिं तीए उवरि तोरविय-संदणु ॥
 अह जा खयराहिव-सहिउ कुमरु उद्धु जोएइ ।
 भुवण-भयंकरु ता गयणि कोलाहलु निमुणेइ ॥

[६५२]

तयणु किं एहु फुददु बंभंडु

वेयालु व कु-वि कुविउ जलनिहि व्व खुहियउ अयंडि वि ।
 जं सुम्मइ पलय-घण- गहिरु सहु ठिउ भुवणु भंडिवि ॥
 इय-चित्तिर-खयराहिविहिं सहिउ सु सणतुकुमारु ।
 जा चिट्ठइ ता खणिण तहिं पत्तु सु नहयर-सारु ॥

[६५३]

अह खणद्धिण विहिय-संनाह

विज्जाहर-पहु ति दु वि चंडवेग-सिरिभाणुवेगय ।
 खयरिदिण तेण सह दुक्क नियय-सेग्गेण संगय ॥
 किंतु खणेण वि दो वि तिण असणिवेग-खयरेण ।
 हय-विप्पहय विहिय घण व झंझाणिल-पसरेण ॥

[६५४]

तयणु नासिर-सेन्न भज्जंत

ते दो वि निरिक्खिउण कुमर-वरिण अखलंत-पसरिण ।
 मा भायइ नियइ खणु दलिमु दप्पु इमइ त्ति भणिरिण ॥
 पण्णत्तिहि विज्जइ वसिण कय-चउरंग-वलेण ॥
 खग्ग-खणक्खण-रव-खुहिय- पडिक्खिखय-खयरेण ।

[६५५]

निसिय-करयल-कलिय-करवाल-

लय-निइय-निइलिय- सत्तु-कुंभि-कुंभयड-लक्खिण ॥
 धणु-जंत-विमुक्क-सर- निइय-भडिण रण-मग्ग-दक्खिण ॥
 छुरिय-घाय-पसरिय-रुहिर- छड-अरुणिय-गयणेण ।
 मुग्गर-पहर-विणिइलिय- उत्तिमंग-मुहडेण ॥

[६५६]

सत्ति-भल्लय-सेल्ल-वावल्ल-

नाराय-मुसुंढि-गय- वज्ज-चक्क-कत्तरिय-कुंत्तिहि ।
 निहणंतिण करि-तुरय- मुहउ-सत्थ बहु-विह-विभत्तिहि ॥
 उवसाहिउ खण-मेत्तिण वि असणिवेग-खयरिंदु ।
 तयणु सु परिविप्फुरिय-कुरु- वंस-गयण-रयणिंदु ॥

[६५७]

खयर-वियरिय-रहवरारुहु

सुर-नहयर-तरुणियण- मुक्क-पंचविह-कुसुम-वुट्ठिउ ।
 स-परिक्कम-सुर-असुर- खयर-मुहड-मण-जणिय-तुट्ठिउ ॥
 भ्रुवणम्मंतर-वित्थरिय- निरुवम-कित्ति-कलावु ।
 पत्तु तहिं चिय धवलहरि पसरिय-महुरालावु ॥

[६५८]

तयणु तक्खणि विणय-पणयाहं ।

गुरु-हरिसिण पुलइयहं धम्म-कम्म-निम्मल-विवेगहं ।

दुण्हं पि खयर-एवहुहं चंडवेग-सिरिभाणुवेगहं ॥

वयणिण निय-इइयउ दुवि वि वेप्पिणु सणतुकुमारु ।

सिरि-गंधव्व-पुरम्मि गउ कय-रिउ-कुल-संहारु ॥

[६५९]

अह अणुक्कम-गहिय-नीसेस-

विज्जाहर-रज्ज-सिरि फुरिय-गरुय-खयराहिवत्तणु ।

उवसाहिय-विज्ज-सय- सहसु पणय-इच्छिय-पयच्छणु ॥

चंडवेग-खयराहिविण भणिउ इयर-दियहम्मि ।

पहु भुवणस्सु वि इच्छियइं पूरसि तुहुं हिययम्मि ॥

[६६०]

ता पसीउण मह वि एयाउ

सय-संखउ कन्नयउ समगमेव परिणेउ सामिउ ।

तह गेण्डउ रज्जु इहु हउं हवेमि जह मोक्ख-नामिउ ॥

जम्हा एत्तिउ कालु इह ठिउ तुह मग्गु नियंतु ।

रज्ज-धुरंधरु को-वि निय- नंदणु अ-निरिक्खंतु ॥

[६६१]

जमिह पत्तउ आसि अइसइय-

निय-नाणिण मुणिय-जग्गु अच्चिमाळि-अभिहाणु मुणि-वरु

तिण अक्खिउ — चक्कवइ आससेण-कुल-गयण-ससहरु ।

तुह कन्नहं सय-संखहं वि होहिइ पिउ जय-सारु ।

भाणुवेग-धूयहं वि सु जि पिययमु सणतुकुमारु ॥

[६६२]

तसु पसाइण तुहुं वि निच्चित्तु

स-कु'व-रज्जहं विसइ होउ होसि सद्धम्म-साहणु ।
 ता जंपिउ मइं — कहसु साहु-वसह तसु मुणण-कारणु ॥
 ता आहट्टउं मुणि-वरिण जो तुरइण हरिऊण ।
 पाडिज्जिहिहि महाडइहि तत्तु वि आणेऊण ॥

[६६३]

चिर-समज्जिय-सुकय-माहण-

आयइह-उत्तिम-चरिय- विजिय-जगिण उचियत्त-दक्खिण ।
 माणस-सरि मुच्चिसइ करयलेण कमलवख-जक्खिण ॥
 असियक्खह जक्खह नियय- रिउहु जु हणिहइ दप्पु ।
 सो जाणिज्जसु निय-दुहिय- हियय-प्पिउ अवियप्पु ॥

[६६४]

भणिउ मइं — अह किह णु मुणि-नाह

नर-रयणह तसु वि असियक्ख-जक्खु सो हुयउ वइरिउ ।
 ता सूरिण भणिउ — नणु अप्पु चेव सुह-असुह-पेरिउ ॥
 जायइ सयलस्सु वि जयह मुहि सत्तु व जिय-लोइ ।
 एत्थ वि खयरहिइवइ तुहुं हेउ इमो च्चिय जोइ ॥

तहाहि —

[६६५]

दीवि एत्थ वि कणयपुर-नयरि

निय-तेय-निज्जिय-तरणि फुरिय-कित्ति पडिवक्ख-खंडणु ।
 पणय-प्पिउ दाण-रुइ धीर-चरिउ दुन्नय-विहंडणु ॥
 सारय-रयणीयर-सरिस- बहु-गुण-रयण-निहाणु ।
 आसि नराहिवु जय-पयडु विक्कमजस-अभिहाणु ॥

[६६६]

तसु विसप्पिर-कुल-पसूयाहं

सरइंदु-उज्जल-जसहं कुंद-कलिय-सम-दंत-पंतिहिं ।
 वियसंत-मुह-पंकयहं उत्तसंत-सिसु-हरिण-नेत्तिहिं ॥
 अंतेउरियहं रइ-समहं चिट्ठइ पंच सयाइं ।
 तार्हि य सह भुंजंतु निवु चिट्ठइ विसय-मुहाइं ॥

[६६७]

तर्हि वि धण-कण-रयण-कलहोय-

समुवहसिय-वेसमण- विहवु नयर-नर-पवर-वुद्धिउ ।
 ससि-निम्मल-नियय-गुण- वसुवल्ह-जस-कित्ति-रिद्धिउ ॥
 निरुवम-रुवु थिर-प्पगइ इगु सत्थाहह पुत्तु ।
 आसि पसिद्धउ धरणिर्याळि नामिण नागहत्तु ॥

[६६८]

तसु वसुंधर-पवर-सिंगार

असवण्ण-लायण-निहि महिय-देव-गुरु-पाय-पंकय ।
 नव-जोव्वण तरुण-मण- रयण-हरण-विहि-विगय-संकय ॥
 मिउ-भासिर थिर-चंकमिर गुरु-गुण-रयण-समिद्ध ।
 हियय-प्पिय पिय आसि जगि विण्हुसिरि त्ति पसिद्ध ॥

[६६९]

इयर-वासरि रायवाडियहं

गच्छंतउ धरणिवइ विहिय-चारु-सिंगारु मग्गिण ।
 अबलोयइ विण्हुसिरि विजिय-नियस-मुंदरि निसग्गिण ।
 अह तइंसणि तक्खणिण पसरिय-गुरु-कंदप्पु ।
 विहुरिय-अंगोवंगु परिचितइ विविह-वियप्पु ॥

[६७०]

जइ न भुज्जइ विसय-सुहु अज्जु
 सह ससहर-वयणियए जिय-रइए तरुणीए एइए ।
 ता मण्णउं अप्पु मय- निव्विसेसु संगहिउ अरइए ॥
 दूरि वसंतइ वल्लहइ न हवइ मणि संतोसु ।
 चक्कु दुहिज्जइ रवि-विरहि तहिं कु-वि अन्नु कि दोसु ॥

[६७१]

अह निउत्तिहिं नरिहिं सा वाल
 नेयाविणु निय-भवणि निविण विविह पडिबत्ति कारिवि ।
 अंतोउरि परिखिविय जय-पहाण एह इय वियारिवि ॥
 पत्तावसरि पवत्तिउण विणहुस्सिरि उवभुत्त ।
 तह जह मयण-हुयासणह समियह कह संवुत्त ॥

[६७२]

अह निसामिय-निवइ-वुत्तंतु
 अ-लहंतु मगंतउ वि नागदत्तु निय-पियहि विरहिण ।
 सुहि-सयणिहिं पूरिउ वि स-घरु मुणिरु उव्वसिउ भूइण ॥
 सोइज्जंतउ सज्जणिहिं खलिहिं खलीकिज्जंतु ।
 निरु परिचिट्ठइ कह कह न नयरि असेसि भमंतु ॥

[६७३]

गलिय-परियणु चइय-सुहि-सयणु
 संपीणिय-पिसुण-मणु दलिय-माणु परितविय-सज्जणु ।
 संपिडिय-डिभ-यणु चत्त-पाण-भोयण-विलेवणु ॥
 विणहुस्सिरि तुहुं कहिं गइय चइउ ममं ति भणंतु ।
 दिट्ठउ विणहुस्सिरि-जुइण निवइण कह-बि भमंतु ॥

६७०. ३. क. एइय.

६७२. ८-९. क. कह कह नयरि.

६७३. १. क. परिहणु.

[६७४]

न उण कहमवि निविड-नेहेण

परिमुक्किय विण्हुस्सिरि अह कयावि हय-विहि-निओइण ।
 निव-दइयहिं सेसियहिं अमरिसेण ओसह-पओइण ॥
 सज्जण-गरहिय-विहिण परिउज्झिय-भोगुवभोय ।
 सा पत्तिय पंचत्तु लहु विहलिय-इह-पर-लोय ॥

[६७५]

अह नराहिवु तीए विरहेण

परिमुन्नंतं तिहुयणु वि मन्नमाणु तक्खणि वि मुच्छिउ ।
 तयवत्थ-विण्हुस्सिरिदि उवरि पडिउ परिमउल्लियच्छिउ ॥
 अह हाहाविरु मंति-यणु विल्लविरु नयर-पहाणु ।
 कुणइ चिगिच्छ नराहिवह पसरिय-सोय-निहाणु ॥

[६७६]

निवु वि किंचि वि पत्त-चेयन्नु

उवल्ल-वहुयर-अमुहु फुरिय-गरुय-वियलत्त-वइयर ।
 खणु उट्ठइ खणु सुयइ खणु हसेइ खणु रुयइ दुहयर ॥
 दइयए पुणु अ-कुणंतियए न कुणइ भोयणु किंपि ।
 न वि य विमुंचइ पिययमहि तमु संनिहि ईसिं पि ॥

[६७७]

न वि य छिविउ वि देइ इयरस्सु

ता सचिविहिं मंतिउण कह वि दिट्ठि वंचिवि नरिंदह ।
 उण्पाडिवि विण्हुसिरि खिविय नेउ मज्झम्मि विविणह ॥
 ता अ-नियंतउ निय-दइय भोयणु जलु वि न लेइ ।
 अंसु-जलाविल-नयणु निवु विक्कमजसु विल्लवेइ ॥

[६७८]

अह नराहिवु स-पिय अ-नियंतु

मा मरिहइ इय समगु सचिव-जणिण सयलेण मंतिवि ।
 कायव्वउं जह कह वि सत्थु हियउ पहुहु त्ति चित्तिवि ॥
 भणिउ नमेविणु नरवरह पुरउ — देव पसिऊण ।
 भोयणु कुणमु पसन्न-मणु निय-पिययम दट्ठण ॥

[६७९]

तयणु — कहि कहि कत्थ कत्थत्थि

सा ससि-मुहि विण्हुसिरि इय भणंतु उट्ठेवि नरवरु ।
 वयणेण सचिवहं चडिवि तुरइ गहिय-निय-सार-परियरु ॥
 पत्तु तइज्जह लंघणह अंति चउत्थ-दिणम्मि ।
 जत्थ स्त्रिवाविय विण्हुसिरि चिट्ठइ तत्थ वणम्मि ॥

[६८०]

ता निरंतरु पूइ-पब्भार-

किमि-संकुल-सयल-तणु काय-सहस-आवट्ट-लोयण ।
 वहु-गिद्ध-सिगाल-सय- सुणय-सहस-परिविहिय-भोयण ॥
 विगलिय-दसण कराल-मुह पूइ-गंध-वीभच्छ ।
 दिट्ठ नरिदिण विण्हुसिरि विहय-सहस-पडिहत्थ ॥

[६८१]

अह नराहिवु फुरिय-वेरगु

धिसि जीए निमित्तु मइ सील-रयणु लीलइं कलंकितु ।
 परिचत्तु कुल-क्कमु वि सुयण-वग्गु सयलु वि धवक्किउ ॥
 अब्भुवगय पागय-किरिय वित्थारिय अवक्कित्ति ।
 भुवणि वि अप्पु विगोइयउ तमु एरिस मुत्ति चि ॥

६७८. २. क. मरिहइ य. ८. क. मण.

६८०. ९. पडिहच्छ.

६८१. ८. क. भुवणु.

[६८२]

इय विचिंतितरु रज्जु पंजरु व

मुहि-सयण वि बंधण व विसय-मुहु वि विस-विडवि-फल इव ।
 तारुणु वि जल-लवु व जीवियं पि करि-कलह-सवणु व ॥
 तरुणिउ दुग्गइ-सरणिउ व हियउ वि मुर-धणुहु व्व ।
 विग्गहु सयलावह-गिहु व पिय-संगु वि असुहु व्व ॥

[६८३]

धरिवि हियइण मुणिय-परमत्थु

नीसेसु वि परिहरवि भणिय-वत्थु-वित्थरु खणद्धिण ।
 स-कुहुंवह सयलह वि करिवि मुत्थु सह रज्ज-रिद्धिण ॥
 गंतु तहा-विह-मुणि-वरहं पुरउ फुरिय-रोमंचु ।
 गेण्हइ चरणु नराहिवइ अवगय-पाव-पवंचु ॥

[६८४]

तयणु निंदइ पाव-कम्माइं

पडिवज्जइ गुरु-भणिउ पायल्लित्तु तव-चरणु सेवइ ।
 अणुसीलइ मुणि-किरिय मुणइ सयल-सत्थत्थु केवइ ॥
 तह जह जायउ अइरिण वि दुविह-समहिगय-सिक्खु ।
 अणुचरियंतिम-सयल-विहि सहलीकय-निय- दिक्खु ॥

[६८५]

खवित्रि गुरुयरु पाव-पम्भारु

उवसंचिवि मुकय-भरु परिहरेवि तणु इहु उरालिउ ।
 तइयम्मि मुर-वरि गयउ नागदत्तु पुणु दुह-करालिउ ॥
 समुवज्जिय-गुरु-पाव-भरु पसरिय-दुह-पम्भारि ।
 मरिवि चउ-ग्गइ-भव-गहणि निवडिउ भव-कंतारि ॥

[६८६]

अह ठिइ-वखइ सुकय-कय-रवखु
 सो तस्सु सुरालयह चविवि पवर-वासर-मुहुत्तिण ।
 सिरि-विक्कमजस-तियसु नयरि रयण-पुरि मुप्पवित्तिण ॥
 सिविण-सइण उवसइयउ कसु वि महिब्भह पुत्तु ।
 जायउ कय-मुहि-सयण-सुहु वहु-लवखण-संजुत्तु ॥

[६८७]

तयणु जणइण सिविण-अणुरुवु
 जिणधम्म इय नंदणह दिण्णु नामु गरुयरिण रिद्धिण ।
 कम-जोगिण वालु वि सहिउ सरय-ससि-मुद्ध-बुद्धिण ॥
 गुरुहु पसाइण पत्तु लहु सयल-कलोयहि-पारि ।
 तह संपाविय-जस-पसरु जिण-सासणह वियारि ॥

[६८८]

काल-जोगिण कित्ति-सेसत्ति
 संपन्नइ तप्पियरि मिळिवि सयल-सज्जणिण सो च्चिय ।
 तम्मंदिरि पहु विहिउ तयणु तेण उवलद्ध जच्चिय ॥
 गुरु-गुण-धम्म-समज्जिणिय महियल-पयड-पयास ।
 निरुवम-कित्ति-पुरंधि निय-पह-पंडुरिय-दसास ॥

[६८९]

एत्थ अंतरि भमिवि संसारि
 सिरि-सीहउरम्म पुरि नागदत्त-जीवु वि स-कम्मिण ।
 उववन्नु तहा-विहह कसु वि दियह गिहि पुत्त-भाविण ॥
 कोहण-पगइ समच्छरिउ अ-विहिय-स-कुलायारु ।
 अगिसम्म-नामिण पयडु अमुणिय-वेय-वियारु ॥

[६९०]

अह तहाविह-गुरुहु पय-मूलि
 परिवायग-वउ गहिवि परियडंतु वसुहहं समभाहं ।
 निय-धम्मिण पत्त-जमु मज्झि वाल-तवसिहि उदग्गाहं ॥
 विहिहि निओइण रयणउर-निव-भवणम्मि पहुत्तु ।
 अह नरवाइण-नरवरिण निमुणिवि तव-वुत्तु ॥

[६९१]

भणिउ - महारिसि कुणसु तुहं अज्जु
 मह मंदिरि पारणउ तयणु तेण वालय-तवस्सिण ।
 जिणधम्मु तहिं गयउ दट्ठु फुरिय-रोसिण हयासिण ॥
 भणिउ - नराहिव पारणउं तुह परि करिसु अवस्सु ।
 महियल-गयह अहो-मुहह वणियइ जइ एयस्सु ॥

[६९२]

ठविवि पट्ठिहिं कंस-पत्तीए
 उण्डुण्डु पायस-असणु देसि जमिह मइं अज्जु एरिसु ।
 गोसम्मि वि आयरिण गहिउ नियमु चिट्ठेइ असरिसु ॥
 अह नरनाहिण विहि-वसिण निव्वंधिण जिणधम्मु ।
 भणिवि अणिच्छंतु वि कह-वि काराविउ तं कम्म ॥

[६९३]

तयणु अगहिय-नामु सु हयामु
 उण्डुण्डु पायस-असणु सणिउ सणिउ भुंजइ पड्डउ ।
 जिणधम्मु वि तवभणिय- विहिण मुद्ध-महियलि निसिद्धउ ॥
 पट्ठि निविट्ठुण्डुण्डुहयर- कंस-पत्ति-दाहत्तु ।
 भावइ भव-उच्चिग्ग-मणु विमल-विवेय-पवित्तु ॥

[६९४]

अहह अरि जिय करिसि म म रोमु
 इयरस्सु कस्सु वि उवरि विहि-वसेण कु व कु व न पावइ ।
 भव-विविणि दुहावणइ मण-अगोयर वि विविह आवइ ॥
 निय-सुह-असुहइ पुव्व-भव- समुवज्जियइ चएवि ।
 को गिण्हइ जसु अवजसु व भहु अभहु व देवि ॥

[६९५]

जलिर-मंदिर-सरिसु संसारु
 निरुवइवु मोवख-पुरु दुइय विसय सुह-हेउ सिव-पहु ।
 तणु चंचल धम्म थिरु सुहउ सुगुरु खलयणु दुहावहु ॥
 अप्पु वि अनियंतिउ पिसुणु सु-नियंतिउ सु जि मिउ ।
 ता जिय बट्टसु इयरवरि राय दोस चइत्तु ॥

[६९६]

जलहि-सुरगिरि-गहिर थिर-मणह
 इय तस्सु विचित्तिरइ सो इयासु बालय-तवस्सिउ ।
 ञ्ज-मंथरु भुंजिउण उण्ह-उण्हु परमन्नु हरिसिउ ॥
 सेट्ठिहि पट्ठिहि कह कह वि जा उप्पाडइ पत्ति ।
 ता उक्खिडिय स रुहिर-वस- मंस-न्हारु-जुय त्ति ॥

[६९७]

अहह धिसि धिसि पाव-तवसिइण
 किह एइण धम्म-निहि पुरिस-रयणु एरिसु विडंविउ ।
 निक्कारणि निवइण वि किह अ-कज्जु एहु एहु कराविउ ॥
 नहि पर-लोइ वि निय-कयहं सुह-असुहहं संसारि ।
 छुट्ठिज्जइ गुरु-गुरुएहि वि विसम-विवागि अ-सारि ॥

६९४. ४. क. विणिवि. ५. विविहिह.

६९६. ५. क. उण्हउण्ह. ६. पिट्ठिहि.

[६९८]

इय निसामिरु देव-गुरु-वयण-

परमामय-सित्त-तणु राय-दोस-परिहरिय-माणसु ।
 आगंतुण निय-भवणि बहु-दुहत्तु निय-कज्ज-अणलसु ॥
 मेलिवि संपु चउव्विहु वि तह सुहि-सज्जण-लोउ ।
 विहिउण पुय-सक्कारु तमु सो निय-कुल-उज्जोउ ॥

[६९९]

करिवि निय-घर-मुत्थु मुहि-सयण-

धण-धन्नु परिच्चइवि धरिवि हियइ जिणनाह-सासणु ।
 पडिवज्जिवि वर-वरणु गंतु गिरिहिं गेण्हेवि अणसणु ॥
 पुच्च-दिसिहिं उस्सग्गि ठिउ गमइ पणरस दिणाणि ।
 इय सेसामु वि तिसु दिसिमु पिहु पिहु पन्नरसाणि ॥

[७००]

इय दु-मासिउ उग्गु तव-कम्म

अइ-दुक्करतरु करिवि ढंक-कंक-वग-उलुग-कागिहिं ।
 सिंचाण-सिगाल-विग-वण-विराल-भल्लुंकि-मुणगिहिं ॥
 खज्जिर-पट्टि-पणसु सुर-सिहरि-सिहर-थिर-चित्तु ।
 मरिवि सु हुयउ सुराहिवइ सोहम्मम्मि पवित्तु ॥

[७०१]

सु वि तहाविह-नियय-दुच्चरिय-

परिखेइय-सुहि-सयणु वाल-किरिय-परिसीलणुज्जउ ।
 बुह-वग्गिण अवगणिउ मरिवि नियय-दुक्कय-विइज्जउ ॥
 अग्गिसम्भु सोहम्म-सुर-मंदिरि तियसिंदस्सु ।
 परावणु वाहणु हुयउ वसिण स-कय-कम्मस्सु ॥

[७०२]

पत्त-भवसरु विहिय-सिगारु

अभिओगिय-सुर-गणिण नीउ पुरउ तियसाहिरायह ।
 तहंसणि करिवरु वि अणुसरंतु गरुयर-विसायह ॥
 चिक्कारारव-भरिय-दिसि तसिउ पयइउ जाव ।
 वज्जंकुस-करु तियस-पहु तहिं आरुइउ ताव ॥

[७०३]

तयणु दुगुणीहुयउ करि-राउ

तियसिंदु वि दुगुण-तणु चउ-सरीरु अह दत्थि-नाहु वि ।
 सुर-सामि वि चउ-गुणिउ तयणु अट्ट-गुण हूय ते द-वि ॥
 किं बहुइण तह तह सुइरु खेइवि गरुय-विसाइ ।
 आरुइउ तियसाहिवइ तइयहं तहिं करि-राइ ॥

[७०४]

इय निरंतरु तेसि दोण्हं पि

तियसेसर-गयरायहं फुरिय-गरुय-सुह-दुह-विसेसहं ।
 सुइरज्जिय-निय-नियय- कम्म-वसिण गच्छंत-दिवसहं ॥
 पुव्वयरु वि करिवरु चइवि पडियउ भवि चउरंगि ।
 धम्मिय-जण-उक्कंप-यरि पसरिय-दुह-सव्वंगि ॥

[७०५]

तियस-सामि वि चविवि ठिइ-खइण

सिरि-इत्थिणाग-प्पुरिहिं आससेण-मेइणि-मयंकह ।
 सहदेविहि पिययमह कुच्छि-कमलि अणहुव-कलंकह ॥
 चउदह-सिबिणुवसइयउ हुउ गुण-रयण-निहाणु ।
 नंदणु भुवणाणंद-यरु सणतुकुमारभिहाणु ॥

७०२. १. क. आरुइउ.

७०४. ३. क. दुहं. ७०५. ६. अणहुय.

[७०६]

भमिवि चउ-गइ-भव-अरणम्मि

बहु-भेय-परिण्फुरिय- जम्म-मरण-सहसिहिं कयत्थिउ ।
 विलवंतउ पर-वसिउ दास-पेस-अघणत्त-हुत्थिउ ॥
 तारिस-निय-कम्मह वसिण अभिहाणिण असियक्क्यु ।
 हुउ वेयइह-महागिरिहिं एरावण-जिउ जवत्तु ॥

[७०७]

इय समासिण कहिवि वुत्तंतु

तुह संतिउ मुणि-वसहु अच्चिमाळि अन्नन्थ विहरिउ ।
 तुह अंतर-वास-कइ भाणुवेगु पुणु गहिवि कुमरिउ ॥
 मह वयणिण माणस-सरह सविह-देमि गंतूण ।
 ठिउ पिय-संगम-नामु पुरु सुर-पुर-समु रइऊण ॥

[७०८]

तयणु तइयहं तह तुमं तेण

परिणाविउ अट्ट निय- दृढिय किं तु तुह पाय-जुयलह ।
 पत्थाविण सेव हउं करिमु भरिवि इहु मज्झि हिययह ॥
 तइं मिल्लेविणु एक्कळउ भाणुवेगु निय-ठाणि ।
 गउ ता पहु मरिसिज्ज तुहं इहि अवराह-पयाणि ॥

[७०९]

चंडवेगिण भणिवि इय कुमरु

परिणाविउ वित्थरिण कन्नयाहं तहं सउ अणुणउं ।
 ता भुंजइ विसय-सुहु गरुय-खयर-रज्जिण सम्भाणउं ॥
 चंडवेग-खयरिंदु पुणु स-कुट्टंय वि निय-रिद्धि ।
 सणतुकुमारह देइ लहु सारय-ससि-सम-वुद्धि ॥

[७१०]

अह तहाविह-गुरुहुं पय-भूलि
 विज्जाहर-चक्कवइ एहु गंतु चारित्तु सेवइ ।
 इय गच्छइ कालु कु-वि कुमर-वरिण पुणु अज्जु केम्बइ ॥
 अम्हहं पुरउ समग्गहं वि संलत्तउ एगंति ।
 जह कीलण-कइ एह लहु मानस-सर-सामंति ॥

[७११]

ता सुनंदा-पमुह-दइयाहिं
 सारेण य परियरिण विहिय-सेवु इह अज्जउत्तउ ।
 जावागउ ताव नर- रयण एत्थ तं पि हु पहुत्तउ ॥
 एत्थंतरी कयलीहरह वियसिय-मुह-अरविंदु ।
 उट्टेविणु नीहरइ कुरु- वंस-गयण-रयणिंदु ॥

[७१२]

तयणु दो वि हु विहिय-तक्काल-
 पाउग्ग-विहाण लहु जणिय-सयण-आणंद-वित्थर ।
 पुब्बज्जिय-तियस-गिरि- तुंग-पुण्ण-पम्भार-सुंदर ॥
 भुवणम्भंतर-वित्थरिय- निम्मल-कित्ति-कलाव ।
 सिरि-वेयइह-महागिरिहिं गया ति सरल-सहाव ॥

[७१३]

ता विसेसिण खयर-सेणीसु
 दोसुं पि सव्वायरिण नियय आण अइरिण पयारिवि ।
 पणमंतहं नहयरहं उच्चिउ रज्ज-अहिसेउ कारिवि ॥
 परिणेविणु नाणा-विहउ विज्जाहर-कुमरीउ ।
 अह अप्पिण वियसिय-मुहिउ वेप्पिणु अंतोउरीउ ॥

[७१४]

सूर-नरवड-तणय-वयणेण

निसुणेविणु जह जणय- जणणि-सयण चिट्ठंति दुक्खिण ।
 आऊरिय-गयण-यलु विविह-खयर-खोणिद-लक्खिण ॥
 निय-माहप्पु समग्गह वि जयह मज्झि पयडंतु ।
 सणतुकुमारु कुमार-वरु हत्थिणाग-पुरि पत्तु ॥

[७१५]

तयणु स-हरिभु जणणि-जणयाहं

अहिणंदइ पय-कमल कुणइ गरुय-पडिवत्ति सयणहं ।
 संभूमइ पणइ-यण जणइ तोसु जय-जंतु-वयणहं ॥
 सविह-निवेसिय-सूर-सुय- वयणिण निय-घुत्तंतु ।
 जणणी-जणयाडय-जणहं कहइ साइ-पज्जंतु ॥

[७१६]

अह निहितु व अमय-कुंडम्मि

संपाविय मुरतरु व गिह-पसुय-वर-कामपेणु व ।
 उवलद्ध-चित्तमणि व चक्कवट्ठि-रज्जाहिसित्तु व ॥
 आससेण-वसुद्धाहिवइ निय-सुद्धि-सयण-समेउ ।
 चित्तइ पसरिय-हरिस-भरु विलसिर-गरुय-विवेउ ॥

[७१७]

अहह धीरिहिं सुकुल-उत्पत्ति

अच्चच्चुय-रुव-सिरि जीवियव्वु उवसग्ग-वज्जिउ ।
 पंडिच्चु जयन्महिउ विउल-भोग-धणु स-भुय-अज्जिउ ॥
 रज्जु जयस्स चमक्क-यरु कित्ति परक्कम-सार ।
 लब्भइ धम्म-वसिण भुवणि विलसिर-गुरु-विस्थार ॥

[७१८]

इय-विचित्तिरु गरुय-वडयरिण

कारेवि वद्धावणउं निय-पुरम्मि सयलम्मि निवइण ।
 निय-रज्जि निवेसिउण कुमर-रयणु पसरंत-रिद्धिण ॥
 अणुजाणाविवि सुहि-सयण गुरुयण-भत्ति करेवि ।
 चारय-बंध विमोइउण जिणवर सक्कारेवि ॥

[७१९]

कमु वि तारिम-गुरुहु पय-मूलि

वहु-नरवइ-सुय-सहिउ स-दइओ वि विस्संभराहिबु ।
 निसुणेविणु धम्म-कह द्वियइ धरिवि जिण-वयणु कय-सिबु ॥
 संसारिय-सुह-विरय-मणु पडिवज्जिवि चारित्तु ।
 आससेणु सो राय-रिसि सु-गइहि गयउ पविचु ॥

[७२०]

काल-जोगिण पुण सउण्णेहिं

भरहेसर-चक्कवइ- विद्धिण सुद्धिण छक्खंड-वसुमइ
 उवसाहिय अणुकमिण वरिस-सहस-कालम्मि अइगइ ॥
 वहुविह-समर-वसुंधरहं पसरिय-कित्ति-लएण ।
 सणत्तुमारिण स-भुय-वल- पाविय-अब्भुदएण ॥

[७२१]

अह सुनंदा-नाम-थी-रयण-

पमुहाण जयन्भहिय- पिययमाण चउसट्ठि-सहसहं ।
 अच्चन्भुय-भुय-वलहं नरवइण वत्तीस-सहसहं ॥
 सिंधुर-तुरय-रहाहं पिहु पिहु चउरासी लक्ख ।
 नव निदि चउदह रयण मण-इच्छिय-वियरण-दक्ख ॥

[७२२]

सुइर-संचिय-सुकय-जोगेण

इयरो वि भरहाहिवइ- उचिउ विहउ अइरिण समज्जिवि ।
 संपत्तउ निय-नयरि कित्ति-दइय दह-दिहि विसज्जिवि ॥
 पत्थंतरि सोहम्मिण सुर-राइण साणंदु ।
 दिददु तहाविह-सिरि-सुहउ सणत्तुमारु नरिंदु ॥

[७२३]

तयणु सायरु भणिउ वेसमणु

मह वयणिण भद लहु पुरउ गंतु सहदेवि-तणयह ।
 चक्किम्मु चउत्थयह सोल-सहस-वर-जक्ख-पणयह ॥
 सणत्तुमारु एहु मह कोसल्लिउ वियरेज्ज ।
 तह तुहुं तमु चक्काहिवइ- रज्जहिसेउ करेज्ज ॥

[७२४]

ता कयन्थउ अप्पु मन्नेंतु

आयसिण निय-पहुहु तुरिउ तुरिउ सहरिमु नमिप्पिणु ।
 सीहासण-छत्त-वर- मउड-हार-रयणाटं वेप्पिणु ॥
 कुंडल-चामर-पाउयहं जुयलइं तह वर-माल ।
 पायवीह-रयणिण सहिय विल्लसिर-सिरिहि वम्भाल ॥

[७२५]

गंतु गयउर-नयरि कुरु-वंस-

जस-कलसह पय-पुरउ विणय-नमिरु वेसमणु जंपइ ।
 सोहम्मिय-सुर-वरिण पेसिउ म्हि तुह पुरउ संपइ ॥
 तह कोसल्लिउ दिव्वु एहु पेसिउ तुम्हं जोगु ।
 काराविउ पुणु चक्कवइ- रज्जहिसेउ उदग्गु ॥

[७२६]

जेण पच्छिम-जम्मि किल जत्थ

सुर-मंदिरि आसि तुहुं गरुय-रिद्धि-वित्थरु पुरंदरु ।
 सोहम्मि तहिं पि इहुं द्रुयउ एण्हि सुर-नियर-सुंदरु ॥
 इय तुह गुरु-वंधव-मइहिं कारावइ पडिबत्ति ।
 तह मह मुद्धिण महायरिण तुम्ह पयासइ भत्ति ॥

[७२७]

इय सुणेविणु चक्कि परिओस-

त्रियसंत-वयणंवरुहु कोसलीउ सयलु वि पडिच्छइ ।
 वेसमणइ पुणु पवरु स-सविहम्मि आसणु पयच्छइ ॥
 एत्थंनरि सुरु वेसमणु अभिओगिय-तियसेहिं ।
 जोयण-महिहिं समुद्धरिय- रय-कयवर-तणएहिं ॥

[७२८]

वइर-मरगय-पुल्लय-वेरुल्लिय-

ससि-सूरकंत-प्पमुह पंच-वन्न-रयणिहिं विणिम्मिउ ।
 निय-किरणिहिं अवहरिय- तिमिरु रयण-पेढउं कराविउ ।
 तदुवरि निरुवम-निय-महिम- निज्जिय-तियस-विमाणु ।
 अहिसेयइ मंडवु विहिउ तिहुयण-सिरिहि निहाणु ॥

[७२९]

तस्सु अंतरि पुण्व-दिसि-समुहु

सीहासणु संठविवि पायवीहु तहि पुरउ ठाविवि ।
 सु-मुहुत्तिण नर-रयणु पणय-पुण्वु आसणि निवेसिवि ॥
 अह खीरोय-महोयहिहि मणि-कंचण-कलसेहिं ।
 आणेविवि निम्मलु सल्लिलु अभिओगिय-तियसेहिं ॥

[७३०]

तयणु मागह-गंग-वरदाम-

पद्महुत्तिम-तित्थ-जल कुसुम-गंध-ओसहि गहेविणु ।
 जय जय चिरु नर-रयण महियलि त्ति पुणु पुणु भणेविणु ॥
 विज्जाहर-नर सुर-गणिहि मंगलि पयडिज्जंति ।
 मग्गण-सयण-किमिच्छियहं इच्छिइ वियरिज्जंति ॥

[७३१]

पडह-मदल-तिलिम-ढक्काहि

कंसालय-ताल-वर वंस-वेणि-काहलिय-वुक्कहि ।
 वज्जतिहि पट्ट-रविण करडि-भंभ-भेरिय-हुड्डक्कहि ॥
 नट्टारंभि पयट्टियहि तहि आगंतु खणेण ।
 रंभ-तिलोत्तिम-उव्वसिहि सुर-सामिहि वयणेण ॥

[७३२]

अइ-महंतिण विहव-जोषण

चक्काहिव-रज्ज-अहिसेय-महिम वेसमणु विरइवि ।
 उवसाहइ सुरवइहि पुरउ पुव्व-वुत्तंतु सयलु वि ॥
 सणतुकुमारु वि नर-रयणु पाविय-चक्कवइत्तु ।
 उवभुंजइ छक्खंड महि असम-सुहामय-सित्तु ॥

[७३३]

अवर-वासरि स-परिवारम्म

सोयामिणि-नाडयह रंग-मज्झि सहरिसुवविट्ठह ।
 कय-भूसण-सयल-तणु तियमु एगु ईसाण-कप्पह ॥
 नियय-पहा-पसरुवहसिय-सेस-नियस-तणु-कंति ।
 कज्ज-वसिण संपत्तु सुर-सामिहि सविहम्मि त्ति ॥

[७३४]

अह सुरिदिण विहिय-सक्कारु

परिसाहिय-कज्ज-विहि नियय-ट्टाणि सो तियसु पत्तउ ।
 स-वियक्कु सोहम्मिइहि सुरिहि तयणु तियसिंदु वुत्तउ ॥
 जह पहु एइण सुरवरिण पसरिय-तेय-भराहं ।
 निय-तणु कंतिण पह हरिय सव्वेसिं पि सुराहं ॥

[७३५]

तयणु पभणिउ तियस-नाहेण

नणु एइण पुब्ब-भवि विउल-भाव-मुद्धिण पविच्छिण ।
 संचिणु आयंबिलय- वद्धमाणु तवु एग-चित्तिण ॥
 इय तव-तेइण तेण इहु असरिस-कंति-कलावु ।
 हुयउ तियसु ईसाण- सुर-पहु-सम-सिरि-सम्भावु ॥

[७३६]

पुण वि पणमिवि भणिउ तियसेहिं

पहु पसिय कहेसु नणु भुवण-मज्झि किं कसु वि अन्नह ।
 एयारिस-तेय-सिरि अत्थि एत्थ चिर-चिन्न-पुन्नह ॥
 ईसि हसेविणु सुर-वइण तयणु भणिउ — नणु हंत ।
 एयह पुण्णइं काइं क व तेय-स्सिरि विलसंत ॥

[७३७]

का व अवरह ति-जय-रंगम्मि

विलसंतह खयर-सुर- असुर-पहुहु सयल्लह वि मिलियह ।
 पुब्बज्जिय-तव-सिरि व देह-पह व जा मणुय-मित्तह ॥
 आससेण-कुल-कमल-सर- मंडण-कलहंसस्सु ।
 सणतुकुमार-नराहिवह ससहर-विमल-जसस्सु ॥

७३६. ६. क. चित्त. ८. क. कांइ.

७३७. ७. संवसा. ९. क. सयल्लह.

[७३८]

एत्थ-अंतरि तियस-पहु-सह
 मज्झमि वि सुर-कुमर दोण्णि किंचि संजाय-मच्छर ।
 नणु माणव-मेत्तयह इहु घडेइ कह इय विचिंतिर ॥
 तियसराय-वयण-स्सवण- समणंतरु पसरंत ।
 कुणहिं संक पत्थुय-विसइ तयणंतरु तूरंत ॥

[७३९]

तियस-सत्तिण वडुय-रूवेण
 सिरि-गयउर-नयरि लहु पत्त तयणु दोवार-पालिण ।
 संभालिय दो वि तसु चक्कवइहि ते अइर-कालिण ॥
 तयणु पवेसाविय लहु वि जवणिय-अंतरिण ।
 तक्खणु सणतुकुमारिण वि कारिय-मज्जनण ॥

[७४०]

भणिउ — साहह केण कज्जेण
 इह आगय तुम्मि अह भणहिं हरिस-वियंसत-लोयण
 लहु जवणिय-अंतरिण दिट्ठ-चल्लण-अंगुट्ठ वंभण ॥
 जह — पहु तुह रूव-स्सिरिहि अवलोयण-कज्जेण ।
 दूरह आगय अम्हि अह जंपिउ चक्कहरेण ॥

[७४१]

एहु जइ ता तुम्हि अवरणिह
 आगच्छह मह पुरउ दो वि भइ अत्थाण-मंडवि ।
 जिह पेच्छह मइं विहिय- सव्व-अंग-सिंमारु पुणरवि ॥
 इय चक्काहिव-भासियउं मुणिवि तियस ते ताव ।
 गमहिं कहिं चि वि चक्कवइ सहहं वईसइ जाव ॥

७३८. १. क. पहह.

७४१. ४. क. मह; ५. क. पुणरवि; ८. क. गमइहि.

[७४२]

अह पढंतिण बंदि-विंदेण

गायंतिहिं गायणिहिं नच्चिरेहिं नड-नट्ट-जल्लिहिं ।
 किज्जंतिहिं मंगलिहिं अकय-सुकय-जण-हियय-सल्लिहिं ॥
 मग्गण-सयहं मणिच्छियइ वियरिज्जंतइ दाणि ।
 चक्क-प्पहुहु नियड्डियइ इय मज्जणय-विहाणि ॥

[७४३]

संख-सहिण मुणिय-मज्झण-

भंकारि भेरि-रविण वार-तरुणि-कहियम्मि अवसरि ।
 वीसंतइ तूर-रवि सेवगम्मि गच्छंति निय-परि ॥
 नच्चणि-नड-नट्टारइहिं निय-निय-ठाण-गएहिं ।
 सयछेहिं य अहिगारिइहिं खेय-विणोय-रएहिं ॥

[७४४]

लहु मिलंतिहिं धावमाणेहिं

पडिसवणिय-माणविहिं वज्जिरेहिं अवसरिय-संखिहिं ।
 परिसोहिज्जंतियहिं अतिहि-सत्तसालहिं असंखिहिं ॥
 अग्गासणियग-वंभणिहिं सज्जीकिज्जंतेहिं ।
 किविणाणाह-वणीमगहं भत्तिहिं दिज्जंतेहिं ॥

[७४५]

वार-तरुणिहिं सारविज्जंति

निव-भोयण-वेइयए वेज्ज-मंत-वाइएहिं पट्टुत्तिहिं ।
 भुंजय-जणि आगयइ वइसदेव-आहुइहिं हुंतिहिं ॥
 तुरिड चकोरय-पंजरिहिं संचारिज्जंतेहिं ।
 वायस-पिडिहिं तरु-सिहर-फलगि खिविज्जंतेहिं ॥

७४२. २. क. गातिहि.; ४. क. किज्जंतिहि. ९. इमय.

७४४. २. क. माणविहि. ९. क. भत्तिहि. ख. भात्तिहि.

[७४६]

सालि-सिहरिणि-सुव-पक्कन्न

महु-सप्पि-तीमण-दहिय- दुद्ध-पउर-पाणय सु-वंजण ।
 लहु महुर-कसाय-कहु- तित्त-लवण-हिय भुवण-रंजण ॥
 निवइ-निउत्तय-माणविहिं रसवइ सुह-सय-लब्भ ।
 निप्फाइय अइरिण-जणिय- बुद्धि-धाउ-संदब्भ ॥

[७४७]

तयणु सक्कर-दक्ख-खज्जूर-

अक्खोड-दाडिम-कलम- सालि-दालि-वंजण-सुसक्किय ।
 घय-उण्ह लवण-स्सिरिय सुट्ठि-सेव-मोयग-सुरुक्किय ॥
 वर सुकुमारिय सक्कुलिय मंडिय भुडुहुडिया य ।
 वेज्ज-विहिण भुंजय-जुइण चक्कवइण भुत्ता य ॥

[७४८]

अह लवंगय-एल-घणसार-

जंवीरिय-जाइफल- तय-तमाल-दल-जाइवत्तिय ।
 कक्कोलय-पूगिफल- नागवल्लि-कप्पूर-वत्तिय ॥
 जहरिहु वियरिय सेवयहं नमिरुत्तिम-अंगाहं ।
 तयणंतरु तिण गहिय-रस इय-सयलहं भोगाहं ॥

[७४९]

तयणु मिगमय-परिमल्लुगार-

हरियंदण-घुसिण-सिरिखंड-अगुरु-कप्पूर-पंकिण ।
 सयवत्ति-चंपय-करुणि- जाइ-कुसुम-दल-परिमलंकिण ॥
 सुकय-विवाग-सहस्स-भवु करिवि विलेवणु अंगि ।
 ओलग्गाविवि आहरण मुर-विइण्ण सव्वंगि ॥

[७५०]

अह सहाविय-कंति-पम्भार-

अवहत्थिय-सुर-असुर- तारयालि-ससहर-दिवायरु ।
 निम्माणय-कम्म-कय- संधि-बंध-सव्वंग-मुंदरु ॥
 कय-असरिस-सिगार-विहि परिहिय-देव-दुगुल्लु ।
 वंदि-विंद-उग्घुट्ट-जमु निय-परियण-सोहिस्सु ॥

[७५१]

सव्व-अवसरि विउल-अत्थाण-

वर-मंडवि उवविसिवि निय-निउत्त-पुरिसेहिं स-हरिमु ।
 सदावइ चक्कवइ वडुय ते वि तहिं एंति असरिमु ॥
 हरिमु वढंता निय-मणिण कि पुण चक्कवइम्मि ।
 सच्चवियम्मि विसेसयर विरइय-सिगारम्मि ॥

[७५२]

अह धिसि धिसि वि-रमु संसारु

जमिमस्सु वि नरवरह एत्तिण वि अंतरि इमेरिस ।
 संजायइ विसम दस जणिय-सुयण-मुहि-ताव-पगरिस ॥
 इय परिचित्तिर तियस दु-वि लहु विहलिय-मुह-छाय ।
 भणिय नरिदिण - तुम्हि किह दीसह इय-मुह-राय ॥

[७५३]

अह पर्यपहिं तियस - चर्विकद

किं न निवहि निवय-त्तणु जमिह आसि जो कंति-वित्थरु ।
 तुह मज्जण-कालि मु न एणिह तयणु-सहस-त्ति नरवरु ॥
 नणु किं एइ भणंति इय चित्तिरु निय-त्तणु जाव ।
 नियइ निरिक्खइ मसि-रसिण ओहलियं पि व ताव ॥

[७५४]

तयणु तक्खणु मणु समुक्खिविवि
 छक्खंड-खोणीयलहं नवहं निहिहिं चउदहहं रयणहं ।
 वत्तीस-सहसहं गरुय - मउड-वद्ध-नरवइहिं अणहहं ॥
 जक्खहं सोलस-सहस-परिसंखहं आण-कराहं ।
 चउसट्ठि य सहसहं सुकुल - विलयहं भत्ति-पराहं ॥

[७५५]

अ-थिरु जोव्वणु धणु अ-साहीणु
 सुहि-सयणु स-अत्थ-रुइ सलिल-विंदु-चंचलु सरीरु वि ।
 इय दुहयरि भव-गहणि रमइ किह णु इह पुरिसु धीरु वि ॥
 इय चित्तिरु उव्विग्ग-मणु गहिउ-कामु चारित्तु ।
 सणतुकुमारु समुल्लवइ भव-कंतार-विरत्तु ॥

[७५६]

अहह अहमिह भइ तुम्हेहिं
 नित्थारिउ भवु जत्तिहिं वितह-रूव-अहिमाण-घत्थउ ।
 बुइडंतु महन्नवहं मज्झि देवि निय दो-वि हत्थ उ ॥
 तयणु तियस वज्जरहिं मणु चक्क-प्पहुहु मुणेवि ।
 धन्नु महायस तुहुं जि पर जो एत्तियमेत्ते वि ॥

[७५७]

विलिय-कारणि चइवि चक्कित्तु
 चारित्त-गहणुसुयउ हुयउ जमिह तुह अज्ज दुज्जय ।
 संकंत य संति तणु- मज्झि रोग ओसह-अ-सज्जय ॥
 नणु कह जाणह तुम्भि इय चक्कवइण पुट्ठम्मि ।
 पयडिय-रूविहिं सुरिहिं सुरपहु-वइयरि सिट्ठम्मि ॥

[७५८]

अहह धिसि धिसि कम्म-परिणाधु

कु-वि दारुणु भुवणह वि अइव तुच्छ संपय समग्ग वि ।
 चलु परियणु मणु अथिरु सरय-अब्भ-सम दइय-संग वि ॥
 तणु पुणु एहु अणत्थ-फलु सयलामुइहि निहाणु ।
 अ-बुह-जणिय-पडिकम्म-विहि वितह-रूव-अभिमाणु ॥

[७५९]

जमिह एयह पढम-उप्पत्ति-

हेऊ वि विवेइ-जण- गरहणिज्जु उव्वेय-कारणु ।
 पगईए वि निग्गुणउं नवहि असुइ-विवरिहि दुहावणु ॥
 कप्पूरागरु-मिगमयहं बहु-भोगुवभोगाहं ।
 एहु सरिरु विणास-यरु दुह-यरु निस्संगाहं ॥

[७६०]

सुक्क-सोणिय-रुहिर-वस-मंस-

मज्झामुइ-पूइ-रस- मुत्त-अंत-पित्त-प्पलाविउ ।
 नव-छिहु मलाविलउं विहिण असुइ-दलिएहि घडाविउ ॥
 इय जह जह परिचित्तियइ तणुहु सुइत्तणु किपि ।
 तह तह दीसइ असुइमउ सयलु वि विवुहेहि पि ॥

[७६१]

जाव अज्ज वि सयण साहीण

जा लच्छि न परिहरइ जाव भियग वट्टंति वस-गय ।
 जा पिययम पिय-करिय जाव आण खंडहि न अंगय ॥
 जाव न जायइ विहुर-यरु तणु परिणाम-असारु ।
 ता कु-वि किज्जउ धम्म-विहि पर-भव-कय-साहारु ॥

[७६२]

इय विचितिरु मेरु-थिर-चित्तु

कुरु-वंसह जस-कलसु आससेण-नरनाह-नंदणु ।

उज्जेविणु धण-रयण- सयण-सुहड-करि-तुरय-संदणु ॥

बहु-वित्थरिण पहाविउण जिण-वर-तित्थु पवित्तु ।

उसहदत्त-सुरिहि पुरउ पडिबज्जइ चारित्तु ॥

[७६३]

अदह नरवर चरिउ अणुसरिउ

तइ भरह-नराहिवह वसुह सयल लीलइ चइतिण ।

आराहिउ जिणवरहं गुरुहं वयणु इय उज्जमंतिण ॥

इय उववूहिर पय नमिर सणतुकुमार-मुणिस्सु ।

तियस गंतु वइयरु सयलु साहइ तियसिंदस्सु ॥

[७६४]

किं तु सज्जण ते जि ति जि दइय

ति जि नरवर ते ज्जि सुहि ति ज्जि तणय ति जि निय-सहोयर ।

ति जि संदण ति ज्जि भड ति जि तुरंग ति जि गंध-सिधुर ॥

ते ज्जि चउदह रयण ति जि जक्खहं सोल सहस्स ।

पुट्ठि न छट्ठिं निय-पट्टुहं सणतुकुमार-मुणिस्स ॥

[७६५]

अहह सामिय पणय-कारुणिय

त्रिलवंतउ भिच्च-यणु सयलु एहु किह किह वि उज्जसि ।

परिवालसु कित्तिय वि दियह वलिवि एमेव मुज्जसि ॥

पुत्ठि पि हु भरहाहिवह उसह-जिणिंद-मुयस्सु ।

जायउं केवल-नाण-धणु निय-पय-पालंतस्सु ॥

७६२. २. क. कुरुवंसह.

७६४. ६. क. ति जि चठं

[७६६]

कह व भुय-वल-दलिय-रिउ-कुलह

तुह नाह विरहिण भुवणु विविह-सुह-विदविउ हविहइ ।
 कु व अ-सरणु विलविरह एहिं तम्म उवयारु करिहइ ॥
 इय विलवंत परिभमिय सयल ति जा छम्मास ।
 विगय-त्ताण अणाह परिमिल्लिर-गुरु-नीसास ॥

[७६७]

राय-रिसिण वि तियस-गिरि-सिहर-

थिर-चित्तिण सीह-अवल्लोइएण वि हु ति न निरिक्खिय ।
 तयणंतरु निय-नियय- ठाणि पत्त अच्चंत-दुक्खिय ॥
 राय-रिसी वि हु पुव्व-कय- भोग-दलिय-कम्मंति ।
 एगागी उज्जय-हियउ चरणि जणिय-जम्मंति ॥

[७६८]

विहिय-छट्टह तवह पज्जंति

गुरु-वयणिण अन्नयरि ठाणि गंतु विहरंतु मह-रिसि ।
 पुव्वज्जिय-अमुह-निय- कम्म-सेस-उदयम्मि असरिसि ॥
 गोयर-चरियहं परिभमिरु कत्थ वि भवणि लहेइ ।
 छेलिय तक्किण उल्लियउ वीणाउरु भुंजेइ ॥

[७६९]

तयणु वेयण सीसि तणु-दाहु

उक्कोउ पुणु लोयणहं कुच्छि-सूल पाउम्मि अरिसय ।
 वच्छ-त्थलि तोहु करि कंषु पाय-मूलेमु रण्णय ॥
 पुट्टि जलोयरु कंधरहं गंड-माल खय-काल ।
 पाउब्भुय सव्वंगि पुणु कुट्ट-व्वाहि कराल ॥

[७७०]

इय दुरंतिहिं जीय-पञ्जंत-

समयावह-दुहयरिहिं द्रुयहिं वहुहिं अन्निहिं वि वाहिहिं ।
 सयलस्सु वि भुवण-यल- जणहुं जणिय-गुरु-दिगय-दाहिहिं ॥
 मुरगिरि-चल व अविचलिर- माणसु सणतुकुमारु ।
 चिट्ठइ अहियासंतु निरु सुमरंतउ नवकारु ॥

[७७१]

अह निरिक्खिय सु-मुणि-चरिण

अइ विम्भिय-माणसिण भणिउ सहइं सोहम्म-इंदिण ।
 जह — पेक्खहुं मुर-गणहुं चरिउ चक्क-पद्-मुणिहिं भाविण ॥
 जो छट्ठट्ठ-दुवालसम- पमुह-तविण विविहेण ।
 सोमइ धम्म-सरीरु भव- भावुत्विग्ग-मणेण ॥

[७७२]

न उण वाहिहिं विहर-जय-जंतु-

ववरोवण-कारिहिं वि वहु-विहाहिं पीडिज्जमाणु वि ।
 सिक्खारु वि मुयइ न य उवयरेइ तणु भणमाणु वि ॥
 भुवणस्सु वि सागीग्गिहिं वाहिं विसेम-हराहिं ।
 उपपन्नाहिं वि ओसहिहिं आमोमहि-पमुहाहिं ॥

[७७३]

इय भणंतह नियमनाहस्सु

मणि विम्भिय सयल सह गृण सुणेइ तसु निव-मुणिदह ।
 भुवणुत्तर-सुत्तरियह आससेण-कुल-गयण-चंदह ॥
 किं पुण ति जि पुव्वुत्तमुर दो-वि अ-मदहमाण ।
 आगय राय-रिसिहिं पुरउ वेज्ज-रुवु धरमाण ॥

[७७४]

समुहु खासह जरह अरुईए

कर-कंपह रफ्यहं गंडमाल-वाहीए सोसह ।
 अरुईए भगंदरह खल-रुजह अन्नह वि दोसह ॥
 विहिउ विगिच्छ खणद्धिण वि करहुं देहु निरवज्जु ।
 एहु सु-विणिच्छिवि मुणि-वसह अम्ह वयणु पडिबज्जु ॥

[७७५]

इय पर्यपिर तियस पुणुरुत्तु

पक्खंतरि परिभमिर भणिय साहु-वसहिण ति - साहह ।
 किं वाहिर रोग अह अंतरा वि तुब्भे विसाहह ॥
 ता स-वियक्किय भणहिं सुर - नणु मुणि वाहिर रोग ।
 फेडिवि अम्ह करहुं खणिण सयलि वि सज्जा लोग ॥

[७७६]

तयणु दाहिण-करिण परिमुसिवि

निय-वामह करह नव- तरणि-किरण-दिप्पंत अंगुलि ।
 उवदंसिवि तहं सुरहं पुरउ भणिउ मह-रिसिण - नणु सलि ॥
 मह अंतर-रोगहं तणी एहि पुणु केत्तिय-मेत्तु ।
 किं तु सहेवा पच्छह वि अज्जु ति सहउं निरुत्तु ॥

[७७७]

अह - महा-मुणि नून जइ तुहुं जि

इह अंतर-रोग-हरु इय भणंत चळणेषु निवडिवि ।
 दु-वि साहहिं तियस सुर- पहु-पसंस अप्पाणु पयडिवि ॥
 सणतुकुमार-महारिसिहि आसिच्चाउ गहेवि ।
 सुर घरि गंतु सुर-प्पहुहु तब्बुत्तंतु कहेवि ॥

[७७८]

वपु रि धीरिम कट रि सरलत्तु
 अरि उवसमु ह्रुहं वयण- मण-निरोहु निउंछणउं खंतिहिं ।
 बलिकिज्जहं संजमह तवह तह य तसु ह-कंतिहिं ॥
 इय पुणु पुणरवि सुर-सहं दु-वि ति तियस जपंत ।
 सणतुकुमार-महारिसिहिं चिट्ठहिं गुण गायंत ॥

[७७९]

राय-रिसि वि हू निय-गहीरत्त-
 अवहत्थिय-दुधुयहि मयल-रोग निरु सम्म-करणिण ।
 अहियासइ जिणवरिण भणिय-विहिण भावइ य हियइण ॥
 एतु खलिज्जइ जलनिहि वि लइरि-भिन्न-कुलसेलु ।
 न उ पुव्वज्जिय-अमुह-निय-कम्म-विवागह मेलु ॥

[७८०]

जिय अयाणुय विहिउ सयमेव
 तइं पच्छिम-जम्मि इहु पावु कम्म-पवभारु गरुयउ ।
 तिण दुक्कहिं एउ तुह दुसह दुक्ख-दंदोलि बहुयउ ॥
 नासंतिहिं वि न छट्ठियइ निय-दुक्कय-कम्माहं ।
 ता बलिकिज्जहं हउं रिउहुं समइ समुहु पचाहं ॥

[७८१]

इय पमाइण राग-दोसेहिं
 मिच्छत्तिण अविरइहिं विहिउ जमिह हय-मोह-प्रत्थिण ।
 तसु पाव-महदुसह फलइं लेसु जिय तुहुं स-हत्थिण ॥
 नहि लब्भंतइ स-कय-फलि पुरिस परम्मुह हंति ।
 सह-धाविर निय-छाय नहि के-वि हू छइडिवि जंति ॥

७७८. ५. क. कंतिहि.

७८०. २. क. ख. जमि. ३. पाव. ४. दुक्कह.

७८१. ५. क. सुहु; ख. तुहु.

[७८२]

इय विर्वितिरु चरणु अणुचरिवि
 अहियासिवि पुव्व-निय- कम्म-जणिय-गुरु-वाहि-वेयण ।
 परिसीलिवि सयल-जिण- कहिय किरिय चिर-पाव-भेयण ॥
 उसह-भरह-पमुहुत्तिमहं पुरिसहं चरिय सरंतु ।
 जिणवर-वयण-महोसहइ निच्चु वि हियइ धरंतु ॥

[७८३]

सुह्णिण कुमरहं भावि मंडलिय-
 निव-रज्जि वि अइगमिवि वरिस-सहस पन्नासपिहु पिहु ।
 चक्कित्ति समणत्तणि वि लक्खु लक्खु इय सव्वओ वि हु ॥
 परिवालेवि अहक्कमिण तिण्णि वरिस-लक्खाइं ।
 आउय-अंति खविवि अमुह- कम्म-रोग-दुक्खाइं ॥

[७८४]

समय-नीइण गंतु सम्पेय-
 गिरि-रायह सिहर-तलि मासिएण तव-कम्म-जोगिण ।
 निय-पावइं विहडिउण विहिय-मुद्धि निम्मल-विवेगिण ॥
 सणतुकुमार-मुरालयइ गयउ सु सणतुकुमारु ।
 मह-रिसि गुरु-गुण-रत्त-मणु पाविय-जीविय-सारु ॥

[७८५]

तत्थ महरिह-विसय-सुक्खाइं
 सुरनाह-मामाणियहं सुरहं उचिय चिर-कालु सेविवि ।
 कम-जोगिण पुणु तउ वि निय-ठिईए पज्जंतु पाविवि ॥
 होउ विदेहि निवंगरुहु सेविय-चरणायारु ।
 सुगहिय-नामु सु सिज्झिहइ खविय-पाव-पब्भारु ॥

७८३. १ क. सु and कु mixed in कुमरहं.

७८४. ७. क. सु missing.

[७८६]

इय निरंतरु मणिण जिणचंद-

मुणिनाह-सोमृत्तिमह सुयण सुहय-गुण-रयण-भूरिहि ।
 मुमरंतिण अणुदिणु वि नाम-मंतु सिरिचंद-सूरिहि ॥
 सिरि-हरिभद-मुणीसरिण विरइउ लेमिण एहु ।
 सणतुकुमार-नराहिवह चरिउ सुकय-कुल-गेहु ॥

इति श्रीश्रीचंद्रसूरि-क्रम-कमल-भमल-
 श्रीहरिभद्रसूरि-विरचित-श्रीमदरिष्टनेमि-चरिते
 श्रीसनत्कुमारचक्राधिराज-चरितं समाप्तमिति* ॥

* * *

[७८७]

इय तुहविस्वय मई समासेण

जा चारण-मुणि-रयण- पुरउ आसि निस्सुय पहाणिय ।
 कुरु-वंस-सिरोमणिहि चउथ-चक्कवट्टिहि कहाणिय ॥
 अह निम्मुणिवि मागह-मुहिण गुरु-विम्हय-लय-कंद ।
 सणतुकुमार-महानिवह कह कय-भुवणाणंद ॥

[७८८]

पुव्व-नरवर-चारु-चारित्त-

आयण्ण-उल्लसिय- हरिस-भरिण धर-पवर-चरिइण ।
 सिरि सूरतेयंगइण तेण चित्तगइ-नाम-पयडिण ॥
 वियरेविणु तसु मागहह बहु-परिओसिउ दाणु ।
 गुरु-भत्तिण नहयर-सहहं ललइ सु सु-गुण-निहाणु ॥

[७८९]*

*

*

*

[७९०]

तयणु तं चिय चरिउ सुमरंतु

गिज्जंतु खयरंगणहि वड्हमाण-वंलिय-समिद्धिउ ।
 पणमंत-परिपंथि-कुलु उल्लसंत-वहु-विज्ज-सिद्धिउ ॥
 मणगइ-चवल्लगइहि जुयउ सहियउ रयणवईए ।
 कुमर-रयणु सिरि-चित्तगइ तूसिउ विमलमईए ॥

[७९१]

विसय सेवइ दलइ रिउ-दप्पु

सुस्ससइ गुरु-चलण ललइ सुहिहि नमणिज्ज पणमइ ।
 अणुसासइ पणइ-यणु जणइ सुत्थु सयलम्मि जणवइ ॥
 वंदइ सासय-चेइयई केवल्लि-वयणु सुणेइ ।
 नमइ मुणिहि साहम्मियहं पुणु सम्माणु कुणेइ ॥

७८७, ८, क. सणतुकुमार.

*७८९. is missing in क. and ख.

[७९२]

भुवण-भंदिरु कित्ति-सुह-रसिण

गुण-मालिय-सिंगियइ विमल-बुद्धि-कामिणिहि हत्थिण ।
 धवलाविवि सज्जवइ चारु-चरिय-कुच्चिण पमन्थिण ॥
 अहव समत्थु कु वण्णणिण अप्पडिहय-पसरस्सु ।
 गुण-कंचण-कसवट्ठयह चित्तगइहि कुमरस्सु ॥

[७९३]

अन्न-वासरि वयह परिणामि

निमुणेविणु धम्म-रुह पुरउ कसु वि केवल्लि-मुणिदह ।
 निय-नंदणु चित्तगइ तिलउ मज्झि तमु खयर-विदह ॥
 रज्जि निवेसिवि विन्थरिण सर्पउ वि चेत्तु चरित्तु ।
 सूरतेउ सो राय-रिसि सिव पुरि पत्तु पवित्तु ॥

[७९४]

ता विसेमिण फुरिय-माहप्पु

विज्जाहर-चक्कवइ दल्लिय-मथल-रिउ-कुल-मडप्फरु ।
 सव्वायरु चित्तगइ जणिय-सुयण-आणंद-वित्थरु ॥
 सव्वत्थ वि जिण-सासणह कुणइ पहावण लोइ ।
 कहमवि तह जह समइ तहिं इयरह सरइ न कोइ ॥

[७९५]

दूर-देसि वि गंतु विहरंतु

तिट्थाहिव-धम्मकह मुणइ थुणइ मामय-गिह-ट्ठिय ।
 जिण-विंवइ धम्मि-यण थिरिकरेइ सम्मग्ग-संठिय ॥
 जिण-जम्मण-वय-नाण-सिव- गमण-प्पमुह-महेसु ।
 सयल्लारंभिण उज्जमइ आयइ-जय-सुहएसु ॥

[७९६]

वयइ जिय-वहु-वयइ न अलीउ
 आसंसइ न पर-धणु इयर-रमणि जणणि व्व पेक्खइ ।
 निय-परिगहि अहिरमइ सवि-वि सेस गुण-गण भिकंखइ ॥
 सयलंतेउर-उत्तिमइ सम-सुह-दुह-हिययाए ।
 सुइरु कालु अइगमइ सह रयणवईष पियाए ॥

इओ य—

[७९७]

तम्मि चेव य सिहरि-तिलयम्मि
 सोमणस-नामगि नयरि संति अद्द खयरिंद-नंदण ।
 उवसाहिय-विविह-वर- विज्ज नियय-गुण-भुवण-रंजण ॥
 ससिगइ-रतिगइ-ललियगइ मणगइ-पवणगइ त्ति ।
 तडिगइ-उडुगइ-तुरियगइ इय विस्सुय-नाम त्ति ॥

[७९८]

सिरि-सरस्सइ-लच्छि-कित्ति त्ति
 मइ-कंति-मयणस्सिरिय- चंदरेह इय पत्त-नामय ।
 निय-रुविण विजिय-रइ- रंभ-महिम तह आसि कन्नय ॥
 सम-गुण सम-वय सम-सिरिय सम-लायण-विलास ।
 सम-अहिगय-ससि-विमल-कल सम-सुंदर-संभास ॥

[७९९]

कमिण पाविय-जोव्वणारंभ
 नउ रज्जहि विसय-सुहि ललहि धम्म-कम्मम्मि निच्चल ।
 अन्नम्मि उ दिणि विरह- भीय भणहि भणियव्व-पच्चल ॥
 मिलिवि परोप्पक कह विरहि जह — पिय सहि कु-वि एगु ।
 मग्गिज्जउ निय-निय-जणय- पुरउ पहाण-विवेशु ॥

[८००]

तयणु पिहु पिहु विहिय-आयरहं
 बीबाह-विहि उहिसिवि नियय-जणणि-जणयाहं विहिहिं ।
 सव्वाहिं वि वज्जरित तत्थ ताव इहु भणिउ पढमहिं ॥
 कु जियइ कु सुहिउ सव्वगु कु जगह वि सुहु कु जणेइ ।
 इय जो जाणइ नर-रयणु जणय सु मई परिणेइ ॥

[८०१]

अह सरस्सइ भणइ नीसेस-
 पासंडिय-समय-विहि- छंद-सह-साहिच्च-सत्थहं ।
 परमत्थु जु वज्जरइ तुम्ह सहहं एयहं पसत्थहं ॥
 धुवु निज्जिय-सुर-अमुर-गुरु- मइ-माहप्प-विसेसु ।
 सो पर होसइ पुरिसु पइ मह इह जम्मि न सेसु ॥

[८०२]

रुव-जोवण-विणय-लायण-

विलसंत समुल्लसिय- वंस-जाइ-सिंभार-मुंदरु ।
 ससि-विमल-कलाहं निहि सिंह-रि-गरुय-गुण-रयण-मणहरु ॥
 जो मई जिणिहइ निय-गुणिहिं कु-वि विज्जाहर-नाहु ।—
 लच्छि पयंपइ-जणय मह तिण सहं करिह विवाहु ॥

[८०३]

कित्ति जंपइ — जणय-जणणीण

जिण-नाहं गुरुयणं विणय-कम्म-कोसल्ल-मुंदरु ।
 सरणाणय-वच्छलउ स-भुय-दंड-निज्जिय-पुरंदरु ॥
 सरल-सहावु उदारु थिरु दुत्थिय-जण-साहारु ।
 मज्झ चिरेण वि जणय तुहुं इहु ग्रहियज भचारु ।

८०२. ४. क निहि.

८०३. १. क. जणय repeated.

[८०४]

मइ पयंपइ - दक्खु सु-विवेउ

परिविलसिर-गुरु-विणउ जणिय-सुयण-भाषंद-चित्थरु ।

भव-काणण-भीरु-मणु मग्ग-गामि अणहुंत-मच्छरु ॥

जइ परि मइं निज्जिणिवि कु-वि खयरहिदह कुमार ।

परिणेतइ पायडिय-निय- गुरुय-सुकुय-पम्भारु ॥

[८०५]

कंति पभणइ - मुणिय-भव-भावु

जिण-जंपिय-तत्त-रुइ धम्म-कम्म-उज्जुत्त-माणसु ।

अ-वखोहिउ कामिणिहिं खयर-कुमारु को-वि हु वियाणसु ॥

सुमणस-सुहयर-गुण-जडिय सिजिर-भमर-वम्भाल ।

जिम्ब वच्छ-त्थलि पिययमह तसु घत्तहुं वर-माल ॥

[८०६]

मयणसिरि पुणु भणइ - नणु जणय

इह वीणा-वायणिण जोव्वणेण वरु खव-रिद्धिण ।

लायणिण तरुणियण- छंद-रुइण ससि-विमल-बुद्धिण ॥

सिगारिण पेसल-जुणिण तुम्ह पयडु जिणिहेइ ।

खयर-कुमारु जु को-वि मइं सो मह पाणि गहेइ ॥

[८०७]

जो विउव्विय-सत्ति-जोगेण

स-समाण-रुविण भरइ धरणि-गयण-अंतरु खणद्धिण ।

नीसेस-खयरव्वहिउ चारु-वरिय-वर-कित्ति-लद्धिण ॥

सो अप्पट्टमयह वि मह पुरिसु गहेसइ पाणि ।

इय परिभाविवि कु-वि जणय वरु घडि मन करि काणि ॥

[८०८]

इय सुणेविणु वयणु कन्नयहं

सन्वासि विसेसयरु चंद-मुहिहि तसु चंदरेहह ।
 उक्कंठिय खयर-वर वरहि-कुल व उन्नयहं मेहहं ।
 आगय तिहिं खयरहिविहिं कुमरि-विवाहह जोमि ।
 कयइ सयंवर-मंडवइ निय-सिरि-अहरिय-सग्गि ॥

[८०९]

न उण को-वि हु खयरु एगह वि

कुमरीए पइण्णयह गयउ पारि ता सयण कुमरिहि ।
 सविसेस-समुल्लसिय- हियय-सल्ल संगहिय अरइहि ॥
 विज्जाहर-चक्काहिवह गुरु-गुण-मणि-भवणस्सु ।
 गच्छहिं चित्तगइहि पुरउ भणहिं य—पहु निमृणस्सु ॥

[८१०]

जो महीयलि गयउ गेण्हेइ

मय-लंछणु करयलिण धरइ जो व भुय-दंडि सुर-गिरि ।
 जु व भुवणि वि उल्लसिउ गसइ पल्लय-हुयवाहु गुरु सिरि ॥
 जो स-धराधरु रयण-निहि पियइ पाणि-पुडण्ण ।
 कुमरि-पइण्णहं पारि सु वि जाइ न तुह विरहेण ॥

[८११]

इय पसीउण पणय-कारुणिय

सिरि-सुरतेयंगरुह भुवण-पयड-गुण-रयण-मंडण ।
 सारय-ससि-विमल-जस महि-ललंत पडिक्ख-खंडण ॥
 तुम्हि सयंवर-मंडवह सविहिहिं आगच्छेह ।
 कन्नय-विहिय-पइण्णहं वि पारु जणह दरिसेह ॥

८०८. २. क. विसेसयरु. ४. क. वर missing

८०९. २. क. पयण्णयह. ३. सुयण.

[८१२]

तयणु किंचि वि पगइ-विलसंत-
 उवरोह-सीलत्तिणि किंचि फुरिय-कोऊहलत्तिण ।
 चक्काहिबु चित्तगइ गहिय-सार-परियणु पयत्तिण ॥
 गंतु सयंवर-मंडवह तलि उवविदटु पडिट्टु ।
 अह अट्टहि वि नियंविणिहि मयणाउरिहि सु दिदट्टु ॥

[८१३]

निय-त्रियप्पिउ पुच्छमाणीए
 सार-तरुणिहि पुरउ अह भणइ — सुयणु निमुणेसु अवहिय ।
 जह जीवइ सो जिज जगि जसु रमेइ मइ धम्मि पर-हिय ॥
 सुद्धिउ सु जो संतोस-रुइ सव्व-गु पुणु आमासु ।
 सुह-कारणु जिण-धम्मसु पर जगह वि पूरिय-आसु ॥

[८१४]

इय पिहुप्पिहु ताहं तरुणीण
 अट्टणह वि तहि सहह मज्झि पारु दरिसइ पइण्ह ।
 ता खयरहिबह तसु विप्फुरंत-बहु-साहु-वन्नह ॥
 वियरिय निय-निय धूय वियसिय-मुह-अरविदेहिं ।
 हरिस्सिय-पुल्लयंचिइहिं सयलिहिं खयरिदेहिं ॥

[८१५]

अह महा-मह-पुव्वु परिणीय
 खयरिदिण चित्तगइ- नामगेण तरुणीउ अट्ट वि ।
 तियसासुर-नहयरहं मज्झि जाउ इयरिण न दिट्ट वि ॥
 तयणतरु सिरि-चित्तगइ विज्जाहर-चक्किंदु ।
 संतेउरु गुरु-खयर-निब- सेविय-पय-अरविंदु ॥

[८१६]

गयण-मंडलि धरणि वलयम्मि ।

परिकीळिरु सर-सरिय- तियस-सिहरि-नंदण-वणाइसु ।

अणुरायाउर-हियय- खयर-तरुणि-गिज्जंत मिय-जसु ॥

नंदीसर-वरि सासयहं जिण-विंवहं पूयत्थु ।

गच्छइ मन्नंतउ नियय- जम्मु जिउ वि स-कयत्थु ॥

[८१७]

तयणु केयइ-करुणि-वियइल्ल-

मंदार मालइ-वउल- पारियाय-पाडल-कयंवहं ।

हरियंदण-कुंद-ल्लय- ज्हियाहं सव्वत्तु-पहवहं ॥

चंपय-सयवत्तिय-पमुह- तरु-लइयहं कुमुमेहिं ।

चीणंसुय-पटंसुइहिं तह रयणाहरणेहिं ॥

[८१८]

पूय विरइवि नियय-इत्थेहिं

सव्वेसि वि निच्च-जिण- भवण-वासि जिण-इंद-विंवहं ।

अह वंदिवि भणिवि तह थोत्त-जणिय-आणंद-संतहं ॥

नट्टारंशु पयासिउण स-परियणु वि जह-जोगु ।

पणमइ पय-पंकय जिणहं पुलइय-अंगोवंगु ॥

[८१९]

तयणु सुरगिरि-दीव-कुलसेल-

पउमदह-काणणिहि वंदमाणु जिण-नाह-विंवइं ।

जोयंतउ सर-सरिय- साहि-सिहरि-नयराइं सव्वइं ॥

सिरि-वेयइह-महागिरिहिं जा सविहम्मि समेइ ।

ता एगत्थ महाडइहिं एगु धवलहरु निणइ ॥

८१६. १. क. धरलि; उ. क. विंवह.

८१९. ६. गिरिहि.

[८२०]

तयणु - किं इहु सरय-घण-खंडु

कि व चंद-विमाण-दलु गयण-गमिर-सुर-कंति-पसरु व ।
 वण-देवय-मंदिरु व वणि रमंत-हरि-दइय-निलउ व ॥
 दीसइ किंपि जयम्भइउ इय पुणु पुणु चितंतु ।
 जा सम्भुहु तसु संचलिउ विम्भय-हीरिज्जंतु ॥

[८२१]

ताव लोयण-सलिल-परिसित्त-

मुह कमल-थणावरणु करुण-राव-पूरिय-दियंतरु ।
 सासाणल-परितविय - अहर-विंवु मुहि-सयण-दुइयरु ॥
 उप्पाडिय-दाहिण चरणु तरुणि-जुयलु पेक्खेइ ।
 चियह जलंतह सविहि गउ न य निमित्तु लक्खेइ ॥

[८२२]

अह तुरंतउ उत्तरेऊण

गयणयलह चित्तगइ पुरउ गंतु तसु तरुणि-जुयलह ।
 मिउ महुरिहिं अक्खरिहिं भणइ - तुम्ह को हेउ असुहह ॥
 कि व एहु दीसइ धवलहरु कु व एहु चिय-वुत्तंतु ।
 इय साहह जइ पुणु तयणु हउं वि करउं दुह-अंतु ॥

[८२३]

ता पयंपइ दीह-नीसास-

परिसोसिय-अहर-दल वाल एग जह - किमिह साहउं ।
 निय-मंदिर-दुच्चरिय- पयडणेण लज्जेमि तुह हउं ॥
 तह वि हु आयारिण कहिय भुवण-रयण नर-नाह ।
 निमुणसु जिण तुह कहउं हउं निय-वुत्तंतु अणाह ॥

तहा हि ॥

[८२४]

अत्थि एत्थ वि दीवि हिमवंत-

कुलसेलहं सन्निहिहि धणय-जक्ख-पुरि-रिद्धि-तक्करु ।
 बहु-विज्जा-वल-कलिय- खयर-राय-निउरंव-सुंदरु ।
 नयरु धणंजय-नामु तहि पसरिय-कित्ति-कलावु ।
 खयराहिवु सिरि-अमियगइ चिद्धइ महरालावु ॥

[८२५]

तस्सु पुणु मण-मत्त-मायंग-

आणालय-खंभ-सम विमल-सयल गुण-मणि-निहाणिय ।
 अंतेउर-पवर-पिय अग-महिसि महाभिहाणिय ॥
 ताहं तहा-विहपुव्व-सुह- वसिण अणंगरइ त्ति ।
 अवितह नामिण विस्सुयउ जायउ अंगरुहु त्ति ॥

[८२६]

तह महोदय-सिधिण-उवइट्ठ

दो जाय विलासवइ- कंतिवइउ नामियउ कन्नउ ।
 सयणेहिं य अणुसरिस- वरह विरहि नउ कसु वि दिण्णउ ॥
 चिट्ठंति य नहयर-उचिय कल-अब्भासु कुणंत ।
 दो-वि ति कन्नय गुरु-सविहि गउ वि कालु अ-मुणंत ॥

[८२७]

अवर-अवसरि गुरु-दुरायार-

जणयत्तिण जोव्वणह विहि-वसेण सयलम्मि तहिं पुरि ।
 पर-तरुणिउ भोगवह वलिण हट्ठिण अवहरइ पर-सिरि ॥
 दुल्लल्लियहं गोट्ठिहि रमइ अवलोयइ स-वियारु ।
 जण-मण तवइ अणंगरइ- नामु सु खयर-कुमारु ॥

८२५. ४-५ repeated in क.

८२७. ३. क. पुरि.

[८२८]

ता समग्गु वि लोग्गु विलवंतु

संपत्तु खयर प्पहुहु पुरउ कहइ कुमरावरद्धइ ।
 सयलस्सु वि नायरह जणह तस्सु घरि घरि पसिद्धइ ॥
 ता विज्जाहर-चक्कवइ नंदणु सदावेवि ।
 रोसारुण लोयण-जुयलु भणइ करुण उग्गवेवि ॥

[८२९]

अररि हय हय तुहुं मह मुक्ख

किह एयहि निय-पयहि भइणि-माइ-साडिय-समाणहि ।
 एवं-विह विसम दस जणिय-सुयण-संताव आणहि ॥
 अह व किमन्निहि बहु-विहिहिं डंड-राडि-रडिएहिं ।
 अम्हिहि तुह अ-विणय सहिय गरुय-नेह-नडिएहिं ॥

[८३०]

कालु एत्तिउ एण्हि पुणु हंत

मह लोयण गोयरह अवकमेसु तूरंतु अन्नह ।
 निय-इत्थिहि सिक्ख हउं करिसु तुज्झ पसरिय-अवन्नह ॥
 जो निय-भवणु न सारवइ न कुणइ वसि अप्पाणु ।
 सो किह सयल-महीयलह करिहइ सिक्ख अयाणु ॥

[८३१]

तयणु सयलह जणह मज्झमि

किह जणइण धरिसियउ धिसि धिसि ति हउं इय विचित्तिरु ।
 निय-पुरह अणंगरइ नीहरेइ परिभविण खिज्जिरु ॥
 वंधु-सिणेहिण विहि-वसिण ताउ वि तम्भइणीउ ।
 नोहरियाउ अणुप्पहिण गुरु-दुह तरु धरणीउ ॥

[८३२]

अह महाडवि-मज्झि हिमवंत-

गिरि-खंडु व धवलहर एहु विहिउ विज्जाणुहाणिण ।
 कुमरेण अणंगरइ- नामगेण ता काम-जोगिण ॥
 भोग-हलिय-कम्मोदण जगि परियडमाणेण ।
 पूरिय पंच-सयाइं वर- तरुणिहिं आणिवि तेण ।

[८३३]

अन्न-दिणि पुणु तियस-गिरि-समुहु

गच्छंतु असोय-तलि नियइ महिहिं गुरु खेय-दुम्मुह ।
 तियसिदिण उच्चसि व रइ व विसम-वाणिण परम्मुह ॥
 निरु रोयंत डुमुक्कएहिं वाह-जलाविल-नित्त ।
 किण वि सु-पुरिसिण क वि तरुणि धणिउ पसाइज्जंत ॥

[८३४]

तयणु - कट कट अहह वपु वपु

कु वि एहु महा-पुरिभु पुव्व-जम्म-कय-मुकय-संचउ ।
 जाइ नह-नियंविणिहि लहिवि संगु फेडिहइ उवचउ ॥
 जगडिय-भुवण-महाभडह विसम-वाण मुहडस्सु ।
 इय एसो च्चिय नर-रयणु तिलउ सयल भुवणस्सु ॥

[८३५]

कह-वि जइ पुणु बाल-हरिणच्छि

संपज्जइ मज्झ इह निय-सरुव-जिय-तिजय-कामिणि ।
 ता मन्नइं हउं वि कय- किच्चु गमिरु निय-दिणु स-जासिणि ॥
 इय चितंतु अणंगरइ निय-विज्जा-सत्तीए ।
 बरहि-रुवु मणहरु करिवि पुरउ पहुत्त सत्तीए ॥

[८३६]

तार-पम्हल-तरल-नयणेहिं

स-विलासु ससहर-मुहिहिं अह सिहंदि सच्चविउ पुणु पुणु ।
 तयणंतर् तप्पिण्ण भणिउ ईसि हियइण हसेविणु ॥
 मइं मेल्लिवि कसु संमुहउं जोइज्जइ दइयाए ।
 जइ वरहिण पुणु कज्जु ता हउं अप्पउं सु पियाए ॥

[८३७]

इय स-दइयह वयणु निमुणेवि

वाहाविल-लोयण वि पणय-कोह-परमुहि वि तरुणिय ।
 ईसी-सि विहसिर भणइ — अप्पि अप्पि मह वरहि आणिय ॥
 ता मन्नंतु अणुम्माहु व वयणु त निय-दइयाए ।
 सणिउ सणिउ मंजुलु लविरु मेल्लिरु चप्पुडियाए ॥

[८३८]

चलिर-चूलह तिवख-तुंडस्सु

अइमहुर-कैकारवह भुवण-मुहय-सुविचित्त-अंसह ।
 अलि-हरगल-गवल-दल- नीलकंठ-नामंह सुवंसह ॥
 पंच-वन्न मुरवइ-धणुह सरिस-कलाव-भरस्सु ।
 चलिउ सु गहणुमुय-हियउ नच्चंतह वरहिस्सु ॥

[८३९]

नीलकंठु वि मत्त-कलहंस-

सम-गइण परंमुहउ दिट्ठि-विसउ अमुयंतु चत्थिलउ ।
 समयंतरी उप्पइउ नह-यलेण धरणि-यल्लु मेल्लिलउ ॥
 अह इयरु वि तुरियर-गइहिं चत्थिलउ तप्पिट्ठीए ।
 ता जा खण-मेत्तिण वरहि अविसइ हुउ दिट्ठीए ॥

८३७. ८. क. मंजुल

८३८. ८. क. हियउं.

८३८. २. क. म गहण.

[८४०]

एत्थ-अंतरि-दइय नर-रयण

निक्कारण-कारुणिय सुहड-वग्ग-मुह-वन्न पसिउण ।
 लहु रक्खहि नाह मइं निज्जमाण एण हरिउण ॥
 इय निमुणंतु वि-नणु अहह एहु मह पियह रओ त्ति ।
 परिचितंतु पहावियउ करुण-रवह समुहो त्ति ॥

[८४१]

एत्थ-अंतरि वाम-अंगेण

बामेण य लोयणिण तह पुरंत-पडिक्कल-पवणिण ।
 कंटय-तरु-सिर-गइण दाहिणेण वाहरिउ रिद्धिण ॥
 अवसव्विहिं सयलिहिं वि अहि- पमुहिहिं असुह-जिएहिं ।
 सइय-भावि-अणत्थ-फलु जीवियंत-कहएहिं ॥

[८४२]

तह वि धाविरु तंमि गहणंमि

सव्वत्तु वि करुण-रवु विलवमाणु परियडि वि तत्थ वि ।
 संपत्तु असोय-तरु- वरह मूलि मु वराउ कहमवि ॥
 अनियंतउ पुणु निय-दइय मुच्छ-निमीलिय-अच्छु ।
 विहलंघल-सव्वंगु लहु पडिउ महीयलि हच्छु ॥

[८४३]

अह कहं-चि वि पत्त-चेयणु

हुय गरुयर-दुह-विहुरु सरिवि सरिवि निय-दइय-गुण-गणु ।
 वियलंत-विवेय-भरु भणइ-अहह ससि-वयणि तुह विणु ॥
 सुन्न-वसुंधर-गिरियडिहिं मइं न सहारइ कोइ ।
 इय एक्कसि पच्छिम-दसहं आविवि मह मुहु जोइ ॥

[८४४]

सुयणु नीहरि कयलि-भुवणाउ

परिहासह न खमु हउं एयमित्तु वक्करु न सुंदरु ।
 सम-सुह-दुहि तुह विरहि सरणु मज्झ होइहइ जमहरु ॥
 इय विळवंतउ सरवरहं तडिहिं स-विबु नियंतु ।
 एहि एहि ससि-वयणि इय भणइ जलंमि विसंतु ॥

[८४५]

इय निरंतरु विविह-चेट्ठाहिं

वण-देवय-खयर-कुल- देवयाहं नामइं सरंतउ ।
 अइवाहइ सत्त दिण तत्थ तत्थ एहु परियडंतउ ॥
 तइयहं सो वि अणंगरइ वरहिहि रूवु चएवि ।
 तह तह विळवंतिय हदिण सा पसयच्छि हरेवि ॥

[८४६]

पत्तु गयणिण एत्थ धवलहरि

ता वियसिय-मुह-कमल उव्विसेवि एगंति जंपइ ।
 मिग-लोयणि ससि-चयणि मज्झ समुहु विहि हुयउ संपह ॥
 करयलि चडिय ज मुहिण तुहुं कज्जि पयत्तह सज्झि ।
 ता दुइयुसु कुदंतु हउं अच्छिसु भुवणह मज्झि ॥

[८४७]

इय अणंगिण तविउ मह अंगु

निय-अंग-संगामइण निव्ववेसु पसयच्छि पसिउण ।
 इयरी वि सु-सील-रुइ सगसगंतु वाउ व सु गणिउण ॥
 निय-पिययमु गुण-रयण-निहि हियय-द्विउ सुमरंत ।
 चिद्धइ अविरल-परिगलिर- नयण-सलिल झूरंत ॥

[८४९]

तयणु कुमरिण भणिय भइणीउ

जह-कह-मवि तह जयह जेण एय मइं तरुणि मन्नइ ।
 उवरोहिण वंधवह तयणु ताहिं सा वाल भणइ ॥
 सुंदरि वयसु विसाय-भरु भुंजसु विसय-सुझइं ।
 जं जोव्वण-लायण-वर- रूवइं जगि दुलहाइं ॥

[८५०]

अह थुडुं किय-वयण-कमलाए

इयरीए समुल्लविउ - हल्लि हल्लि किं एम्भ जंपह ।
 जय-गरुयउ खरउ खरु ता कि उचिउ सीहिणिहि संगह ॥
 अहवा नहयर-राय-कुल- गरुय-कलंक-करस्सु ।
 जणणि य भइणि य मइं सरिस कि न चिट्ठहिं एयस्सु ॥

[८५१]

अवि य ॥

सुइर-संचिय-सील-रयणस्सु

जइ भंगु करेमि हउं कय-कलंक-सुगुरुवएसह ।
 ता अयल-पुर-प्पहुहु पिउहु मज्झ ससिबेग-नामह ॥
 तह नहयर-कुल-मंडणह समुरह रविवेगस्सु ।
 खयर-कुमार-सिरोमणिहि पुणरवि पहह पियस्सु ॥

[८५२]

नूण वियरहुं वयणि मसि-कुच्छु

तह सीलवइ चि निय- नामु नेउ पायालि वोळउं ।
 ता एरिसु मह पुरउ मन भणेह पुणु वयणु भोळउं ।
 तयणु ति दो वि अणंगरइ- पुरउ भणहिं स-विसाय ।
 एइण जलिण न वप्फहइं एहि मुग कहमवि भाय ॥

८४८. is missing in K. ख.

८४९. १. क. भइणीओ.

[८५३]

ता विष्णुचसु एह असम्गाह

पञ्चक्ख-अणत्थ-फलु उभय-लोय-संहार-कारणु ।
 अह भणइ अणंगरइ-- इउं जि इमह दुव्विणय-वारणु ।
 ता अवसरिउण कंचि खणु दो वि हु तुळिभ रहेह ।
 जेण सुसिक्खिय एह चिय भाउज्जाय निएह ॥

[८५४]

अह तह च्चिय ताहिं विहियंमि

कुमरेण हवेउ रडि कहवि वाल करयलि धरेप्पिणु ।
 अणुकूल-चाहुय-पणय- निट्टुरेहिं वयणिहि भणिप्पिणु ॥
 पत्थुय-अत्थ-पडुच्चरणि थुक्कंति पुणरुत्तु ।
 समुहु वि अनियंती हडिण तिण पारदिय भोत्तु ॥

[८५५]

एत्थ-अंतरि विहि-निओएण

निरु अट्टम-दियहि परि- भमिरु नयर-गिरि-काणणाइसु ।
 सो चेव य सीलवइ- दइउ पत्तु उवरिमए एसिसु ॥
 तयणु हयासिण तेण तह हडिण वि उवभुज्जेत ।
 अवलोइय रविपहिण निय- दइय करुणु विलवंत ॥

[८५६]

तयणु फिड्डु फिड्डु अरि दुरायार

किह गच्छसि दिट्ठु मइ उट्ठि उट्ठि करवालु गेण्हसु ।
 मः जंपसिं किं मन मह कहिउ किं-पि पुव्वं पि एरिसु ॥
 इउं पुणु बहु-दुन्नय-परह चिर-संचिय-पावस्सु ।
 तुक्कम सरीरिण विसिद्धि बलि अज्जु करेसु अवस्सु ॥

[८५७]

इय पर्यपिवि केस-पासेण
 आयद्दिवि हठिण तसु वयण-कुहरि गुरु-धूलि-वच्चकु ।
 परिखित्तउ रविपहिण अह अणंगरइ अप्प-वंचकु ॥
 बहु-अवसउण-निवारिउ वि रोसारुण-नयणिल्लु ।
 करयल-कय-करवालु परि- कंपिर-अहर-दलिल्लु ॥

[८५८]

हुयउ संमुहु तयणु ते दो वि
 विज्जाहर-पहु-तणय दो वि समर-संरंभ-हरिसिय ।
 दु वि कामिणि-विसय-गुरु वइर दो वि पर-दणण-तरिसिय ॥
 दोणि वि फुरियामरिस-भर दोणि वि गरुय-पहार ।
 दोणि वि कंपाविय-सुहड दोणि वि रिउ-संहार ॥

[८५९]

दो वि दीहर-दोस सिसिर व्व
 गुरु-तेय दु वि दिणयर व फुरिय-धम्म-गुण दो वि मुणिणु व ।
 दु वि करिणु व दाण-पिय कुडिल-गमण-रुइ दो वि अहिणु व ॥
 दु वि गल्लगज्जहिं कुंजर व दु वि वग्गहिं तुरय व्व ।
 दु वि फुक्कारहिं विसहर व दु वि धडहडहिं रह व्व ॥

[८६०]

दु वि विउव्विय-वाण परिमुयहिं
 अन्ननुनु दु वि वाहरहिं नियडि-रूव पयडंति दोणि वि ।
 दु वि वड्जिय-करुण दु वि य परहं वयणु न धरंति कन्नि वि ॥
 चिरु दु वि कोलहिं रण-महिहिं अह रविपहिण सट्ठु ।
 मुक्कउ को वि पहारु जिण खण-मेत्तिण अ-वियप्पु ॥

[८६१]

गल्ल-विवरहं मलिर-रुहिरौहु

मुह-कुहरह नीहरिक- जीह-दीह-काइय-विहीसणु ।
 फुटंत-कवाल-तल- मलिर-कीकस-दुहावणु ॥
 अवलोइय-निय-दुब्बिणय- पायव-फल-पम्भारु ।
 हुयउ हयासु अणंगरइ पयडिय-जमहर-सारु ॥

[८६२]

अह सहोयर-मरण-पसरंत-

रोसारुण-लोयणहिं एगिहोउ भइणिहिं दुवेहिं वि ।
 निय-विज्जा-वलिण तसु उवरि गरुउ गिरि-खंडु खेविक्कि ॥
 खयर-कुमारु रविप्पहु सु तह किउ जह अइरेण ।
 गरुय-पहारिण जज्जरिउ परिचत्तउ जीएण ॥

[८६३]

तयणु पिययसु काउ उच्छंगि

कुल-वालिय सीलमइ लहु पविट्ट चिय-मज्झि एयह ।
 इयरो वि विलासवइ- कंतिमइहिं भइणीहिं इयरहं ॥
 चियहं निहित्तउ ताउ पुणु पुरिस-रयण एदि अम्भि ।
 अनियंतिउ गइ अन्नहहिं चियहं पडिउकामम्भि ॥

[८६४]

इय सुणेविणु अहह संसारि

विसयाउर-माणसहं जियहं कम्म-परिणामु दारुणु ।
 जं एरिसु मरणु तहं तारिसहं वि भव-भमण-कारणु ॥
 अह वा कम्म-वसेण जिय सय-सइस्स-संखाई ।
 असरण सहहिं सरीर-मण- वयणु-भव-दुक्खाई ॥

८६२. This stanza is added marginally in क. in अ. this and the following stanza bear the same number.

८६२. ३. क. एगिहोइ उइणिहिं दुवेहि; ५. क. गरु; ६. क. कुमार.

८६३. ५. क. सइणिहिं

[८६५]

इहु मुणेविणु सयलु परमत्थु

सु-विवेयालंक्रियहं दाउ न खमु अवयामु सोयह ।
 न य भवियहं अवसरु वि उभय-लोय-दुह-वाल-मरणह ॥
 ता उज्जेवि विसाय-भरु गच्छह निय-निय-ठाणि ।
 इय जंपंतइ चितगइ- खयरहिबइ-पहाणि ॥

[८६६]

अहह जोत्तवणु वपु रि लायणु

कट वयण-निवेसु हूं हूं भुवण-अहिय-तणु-तेय-चंगिम ।
 वपु उच्चिय-पवित्ति जय- जंतु-सुहय अरि का वि तुंगिम ॥
 मरहुं मरहुं सुचरियहं वलि वलि सील-मिरिस्सु ।
 इय जइ पांवहुं इहु जि वरु ता फलु लिहुं स-जियस्सु ॥

[८६७]

इय विचित्तिर किंचि-परिगल्लिर-

स-सहोयर-मरण-दुह फुरिय-गरुय-अणुराय-विहुरिय ।
 परिजंपहिं खयर-पहु- पुरउ दृ वि ति खयरिंद-कुमरिय ॥
 जइ तुहुं पणय-प्पिय सुहय अम्ह अणादहं नाहु ।
 हवहि सुयहुं ता अम्हि इहु मरण-विहिहिं असगाहु ॥

[८६८]

तह इमंमि वि धवल-हरयंमि

चिहंतिहि जिय-रइहि ति-जय-तरुण-मण-रयण-हरणिहिं ।
 संपाविय वि स-विसम- दसहं सयहं पंचण्ह तरुणिहिं ॥
 निय-वयणामय-वियरणिण जइ कुणसि परिताणु ।
 ता मन्नहिं ति वि वप्पुडिय कय-किच्चउं अप्पाणु ॥

[८६९]

तयणु नहयर-नाहु निव्वंधि
 सह तार्हि वि धवलहरि पविसमाणु वियसंत-लोयणु ।
 अवलोयइ सरय-ससि- मुहिउ ताउ परिविम्हियाणणु ॥
 अह नणु अछिवंतेण इव करिहिं विहिण घडियाउ ।
 इहि तरुणिउ अन्नह किह णु एयारिस-सोहाउ ॥

[८७०]

रूव-जोव्वण-विणय-विण्णाण-
 सिंगार-विलास-रइ- हाव-भाव-विभम कहेरिस ।
 संजायहिं सुर-असुर- कामिणिहिं वि एईण जारिस ॥
 इय किह पुण्णहं विणु घडहिं एरिस तिय जिय-लोइ ।
 ता सो चेव कयत्थु जगि जो एयहं पिउ होइ ॥

[८७१]

इय विचितिरु चित्तगइ खयर-
 चक्काहिवु नह-यलहं उत्तरंतु सच्चविउ तार्हि वि ।
 सहस-त्ति य फुरिय-अणु राय-विहुर-हिययहिं सवाहिं वि ॥
 एत्थंतारि चक्काहिवह परिवारिण संलत्तु ।
 तह तह पक्खहं दुहिं वि परियाणिवि मण-वुत्तंतु ॥

[८७२]

सरिय-सलिलहं ठाणु जह जलहि
 जह जुण्हह रयणि-यरु जेम्ब गयणु तारय-समूहह ।
 जह माणसु कमलिणिहिं पउम-संडु जह भमर-नियरह ॥
 तह पहु दइयत्तिण उचिउ गुरु-गुण-रयण-महीण ॥
 सव्वासि पि नियंविणिहिं एयहं पउम-मुहोण ॥

८७२. ४. क. कमलिणिहि

८६९. क. ७. घडियाओ; ८. क. तरुणिओ. ९. क. सोहाओ,

८७१. २. क. नहयल.

[८७३]

एत्थ-अंतरि ईसि विहसेवि

खयरहिबु सच्चहं वि पुरउ ताहं तरुणीण जंपइ ।
 जह साहह सुंदरिउ काउ कत्थ मुच्चंति संपइ ॥
 जम्हा एत्थ महाडविहिं तुम्हं जुत्तु न ठाउ ।
 ता मेल्लहुं निय-निय-भवणि चल्लह चइवि विसाउ ॥

[८७४]

ता मुएविणु दीह नीसास

जोएवि विलासवइ- कंतिवइहिं वयणाई सायरु ।
 तरुणीउ समुल्लवहिं खयर-नाह गुण-रयण-सायरु ॥
 जइ न हवहि तुहुं अम्ह पिउ पसरिय-गुरु कारुण्णु ।
 तो पडिक्कजेयवु लहु अम्हिहिं जलणु सरण्णु ॥

[८७५]

जमिह अम्हं हरिय-मेत्तहं वि

अ-पयट्ट-विवाहं वि अणवलुत्त-निय-सील-मणिहिं वि ।
 इह आगय-मेत्तहं वि मय-अणंगरइ-दुक्ख-इयहं वि ॥
 गच्छंतहं निय-निय-भवणि धुवु फिट्ठइ न कलंकु ।
 शुवण-तिलउ ता तुहुं जि पर पिउ अम्हं नीसंकु ॥

[८७६]

तयणु झल्लरि-भेरि-सारंगि-

कंसाल-ताल-य-तिरिरि- करडि-ढक्क-तंवक्क-वुक्कहिं ।
 पडु-पडह-सुसंख-वर- वंग-वेणु-मडल-हुडुक्कहिं ।
 वज्जंतिहिं तूरिहिं बहुहिं वहिरिय-मज्झ-दसासु ।
 गायंतिहिं गंधव्वइहिं पूरिय-तरुण-जणासु ॥

८७३. ३. क. नाह.

८७४. ४, क. तरुणीओ.

८७५. ५. क. अणंगरय

८७६. ९. क. जभास; ख. जणेसु.

[८७७]

सयल-महि-यल-अहि-सोदगु

गंधल्व-विमहिष वि ताठ तहवि परिणेइ सल्व वि ।
 तयणंतरु सदि सह कुणइ पंख-विह-विसय-सेव वि ॥
 जिम्ब तियसाहिबु सुह-अवमि अछर-नियर-सहाउ ।
 तिम्ब तहं दइयहं मज्झि ठिउ सहइ सु नहवर-राउ ॥

[८७८]

तयण परियणु सयलु साणंदु

अओन्नइं मुह-कमल सच्चर्वतु पुणु पुणु पयंपइ ।
 अरि पेक्खइ पेक्खइ य तुम्भि धरिवि मणु ठाणि संपइ ॥
 दिदु जु रामिण सिबिणुलउं तं फलियउं भरहस्सु ।
 एहु जु जंपइ सयलु जणु तं फुडु हुयउं अवस्सु ॥

[८७९]

अह गहेविणु ताउ तरुणीउ

पुव्वज्जिय-सुकय वस - उल्लसंव-सविसेस-जय-सिरि ।
 सिरि-सूरतेयंगरुहु पच्चु खणिण वेयइह-गिरि-वरि ॥
 इय जु जु कु वि महियल-बल्लइ जायइ रयण-विसेसु ।
 सु सु तसु अ-प्पत्तिष्ठ वि खहु कहु संपडइ असेसु ॥

[८८०]

अअ-अवसरि गिम्ह-सम्भवंमि

निय-सार-परियण-सहिउ बहिय-रयणवइ-पमुह-पियवसु ।
 सल्वंगु वि करिवि लहु समव-उबिउ सिंगारु मिल्खसु ॥
 नंदण-वणि खणु कीलिण विग्हापव-संतपु ।
 नहयर-पहु सिरि-विचमइ माणस-सरि संपत्तु ॥

[८८१]

जं च तरुवर-सिहर-गय-विहय-
 कुल-कोलाहल-रविण पहिय-नियरु निरु वाहरेइ व ।
 कलहंस-सारस-सहस- कूजिएहिं फुट्टु गायए इव ॥
 आलिंगाइ इव उल्लसिय- लहरि-वाहु-लइयाहिं ।
 हसइ व वियसिय-मुह-सरिस- सरस कमल-मालाहिं ॥

[८८२]

भमिर-महुयर-महुर-झंकार-
 पसरेण संसइइ व नच्चइ व्व वण-लय-करगिहिं ।
 जोयइ इव मिउ-पवण- निहय-कमल-दल-नयण-भंगिहिं ॥
 पढइ व सुय-सारिस-रविण रमइ व सह मीणेहिं ।
 तुसइ इव मज्जंत-सुर- खयर-मयच्छि-थणेहिं ॥

[८८३]

अवि य पसरिय-पउर-कल्लोलु
 विरसंत-सारस-सहसु चक्कवाय-कलहंस-सुंदरु ।
 परिवियसिय-कमल-वणु भमिर-भमर झंकार-मणहरु ॥
 तिर-द्विय-तरु नियर-फल- कुसुम-भार-सुंदेरु ।
 मज्जिर-हरि-करि-हरिण-सुर- खयरिहिं कहिय-अमेरु ॥

[८८४]

तंमि जलनिहि-पत्त विन्थारि
 सिरि-माणस-सरि खयर- चक्कवट्टि चित्तगड स-हरिसु ।
 निय-अंतेउरिहिं सह मज्जमाणु मुट्टु लहइ असरिसु ॥
 अवगूढउ सामंगियए तरुणिहि कंचण-वण्णु ।
 नं पाउस घण-मालियए सुर गिरि-कय-लायण्णु ॥

[८८५]

गोत्त-खलणिण किंचि स-विलक्खु
 अणुणेइ जावेग पिय तावराए ढंढरिण नडियइ ।
 वाहुल्लइं लोयणइं परिमुसंतु इयराए धरियइ ॥
 सा वि हु तिण उप्पलिण इय उर-यलि तमु वि पडेइ ।
 हुं हुं मइं मेल्लिवि रमसि एह इय अन्नयर भणेइ ॥

[८८६]

अरिरि पिययम जाइ एहु मीणु
 इय जंपिर का वि तमु वाह धरइ उर-यलिण भीडिवि ।
 क वि सुहय किमेउ इय भणिर बलमा तमु अंगि धाविवि ॥
 इयरु वि निद्ध-निरिक्खणिहिं इग संभावइ जाव ।
 ईसा-उइदुंदुर-मुहिहिं वहुहिं तविज्जइ ताव ॥

[८८७]

सलिल-कीलहिं एण्हि पज्जत्तु
 अरि भाउय चल्हु जिह नियय-ठाणि गम्मइ य जंपिरु ।
 खयरहिबु चित्तगइ जिह सणिउ सणिउ पच्छहु विसप्पिरु ॥
 सारिउ जूयारु व करिण कइढइ क वि तरुणीउ ।
 जा ता मु जि गंभीर-जलि लुहहिं पोढ-रमणीउ ॥

[८८८]

सलिल-कीलहं सुइरु इय ललिवि
 कुल-वालिय-सइहिं सहं लहिवि हियय-संतोमु अ-सरिसु ।
 नणु सासय-जिण धुणिवि एण्हि करहुं निय-पुण्ण-पगरिसु ॥
 इय चित्तंतउ चित्तगइ निय-परिवार-समेउ ।
 पसरिय-परिमल-महरिहइं कुसुम-फलाई गहेउ ॥

[८९१]

तसु वि माणस-सरह सविहंमि
 जिण-सासय-चेइयहं भुवण-नाह-साहिय-विहाणिण ।
 अहिणंदण-पूयणहं हेउ गहिय सक्कार पाणिण ॥
 सासय-जिण-मंदिरि गयउ पसरिय-गुरु-रोमंचु
 तिन्नि निसीहय पमुह दह तियगिहि विहिय-मुसंचु ॥

[८९२]

तयणु भत्तिण जणिय-सक्कार
 काराविय-नट-विहि विहिय-पडिभ मज्जण-महसवु ।
 वियसंत-मुहंवरुहु गहिवि कुमुभ-भरु पसरियासवु ॥
 सव्वासि पि हु सासयहं जिण-सामिहि पडिमाहं ।
 पूय करेविणु थुइ करइ सयणहं निमुणंताहं ॥

[८९३]

भुवण-सामिय उसह-जिण-इंद
 चंदाणण चंद-सम- कित्ति-पसर-धवलिय-दियंतर ।
 असरण-तिहुयण-सरण वारिसेण जय-नाह जिण-वर ॥
 परिवहदिर-नीसेस-गुण वद्धमाण जिण-नाह ।
 नियरमु पसिउण मज्ज सिरि का वि हु विगवाक्कह ॥

[८९४]

इय थुणेविणु भुवण-दिणइंद
 ते सासय जिण-वसह हरिस-फुरिय-वियसंत-लोयणु ।
 उचियासणि उवविसिवि कुणइ पंच नवकार-मुमरणु ॥
 तयणंतरु जिण-मंदिरह पुरउ असोय-तरुस्सु ।
 तलि उवविसिवि निवइ कुणइ मुद्धि स-परिवारस्सु ॥

ccc. Between stanzas 888 and 891 there is a lacuna of two stanzas in k. and x.

[८९५]

एत्थ-अंतरि सोय-विहारेण

बाहुल्ल-लोयण-जुइण फुरिय-गरुय-संताव-पसरिण ।
 विण्णत्तउ चित्तगइ चक्कवट्ठि एगेण खयरिण ॥
 जह पट्टु जो तुह सेव-करु मणिण वि अविट्ठिय-कूडु ।
 आसि पसिद्धउ खयर-वइ अभिहाणिण मणिचूडु ॥

[८९६]

दइय-संगह चंचलत्तेण

अ-थिरत्तिण जोव्वणइ सिरिहि सरय-घण-संनिहत्तिण ।
 दुड्ढियत्तिण परियणह निगह सल्लि-लव-चवल-गत्तिण ॥
 अग्रडिय-ग्रडण-सरूवयह सुग्रडण-विग्रडणयस्सु ।
 विहिहि निओइण सो हुयउ अतिहि कयंत घरस्सु ॥

[८९७]

संति तसु पुणु सूर-ससि-नाम

दो नंदण अ-सुय-गुरु- जगय-वयण सु-विवेय-वज्जिय ।
 अह मह-मिगयाए पिउ- रज्ज-गहण-मण जुज्झ-सज्जिय ॥
 सन्नाहिय-निय-निय-कडय रण-रंगमि पविट्ठ ।
 चिट्ठहि एत्तो च्चिय सविहि मइ एण्हि चिय दिट्ठ ॥

[८९८]

तयणु धिसि धिसि विसुय-लुद्धाहं

जीवाहं वि चिट्ठियइं हइय हइय इय कम्म-परिणइ ।
 तक्खणि वि जे पिउ-मरणि हुय ताह एरिसय दुम्मइ ॥
 इय चित्तंतउ चित्तगइ निगुणिवि तहं वुत्तंतु ।
 तसु ठाणइ दु वि बाहरइ अप्पुणु पुरउ तुरंतु ॥

[८९९]

ता वि भइउण रज्जु वियरेवि

तहं दोण्ड वि नहयरहं कमिण देइ अणुसद्धि बहु-बिह ।
 नणु जीविउ अथिरु तह पत्त केण सह रज्ज-सिरि इह ॥
 इय चितिवि निय-निय-गिहहि पञ्चुहय-मण चिट्टेह ।
 किण किण पुरिसिण पंच-दिण पण्हि न महि घट्टेह ॥

[९००]

खयर-पहु अह गयउ स-ट्टाणि

ससि-सूर वि दो वि गय निय-निण्णु ठाणेसु उट्टिवि ।
 परमंतर-ट्ट-पहु गिहिवि गय य न मेलहिं दिट्ठि वि ॥
 विहिवि वसेण उ इयर-दिणि इग-रज्ज-ट्टिय दो वि ।
 तिंव जुज्झिवि मय जेम्ब तहं सार वि करइ न को वि ॥

[९०१]

धणु विलुत्तउं सयलु पुणु ताहं

पर-पक्खिय-नरवइहिं तयणु चित्तगइ एहु वइयरु ।
 निमुणेविणु श्रुत्ति भव-भाव-विमुह हुय हियय-गोयरु ॥
 चित्तइ-धिसि धिसि भुवण-रिउ-मोह-निहय-हिययाहं ।
 चरियं सुयण दुहावइह भव-निवडंत-जियाहं ॥

[९०२]

केण सह गय रज्ज-सिरि एह

सह केण समागय व कमु व भवणि जा-जीवु थिरिहुय ।
 जसु कज्जिण कुणहिं नर पाव-किरिय अ-विवेय-संभुय ॥
 वंचहिं पहु निहणहिं जणउ आणहिं कुलह कलंकु ।
 चिणहिं पावु अविहिण मरहिं भमहिं भवंमि अ-संकु ॥

[९०३]

चयहिं के वि हु कमिण पत्ता वि
 रज्ज-स्सरि तिण-लहु व के-वि परहं संतिय वि पत्थई ।
 अ-लहंतय भव-गहणि भमहिं सहहिं बहु-विहई दुत्थई ॥
 छद्ध वि अ-सइ महेल इव परिकीलइ इयरंमि ।
 इय घड-दासि-सरिच्छियहिं रमइ कु रज्ज-सिरिम्मि ॥

[९०४]

माण-धणु नरु वयण-पेत्ते वि
 निय-दइयह पर-पुरिसि भीम-भिउडि ईसाइ तक्खणि ।
 एसा उण रज्ज-सिरि नर-सहस्स-सेविय नि-लक्खणि ॥
 रयणायरु वि परिच्चइवि लोह-ट्ठाणि वसेइ ।
 इय कु स-कण्णु अणत्थ-यर मणिण वि एहहि लसेइ ॥

[९०५]

इय विवित्तिवि सुइरु खयरिंदु
 संसार-विरत्त-मण- पसरु रयणवइ-देवि-नंदणु ।
 नीसेस-कला-निलउ सयल-सयण-सुहि-हियय-रंजणु ॥
 संपाविय-तारुण-भरु गुरु-गुण-गण-मणि-धाम्मु ।
 ठवियउ गरुयर-वित्थरिण रज्जि पुरंदर-नाम्मु ॥

[९०६]

तयणु विरइवि गरुय-सक्कारु
 जिण-सासन-वेइयहं वसुह-वल्लइ सयलहं वि भत्तिण ।
 संमाणु करेवि सह सयल-समण-संगह स-सत्तिण ॥
 अणुजाणाविवि सुहि-सयण परियणु संभासेवि ।
 निम्मल्लु निय-जस-पसरुजमि सयलंमि वि पयडेवि ॥

[९०७]

तेहि मणगइ-चवलगइ-नाम-

निय-वंधुहिं परियरिउ सदिउ रयणवइ पट्टदेविहिं ।
 इयरेहि वि बहु-विहिहिं खयर-राय-सामंत-सचिविहिं ॥
 परिवारिउ गरुयर-सिरिण बहु-गुण-मणि-भूरीण ।
 सिरि-दमवर-अभिहाणयहं पत्तु पुरउ सूरीण ॥

[९०८]

अह जिणिदह भणिय-नीईण

वंदेविणु मुणि-वरह पाय-पउम रोमंच-अंचिउ ।
 उचियासणि उवचिसइ पाणि पुडउ भाल-यलि मंठिउ ॥
 तयणु मुणिदिण धम्म-कह भव-निव्वेय-पट्टाण ।
 पारदिय तहं चित्तगइ- खयरहिउ-पमुट्टाण ॥

[९०९]

ता विसेसिण जाय भव-विरइ

खयरहिउ चित्तगइ भणइ पुरउ मुणिवरहं पायहं ।
 जह वियरमु चरणु मह तह दुवेणमवि मज्झ भायहं ॥
 नित्थारमु एए वि मह पिययम-सुहि-सयणोह ।
 चरण-रयण-वियरणिण पट्ट पयडिय-सिउ-मुह-वोह ॥

[९१०]

अहह सुंदर जुत्तु जुत्तु ति

मा कुणमु विलंबु इय भणिवि तेण मुणि-वरिण तक्खणि ।
 चारित्तु विइण्णु तहं तयणु चित्तगइ मुणि वियक्खणु ॥
 आराहइ गुरु-पय-पउम चरण-करण सेवेइ ।
 अवगाहइ सुय-रयण-निहि मणि भावण भावेइ ॥

[९११]

किं व बहुइण वयण-वित्थरिण

नीसेस वि समण-जण- उचिय-किरिय चिरु कालु पालिवि ।

पुव्वज्जिउ सुह-मणिण पाव-कम्म लहु निरुवलेविवि ॥

पज्जंति य कय-सयल-विहि आउ-कम्म-अवसाणि ।

उप्पन्नउ माहिंद-सुर- मंदिरि पवर-विमाणि ॥

[९१२]

तियस-भाविण इंद सम-रिद्धि

कम-जोगिण कय-मुकय रयणवइ वि ति वि दो वि वंधव ।

उप्पन्न तियसत्तणिण धणिउ भमर-हिय-सुरहि गंध व ॥

तयणु ति तत्थ वि पुव्व-भव- संचिय-दद-पडिवंध ।

चिद्धहिं परिकील्लि सुइरु अकय-विओय-निबंध ॥

॥छ॥ इति श्रीश्रीचंद्रसूरि-कम-कमल-भसल-श्रीहरिभद्र-सूरि-
 विरचित-श्रीनेमिनाथचरिते श्रीमन्नेमिजिनराजिमत्यो-
 श्रित्रगति-रत्नवती-वक्तव्यनानुगतो द्वितीयो मनुज-
 भवः सुरभवः चतुर्थः समाप्त इति ॥

[९१३]

तियस-गिरिवर-दिसिहिं पच्छिमहं

जिण-केवलि-पय-पउम रयण-सुहय-सुमहाविदेहह ।
 तिलयम्मि सुपम्ह इय नामि विजइ चुज्ज-यरि भुवणह ॥
 सिहरि व पसरिय-गय-कलहु विणहु व सिरिहिं समिद्धु ।
 आसि नयरु इंदउर-समु सीहउरु ति पसिद्धु ॥

[९१४]

चंद-सेहरु जो अम्वली वि

मय-रहिउ वि अ-जल-निहि परमहेल-सुहउ वि सु सीलउ ।
 हय-दोसु वि सिसिर-करु दार-विणु वि स-कलत्त-लीलउ ॥
 सुत्तालंकारो वि कय- सव्वंगिय-सिंगारु ।
 हरिनंदि ति नरिंदु तहिं आसि वसुंवर-सारु ॥

[९१५]

चित्त-मंगल वि बुह-कइ-जेट्ट

सवणाविह सोम-गुण मित्त-सुहय सु-विसाह-दत्थिय ।
 सु-स्सवण सु-तार-वर- कित्ति गयण-लच्छि व पसत्थिय ॥
 दइय आसि तमु नरवइहि गुरु-गुण-रयण-निहाण ।
 जय-समहिय-सिंगार-धर पियदंसण-अभिहाण ॥

[९१६]

तेसि असरिस-विसय-सुह-सित्त-

सव्वंगह चंग-चउ रंग-सेन्न-साहिय-विवक्खहं ।
 दोगुंदुग-तियसहं व जाइ कालु पसरंत-मुक्खहं ॥
 अन्नम्मि उ अवसरि निसिहिं सुह-सयणम्मि पमुत्त ।
 सिविणंतारि नरवइ-दइय निरुवम-सुह-संजुत्त ॥

९१३. ५. क. परि.

९१४. २. क. मयरहुउ. ४ क. सिरिह. ५. क. दारु.

९१६. ९. क. सुंजुत्त.

[९१७]

दलिवि पर-बलु तुरय गंजेवि
 भंजेविणु करडि-यड हणिवि मुहड रह-रयण बिहडिनि ।
 परिगेणिवि वन्थु-सिरि कित्ति-कंत दह-दिहि भमाडिनि ॥
 वियसिय-लोयण-कमल-दलु पुलइय-अंगोवंगु ।
 नियइ पुरिसु इगु मुर-सरिसु समहिदिय-उच्छंगु ॥

[९१८]

तयणु उट्टिवि विहिय-कर-कोसु
 पियदंसण निय-पियह पुरउ होउ निय-सिविणु स-हरिसु ।
 परिसाहइ निविण अह पयडिऊण संतोस-पगरिसु ॥
 भणिउ-देवि तुह मुय-रयणु कु-वि रिउ-कुल-सिर-सलु ।
 होसइ वसुह-सिरो-रयणु विमल-गुणावलि-मूलु ॥

[९१९]

सिविण-दंमण-समय-सम-कालु
 पुणु देविहि चित्तगइ मुरु महिंद-समाह चवेविणु ।
 अवइणुउ तणु-कमलि मुइर-विहिय-मुकयाणि लेविणु ॥
 ता स-विसेसिण तुह-मण दो वि ति निय-देवीउ ।
 चिट्ठहि धम्मिय-कम्म-कह-कहण-निवद्ध-रईउ ॥

[९२०]

अह पहाउय-तूर-निग्वोस
 पडिवोहिउ धरणिवइ बिहिय-गोस-कायव्व-वित्थरु ।
 अत्थाण-मंडवि कमिण उवविसेवि गुरु-हरिस-मुंदरु ॥
 सुविण-वियाणय पुरिस तहि सदावइ तूरंतु ।
 ति वि उच्चियासणि उवविसहि स-हलहत्य आमंतु ॥

[९२१]

अह नराद्विबु देवि सच्चच्चिउ

उवसाहइ तहं सिविणु ते वि सिविण-सच्चत्थु चित्तिवि ।
 उवसाहहिं सु ज्जि पर निवु वइदट्ठ सुविणत्थु मंतिवि ॥
 तयणु पट्ठिट्ठिण नरवरिण ते सक्कारिय संत ।
 निय-निय-ठाणि पट्ठत्त गुरु हरिस-भरिण रेहंत ॥

[९२२]

ता नरिदिण कहिय-वुत्तंत

पियदंसण गुरु-हरिस रोमराइ-रेहंत-अंगिय ।
 परिवाळइ गच्छु सविसेस- फुरिय-तणु-कंति-वंगिय ॥
 कम-जोगेण यससि-जुयळ- विमळ-कवोळ-मऊह ।
 नं निय-जस-कप्पूर-रय- परिधूसर मुह-सोह ॥

[९२३]

वयणि पसरहिं वहल-जिंभाउ

उयर-ट्टिय-मुय-रयण दंसणत्थु नं विहि विथासिय ।
 सिट्ठिलायहिं अंग पय नं विदण लज्जावयासिय ॥
 उयर-नियं-व-त्थळ वयहिं बुद्धिहिं अणु-दियदं पि ।
 इय ईसाइय इव ति-वलि एग पत्त विलयं पि ॥

[९२४]

जच्च-कंचण-कलस-सरिसा वि

हुय फालिह-कुंभ-सम नं सु-पुत्त-मुह-अमय-धवलिय ।
 वर-वारण-कुंभ-थिर- थोर-तुंगतर-सिद्धिण-जुयलिय ॥
 ता स निरंतरु परिहरइ दूरिण गवभायामु ।
 धम्मिय-कम्म-विसेसं वि निरु वियरइ अवयासु ॥

९२१. ३. क. सच्चत्थु ९. क. तरिण

९२३. ४. क. विवायहिं.

[९२५]

गन्ध-जोगिण धरणि-बलयम्भि
 सव्वत्थ वि अक्खलिय- कित्ति-पसरु दिप्पंत-पोरिस्सु ।
 हरिनंदि-धरणिप्पहु वि हुयउ तम्मि समयम्मि असरिस्सु ॥
 अह सु विचित्तइ - नणु जु मह होसइ गुण-मणि-धाम्मु ।
 नंदणु वियरेयव्वु मइं तस्सु अवराजिय-नाम्मु ॥

[९२६]

इय विचित्तिरु कुणइ नरनाहु
 पियदंसण-दोहलय- पूरणाइ-कायव्व-वित्थरु ।
 देवी वि अ-विग्घ निय- सुकय-वसिण संपत्त-अवसरु ॥
 पुव्व-दिसि व्व दिणाहिबइ वित्थरंत-गुरु-तेउ ।
 उप्पायइ नंदण-रयणु सयल-धरइ सिरि-हेउ ॥

[९२७]

अह पियंवय-नाम निव-दासि
 गुरु-हरिस-लहसिय-निय- उत्तरीय-वावडय-करयल ।
 परिकंपिर-थोर-धण- वेग-गलिय-निय-सणय-अंचल ॥
 गरुयाणंदिण परिखलिर- अक्खर-वयण-निवेस ।
 पुरउ गंतु वसुहाहिबइ सिर-विरइय-कर-कोस ॥

[९२८]

भणइ जह - पहु पढम-दियहे वि
 सव्वंग-समुत्तलसिय- तेय-पसर-परिविजिय-तरणिण ।
 निय-वंस-मुत्तामणिण सु-प्पसत्थ-लक्खण-निहाणिण ॥
 अहुणुप्पन्निण धरणि-यल- जण-आणंद-यरेण ।
 वद्धाविज्जसि देव तुहं निय-नंदण-रयणेण ॥

तओ य-

[१२९]

कल्प-विहवि व अमय-संसितु

सरयागम-जणिय-गुरु- तेय-पसरु छण-रयणि-रमणु व ।
ससि-उदइण लहरि-भर- विहिय-सोहु रयणायरो विव ॥
तणय-रयण-जम्मिण मुणिरु कय-किच्चउं अप्पाणु ।
देइ पियंवय-दासियहि सत्त-वेणि पिइ-दाणु ॥

[१३०]

तयणु सज्जण-जणिय-संतोसु

आणंदिय-भिच्चयणु नयर-नारि-नर-नियर-रंजणु ।
आराहिय-देव-गुरु- पाय-पउमु पडिवक्ख-गंजणु ॥
उवरोहिय-नर-कारविय- संति-विहिण विहवेण ।
काराविउ वद्धावणउं सयलहं महिहिं निवेण ॥

[१३१]

अह अणुक्कमु कीरमाणेहिं

सयलेहिं वि पढम-सुय- रयण-जम्म-उचिएहिं कम्मिहिं ।
संपत्ति एक्कारसमि दियहि समगु सुहि-सयण-सम्मिहिं ॥
अवराजिय इय विस्सुयउं अणुसुमरिय-सिविणेहिं ।
नामु विइणु महा-महिण सुयह जणणि-जणणेहिं ॥

[१३२]

तयणु पमुइय सयल-धरणि-यल-

सुहि-सज्जण भिच्चयण कुमर-रयण-अभिहाणु निसुणिवि ।
अवल्लोइवि रूव-वर- लक्खणइहु पुलइयउ पिसुणु वि ॥
अवराजिय-कुमरो वि जह- भणिय-गुणोलि-सहीहिं ।
लालिज्जंतउ उत्तिमहिं पंचहिं कुल-भाईहिं ॥

*[९३३]

सिहरि-कंदरि कप्प-विहवि च्च
 सिय-पक्खि कुमुदणि-पहु व अहरिणावि विगिण विवज्जिउ ।
 मुहि-सयण-मणोरहिहिं समगु विमल-गुण-रयण-सज्जिउ ॥
 दिट्ठउ पणयहं छियरु (?) [लच्छियरु] तम-पब्भारु हरंतु ।
 xx xx xx xx ॥

[९३४]

xx xx xx विहिं निलीणउ ।
 पउमासणु जस्सु गुण- महस-मणु व हुउ चउर-वयणउ ॥
 जसु तणु-रुवु निरिक्खिउ व सहस-नयणु तियसिहु ।
 हुउ जसु गुण-जंपण-मणु व सहस-जीहु नागिहु ॥

[९३५]

जस्सु जोल्लण-भर-कुटारेण
 सल्लंगु वि ताडिय उ अवल हूय कामिणि वराइय ।
 जसु विक्कम-निज्जिय व हरि-किसोर काणणि भमाडिय ॥
 जसु गंभीरिम-अहरिउ व जलहि जडुचु पवन्नु ।
 तसु तरुणत्तणि धरणि-यल-तिलयह तुलइ कु अन्नु ॥

[९३६]

इय समग्गहं गुणह आहारु
 परियाणिवि कुमार-वरु तुट्ठ-मणिण मेइणि-मयंकिण ।
 जुव-रज्जि निवेसियउ सु-प्पसत्थि वासरि अ-संकिण ॥
 अह अवराजिय-जुव-निवइ पसरिय-मुक्कय-सहावु ।
 पायडिहूयउ महि-वलइ दुमुणिय-नियय-वयावु ॥

* The first line of the इहा of 933 is partly readable, but the last line of 933 and the first three lines of 934 are blurred and illegible in क. Except the final इहा of 934, the portion blurred in क is not found at all in ख. Thus the text of the portion from 933 to 937 is mostly blurred and illegible in क.

[९३७]

तयणु पमुइय सुयण नीसेस
 सुहडा वि कय-किच्च हुय बुह कयत्थु मन्नहि स-जीविउ ।
 पडिवक्खिय उत्तसिय सयण वसहिं महियल्लु सुहाविउ ॥
 वग्गहिं मागह जियहिं नड विलसहिं वेस स-तोस ।
 रिउ-तरुणि वि गायहिं तसु जि गुण-गणु ववगय-रोस ॥

[९३८]

जम्मि चलियइ चारु-चउरंग-
 वल-पूरिय-धरणियलि त्रिहिय-अंग-सिंगार-मणहरि ।
 मयणाउर-हियय लहु कुणइ सयल-पुर-पवर-मुंदरि ॥
 मंडणु भाल-यलहं तणउं का-वि कवोल-पएसि ।
 क-वि कुंडलु कन्नह करिण गेण्हइ चलणह रेसि ॥

[९३९]

खिवइ नेउरु का-वि सवणम्मि
 क-वि हारु कवरिहिं भैवइ का-वि देइ अंजणु उर-त्थलि ।
 क-वि नियसणु पावरिवि उत्तरीउ परिहइ स-भिंभलि ॥
 क-वि अंवोढउ भाल-यलि विणिवेसेइ विसालु ।
 क-वि कूवह तडि घट्टमुइवि मज्झि निवोलइ वालु ॥

[९४०]

का-वि कामिणि तणय-बुद्धीए
 मज्जारु कडि-यडि करिवि समुह एंत भुवणु वि हसावइ ।
 क-वि कुमर-मुहंवरुहु निरु नियंत अणुराउ दावइ ॥
 जिंभायइ क-वि का-वि पुणु छोडइ केस-कळावु ।
 मोडइ अंगई का-वि क-वि पयडइ महुरालावु ॥

[९४१]

अवि य-

इह-कुट्टिम-विवणि-पासाय-

वायायण-तल-मिलिय राय-विहुर कुल-विलय जंपहि ।
 हलि पेक्खहु पेक्खहु-न एहि अंगु किमलीउ कंपहि ॥
 आवइ आइउ जाइ गउ इहु इहु इहु एहु त्ति ।
 तरुणी-यण-मण-वल्लहउ अवराजिय-कुमरु त्ति ॥

[९४२]

इयर पभणइ-तुह पसाएण

मइं दिट्ठउ भइणि इहु विजिय-कुसुम-कम्पुय-मडप्फरु ।
 परिवण्णउं तसु जि पर- सुंदरीए सोहग्ग-वित्थरु ॥
 जा एरिसि वच्छयलि गुरु- नयर-पउलि-विसालि ।
 विवरिय-रय-परिसंत-तणु खणु वीसमइ पियालि ॥

[९४३]

ईसि विहसिवि भणइ अह अन्न

जइ पिय-सहि एहु तुह मेळावमि ता किं पयच्छहि ।
 अह कर-यल-ताल-रव- पुब्बु भणइ सवि तुहुं ज मग्गहि ॥
 इय तुहुं कहमवि एहु महा- सोहग्गिउ संपाडि ।
 परमम्हं कह एरिसइं सहि लक्खणइं निलाडि ॥

[९४४]

इय समुज्झिय-निय-निय-सेस-

वावारइं सयलहं वि तिब्ब-राय-विहुरिय-सरीरहं ।
 पुर-तरुणिहिं विविह-मण- वयण-काय-गय-किरिय-पसरहं ॥
 पेक्खंतउ परिचेट्ठियइं विम्भिय-मण-वावार ।
 विविह-विणोइहिं ललइ पुरि सिरि-हरिनेदि-कुमारु ॥

[९४५]

तसु जि कुमरह आसि सह-जाउ

सह-पंसु-कीलियउ सह-गहीय-निम्मल-फळालउ ।
 सम-संचिय-कित्ति-भरु समुवलद-गुण-मणि-विसालउ ॥
 सम-तणु सम-मणु सम-किरिउ सरिस-सील-सन्भाउ ।
 मइधण-मंतिहि अंगरुहु विमलबोहु सुहि जाउ ॥

[९४६]

इयर-वासरि अहिणवुवलद्धि

निरु निरुवम-रुव-गुणि तुरय-रयण-जुयलम्मि दोणि वि ।
 आरुहिउण विहि-वसिण सेसु सयलु वलु समवगणिवि ॥
 जा संचलिय कित्तिउ वि पहु ता दुहि वि हएहि ।
 अवहरिऊण महाडइहि निय-विवरिय-सिक्खेहि ॥

[९४७]

अह पढ-स्सम-स्खिन्न-देहेहि

दोहि पि तुरंगमिहि परिविमुक्क-निय-जीवियासिहि ।
 संपत्तइ सिर-उवरि रविहि तेय-पूरिय-दसासिहि ॥
 कुमरु तुरंगह उत्तरिवि निय-मित्तिण वि समेउ ।
 निविसिवि सहस्रह तरुहु छायहं निय-कुल-केउ ॥

[९४८]

लहु वि अ-विहिय-हियस-संतावु

रयणायर-गहिर-मणु तियस-सिहरि-सिहरोक्कि-अविक्खु ।
 निय-मित्तु समुदिसिवि भणइ — वयणु मह सुणसु निक्खलु ॥
 पुरिसु जु कोऊल-कलिय सयल वसुंधर पढ ।
 न नियइ नूण सु लहु अवड-तड-मंडुक्कु सुणेह ॥

[९४९]

अवि ये मे गुणइ लीय-आवाक

न वियाणइ कञ्ज-विहि बैस-हास परिहरइ दुरिण ।
 हीलिज्जइ दुज्जणिहि धुत्त-सण्हि वंचियइ अइरिण ॥
 तह स-ट्ठाणि निविट्ठ मिग- मसग-काग-काउरिस ।
 मरहि अ-पाविय-स-जिय-फल न उण एव सण्पुरिस ॥

[९५०]

तावहारु वि अम्ह अणुकूल

इहु हूयउ इहरइ उ निविट्ठ-नेह न वि जणय-जणणिय ।
 अणुमन्नहि कह-वि इय इच्छ-माणि परियडहुं घरणिय ॥
 अणुण्णायहं सु-पुरिसहं पुणु जणणी-जणएहि ।
 न गुणावहउ वि एस गमु मणियउ नय-निउणेहि ॥

[९५१]

तयणु पसरिय-हरिस-रोमंउ

भणियव्व-वियक्खणउ विमलवोहु पभणइ - महा-यस ।
 गुण-दोस वि सयल तइ कहिय सम्मु सु-विवेय-माणस ॥
 ता सच्चत्थ वि नर-रयण तुब्भि जि मज्झ पमाण ।
 इय अकमह समग्ग धर रयणायर-अवसाण ॥

[९५२]

इय परंपिर गलिर-परित्थेय

खणु एगु अइक्कमिवि चलिय कलिय-निम्मल-विवेइण ।
 गच्छंत य पत्त पुर- विवणि कइ-वि स-क्याणुहाविण ॥
 तत्थ य पउम-सरोवरइ एगह तीरि पट्ठि ।
 आळोडिय-सरवर-सलिल चिट्ठहि जाव निविट्ठ ॥

[९५३]

ताव दिसि दिसि नयण निक्खिविरु

परिकंपिर-कर-चरण वयण-कुहर-विणिवेसियंगुलि ।
 पट्टु रक्खहु पसिय मइं तुम्ह पुरउ एह वद्ध अंजलि ॥
 इय विलविरु दूरह पहह नियय-कम्म-आइट्टु ।
 धाविप्पिणु नरु एगु तसु कुमरह सरणि पविट्टु ॥

[९५४]

अह पयंपइ कुमरु - अरि भइ

मा भाहि कयंतह वि वेल मज्झ धुवु तुज्झ संतिय ।
 एत्थंतरि धुणिय-सिरु विमलवोहु पमणइ-असंतिय ॥
 मा करि कुमर पइण्ण इह ज न नज्जइ कु-वि एहु ।
 कत्तु वि कह वि समागयउ नयहं कु-नयहं व गेहु ॥

[९५५]

ईसि विहसिवि कुमरु वज्जरइ

मा जंपसु मित्त एहु जं सयं पि नयवंत रक्खिय ।
 सरणम्मि उ सु-पुरिसहं विसहिं ते जिज जे कु-नय-दुक्खिय ॥
 इय दुहियहं सरणागयहं विहलिय-माण-धणाहं ।
 कज्जि जि न तुलहिं नित्तुलउं ते गणि मज्झि मुयाहं ॥

[९५६]

इय भणंतहं तेसि तिण्हं पि

उक्खाय-खग्गुग्ग-कर भीम-भीउडि-भासुर-निडालय ।
 परिधाविर सेस-नर अरुण-नेत्त नं अंत-कालय ॥
 अरि अरि हण हण गहि-न गहि-केसिहिं इय जंपंत ।
 सिरि-कोसल-पुर-नरवइहि बहु-विह सुहड पट्टुत्त ॥

[९५७]

अह कुमारिण भणिउ - नणु जेम्ब

चविज्जहिं चणय जणि तिम्व न किण वि चव्वियहिं मिरियई ।
 जिम्ब वेप्पहिं सुणय करि तिम्व न पंचवयणहं वि पोयई ॥
 जिम्ब कलियइ कंदुगु करिण तिम्व न कणय-गिरि-नाहु ।
 जेम्ब तरिज्जइ गाम-सरु तिम्व न सु-जलहि-पवाहु ॥

[९५८]

जिम्ब विहीसिय विविह परिसय

पयडेविणु इयर-जणु भेसाविवि तुम्भेहिं वेप्पइ ।
 तिम्व अम्ह सरणावडिउ मुहिण एहु निय-करि न खिप्पइ ॥
 ता उब्भिवि एय-ग्गहण- मणु माणु वि घरि जाउ ।
 मा उण सीह-किसोर-मुहु धरिसिवि करिह विसाउ ॥

[९५९]

अह पयंपहिं किंचि सासंक

आरक्खिय-मुहड - नणु राय-उत्त किं तुम्भ खेइण ।
 जं अम्हं सयल-पुर- घरइं मुसिय पावेण एइण ॥
 इय दुन्नय-सय-करण-रुइ एहु समप्पसु एण्हि ।
 नूण पराइय एह कलि मुहिइण मुहड म गेण्हि ॥

[९६०]

तयणु मुर-गिरि-सिहर-थिरु कुमरु

विहसेवि समुल्लवइ अहह तुम्ह विण्णाण-पगरिसु ।
 जं दुन्नय-परु जि पर- सरणु लेइ नरु विसमि परिसु ॥
 वेप्पइ कलि वि पराइय जि मुहिइण न उ मुल्लेण ।
 इय जुत्ति-क्खसु निच्छिउण निय-मइ-कोसल्लेण ॥

[९६१]

कुणह किं पुण मरिह सव्वे वि

इहु मग्गिर मह पुरउ हदिण नूण ता वय्ह निय-घरि ।
 ढक्केविणु कन्न एहु रक्खियव्वु तक्करु वि मई परि ॥
 जं निय-कज्ज-परम्मह वि सम्मह पर-कज्जम्मि ।
 होति सहाविण सप्पुरिस निय-वलि निरवज्जम्मि ॥

[९६२]

इय पयंपिरु कुमरु साडोवु

आरक्खिय-माणविहिं गहिय-असिहिं चउ-दिसिहिं वेढिउ ।
 ता विरुइण पमु-गणु व रिउ-समूहु तक्खणि विहंडिउ ॥
 एगेण वि कुमरेण कर- कय-तरवारि-लएण ।
 तयणु मु कोसल-पुर-निविण निमुणिय-वुत्तंतेण ॥

[९६३]

फुरिय-कोविण विविह-करि-तुरय-

रह-सुहडाइण-धर- विवरु पउरु निय-सेन्नु पेसिउ ।
 खण-मेत्तिण तं पि तिण करि-घड व्व सीहिण पणासिउ ॥
 तयणु नराहिवु मागहिण एगयरिण विण्णत्तु ।
 जह पहु को वि अउव्वु भडु नयरज्जाणि पहुत्तु ॥

[९६४]

एण्हि एगह पुरिस-मेत्तस्सु

सरणम्मि समागयह कज्जि गरुय-पसरंत-मच्छरु ।
 आभिट्ठइ गय-घडहं ढणइ सुहड विहडेइ रह-भरु ॥
 फोडइ उरइ तुरंगमहं माणु मलइ रहियाहं ।
 एगो च्चिय सय-सहस-गुण दीसइ मज्झि भडाहं ॥

[९६५]

इय मुरारि ब जलहि-लीलाए

आलोडइ स-भुय-वल- वसिण सयल पडिक्खु अइरिण ।
 ता अप्पह रक्ख करि देव एण्हि पज्जत्तु चोरिण ॥
 इय निमृणेवि नराहिइइ बंदिहि वयणु अउव्वु ।
 परिचितइ धिसि धिसि पडिउ इमिण किमेरिस्सु कव्वु ॥

[९६६]

एत्थ-अंतरि वि मय-गाय-कलह

परिगलिय-पक्खर-तुरय हय-मरट्ट भड भग्ग-संदण ।
 समुवागय नरवइहिं पयहं पुरउ हुय-माण-खंडण ॥
 ता निव-पवरिहिं भणिउ - तिण नर-रयणेण अ-संकु ।
 लीलइं दलिय-मडप्परहं अम्हहं कयउ कलंकु ॥

[९६७]

ता विसेसिण फुरिय-गुरु-रोमु

वमुहाहिवु तक्खणिण पउर-चारु-चउरंग-सेन्निण ।
 आऊरिय-धर-विक्खु चलिउ तयणु हरिनेदि-तणइण ॥
 अहह नियच्छइ पेच्छणउं मह आवडिउ मुहाए ।
 इय चित्तिवि धवळेवि धर-वलउ स-कित्ति-मुहाए ॥

[९६८]

दइ पर-वल्ल अ-मिय-पसरंत-

भय वेविर-तणु-लइउ विमलवोहु एगम्मि ठाविवि ।
 निय-कर-यलि धरिवि करबल-लइय स-पयावु दाविवि ॥
 जुज्झंतिण तिण बहु-चिहिहिं निहणिष-आरोहस्सु ।
 करण-विसेसिण आरुहिवि करिहि खंधि एगस्सु ॥

[९६९]

जा मुकोसल-निवह स-बलस्सु

सविहम्मि समागयह असिण दळिउ बहु-बलु खणद्धिण ।
 ता सचिविण विमलमइ- नामगेण परिकलिय-तत्तिण ॥
 भणिउ मुकोसल-नरवइहि सवण-पएसि हवेउ ।
 जह - पहु सिरि-हरिनंदि-बमुहाहिराय-कुल-केउ ॥

[९७०]

तुम्ह कज्जिण गइण सीइउरि

हरिनंदि-निवइहि पुरउ मइं कुमारु एहु बहु-निरिक्खिउ ।
 अवराजिय-नाम-फुहु सयल-कलहं गोयरि सु-सिक्खिउ ॥
 तयणु स्वणद्धिण नर-वरिण हुय-पच्छुत्तावेण ।
 आण फिराविय सयलि वलि नियय-पवर-पुरिसेण ॥

[९७१]

अह कुमारह हत्थि निय-करिण

संजोइवि साणुणउ कुमर-रयणु उच्छंगि घेप्पिणु ।
 संलत्तु नराहिविण जह - अ-कज्जु केरिसु करिप्पिणु ॥
 धिसि धिसि अ-जसु विहत्तु मइं चंद-महीयल जाम्ब ।
 जं हरिनंदि-नराहिवइ बंधु-सरिसु एगु ताम्ब ॥

[९७२]

अन्नु तसु कुल-गयण-हरिणंकु

नीसेस-कला-निलउ असम-विरिय-परिविजिय-पर-बलु ।
 ससि-निम्मल-गुण-रयण- सरिय-रमणु असरण-वच्छलु ॥
 एगागि च्चिय विहि-वसिण पत्तउ स-पुरुज्जाणि ।
 तुहुं तसु मइं पडिवत्ति कय एह एरिसय-नियाणि ॥

९६९. ७. क. हवेउ.

९७०. १. क. गयण; ख. इगण.

[९७३]

इय पुणु-पुणु निवु विस्तरंतु

बाहुल्ल-लोयण-जुयल्ल पिक्खिऊण तिण कुमर-रयणिण ।
 सिरि विरइय-करयलिण विणय-पुव्वु पफुल्ल-वयणिण ॥
 भणिउ - कु तुम्हं दोसु इह अ-मुणिय-परमत्थाहं ।
 फुडु अवरद्धउं महिं जि एहु तुम्ह महासत्ताहं ॥

[९७४]

जं मुणंतिण दोस-यारि त्ति

सो तक्करु परिगहिवि तुम्ह कु-नय-उद्धरण-धीरहं ।
 निय-पिउहु सरिच्छहं वि मइ वरद्धु वसुहेक्क-वीरहं ॥
 तं निय-नंदण-समह महु पसिउण खमह समग्गु ।
 हुइ दुविया उ दुमाय नउ इय मुम्मइ जण-मग्गु ॥

[९७५]

एत्थ-अंतरि कुमर-रयणस्सु

वयणेण रंजिउ निवइ सुहड धुणाहिं भुय-दंड-वड्डिम ।
 परिकित्तिहिं विउस गुण सुयण-वग्ग वण्णंति वड्डिम ॥
 चाउ पसंसहिं बंदि-यण तरुणि रुवु सल्लहंति ।
 निव सवि वाइ-पहाण जण-वालिय सो ज्जि वरंति ॥

[९७६]

अह नरिंदह वयणु आसज्ज

परिमोइय-तक्करिण सचिव-सुइण सह विमलबोहिण ।
 निव-कारिय-वित्थरिण विहिय-सयल्ल-परमग्ग-सोहिण ॥
 जयकुंजर-खंधर-गायउ मागह-गण-गिज्जंतु ।
 नयरि पविट्ठु कुमारु जय-लोइण सल्लहिज्जंतु ॥

[१७७]

तयणु नरवइ-विहिय-सक्कार

वियराविय-भवलहर पढम-दियहु अइगमहिं ते दु-बि ।

वीयम्मिउ दियहि दिण- उदइ निवइ-सचिविंदु आविवि ॥

भणइ- महा-यस नर-वरिण पहियउ हउं तुह पासि ।

तयणु पयंपइ कुमरु- सचिवाहिव कज्जु पयासि ॥

[१७८]

किमिह किंचि वि दुग्गु साहेमि

सीमाल व के-वि निव अ-पणमंत पहु-पइहि पाडउं ।

पडिखइं रिउ-वल्लु व समुहु एंतु वइरु व निहोडउं ॥

अह व किमन्निण पहु-पयहं जायउं किंपि जु कज्जु ।

तं माहमु सचिविंद लहु जह करेमि हउं अज्जु ॥

[१७९]

अह वियासिय-वयण-कमलेण

सचिविंदिण वज्जरिउ कुमर-रयण तुहुं एत्थ जइयहं ।

संपत्तउ सयल-गुण- रयण-रासि मह पहुहु तइयहं ॥

सिद्धइं दुह-सज्जइं वि लहु नीसेसइं कज्जाइं ।

तह वि हु निसुणमु जाइं तुह चिट्ठहिं कहियव्वाइं ॥

[१८०]

तहा हि -

अत्थि निवइहि पवर-देवीए

कणयावलि-नामियहि विमल-सयल-गुण-रयण-मंडिय ।

संपिडिय-सयल-कल सविह-ठिइण गुरु-यणिण-वड्हिय ॥

जणणी-जणय-सबंधु-सहि- सयणहं हियय-निहाण ।

चिट्ठइं कन्न स-उण्ण-सिरि कणयस्सिरि-अभिहाण ॥

१७७. Lines 2 to 7 are missing in B.

१७८. ७. क. ज.

१७९. ८. पुहु.

[९८१]

तस्य पसीयन्तु पाणि-गहणेन

तयणंतरं कुमर-वरं नियमं वयं सुहि-विमलबोहह ।
 ता मित्तं समुल्लवइ कुमर-रयणं तुह जणय-सरिस्सह ॥
 एयह विस्संभर-पहुहु वयं न लंघिउं जुत्तु ।
 ता पडिवज्जसु दुक्करं वि सच्चिवाहि विण जं वुत्तु ॥

[९८२]

नणु वियाणसि उचिउं तुहं मित्तं

किम्पु पत्थुय-अत्थि हउं सच्चि-पुरउ उत्तरं पयच्छउं ।
 ता कुमरहं मुणिवि मणु भणिउं सुहिणं - नणु सच्चि इह हउं ॥
 कुमरं अणिच्छंतुं वि कह-वि भणिवि पयटावेसु ।
 इयं वंछिय-सिद्धिणं वसुह- पणु तुहं वद्धावेसु ॥

[९८३]

तयणुं दु-गुणिय-हरिस-पद्भारु

सच्चिवाहिवुं निव-पुरउं विण्णवेइ जइ-भणिय-वइयरु ।
 नर-नाहुं वि अइ-गुरुय- वित्थरेणं संपत्त-अवसरु ॥
 सिरि-अवराजिय-कुमर-वर- कणयस्सिरि-कन्नाहं ।
 कारावइ पाणिग्गहणुं उदिओदिय-पुन्नाहं ॥

[९८४]

देस-दंसण-विसय-पसरंत-

कोउहल-तरलिओ वि धरणि-नाह-कय-गुरु-निवंधिण ।
 परिथक्कउं किच्चियं वि दियहं तर्हि वि सहं तिणं पुरंधिण ॥
 अन्नम्मि उ अवसरि निसिहिं परिवंचिय-परिवारु ।
 मित्तं वि इक्कं वि नीहरिउं सो नरनाह-कुमारु ॥

[९८५]

तयणु गिरि-सर-सरिय-उज्जाण-

नयराइं अहकमिरु कमिण कुमरु दिव्वाणुहाविण ।
 एगत्य सुसाण-वण- मज्झि पत्तु अह विहि-निओइण ॥
 अहह अयंढि वि हूय महि मह सप्पुरिस-विहीण ।
 अकय-पडिक्कय जमिह हउं अच्छउं विलविर दीण ॥

[९८६]

इय सुणेविणु - अहह विलवंत-

महिला-यण-सहु इहु ता मए वि जीविरि वसुंधर ।
 कह हूय अणाह इय चित्तयंत अ-क्खुहिय-पय-भर ॥
 जाव ति गच्छहिं नर-रयण अग्गिम-मग्गि तुरंत ।
 ता चाउंड-भडारियह पुरउ करुणु विलवंत ॥

[९८७]

रत्तयंदण-लित्त-सव्वंग-

चच्चिक्कय-मसि-रसिण खडिय-पंक-कय-रेह-भालय ।
 गल-कंदल-परिलुहिर- वहल-रत्त-कणवीर-मालय ॥
 इदुत्तु सरेसु हयासि कु-वि अज्जु मरेसि अ-संधि ।
 इय भणिरिण एगिण नरिण पगहिय-वीणा-वंधि ॥

[९८८]

नियय-जोव्वण-रुव-लायण-

परिणिज्जिय-जय-तरुणि मन्नु-भरिण परिगल्लिर-लोयण ।
 अवलोयहिं वाल इग भुवण-तरुण-नर-हियय-स्सोहण ॥
 तयणु कुमारिण भणिउ - अरि अरि नर-अहम हयास ।
 कि न पेक्खसि इहि मंडिया तणा कयंतह पास ॥

९८६. क. ख. जीविर.

९८८. ३. क. परिगल्लिण.

[९८९]

सरित ससहर-चारु-वयणां

निय-इदु-एईए लहु आगओ य तुहुं पुणु पवत्तिण ।
 मुरु खयरु व नरवइ व अत्थि को वि जइ सहिउ सत्तिण ॥
 ता सुमरमु सन्वप्पण वि न उण विळुट्टसि अज्जु ।
 धुवु मत्थइ पडिहइ तुह जि इहु निय-दुक्कय-वज्जु ॥

[९९०]

अहव संपइ होउ मह सुमुहु

तरवारि कर-यलि कलिवि किंपि किंपि माहणु पयडिवि ।
 अप्पाणु पयासि मह पुरउ रमणि-वहि चित्तु विडिवि ।
 ता इयरिण वज्जरित - नणु एज्ज एज्ज एमेव ।
 दलिवि मडप्फरु सयलु जिह तहिं जि करावउं सेव ॥

[९९१]

इय-पयंपिर दो-वि साडोवु

आयइडिवि असि-लइय भिडहिं सुहड दद-दद-उट्टय ।
 खणु वग्गहिं अ-क्खुहिय खणु पहारु सज्जंति दुट्टय ॥
 नउ अक्कमहिं परुप्परिण वंचिय-खग्ग-पहार ।
 ता बाहुहुं जुज्झिण भिडहिं दु-वि ति परक्कम-सार ॥

[९९२]

तयणु टालहि उवहिं संगहहिं

आवीडहिं निदलहिं संधि-बंध सव्वंगुवंगह ।
 अह केण-वि विहि-वसिण बाहु-जुयलु तमु कुमर-चंगह ॥
 सयल-स्सरीर-दुहावहिण नाग-पास-वंधेण ।
 निविडु निवडु विवक्खिण तिण अ-सच्च-संधेण ॥

[९९३]

किं तु दुज्जण-नेह-बंधं व

हरिनंदि-नरवड-सुइण नाग-पास तोडिय खणद्धिण ।
 ता वरिसइ आयरिण कुमर-उवरि रिउ वाण-वरिसिण ॥
 कुमर वि पावं पिव तविण खंडइ खग्गिण वाण ।
 इय चिर जुज्झहि बहु-विहिहिं दु-वि गुरु-कोह-निहाण ॥

[९९४]

एत्थ-अंतरि तेसिं सूरहं

दोणं पि हु समर-भर- जणिय-गरुय-कोऊहलं पिव ।
 अवलोइउकामु रवि उदिउ तयणु तणुयंगि-दुहमिव ॥
 गलिउ समग्गु वि तिमिर-भरु फुरिउ दिणिंद-पयाउ ।
 ता करवालिण अरिहि उरि कुमर पयच्छइ घाउ ॥

[९९५]

कह-वि तह जह गलिय-चेयन्नु

रिउ महि-यलि पडिउ अह निय-करेहिं तिण कुमर-रयणिण ।
 उवयरिउण बहु-विहिहिं विहिउ झत्ति पच्चलु सरीरिण ॥
 तयणु पयंपिउ — अरि मुहड गिण्डमु असि हत्थेहिं ।
 म म मइं दिहउ उट्ठिउण वयसि तिहिं जि वत्थेहिं ॥

[९९६]

अवि य न सुयहिं मुहड रिउ-भइण

सोडीरिम पहरिय वि जाव जीवु निवसइ सरीरि वि ।
 इय निम्भुणिवि तह तरुणि- विसय-विहिय अवराह सुमरिवि ॥
 पच्छुत्ताव-दवानलिण परिडज्झिर-सव्वंशु ।
 भणइ वि थक्किउ नर-रयणु हउं कय-पाव-पसंगु ॥

[९९७]

तह महा-यस तइं स-चरिषहिं
 पढमं पि हु विजिउ हउं इय कु इत्य जुज्झह विहायगु ।
 तउं अवरह रक्ख-यरु हउं हयामु अवलह वि घायगु ॥
 इय तुहुं पुहइ-अलंकरणु तुहुं जि पुरिस-सिरि-केउ ।
 मज्झ वि सरणु तुहुं जि तिय- वह-पाव-क्खलणे उ ॥

[९९८]

इय पसीउण गहिवि मणि एग
 संरोहण-ओसहिहिं सहिय मज्झ वत्थेगदेसह ।
 ता घरिसिय ओसहिहिं रसिण जलिण ओहलिय-रयणह ॥
 खग्ग-पहारु स-करयलिण सुंदर परिसिचेसु ।
 ता सज्जीकय-विग्गहह महु पुट्ठिहिं करु देसु ॥

[९९९]

तयणु पत्थण-भंग-भय-भीरु
 सरणागय-जियहं निरवज्ज-वज्ज-पंजरु सहाविण ।
 मणि-ओसहि-जुयलु करि धरिवि कुणइ तह तसु खणद्धिण ॥
 तयणु अ-लग्ग-पहारह व सज्जीहुय-देहस्सु ।
 अभउ पयच्छिवि कुमरु गय- वइयरु पुच्छइ तस्सु ॥

[१०००]

अह पयंपइ इयरु - नर-रयण
 नय-वच्छल तुह पुरउ अ-कहियवु नत्थित्थ किंचि-वि ।
 ता निमुणसु पसिय निय- हियय-पसरु इग-ठाणि संचिवि ॥
 जह वेयइह-महागिरिहिं उत्तर-सेदिहिं रम्मि ।
 पयड-नामि रहनेउरय- चक्कवाल-नयरम्मि ॥

९९७. ७. क. वि जि; ९. क. लक्खलणे.

९९९. ७. क. देहुस्सु.

१०००. ७. क. नामि.

[१००१]

विविह-विज्जाएवि-कय-सेवु
 चउरंगिण निय-वल्लिण भविय-सयल-गयण-यल-मंडलु ।
 निय-गहिरिम-परितुल्लिर- रयण-रासि भुय-बल-अखंडलु ॥
 चिट्ठइ रयणीयर-विमल- बहु-गुण-रयण-निहाणु ।
 विज्जाहर-चक्काट्टिवइ अमियसेण-अभिहाणु ॥

[१००२]

तस्सु निरुवम-सील-सिंमार
 संसार-उत्तर-चरिय जणिय-सुयण-आणंद-सुंदर ।
 सव्वंग-मुलक्खणिय विष्फुरंत-गुरु-गुण-मणोहर ॥
 दइय जह-द्विय-नाम परिचिट्ठइ किच्चिमइ चि ।
 तेसिं पुण एइ धूय जह- नाम रयणमाल चि ।

[१००३]

अन्न-अक्सरि निवइ-देवीण
 नेमिच्चिय-माणविण कहिउ - सामि तुम्हाण धूयइ ।
 निय-सुकय-विवाग-परिविजिय-तिजय-वट्ठंत-विलयइ ॥
 सिरि-हरिर्नदि-नरिंद-कुल- नहयल-सरय-दिणिंदु ।
 पिययमु अवराजिय-कुमरु हविहइ विमल-कल्लिंदु ॥

[१००४]

तयणु तसु सुह-चरिय-सरिसस्सु
 नर-रयणइ विमल-गुण- गिज्जमाण-खयरिंद-तरुणिहिं ।
 निस्सुणेविणु फुरिय-अणुराय-रसहिं छण-इंदु-वयणिहिं ॥
 एकइ मणु न रमइ इयरि सुरवइ-समि वि नरम्मि ।
 अइ विहि-वसिण समागयइ अवसरि अन्नयरम्मि ॥

[१००५]

गयणवल्लह-नयर-नाहस्सु

सिरिसेण-स्वयराहिवह सुइण खरकंताभिहाणिण ।
 अवलोइय तयणु परिविप्फुरंत-अणुराय-पसरिण ॥
 अप्पिण परिणवि बहु-विहिहिं मग्गिय परिणयणत्थु ।
 न-उण कहं-चि अभुवगमइ भणिय वि पत्थुय-अत्थु ॥

[१००६]

कुणइ पुणु निय-जणणि-जणयाहं

पच्चवस्तु पइण्ण जह जइ न होइ हरिनंदि-नंदणु ।
 अवराजिउ दइउ मह ता सरीरि लग्गइ हुयासणु ॥
 इय निमुणिवि सिरिसेण-सुउ दद-वद्धाहिनिवेसु ।
 एह मइं परिणयच्च इय कुणइ पइण्ण-विसेसु ॥

[१००७]

तयणु साहइ विविह-विज्जाउ

कुलएवि-चलणहं नमइ भमइ कइण ओसहि-विसेसहं ।
 तसु परियणु उवयरइ देहं दाणु दइहिं अ-सेसहं ॥
 न-उण कहं-चि-वि संघडइ रयणमाल तणुयंगि ।
 अह स्वयराहिव-अंगरुहु हरिवि करिवि उच्छंगि ॥

[१००८]

मयण-सवरिण हणिय-सव्वंगु

समसाण-मज्झ-द्वियहि पुरउ पत्तु चामुंड-देविहि ।
 तयणंतरु निय-मुहिण पुणु वि पुणु वि बहु-भेय-वयणिहिं ॥
 पयडिवि चाडुय-सय-सहस संगम-सुहु मग्गेइ ।
 तरुणि भणइ - मह तसु विरहि जइ हुयवहु लग्गेइ ॥

१००५. ८. अनुवगमइ

१००७. १. क. विज्जाओ.

१००८. १. हरिय.

[१००९]

अंगि लग्गउ अग्गि एईए

निमग्गिहि इय मणिण चित्तिऊण सामरिसु पाविण ।
 इय एय विडंविउण एत्थ चेव तिण सूरकंतिण ॥
 मई अग्गिज्झय-नामणिण उवहणेउमारद्ध ।
 जा ता तई असरण-सरण- तिलइण रक्खिय मुद्ध ॥

[१०१०]

तयणु पयडिय-लज्जु हरिनंदि-

अंगुम्भवु महि-वलय- समुह-निसिय-निय-वयण-ससहर ।
 जा चिट्ठइ ता सचिव- सुउ कहेइ तसु मित्त-वइयरु ॥
 तेसि दुवेणह-वि हूय अह वडल-हरिस-रोमंच ।
 तयणंतरु ससिमुहि फुरिय- गुरु-अणुराय-पवंच ॥

[१०११]

एस असरिस-गुण-समूहो त्ति

मा मं न पवज्जिहिइ इय फुरंत-भय-वेविरंगिय ।
 किह तस्सु इहागमणु इय विसाय-विहुरंग-वंगिय ॥
 नत्थि अहव भवियव्वयह भुवणि अ-गोयरु किं-पि ।
 इय कह-कहमवि संठविर विरह-विहुरु-हिययं पि ॥

[१०१२]

मलय-मारय-निहय-सयवत्त-

दल-चवलिहिं विष्फुरिय- राय-अरुण-निद्धेहिं नयणिहिं ।
 मई एसु वि नियइ इय हरिस-भरिण न समाइ धरणिहिं ॥
 इय चित्ता-भर-हरिय-मण रयणमाल हरिणच्छि ।
 जा चिट्ठइ खणु एगु तहिं ता - किं किं इहु वच्छि ॥

१००९. ६. मई, क अग्गिज्झय.

१०१०. ३. क. निमिय.

१०११. ५. क. ख, विहुरयु.

[१०१३]

इय पयंपिर पउर-चउरंग-

वल-पूरिय-गयणयल जणणि-जणय वालह कुढावइ ।
 समुवागय तयणु तहं ससि-मुहीए निय कहिय आवइ ॥
 संपय वि हु हरिनंदि-निव-नंदण-वस-उवलढ ।
 तयणंतरु खयरहिविण स-पिययमिण सा मुढ ॥

[१०१४]

पुव्व-परिचिय-कुमर-रयणस्सु

अवराजिय-नामयह दिण्ण तयणु तत्थ वि विवाहिय ।
 हरिनंदिहि नंदणिण तयणु हत्थु पुट्ठिहि दुवाविय ॥
 मोयाविउ सिरिसेण-मुउ खामिय-निय-अवराहु ।
 ता कुमरिण स-विसेसयरु अमियसेण-नरनाहु ॥

[१०१५]

पत्ति अवसरि तुग्गि निय-धूय

अप्पेज्जह मज्झ निय- ठाणि गयह संतह समाणिवि ।
 इय भणिवि स-परियण वि रयणमाल-सहिउ वि विसज्जिवि ॥
 विमलवोह-मित्तिण कलिउ जा संचलिउ कुमार ।
 ता खयरिण तिण निय-रयणु ओसहि-जुउ जय-सारु ॥

[१०१६]

तस्सु अणिच्छंतह वि कुमारस्सु

कह-कहमवि बंधिउण विमलवोह-अंवरह अंचलि ।
 अवराजिय-पय नमिवि सूरकंतु उप्पइवि नहयलि ।
 विहलिय-सयल-मणोरहु वि गयउ नियय-नयरम्मि ।
 सिरि-अवराजिय-कुमरु पुणु मुहि-सहिउ वि अवरम्मि ॥

[१०१७]

गमिरु कथ वि पुर-विसेसम्मि

संपत्तु महाडविहिं तयणु तण्ह-लुह-विहुर-विग्गह ।

कय-पत्तल साह-सय- सुहय-चूय-तरु-तल-परिग्गह ॥

सुहि-कय-किसलय-सत्थरइ निवडिउ नीसाहार ।

ता सचिवाहिव-अंगरुहु परिविमुक्क-सिक्कारु ॥

[१०१८]

कुमर धीरउ होसु खणु एय

एहु हउं वि समागयउ गहिवि अन्न-पाणाइं तक्खणि ।

इय पभणिवि धाविउण गंतु सविह-गोउलिय-वासणि ॥

वेत्तु तहाविह-तस्समय- उचियाहार-जलाइं ।

जाव पटुत्तउ ठाणि तहिं ता ति जि विडवि-दलाइं ॥

[१०१९]

नियइ निय-करयलिण खिवियाइं

निय-मिच्छह सत्थरइ न-उण कह-वि हरिनेदि-नंदणु ।

तयणंतरु - अहह कह गयउ मज्झ सुहि सत्तु-ग्वंडणु ॥

अहव कि ठाणह भोलविउ केण-वि विहिहि वसेण ।

नासेविणु व इहत्थि मह उवरि पणय-रोसेण ॥

[१०२०]

किं व को-वि हु मज्झ मइ-मोहु

इहु अहव सु मज्झ सुहि हरिउ पुच्च-भव-रिउण केण-वि ।

परि एहु न सक्कियइ हरिउ किण-वि खयरिण सुरेण वि ॥

इय वण-देविउ कि न कहहु तसु मह मिच्छह सुद्धि ।

दिसि-वालहु परमेसरहु तुम्हि वि किमिह कु-बुद्धि ॥

[१०२१]

जं न साहसु मह अणाहस्तु

विलवंतह सुहि-विरह- हरिय-मणह क-वि सुद्धि कुमारह ।
 इय विलविरु सचिव-सुउ पडइ भत्ति उच्छंमि वसुहह ॥
 कह-वि-हु चेयण-लवु लहिधि सिरि-हरिनंदि-कुमार ।
 सुमरिवि सुमरिवि बिहुर-मणु वियलिय-मण-शावार ॥

[१०२२]

पडइ उट्टइ हसइ गाणइ

अक्कंदइ दलइ उरु उद्ध-वाहु नच्छइ पहावइ ।
 अप्फालइ वक्करिय मिलिउ रिउण रणि बीरु नावइ ॥
 इय वियलिय-चेयन्न-भरु ह-कह न वि चिट्ठेइ ।
 सचिव-तणूरुहु दुम्सहइ जायइ मित्त-विओइ ॥

[१०२३]

अह कहं-चि-वि पत्त-चेयन्नु

निय-मित्त-निरिक्खणह हेउ सयल धर परियडंतउ ।
 बिहि-जोइण नंदिउर- नयर-वाहि उज्जाणि पत्तउ ॥
 तत्थ य चिंताउर-मणह दह दिहि जोवंतस्सु ।
 पत्तु पुरउ नहयर-जुयलु सचिवाहिव-तणयस्सु ॥

[१०२४]

तयणु पभणिउ खयर-जुयलेण

सचिवाहिव-सुय-रयण तुज्झ पुरउ पेसिय कुमारिण ।
 अवराजिय-नामणि धरणिनाह-हरिणंदि-तणइण ॥
 ता पसिउण अम्हेहिं सहं चल्लसु तसु सविहम्मि ।
 इय निम्भुणिवि हरिसिण सचिव-सुउ न माइ अंगम्मि ॥

[१०२५]

तयणु ससहर-उदइ जलहि व्व
 तरणिग्गि कमलायरु व महु-महम्मि सहयार-साहि व ।
 सिहि-कुलु व घणागमणि चक्कवट्टि धरणियल-ल्लाहि व ॥
 पसरिय-हरिस-विसेस-वस- संपाविय-वित्थारु ।
 भणइ सचिव-मुउ - अत्थि कहिं सिरि-हरिणंदि-कुमारु ॥

[१०२६]

तयणु नहयर-जुयलु साहेइ
 जह अम्हिहिं अन्न-जल- हेउ तुरिउ तह तइं पउत्थइ ।
 अवराजिय-कुमर-वरु हरिवि रविहिं आरुहि मत्थइ ॥
 तण्हा-लुह-अभिभूय-तणु निय तोसिय-भुवणस्सु ।
 विज्जाहर-चक्काहिवह पुरउ भुवणभाणुस्सु ॥

[१०२७]

नणु न मह मुहि तियस-पट्टणा वि
 हीरिज्जइ हट्ठिण इय हरिउ इमिण किह खयर-जुयल्लिण ।
 इय चित्तिरि-सचिव-मुइ भणइ इयरु - तिण खयर-नाहिण ॥
 सिरि-वेयड्ढ-महा-गिरिहि सिरिपुर-नयरि ठिण्ण ।
 सुर-सन्निह नहयर-सहह निययह मज्झ-गण ॥

[१०२८]

भुवण-निरुवम-रूवलंकार
 वर-लक्खण-सय-कलिय जाय-पढम-तारुण-सुंदर ।
 समदीय-ससंक-सम- गुण-कलाव धरणियल-मणहर ॥
 कमलिणि-कुमुइणि-नामिउ य निय-धूयउ पेक्खेवि ।
 नणु एयहं परिणयण-विहि- अवसरु त्ति लक्खेवि ॥

[१०२९]

निय-निउत्तय-नरिहिं आयरिण

नेमिच्छिउ बाहरिवि करिवि गरुय-सवकारु स हरिमु ।
 विज्जाहर-पहु भणइ भइ कहमु दुहियाइं केरिमु ॥
 को व इविस्सइ कंतु अह नेमिच्छिण स-तोमु ।
 सम्मु निहालिवि भणिउ पहु तरणि व वियलिय-दोमु ॥

[१०३०]

नियय-भुय-वल-दलिय पडिवक्खु

पणमंत चिंता-रयणु ऋव-रिद्धि-हरिणच्छि-मणहरु ।
 संपीणिय-मुहि-सयणु असम-विमल-कल-नियर-ससहरु ॥
 सिरि-हरिनदि-नराहिवइ- कुल-मंदिर-सिरि-केउ ।
 सिरि-पियदंसण देवि-तणु- संभवु मदि-मुइ हेउ ॥

[१०३१]

दइउ इविहइ तु-अ धूयाहं

एत्थंतरि खयर पहु भणइ - भइ पुणरवि निवेयमु ।
 अवराजिय-कुमरु किइ पेक्खियव्वु अम्हेहिं सु-पुरिमु ॥
 ता जंपिउ नेमिच्छिण पयडिय-पुरिसायाहु ।
 अत्थि पत्तु विंझाडइहिं सिरि-हरिनदि-कुमारु ॥

[१०३२]

तयणु नहयर-नाहु अ-विलंबु

निय-दुहियउ दु-वि गहिवि गंतु विंझ-भडइहिं तहि-चि-वि ।
 वेउव्विवि भवल-हरु संभवेइ जि न जगि कहिं चि-वि ॥
 तिण तयणंतरु पत्थुयहं कज्ज-विहिहिं कय-लक्ख ।
 पेसिय दु-वि सुय अम्हि रविकिरण-चंदकिरणक्ख ॥

[१०३३]

ता नयेविणु धलण-कमलाणि
 गिण्हेविणु सिक्ख बहु- भेय उत्तिमंगेण जणयइ ।
 लुह-तण्हाउर-तणुहु पुरउ गंतु हरिनंदि-तणयइ ॥
 निय-कर-पुडइण तस्समय-उच्चिय करिवि पडिवत्ति ।
 अम्भिहि अवराजिउ नियउ भुवणभाणु पुरओ चि ॥

[१०३४]

तयणु पिक्खिवि तस्सु तणु-कंति
 परिभाविवि रूव-सिरि मुणिवि पवर-लक्खण-समिद्धि वि ।
 काराविवि देह-ठिइ कह-वि को-वि पत्थावु चित्तिवि ॥
 जंपिउ खयरहिविण जह इउं तइ किं-पि भणेसु ।
 काउ अणुग्गाहु मज्झ इहु दुहिय-जुयलु परिणेसु ॥

[१०३५]

किंतु महियल-निसिय-नयणेण
 दीहुण्हुस्सास-वस- भुसिय अहर-पल्लविण कुमरिण ।
 पडिउत्तरु किं पि न विइणु तयणु खयरहिआइण ॥
 नणु सु-कुलीणु वि गुण-निहि वि सयल-नीइ-निउणो वि ।
 वियरइ पडिउत्तरु किह न इय चित्तिरिण पुणो वि ॥

[१०३६]

भणिउ - नंदण किं चिसूरेसि
 निय-जणयइ नयरइ व रज्ज-सिरिहि सुहि-सज्जणाण व ।
 दूरयर-पहागमिण विरह-दुहिण निय-जणयगाण व ॥
 इय निय-दुह-कारणु तणय मज्झ पयाससु सिग्धु ।
 दुह सज्जु जिम्ब कज्जु इउं तुह साहेमि अ-विग्धु ॥

[१०३७]

ता कुमारिण भणिउ कह-कह-वि
 नणु साहउं किमिह इउं जेण सरिस-सुह-दुक्ख-माणसु ।
 विच्छोहिउ अणु महु नहयरिंद इय कह-वि आणसु ॥
 सारय-रयणीयर-विमल- गुरु-गुण-रयण-निहाणु ।
 सचिव-तणुरुहु मज्झ सुहि विमलबोह-अभिहाणु ॥

[१०३८]

अह तुरंतिण खयर-नाहेण
 आणत्त तुहाणयण- हेउ अम्हि सचिविंद-नंदण ।
 ता हरिसुम्भव-जलिण भरिय सचिव-नंदणह लोयण ॥
 ता नहयर-जुयलिण कुमर- मित्तु गहेविणु सिग्धु ।
 अवराजिय कुमरह पुरउ निउ गयणिण निव्विग्धु ॥

[१०३९]

ता परुप्पर विहिय-संलाव-
 परिवियलिय-विरह-दुह- फुरिय-हरिस-रोमंच-अंबिय ।
 खयरिंद-निउत्तइहिं तेसि दोणिण आसणइं संचिय ॥
 तयणंतरु खयरहिविण करिवि विविह-पडिबत्ति ।
 कुमरह कमलिण-कुमुइणिउ वियरिय दु-वि दुहिय त्ति ॥

[१०४०]

तयणु कइवय दियह तहिं ठाउ
 उवहुंजिक विसय-सुह ताहिं दुहिं-वि सह खयर-तरुणिहिं ।
 पुव्वं व विमोइउण अप्पु मित्त-परियरिउ धरणिहिं ॥
 परियढमाणु अणुक्कमिण भुवणम्भिय-सिरिम्मि ।
 पत्तउ अवराजिय-कुमर सिरिमंदिर-नयरम्मि ॥

[१०४१]

सूरकंतिण दिष्ण-अहिलसिय-

संपायग-वर-रयण- वसिण सयल-जायंत-वंछिउ ।
 सयलम्मि वि तम्मि पुरि ललइ कुमरु स-पुहि वि जहिच्छिउ ॥
 अवरम्मि उ कम्मि वि दियहि जक्खाययणि निविट्ठ ।
 नट्टारंभु नियंत दु-वि चिट्ठहि जाव पहिट्ठ ॥

[१०४२]

ता समग्गि वि पुरि समुच्छलिउ

कोलाहल-तुमुल-रवु तरुणि-नियर गुरु-खेउ दावहि ।
 परिसोयहि संत-जण गहिय-खग्ग भड-निवह धावहि ॥
 कि-वि पीडिय-तूणीर-गुणि आरोविय-कोदंड ।
 गहिय-सेल्ल-वावल्ल कि-वि अच्चुब्भुय-भुय-दंड ॥

[१०४३]

के-वि पुणु तणु-विहिय-सन्नाह

कि-वि तुरयारूढ भड के-वि गुडिय-करि-संधरा-गय ।
 रह-रयणारूढ कि-वि के-वि नियय-पय-गमण-संगय ॥
 कि-वि पुक्कारवु परिमुयहि कि-वि उरयलु कुट्टंति ।
 कि-वि मोडहि निय-चाव-लय कि-वि करयलु परिसंति ॥

[१०४४]

अविय ढंक्कहि घर-दुवाराइं

लहु इड्डं सारवहि निय-कुडुव इयरहं भलावहि ।
 गय-लक्खु वि नायरय सयल-नयर-मग्गेसु धावहि ॥
 तयणु कुमारिण थिर-मणिण विमलवोहु संलत्तु ।
 नणु किह इम्ब इल्लुप्फलिउ सयलु लोउ संवुत्तु ॥

१०४१. ५. क. जहच्छिउ.

१०४२. ३. क. तरुनियर. ५. क. धावहि. ९. क. अच्चुब्भुय, ख. अच्चुब्भुय.

[१०४५]

इय करेविणु सुद्धि परमत्थु
 मह साहसु तुरिउ तुहुं तयणु विमलवोहिण स-बुद्धिण ।
 परियड्डिउण पुर-पडिहि पणिहि सयलु बुद्धिगवि खणद्धिण ॥
 अवराजिय-कुमरह पुरउ कहिउ भ्रत्ति आगंतु ।
 जह - अवहिय-मणु खणु हविवि निमुणसु पहु बुक्तंतु ॥

[१०४६]

इह हि निहणिय-सयल-पडिवक्खु
 विलसंत-कित्ति-प्पसरु फुरिय-गरुय-सामत्थ-वित्थरु ।
 पसरंत-दुन्नय-दलणु नमिर-सरणु सव्वंग सुंदरु ॥
 अहव किमन्निण सयल-गुण-रण-समूह-निहाणु ।
 आसि वसुंधर-सिरि-तिलउ निवु सुप्पह-अभिहाणु ॥

[१०४७]

सो उ केण-वि विहि-निओगेण
 पडिहारिहि वाउलिहि रिउ-निउत्त-घायगिण पुरिसिण ।
 असि-धेणुहुं आहयउ मम्म-ठाणि ता विज्ज-सहसिण ॥
 मिलिण वि सविह-ट्टिण अ-पयासिय-परिताणु ।
 चिट्ठइ मुक्कु वसुंधरह कंठ-पइट्ठिय-पाणु ॥

[१०४८]

गहल-गुंदलिहूउ पुर-लोउ
 तिण महियलि परियड्डइ निवइ-तणय-विरहे य सयलि वि ।
 परिचिट्ठहि हय-हियय रज्ज-धरह विणु दुहिय सचिव वि ॥
 एत्थंतारि धिसि धिसि विहिहि वलिउ वि न वि छुट्ठेइ ।
 ता विहलु च्चिय जणु स-वल-अभिमाणिण वट्ठेइ ॥

[१०४९]

जं च जइयहं जेम्ब भविष्यन्तु
 तं तइयहं तिम्ब इबइ नत्थि एत्थ पडिमल्लु पाइण ।
 इय चित्तिरि कुमर-वरि विहिय-सेवि मित्तेण नियइण ॥
 वार-पुरंभिहिं विलविरहं अप्पण्णा-पिय-रेसि ।
 कामलयहं पभणिउ कह-वि स-विहिहिं सचिवहं तेसि ॥

[१०५०]

सम्भु न सुणउं किंतु इह के-वि
 निय-पुण्ण-पगरिस-विजिय- भुवण-तरुण सव्वंग-सुंदर ।
 दो चिट्ठहिं नर-रयण भुंजमाण-विसय-सुह मणहर ॥
 ओसहि-सिद्ध व नहर व तियसामुर-कुमर व्व ।
 इय ति जि सद्दावह तुरिउ मा चिट्ठह सुन्न व्व ॥

[१०५१]

तयणु नणु एहु जुत्तु जुत्तु त्ति
 परिजंपिर सचिव लहु पुरउ गंतु तसु कुमर-रयणह ।
 अइ-करुणु समुल्लवहिं कुणसु कुणसु लहु दीण-वयणह ॥
 एत्तिय-मेत्तह सयलह वि लोयह जीविय-रवख ।
 नर-नायग-जीवावणिण तुहुं नर-रयण सु-दक्ख ॥

[१०५२]

विमलवोहिण सहिउ कुमरो वि
 सचिविद-अणुव्वइउ गयउ सविहि सुप्पह-नरिंदह ।
 तयणंतरु पुरउ निव- सचिव-सेट्ठि-सामंत-विंदह ॥
 नणु मा तुम्हि अ-सुहु कुणहु निवइ वेळ एह मज्झ ।
 जम्हा एह मज्झ वि निवइ- पीड अच्छि सुह-सज्झ ॥

[१०५३]

अहह एत्तिय-मेत्तु जणु एउ

तुमए च्चिय नर-रयण दढ पइण्ण एरिस कुणंतिण ।

जीवाविउ अज्जु धुवु भुवण-अहिय-सामस्थ-जुत्तिण ॥

इय जंपंतइ निव-पवर- वग्गि समग्गि वि सिग्गु ।

ओहळिउण च्चिंता-रयणु बंछिय-विहि-निव्विग्गु ॥

[१०५४]

तेण सल्लिण झत्ति निव-घाउ

अहिसिचिवि निय-करिहिं घरिसिऊण ओसहि वि सन्वि य ।

असिधेणु-घायह उवरि देइ तयणु निवु तक्खण च्चिय ॥

सुत्त-विउद्धु व उट्ठिउण मोढेविणु अंगाणि ।

अकय-च्छुरिय-पढारुं इव जंपइ - नणु किमिमाणि ॥

[१०५५]

विविह दीसहिं वलि-विहाणाणि

कह-वेत्तिउ जणु मिलिउ किह कलत्त रोयहिं हुसक्कइं ।

कु व एहु महा-पुरिसु कह-व वेज्ज मेलिय झवक्कइं ॥

इय जंपिरी नर-वरि खणिण फुरिय-विसाय-पमोय ।

विरइय-कर-संपुड कहहिं नरवइ उत्तिम लोय ॥

[१०५६]

पुव्व-वइयरु सयलु जाविमिण

नर-रयणिण देव तुहुं विहिउ सज्जु अन्नह असेसहं ।

अत्थमिउ हुंतु जगु पहुहु विरहि एत्तियहं पुरिसहं ॥

एत्थंतरी नर-नायगह पुरउ हविवि एगेण ।

वियसिय-वयण-सरोरुहिण विण्णत्तउं सचिवेण ॥

[१०५७]

नाह नणु इहु धरणि-हरिणंक-

हरिनंदि-नरवइ-तणउ भुवण-पयहु गुण-रयण-मंडणु ।
 अवराजिय-नामु जुव-राउ मुइय-पडिवक्ख-खंडणु ॥
 तहिं मइं तुम्ह पओयणिण गइण सु दिट्ठु निरुत्तु ।
 दिव्व-पओइण किण-वि इह नूण इयाणि पहुत्तु ॥

[१०५८]

ता विसेसिण फुरिय-संतोस-

पुलवंचिय-तणु-लयह वसुह-पहुहु तहिं पुच्छमाणह ।
 लहु वइयरु परिकट्टिउ वित्थरेण हरिनंदि-तणयह ॥
 मित्तिण सविह-ट्टिइण तिण विमलवोह-नामेण ।
 तयणु ईसि परितम्मिउण भणिउ धरणि-नाहेण ॥

[१०५९]

अहह पेच्छहु हय-पमायस्सु

दुव्विलसिउ जमिह मह वंधु-अट्टिउ हरिनंदि-नरवरु ।
 तसु नंदणु तुडि-वसिण पत्तु एत्थ जय-जंतु-मणहरु ॥
 मइं पुणु अतिहि-सिरोमणिहि स-गिहागयह इमस्सु ।
 संभासिण वि न विट्ठिय क-वि पडिवत्ति वि कुमरस्सु ॥

[१०६०]

ता कुमारिण धरणि-विणिहित्त-

मुह-कमलिण भणिउ - नणु देव तुम्हि मह जणय-सन्निह ।
 पडिवत्ति तुम्हहं तणिय नूण गेळ्भ ता माणसिय इह ॥
 बुज्झहिं लुक्ख विहंग परि नेह-रहिय-दाणाउ ।
 छेयहं वंधणु नत्तु पुणु सन्भाविय-वयणाउ ॥

[१०६१]

अहह सुंदरु भणिउ तई वच्छ

को अन्तु एरिसु चवइ इय वयंतु निवु सु-गुण-आयरु ।
 सयलंगालिंगणिण चुंविऊण मुद्धम्मि सायरु ॥
 उववेसेवि स-करयलिहिं निय-सीहासण-अद्धि ।
 रंभ-नाम निय-धूय तसु वियरइ लग्गि विमुद्धि ॥

[१०६२]

विमलवोहह पुणु महामच्चु

मइसुंदर-नामु निय- धूय देइ ससिकंत-नामिय ।
 ता निवइ-अमच्च-उवरोह-वसिण गुण-रयण-सामिय ॥
 कित्तिय-मेत्त वि दियह तहिं थक्क ति दो-वि कुमार ।
 इयरम्मि उ अवसरि निवह पुरउ भणण-विहि-सार ॥

[१०६३]

पाणि-संठिय-मंजु-सिजंत-

भमरावलि-सामलिय- चलिय-कुमुम-सहयार-मंजरि ।
 पसरंत-हरिमुल्लसिय- पुलय-भरिण रेहंत सिखरि ॥
 विरइवि कर-संपुहु भणहिं उज्जाणिय आगंतु ।
 जह - पहु हरिसिय-भुवण-जणु संपइ पत्तु वसंतु ॥

[१०६४]

जमिह पसरिउ दइय-संगु व्व

मलयानिलु अंग-सुहु पत्त-विहवु पुणु कुसुम-परिमलु ।
 वारिज्जय-तूर-रव- रम्मु फुरिउ कलयंठि-कळयलु ॥
 पउमारुण-कंकिल्लि-तरु कुसुमइ नयण-सुहाइ ।
 तवणिज्जुज्जल-कुसुम-भर हूय कोरिट-वणाइ ॥

[१०६५]

जत्य माहवि-लइय तोमरिय

सेहालिय कुंतलिय जालइय लहु सुरहि-लइय वि ।
 चूय-हुम-मंजरिय बहु-गुलुंछ पायव-असोय वि ॥
 आलिगिज्जहि पूग-फलि तरु-कामुय सव्वंगु ।
 नागवल्लि-तरुणिहि जणहं उज्जीविरिहि अणंगु ॥

[१०६६]

जहि पवालंकुरिहि कय-सोह

डिभाइ व तिलय-कय- गरुय-महिम कामिणि-मुहाइ व ।
 बहु-लक्खण-चित्त-सय- मणहराइ नरवइ-गिहाइ व ॥
 उत्तिम-जाइ-प्पसव-कय- महि-मंडणइ वणाइ ।
 विलसहि भुवणाणंद-यर नं नरनाह-कुलाइ ॥

[१०६७]

जहि य वियसिय-कुसुम कणियार-

वण-राइ कंचण-मय व कुणइ पहिय-हिययाण विव्वभसु ।
 अहिकंखहि भुवण-यलि सयल-मिहुण निय-दइय-संगसु ॥
 गिज्जहि रासहि चच्चरित पिज्जहि वर-मइराउ ।
 माणिज्जहि तुंग-स्थणिउ किज्जहि जल-कीलाउ ॥

[१०६८]

एत्थ-अंतरि ताल-रव-पुव्वु

नर-नाहिण संनिहिय- निय-पियाए उर-यलि निवेसिवि ।
 कर-पल्लवु दाहिणउ भणिउ एउ पुणरुत्तु विव्वसिवि ॥
 कटकट उज्जाणिय चिरह अइ-मुंदरु विण्णत्तु ।
 ता उज्जाणि स-परियणु वि माणिमु अज्जु वसंतु ॥

१०६६. ३. क. महिन, ख. महि.

१०६७. ६. रासय; ७. क. पज्जहि, ख. पेज्जहि. ९. क. कीलामो.

१०६८. ५. क. पुणरुत्तु; ६. क. ख. विरह.

[१०६९]

तयणु विहसिरि निव-सहा-लोइ
 परितुद्धइ वंदि-यणि ईसि लज्जमाणए दइयए ।
 उज्जाणिय-माणविहिं हरिसिएहिं सुहि-वगि सुहियइ ॥
 तुरिउ निउत्तिहि माणुसिहि निय-नयरम्मि असेसि ।
 घोसाविउ नर-नायगिण जइ - महु-ऊसव-रेसि ॥

[१०७०]

सयल-लोगिण सयल-रिद्धीए
 सयलेण वि निय-वलिण महुविलाम-अभिहाणि काणणि ।
 आहरण-विहसिउण सयल-भुवण-आणंद-कारणि ॥
 गोस-समइ सव्वायरिण आगंतवु अवस्सु ।
 जयकुंजरु पुणु पेसियउ अवराजिय-कुमरस्सु ॥

[१०७१]

तयणु विरइय-असम-सिंगारु
 सिरि संठिय-वर-मउडु नियय-तेय-उवहसिय-दिणयरु ।
 निय-मित्तिण परियरिउ सुह-विसेस-निज्जिय-पुरंदरु ॥
 मागह-निवहुग्घुद्ध-जसु भत्त-विसेसिअ-मूहु ।
 सिरि-अवराजिय-कुमर-वरु जयकुंजरि आरूहु ॥

[१०७२]

चळिउ निवइण सहिउ उज्जाण-
 वण-सम्मूहु नयर-जण- जणिय-असम-संतोस-पगरिसु ।
 वियरंतउ वंदियहं दाणु सुहिहिं सम्माणु अ-सरिसु ॥
 मंगल-तूरिहि पसरियहि संखिहि वज्जंतेहिं ।
 सुप्पह-निव-अवराजियहं जसिहि य गिज्जंतेहिं ॥

[१०७३]

अमर-नहयर-तरुणि-नियरेण

गयणंगण-संठिइण साहिलासु निय-नयण-पुडइहिं ।
 पिज्जंत-लवणिम-सलिलु हम्ममाणु पणइणिहिं कुमुमिहिं ॥
 दय-गय-रह-भड-वल-भरिण जणिय-वसुह-संसु ।
 चिंध-ज्झय-किंकिणि-रविण दु-गुणिय-मंगल-सु ॥

[१०७४]

स्वयर-सुरवर-तरुण-नयणाण

निय-रुविण हरिय-मउ दाण-विजिय-वण-मत्त-वारणु ।
 अइरेण य तरुणि-यण- हियय-गरुय-संताव-कारणु ॥
 सिरि-अवराजिय-कुमर-वरु संपत्तउ उज्जाणि ।
 तयणु कुणइ परमायरिण जणु निय-निय-कज्जाणि ॥

[१०७५]

के-वि मिगमय-अगुरु-घणसार-

सिरिखंड-पंकिण धरणिनाह-कुमर-रयणाण अंगईं ।
 आलिंपहिं के-वि पुणु देंति विविह-तरु-फलईं चंगईं ॥
 कि-वि चंपय-मालइ-वउल- विचइल्लहं कुसुमाईं ।
 वियरहिं पयडहिं पण-तरुणि पुणु नट्टईं परमाईं ॥

[१०७६]

महुर-चच्चरि-गीय-अंकार-

परिओसिय-किन्नरइं आलवंति गंधव्व-गीयइं ।
 परिविलसहिं बहु विहिहिं ठाणि ठाणि पुणु तरुण-मिहुणइं ॥
 पेक्खइ खणु निवइ वि विहिय- सोहुज्जाण-विभाग ।
 ताल-तमाल-असोय-चूय- वउल-नाग-पुन्नाग ॥

[१०७७]

खणु नियच्छइ विविह-नट्टाई
 खणु निमुणइ गेय-झुणि खणु पियाउ आलवइ स-हरिसु ।
 खणु कुमरिण सहं ललइ देइ दाणु मागहहं अ-सरिसु ॥
 खणु खणु आवाणय-महिहिं आसव-पाणु करेइ ।
 खणु सह निय-अंतेउरिहिं अंदोलइण ललेइ ॥

[१०७८]

अइ परिस्सम-खिन्नु दिण-इंद-
 संताव-विणोय-कइ धरणि-नाहु पणइणि-समन्निउ ।
 जल-कीलह करण-कइ सरि विसेइ वंदियण-वन्निउ ॥
 तह बहु-विहिहिं तहिं जि वणि परियण-जणियाणंदु ।
 सिरि-हरिनंदि-नराहिवइ- कुल-गयणंगण-चंदु ॥

[१०७९]

सुइरु कीलिवि स-मय-तरुणियण-
 मण-महुयर-कुल-कमलु दलिय सयल-माणिणि-महप्फरु ।
 वियइल्ल-चंपय-कुसुम- दाम-रइय-सिंगार-सुंदरु ॥
 वार-विलासिणि-सय-साहिउ अन्नयरम्मि सरम्मि ।
 परिकीलिवि मज्जिर-तरुणि- अंगराय-सुहयम्मि ॥

[१०८०]

कय-विलेवणु गहिय-तंवोलु
 बहु-मागह-घुट्ट-जसु असम-दाण-तूसविय-मग्गणु ।
 सारय-ससि-कर-पसर- चारु-चरिय-रंजविय-सज्जणु ॥
 कुसुमाहरण-विहसियउ कय-असरिस-सिंगारु ।
 खणु कयली-हरि वीसमइ सिरि-हरिनंदि-कुमारु ॥

१०७७. १. क. नट्टाई; ८. क. मह.

१०८०. १. क. विलेविणु.

[१०८१]

तयणु रइ-सुह-खेय-वस-पत्त-

निहा-भर-परवसिउ विमलबोह-कय-पाडिहेरु वि ।
 अवराजिउ नहयरिण वाउवेग-नामेण हरिउ वि ॥
 सिरि-वेयइह-महागिरिहि निरुवम-सिरिहि निहाणि ।
 अमरावइ-सञ्चिहि नयरि केउमाल-अभिहाणि ॥

[१०८२]

सयल-नहयर-राय-तिलयस्सु

सोमत्तण-जिय-ससिहि निय-पयाव-अहरिय-दिणिदह ।
 दद-विज्जा-वल-जुयह अंसुमालि-नामह खणिदह ॥
 नाणा-विह-मणि-निम्मियइ धवलहरम्मि विमुक्कु ।
 निहावगमिउ मंकडु व नियय-पलंवहु चुक्कु ॥

[१०८३]

अहह किं इहु सग्गु मुर-गिरि व

सिन्निणो इव विब्भसु व इंदियालु इव किण-वि पयडिउ ।
 जं तियसहं हरइ सिरि लोउ भवणु रयणेहिं मु-पडिउ ॥
 कइ तं नयरु सु धरणि-वइ मित्तु मु तं उज्जाणु ।
 इय परिचित्तिरु कुमर-वरु पत्थुय-विहिहिं अ-याणु ॥

[१०८४]

अंसुमालिण खयर-नाहेण

काराविय-सागइण महरिहम्मि आसणि निवेसिउ ।
 ता पणमिन्नि महयरिण नहयरेण एणिण सुहासिउ ॥
 जंपिउ जह-हरिन्दि-सुय वियसिय-कमल-दलच्छ ।
 हउं किंचि-वि विण्णविस्सु तइं इय अच्छल्लिउ पयच्छ ॥

[१०८५]

ता विसेसिण विम्हयावन्न

अवराजिय-अणुमइण परिकहेइ सो बुइद-नहयऊ ।
 संयलो वि हु पत्थुयउ कुमर-रयण-अवहरण-वइयऊ ॥
 जह-सारय-ससि-विमल-जस धवलिय-दिसि-विवरस्सु ।
 अंसुमालि-अभिहाणयह एयह खयर वरस्सु ॥

[१०८६]

मुहय-सीलिण चारु-चरिण

सल हिज्ज-उज्जल-जसिण विहिय-सोह गुण-रयण-हारिण ।
 सु-सिलिट्ठ-तणु-संचइण पत्त-कित्ति गुरुयण-पसाइण ॥
 सयलंतेउर-पवर-पथ- पात्रिय-गरुय-पइद्व ।
 दइय पहावइ नाम तहि पुणु निय-गुणिहि गरिह ॥

[१०८७]

विमल-लक्खण पवर-तारुण

अ-सवणा-गुण-मणि-जलहि कणय माल-अभिहाण-पयडिय ।
 हर-हास-समुल्लसिय- धम्म-कम्म-वावार-विनडिय ॥
 भण्णंती विहु परिणयण- कारणि वि मुहारंभ ।
 चिट्ठइ वहुयहं नंदणहं उवरि धूय गय-डंभ ॥

[१०८८]

इय स-धूयइ विसय-मुह-कह वि

अकुणंतिइ तहि जणणि- जणय चित्तमावडिय चिट्ठइं ।
 जा ताव नहंग मिण किण-वि भणिउ किंकुणह कट्ठइं ॥
 चिट्ठइ कंचणपुर-नयर- उज्जाणम्मि पहुत्तु ।
 अमियगइ त्ति पसिद्ध इणु चारण-समणु पवित्तु ॥

[१०८९]

तमु नमंसिवि पाय-पउमाणि

निमुणेविणु धम्म-कह विजिवि अप्पु कय-किच्चु इत्थ वि ।
 आराहिवि धम्म-विहि करिवि मु-ल्लह वंछिउ परत्थु वि ॥
 पुच्छिवि कारण विषय-मुह-विमुहत्तह दुहियाए ।
 वट्ठिज्जह तुम्हे वि पहु तयणु रुव-किरियाए ॥

[१०९०]

तयणु कटकट चारु भणियं ति

जंपंतउ खयर-वइ विट्ठिय-अंग-सिमार-पगरिमु ।
 निय-दइय-दुहियहिं सहिउ तहिं पट्ठु तवग्गणिण स-हरिमु ॥
 चारण-मुणिवर-पय-कमल-जुयत्तु नमेइ स-नोमु ।
 अह चारण-मुणि तहं कहइ मिय-पट्टु ववगय-दोमु ॥

[१०९१]

पत्त-अवसरु विहिय-कर-सोमु

खयराहिवु विण्णवइ पसिअ कहमु पट्टु मज्झ मुणि-वर ।
 किं खयरह कमु वि पिय वणअमाल होहइ मण-हर ॥
 ता मुणि-सीहु समुल्लवइ तुह कुल-नह-ससि-लेह ।
 मुर-सरिसस्सु वि नहयरह दइय न हविहइ एह ॥

[१०९२]

अह धवविकय-दियउ खयरिदु

पुणुरुत्तु समुल्लवइ किं न इमीए परिणयणु हविहइ ।
 ता चारण-मुणि मणइ खयर-नाः एईए धुवु पड ॥
 सिरि-हरिनंदि-नराहिवह कुल-गग्गणंगण-चंदु ।
 हविहइ अवराजिउ भुवण-जणिय-हरिस-नीसंदु ॥

[१०९३]

तयणु वियसिय-वयणु खयरिंदु

साणंदु समुल्लवइ किह मृणिंद सो जाणियव्वउ ।
 अह पमणइ अमियगइ गयल-सयण-सुहि-सेवियव्वउ ॥
 सिरिपुर-नयरुज्जाण-वणि विमलवोह-सुहि-जुत्तु ।
 रय-सम-खिन्नउ कयलि-हरि चिट्ठइ मृहिण पमुत्तु ॥

[१०९४]

परि तुह-चवय खयर-कुमारेण

एगयरिण अवहरिवि निह-विवमु निय-मित्त-सहिउ-वि ।
 आणेप्पिण धवलहरि तुज्झ पुरउ मुच्चिहइ एण्हि वि ॥
 तहंमणिण समुल्लमिय अणुगयाउर-देह ।
 पडिवज्जिगइ विवाह-विहि नयमवि तुह धुय एह ॥

[१०९५]

तयणु जउ-वि ह तुरणि पच्छिमहं

उग्गच्छइ जइ जलहि मुयइ नियप-मज्जाय अइरिण ।
 जइ छत्तु हवेइ धर नियम-मिहरि पुणु डंड-रूविण ॥
 तह वि न मुणि-पर-भासियउ वित्तह-मरुवु हवेइ ।
 इय चित्तिरु खयरिंदु मुणि- पय हरिसिण पणमेह ॥

[१०९६]

अह गहेविणु गुरुहु आसीम

खयराहिवु निय-नयरि गयउ जाव ता मुकय-जोगिण ।
 आयणिणवि अमियगइ- समण-वयणु लहु वाउवेगिण ॥
 विज्जाहरिण हरेवि तुहुं इह आणिउ जय-सार ।
 इय अवराहु खमिज्ज इहु सिरि-हरिनेदि-कुमार ॥

[१०९७]

ता वियासिय-वयम्-तम्भरमु

अणुमन्निवि तन्त्रयणु अंसुमालि-खयरिद-दिन्नइ ।
 बहु-नहयर-परियरिउ ठियउ गंतु धवलहरि भिन्नइ ॥
 अह भोयण-ठिइ वित्थरिण पत्तावसरु करेवि ।
 विमलवोह-नहयर-कुमर- परियणु सारु गहेवि ॥

[१०९८]

खयर-पुरवर-सरिय-गिरि-सिहर-

सर-काण्ण-जिण-भवण- विहवु सयलु साणंदु पेच्छिरु ।
 पफुल्ल-लोयण-कमलु कुमर-रयणु वेयइदि हिडिरु ॥
 कत्थ-वि बहु-सहियण-सहिय विहिय-चारु-सिगार ।
 तिवख-कडक्ख-सर-प्पहर- दारिय खयर-कुमार ॥

[१०९९]

पढम-जोव्वण असम-सोइगग

ससि-वयणिय गय-गवण चारु-चरिय सव्वंग-सुंदर ।
 ससि-विमल-कला-निलय अमय-महूर-वयणेण मण-हर ॥
 अनणु-रणिर-मणि-मेहलय परिसिजिर-मंजीर ।
 वर-अक्खय-फल-कुसुम-कर परिहिय-असरिस-चीर ॥

[११००]

खयर-तरुणिय एग मयणस्सु

पडिर्विवह पूय-विहि- करण-निरय कुमरेण दिट्ठिय ।
 ता जंपिउ नयहरहं पुरउ - हंत पेच्छह पुर-ट्ठिय ॥
 कि परमेसरि एह रइ कुणइ पूय एयस्सु ।
 छेप्पमयह कुसुमाउहह नउ सक्खं चिय तस्सु ॥

१०९८. ४. क. पफुल्ल, ख. पपकल्ल.

१०९९. २. क. खविचयणिय.

[११०१]

तयणु एगिण खयर-कुमरेण

ललियप्पिय-नामगिण भणिउ ईसि विहसिवि - सुहगिय ।
 परमेसरि रइ दइय एह तुज्झ होइइ चंगिय ॥
 ईसि वियासिय-मुह-कमलु कुमरु भणइ - जइ एउ ।
 ता कि न गुरु-भत्तिहिं महिं जि नाराहइ पूएउ ॥

[११०२]

तयणु विहसिवि ताल-रव-पुव्वु

ललियप्पिउ वज्जरइ मन कुमार उचालु हविहसि ।
 गुरु-भत्ति कुणंत रइ इह तुमं पि सयमेव पेक्खसि ॥
 जमिह न भुक्खालुय-वसिण उंवर-तरु पच्चंति ।
 न-वि हु लुहा-भर-पीडिय वि दुहिं हत्थिहिं जेमंति ॥

[११०३]

एत्थ-अंतरि अंव-घाईए

सा बाल समुल्लविय एहि एहि तुहं वच्छि वेगिण ।
 हउं देविण पेसविय तुरिउ तुज्झ वाहरण-कज्जिण ॥
 तुह संतियउ कलायरिउ चिहइ भवणि पटुत्तु ।
 बीणा-वायणु अज्जु तइं काराविसइ निरुत्तु ॥

[११०४]

अह अणंगह विहिय वर-पूय

सा बाल गिहाभिमुहु चलिय जाव ता विहि-निओइण ।
 चउराणण-नामियहिं सहिहिं कुमरु सह मित्त-विदिण ॥
 दिहउ अणिमिस-लोयणिहिं कुमरिहिं समुहु नियंतु ।
 पेक्ख पेक्ख पटु सामि इय तयणंतु विण्णत्तु ॥

[११०५]

तथणु तग्गय-मण व सा नाल

कुमुमाउह-सवरणिण निहय अंगुयंगेसु तह जह ।
 हुय इयरहं ओसहिहिं लहु असज्ज इय कुमर रयणह ॥
 कुमुमचाव-भट-पडिक्किहिं समुदीहोउण मुद्ध ।
 स-कडक्खिहिं नयणिहिं नियइ असम-सेणेह-सिणिद्ध ॥

[११०६]

भणइ पुणु अणवगय-तत्त व्य

जह - पिय-सहिं किमिह इहु कुमुम-चाणु रइ-रहिउ चिट्ठइ ।
 चउराणण वयइ - नणु इह रई वि काणणि विमिद्धइ ॥
 चिट्ठइ परिकीळंत जिह एहु अणंगु तह ति ।
 ईसि ईसि विहसंत पुणु कणयमान निय-चित्ति ॥

[११०७]

किमिहु मुर-रिउ न न न सो कण्ह

किमु ईसरु न न न सु वि नग्गु इहु पुणु अणिमिसिच्छणु ।
 त्रिस-दुसिय-वयणु परणिहु अंगु चउ-वयण-दुमणु ॥
 मयणु अणंगु तावइ रवि रयणीयरु स-कलंकु ।
 इहु पुणु दोस-विवज्जियउ कु-वि नर-रयणु अ-संकु ॥

[११०८]

इय विचित्तिर भणइ नणु मामि

चउराणणि इह वि लहु विसम-वाणु इहु वाहरिज्जउ ।
 तयणंतरु निय-करिहिं इमह पूय-मक्कार किज्जउ ॥
 अह चउराणण विहमिउण भणइ - सुवणु विसमस्सु ।
 आणयणिण सक्कारिण वि किमिह विसम-चाणस्सु ॥

[११०९]

तह-वि मइं पिय-सहिहिं आइहु

कायच्चउं इय भणिर पुरउ गंतु वियसंत-वयणह ।

सविह-द्विय-नहयरह धरणिनाह-हरिनंदि-तणयह ॥

भणइ - अणंग लया-हरह इमह मज्झि तूरंतु ।

आगच्छसु अह खयर-गणु-ईसि ईसि विहसंतु ॥

[१११०]

जच्च-कंचण-पह-सरीरो वि

किमणंगु भणीउ इहु अह सरीर-कारणु किमेयह ।

परिचिहइ किं-पि इय सुयणु तुरिउ त्हं लइय-हरयह ॥

अभंतारि परिखिवसि इहु वाहरिउण अतिहि चि ।

तयणु स-लज्जु समुल्लवइ चउराणण तरुणि चि ॥

[११११]

क-वि नवल्लिय एण्हि इय जाय

सु-वियइदिम तुम्ह इय कणयमाल-कुमरीए वरयह ।

भयवंतह मयणह वि कुणह एम्ब उवहासु एयह ॥

अहवा किं एएहिं सह मह कवोल-वाएण ।

इय सिरिनंदण कयलि-हर-मज्झि एह अइरेण ॥

[१११२]

सु-कय-जोगिण पयडिहूयस्सु

सक्कारु करेवि तुह कणयमाल इह मह वसंसिय ।

मग्गिस्सइ इच्छियह कसु-वि सिद्धि निय-हियय-दंसिय ॥

तुह अणु-पहिण इ नेवि लहु चल्लहुं खयर-कुमार ।

सुयण-समीहिउ कुणहिं कय- गुरयायर-सक्कार ॥

[१११३]

इह सु सत्तुय-मज्झि यय-खंडु

साहामिगु सु ज्जि इहु फलिय-विडवि साहहं निवद्धउ ।
 जं महियल-मिहि-तिलउ पुरिस-रयणु इहु इहुवलद्धउ ॥
 इय चित्तिवि सदाविउण लइय-भवणि सुहयम्मि ।
 तीए सु निउ मिच्छिहिं सहिउ कणयमाल-सविहम्मि ॥

[१११४]

ता खणद्धिण ताल-रघ-पुण्डु

विहसंतिहि नहयरिहि सहिउ कुमरु माहविय-लइयह ।
 अब्भंतरी गयउ अह कणयमाल-कुमरीए सुहयह ॥
 स-करिहिं पवरासणु रइउ तहिं ठाणह पाउग्गु ।
 इयरहं आसण सहियणिण लहु वियरिय जह-जोगु ॥

[१११५]

तयणु नियइण चारु-चरिण

सम्माणिण जोव्वणिण गुण-गणेण वर-रुव-रिद्धिण ।
 तह कुमरीए गहिउ मणु तगु कुमार-रयणह स-वुद्धिण ॥
 जह आराहइ स ज्जि पर सुत्तउ जग्गंतु व्व ।
 सिरि-अवराजिय-कुमर-वरु निय-मणु मग्गंतु व्व ॥

[१११६]

एत्थ-अंतरि करुणु विलवंतु

दह-रज्जु-निजंतियउ विसम-तूरि वज्जंति अग्गइ ।
 अणुमग्गागमिर-वहु- संख-खयरु निरु अभउ मग्गइ ॥
 आगच्छंतउ तिण पहिण कुमरह सविहिं निलीणु ।
 पदमेल्छय-जोव्वणु पुरिसु इणु दीसंतउ दीणु ॥

१११४. ४. क. अब्भंतरी.

१११६. २. मिज्जंतियउ ।

[१११७]

तयणु माहवि-लयह नीहरिचि
 असिधेणुहुं बंध तसु छिदिऊण जंपिउ कुमारिण ।
 अरि भइय दिणु तुह अभउ एत्थ-अंतरि वि अइरिण ॥
 आगय खयर-नरिंद-भड करयल-कय-करवाल ।
 भणहिं य साहिक्खेषु जह सविहागय-खय-काल ॥

[१११८]

अरिरि मेल्लहि इहु दुरायारु
 परखुट्टइ म-न भरहि दुलह पुण-वि एरिस-समिद्धिउ ।
 अहवा इह गरुयहं वि अंतयालि जायहिं कु-बुद्धिउ ॥
 तयणंतरु फुरियाहरिण कुमरिण भणिउ स-रोसु ।
 सीहह मुहु म-न खंडुहिवि दइवह देज्जहु दोसु ॥

[१११९]

दल्लिसु हउं पुणु दप्पु तुम्हाहं
 सयलाहं वि न-उण इहु सरण-पत्तु अप्पेसि कहमवि ।
 ता कन्न पिहेवि लहु तुम्भि जाह निय-ठाणि सयमवि ॥
 अम्हे बहुया एहु इगु इय म-न हियइ धरेज्ज ।
 इहु तुम्भहं वल्लु दल्लिसु हउं तुम्भि वि पुरिस हवेज्ज ॥

[११२०]

एत्थ-अंतरि अंसुमाली वि
 विण्णाय-वइयरु खणिण पत्तु सविहि हरिनंदि-तणयह ।
 तयणंतरु नइयरिहिं भणिउ पुरउ तसु खयर-नाहह ॥
 जह — पहुनहवल्लह-नयर-सामिहि रवितेयस्सु ।
 किरणावलि अभिहाणियह देविहि पाण-पियस्सु ॥

[११२१]

विज्जुवेगय-नामु इहु चोरु

घरि पविसिवि आहरण गहिउ तुरिउ वहि नीहरंतउ ।
 आयणिय-वइयरिहि अणु-पहेण धाविरिहि पत्तउ ॥
 इहु अम्हिहि इय निय-पहुहु आएसेण निवडु ।
 वज्झ-घरहं निज्जंतु पुणु चिट्ठइ मुहड-निरुद्धु ॥

[११२२]

किंतु संपइ लद्धिण पण

कंक्खल्लिउ एहु इय देइ अम्ह नामु वि न पाडिउ ।
 समुवागय इह तुमि वि तुडि-वसेण ता एहु वियारिउ ॥
 एयह मुहडह सन्निहिहि दोसारिहु अम्हाण ।
 अप्पावसु खयरिंद तुहुं पसिउण मग्गंताण ॥

[११२३]

एत्थ-अंतरि ईसि विहसेवि

अवराजिउ वज्जरइ होतु जइ न एहु दोसवंतउ ।
 ता विलविरु करुण-रवु किह-णु मज्झ सरणम्मि एंतउ ॥
 सामिण भेइण दंडिण वि इय छुट्टेइ निरुत्तु ।
 एहुइह अ-खलिय-माण-धणु मह सरणम्मि पहुत्तु ॥

[११२४]

ता जहिच्छिउ खयर-भड तुग्गि

सर-धोरणि-परिमुयह अहव चोर-मग्गणि असग्गहु ।
 हउं एणु वि अज्जु लहु खयर-पहुहु एयहु नियंतहु ॥
 भंजिस्सु तुम्ह समग्गहं वि चिर-पसरिउ वि मरदु ।
 तिप्पउ तुम्ह तणुहि जम्भु वि बहु-जिय-दलण-घरदु ॥

[११२५]

तयणु नहयर रोस-रत्तच्छ

आरोविय-धणुह लहु मुयहिं वाण सम्मूह कुमारह ।
 रयणायर-गहिर-मण- वयण-तणुहु सुर-सिहरि-सारह ॥
 अह लहु कुमरु निवारिउण हय-गय-मुहड-सणाहु ।
 अंमुमालि-खयराहिवह सेन्नु विहिय-सन्नाहु ॥

[११२६]

नियय-भुय-वल-दलिय-दुहंत-

पडिवक्सु खयरहं समुहु होउ लगु तह कह-वि जुज्झिउ ।
 जह नहयर सयल लहु विमुहिहूय सव्वंगु खुम्भित ॥
 जंपंति य जह — नर-रयण खमसु अम्ह अवरद्धु ।
 सरणागय-वच्छलु हवइ सुयणु मुकय-उवलद्धु ॥

[११२७]

एहु न मुणिउ तुज्झ माहप्पु

न य दिट्ठउ भुवणयलि तुज्झ सरिसु अम्हेहिं सु-पुरिसु ।
 ता अ-विणय-विस-तरुहु फल-विवागु हुउ अम्ह एरिसु ॥
 तयणु कुमारिण परिहरिय- समरारंभिण हत्थु ।
 पुट्ठिहिं दिन्नउ नहयरहं अभय-पयाण-पसत्थु ॥

[११२८]

इय निरिक्खवि कुमर-माहप्पु

सिरि-अंमुमालि-प्पमुहु खयर-निवहु हियइ पहिट्ठउ ।
 पडिवक्खिय-वग्गु पुणु पत्त-सामु दिसि-मुहिहि नट्ठउ ॥
 दाविज्जंतउ अंगुलिहिं तरुणिहिं कामिज्जंतु ।
 पिज्जंतउ नयणंजलिहिं सुयणिहिं सलहिज्जंतु ॥

[११२९]

खयर-पहु-कय-गरुय-वित्थरिण

मुहि-सज्जण-परियरिउ जणिय-भुवण-आणंद-वित्थरु ।
 परिपठिर-मागइ-निवहु दिण्ण-अभय-मोयविय-तक्करु ॥
 कुमरु पहुत्तउ धवल-हरि इयरि वि खयर-कुमार ।
 परिचिट्ठहि तसु सन्निहिहि चइय-नियय वावार ॥

[११३०]

ता विसज्जिय-सेस-परिवारु

निय-सार-परियण-सहिउ धवलहरय-अवलोयण-ट्टिउ ।
 परिचितइ कुमर-वरु बहु-वियप्पु अणिमेस-दिट्ठिउ ॥
 किं जीवंतइ आविहइ कह-वि पुणु-वि सो कालु ।
 जहि पिच्छेस्सहुं वालियइ तहि मुह-कमलु विसालु ॥

[११३१]

एत्थ-अंतरि अत्थ-सिहरिम्मि

अवइण्णउ सहस-करु सह कुमार-मुक्खाणुवंधेण ।
 अणुरत्त य अवर दिसि हरिण-नयणि सह कुमर-बुद्धिण ॥
 उच्छलियउ पुणु तम-नियरु सह तसु संतावेण ।
 पत्तावसरु समुग्गयउ ससि सह रणरणण ॥

[११३२]

तयणु अवगय-कुमर-भावेहि

वियसंत-मुह-यंकइहि भणिउ सविह-गय-खयर-कुमरिहि ।
 किमु स्नायसि जोगिउ व पुरिस-रयण अणिमिसिहि नयणिहि ॥
 कुमरु पयंपइ - सिद्धि इउं स्नायहुं निय-कज्जस्सु ।
 अह अ-मुणिय-तत्त व खयर जंपहि - केरिस तस्सु ॥

[११३३]

कुमरु पमणइ - कणयमाल्लसु
 अह खयरिण क्किण-वि निय रयण-माल कंठह गहिप्पिणु ।
 इह समहिय नणु कणय- मालयह वि धुवु इय भणेप्पिणु ॥
 वियरिय करि अवराजियह तयणु तेण संलत्तु ।
 नणु हविहइ जइ इयर-भवि एह तसु सरिस निरुत्तु ॥

[११३४]

तयणु खयरेण कणय-माला वि
 आणेप्पिणु भणित - नणु नियह नियह केवइडु-अंतरु ।
 मणि-कंचण-मालयहं अवगणेइ जइ धरणि-गोयरु ॥
 मह मणि-माल अ-मुल्ल एह लुद्ध कणय-मालाए ।
 ता टिविडंकि-य-मुहु कुमरु भणइ आल-जालाए ॥

[११३५]

किमिह कीरइ हंत एईए
 जं सुवण-सुहावहिय अवर का-वि सा कणयमाल्लिय ।
 अह नहयर भणहिं - नणु कत्थ अत्थि सा गुण-विसाल्लिय ॥
 कुमरु पयंपइ - मह हियइ इयर भणहिं - जइ एउ ।
 ता किह उरयलि तुम्ह नियहुं अम्हि स जय-सुह-हेउ ॥

[११३६]

दइय-विरडिण विहुर-हियओ वि
 अह ईसि विहसिवि कुमरु भणइ - तुब्भि धुवु हंत अंधल ।
 तिण न नियह मह हियय- ठिय वि एह सुह-दाण-पच्चल ॥
 इय अवराजिय-कुमर-वरु कणयमाल-विसयाहिं ।
 सुहु पावंतउ गमइ निसि नाणा-विहहिं कडाहिं ॥

इओ य ।

[११३७]

दिद्व-निमुणिय-कुमर-माहप्प-

सविसेस-समुल्लसिय- गरुय-राय-सव्वंग-विहुरिय ।
 कह-काहमवि कणगह गइय नियय-धवलहरि कुमरिय ॥
 ता अत्थमियइ सहस-करि रयणि-रमणि उदियम्मि ।
 सव्वविक्हि विरहाउरिहि निसियर-कुलि मुइयम्मि ॥

[११३८]

अह कइयहं पुणु-वि पेक्खेसु

तमु मुहयइ मुह-कमलु कह-व मुइरु तमु हियइ विलसिमु ।
 किह पांविमु सु ज्जि वरु किह-णु किह-णु तमु चित्तु रंजिमु ॥
 कइयइ रमिहइ समगु मइं पिउ पयडिय-अणुराउ ।
 अहव अहन्नइ मह किह-णु इहु सु-कयहं अणुहाउ ॥

[११३९]

अरि निभग्गिय हउं जि संसारि

जं पत्तु वि तुडि-वसिण भुवण-अदिय-निय-पुण्ण-पगरिमु ।
 तिण तारिस-वइयरिण उत्तरीउ इत्थइ सु तारिमु ॥
 अहव अकारण-वच्छलिण विहिण अहन्न-घरम्मि ।
 चिंतामणि पट्टविओ वि वच्चइ अन्नयरम्मि ॥

[११४०]

इय परंपिर वियल-वावार

खणु उट्ठइ खणु सुयइ लुलइ महिहिं खणु खणु पणच्चइ ।
 गायइ खणु खणु हसइ खणु वहिम्मि अ-निमित्तु वच्चइ ॥
 इय दुल्लंभइ माणुसइ तमु रेसिहिं सा वाल ।
 कह कह नडइ न अप्पु लहु नं सविहिय-खय-काल ॥

[११४१]

इय वियाणिय-उभय-नुत्तु .

खयराहिवु तुट्ट-मणु वित्थरेण धरणियल-सारह ।
 हरिनंदि-नरिंद-कुल- गयण-ससिहि स-हरिमु कुमारह ॥
 कणयमाल वियरइ तयणु केत्तियइं वि दियहाणि ।
 तीए सह सेवइ कुमरु निरुवम-विसय-मुहाणि ॥

[११४२]

तहुवसाइ विविह-विज्जाउ

मुहि-सज्जण तूसवइ ललइ सयल-गिरि-काणणाइमु ।
 मुस्सुसइ मु-गुरु-पय जयइ सययमवि इयर-अत्थिमु ॥
 उचिय-किरिय-पवित्ति-परु पगइ-अदीण-सहावु ।
 अ-ददाणुसउ कयण्णुयउ अ-विहिय-पर-संतावु ॥

[११४३]

देव-मुणिवर-विहिय-वहु-माणु

रयणायर-गहिर-मण- पसरु सहल-आरंभु मुहयरु ।
 वंदंतउ जिण-वरइ विव हरिस-रोमंच-मणहरु ॥
 निय-जस-धवलिय-सयल-दिसि मुयण-मणेसु वसंतु ।
 चिट्ठइ दोगुंदुग-सुरु व गउ वि कालु अ-मुणंतु ॥

[११४४]

अवर-अवसरि विहि-निओएण

आकंपिय सयल महि विरस-सरिण धडहडिउ गिरि-वरु ।
 अंधारिउ गयणयलु जलिउ लग्गु दह-दिहिहिं अंतरु ॥
 दियहि वि पविसहिं वसिमि वण- सावय परिधावेउ ।
 भग्ग-मुक्क-तरु-सिहर-ठिय वायस विरमु रसेउ ॥

[११४३]

जलिर-पुच्छय गलिर-उच्छाह

हुय सिंधुर वसह हय रुहिर-वरिसु गयणह निवडियउ ।
 सिव-सह समुल्लसहिं केउ-सहसु गयणम्मि फुरियउ ॥
 निसियर नच्चहिं किलकिलहिं झुय साइणि वेयाल ।
 नहयर-वग्ग [विवग्गहिं य ?] परिसुइय-खय-काल ॥

[११४६]

तयणु पसरिय-गरुय-आयंकु

नीसेसु वि खयर-जणु दुष्मिन्त-कारणु निहालइ ।
 अह चारण-समणु इणु अंसुमालि-सविहम्मि साइइ ॥
 विज्जा-साहण-वाउलह फुरिय-कित्ति-पसरस्सु ।
 सीलालंकिय-तणु दइय खयरह रवितेयस्सु ॥

[११४७]

हरिय विलविर रुव-लुद्धेण

मयणाउर-माणसिण कामरुवि-नामेण खयरिण ।
 ता मुद्ध अणिच्छिर वि हट्ठिण भोत्तु आदत्त पाविण ॥
 अवहि-ण्णाणिण मुणिवि इहु सयलु वि धरणिदेण ।
 नणु अइरिण लंघिय किह-णु मह मज्जाय इमेण ॥

[११४८]

जमिह खयरहं सिद्धि-कालम्मि

नमि-विणमिहिं पुरउ मइं आसि विहिय मज्जाय स-मुट्ठिण ।
 जह हरिय वि पर-रमणि हट्ठिण नेव भोत्तव्व खयरिण ॥
 ता सच्चेसि वि नहयरहं करिसु समणु संहारु ।
 इय चित्तंतिण सयलु इहु किउ अ-निमित्त-पयारु ॥

[११४९]

ता खणद्धिण सुहिल खयरिंदु

विज्जाहर निरु डरिय नियहिं वयण अन्नुन्नु कळणिउ ।
 एत्थंतरि सुर-सिद्धरि- थिर-भणेण कुमरेण पण्णिउ ॥
 नणु भय-वेविर तुम्भि इह किह च्छिद्धह सच्चे वि ।
 कि न उवसामह इहु अ-स्सिवु जिण-विंवइं भूएवि ॥

[११५०]

जमिह जिज्जहिं समल उवसमा

परिच्छिज्जहिं विग्घ-लय हवहिं हियय-वंछिय-समिद्धिउ ।
 उवल-भहिं सयल सुह उल्लसंति ससि-विमल-बुद्धिउ ॥
 त्तियसामुर-नर-खयर-गण- धुणिय-चलण-जुयल्लिहिं ।
 पुज्जिज्जंतिहिं जिण-वरिहिं निक्कारण-सरणेहिं ॥

[११५१]

अहह सुंदरु भणिउ नर-रयण

तइं अवरु-कु परिसउं अमय-भहुरु जंपेइ ज्ञाणइ ।
 इय जंपिरु भइयरहं वग्गु सयल्लु सहस-त्ति आणइ ॥
 कुसुमाहरण-विलेवणइं जिण-विंवहं पाउग्गु ।
 सिद्धाययणि स-परियणु वि तयणंतरु जह-जोग्गु ॥

[११५२]

पूय विरइवि जिणवरिंदाण

तक्कालामइण सह अमियगइण चारण-मुत्तिंदिण ।
 धरणिंदु-वणम्मि धरि खयर-वग्गु ठिउ काउसग्गिण ॥
 सु-विसेसिण जिण-मुत्तिवरहं पय-पउमइं सुमरेवि ।
 अवराजिउ उस्सग्गि ठिउ मणि धरणिंदु धरेवि ॥

[११५३]

चलिय-आसणु तयणु धरणिदु

संपत्तु सिद्धाययणि भणइ पुरउ संप्रह नमेविणु ।
 भयवंतिण अणुगहिउ हउं किमित्थ संघिण सरेविणु ॥
 अह अवराजिय-कुमर-सिरि-अंसुमालि-पमुहेण ।
 धरणिदह सम्मुहु भणिउ भयवंतिण संवेण ॥

[११५४]

कामरूविण खयर-अहमेण

अम्हाण समायरिउ एगु एहु अवराहु मरिसिवि ।
 उवसामसु असिव-भरु खयर-उवरि कारुणु दंसिवि ॥
 पाइण दु-वियायउं हवइ सव्वत्थ-वि न दु-माय ।
 हवहिं सहाविण पणय-पिय अहवुत्तिम सुर-राय ॥

[११५५]

इय सुणेविणु संप-वयणाइं

उवसामिवि असिव-भरु नमिवि अमियगइ-साहु-चलणिहिं ।
 अवराजिय-कुमरह वि गुण थुणेवि साणंद-वयणिहिं ॥
 संपु वि सयलु थुणेवि निय- ठाणि गयउ धरणिदु ।
 ता सयलु वि नइयर-निवहु विम्हिय-मुह-अरविदु ॥

[११५६]

भणइ पणमिवि अमियगइ-साहु-

पय-पंकय भत्ति-भरु जह - मुणिंद साहसु पसोउण ।
 धरणिदणि किह इयरु खयर-वग्गु सयलु वि विमुत्तण ॥
 थुणिउ स-तोसिण गुण-निवहु अवराजिय-कुमरस्सु ।
 तयणु मुणिदिण भणिय - नणु गुरु-वइयरु पयस्सु ॥

[११५७]

जमिह एत्य वि भरह-खेत्तम्मि

सिरि-वारवइहि पुरिहिं समुदविजय-नरनाह-नंदणु ।
 हरि-वंसह जस-कलसु ति-जय-ओय-आणंद-संदणु ॥
 वावीसइसु जिणाहिवइ उसह-चउव्वीसाए ।
 इविहइ सामिउ नेमि-जिणु महिहि सु-कय-आसाए ॥

[११५८]

विमलवोहु वि सच्चिव-अंगरुहु

सिरि-नेमिनाह जिणह तणउ सीसु गण-हारि इविहइ ।
 तयणंतरु स-परियणु अंसुमालि नहयरहं अहिवइ ॥
 पुणु पुणु अवराजिय-कुमर- गुण-गणु मणि सुमरंतु ।
 भणइ रइय-कर-कोसु कय- किच्चु अप्पु मन्नंतु ॥

[११५९]

भयवमसरिस-सुकय-रासिस्सु

हरिनंदि-नरवइ-सुयह उभय-ओय-जय-जंतु-सुहयह ।
 अवराजिय-नामयह इमह सयल-गुण-पुरिस-रयणह ॥
 रज्ज-धुरंधरु अंगरुहु किमिह कणयमालस्सु ।
 इविहइ कु-वि अहवन्नयह सुकयवइहि दइयस्सु ॥

[११६०]

तयणु चारण-मुणि भणइ - नेय

खयरिंद तुह कन्नयह न-वि य इयरह वि खयर-दुहियह ।
 इविहइ कु-वि रज्ज-धरु तणउ किंतु सोहग्ग-निलयह ॥
 पुब्ब-जम्म-संतइ-निविड- सुव्वडिय-पडिंवधस्सु ।
 तरुणी-रयणह पीइमइ- अभिहाणिण पयडस्सु ॥

[११६१]

अह बिसेसिण भणइ खयरिंदु
 नणु मुणिवर मह कहसु तीए पीइमइ-वाम-नयणह ।
 बुचंतु लेसिण तयण मुणि भणेइ जह - वसुह-वलयह ॥
 मंडणि तिन्त्र-पयाव-निव- पयडिय-सोह-समिद्धि ।
 सिरि-आणंदपुरु त्ति अ-वितह-अभिहाण-पसिद्धि ॥

[११६२]

साहु-वसहु व गय-अलंकार
 धण-संदणु पाउसु व दुसह-सूरु सारइय-कालु व ।
 मुर-सरि व पवाह-सिरि रायहंस-कय-सेवु गयणु व ॥
 इय बहु-हय-गय-सुहड-रह- चउविह-सेन्न-समिद्धु ।
 आसि वसुंधर-नाहु सिरि-जियसत्तु त्ति पसिद्धु ॥

[११६३]

तस्सु हिमगिरि-धर व परभहिम
 ससि-रेह व विमल-पह रयण-निहि व बहु-संख-सुत्तिय ।
 रोहण-गिरि-वसुमइ व विमल-रयण-गुरु-देव-भत्तिय ॥
 सारय-रयणीयर-किरण- निम्मल-गुणहं निहाण ।
 धारिणि-नामिय आसि पिय अंतेउरह पहाण ॥

[११६४]

तेसि अणहुय-पुव्व-विरहाहं
 भुंजंतहं विसय-सुहु असम-सुमिण-सुइय-समाणिय ।
 चविऊणं रयणवइ- तियसु धुय हुय बुह-वखाणिय ॥
 तयणंतरु पत्तावसरु निवइण दिण-सुद्धीए ।
 पीइमइ त्ति विइणु तसु नामु गरुय-रिद्धिण ॥

[११६५]

तच्छु मंदार-कण्ठ-लहय च

निव्विग्घिण अहरिण वि पंच-विहहिं धाईहिं लल्लिय ।

सह अ-सरिस-गुण-गणिण पत्त पढमि तारुणि वाळिय ॥

न-उण समाण-वयहिं सहिहिं भणिय वि भव सुहयसु ।

अणुसज्जइ सा पीइमइ कहमवि विसय-कहासु ॥

[११६६]

अवर-अवसरि धरणि-हरिणकु

रहि धारिणि-पिययमहं भणिउ - देव नणु पत्त-कालिय ।

वीवाइ-महूसवइ उचिय-वरिण सह तुम्ह वाळिय ॥

जं मन्नहुं तियस वि कुमरि- संग-तण्ड-अभिभूय ।

अवलोयण-परमोसहिण अणिमिस-लोयण हूय ॥

[११६७]

अवि य वुज्झइ रयणमाल च

सा हियइण सज्जणिहि जणइ हरिसु मंदार-लहय व ।

परिवड्ढइ कलहिं सिय- पक्खि निच्चु रयणियर-रेइ व ॥

जसु सव्वंगिय-रुव-सिरि- अवलोयण-तल्लिच्छ ।

अणिमिस-लोयण-कमल-हुय मणुय वि तियस-सरिच्छ ॥

[११६८]

इय स-दइयह वयणु निमुणेवि

वसुहाडिबु पीइमइ- कुमरि-पुरउ वज्जरइ सत्थक्क ।

जह - वच्छि वरेसु वरु को-वि तयणु कुमरि वि अ-कायर ॥

अ-छइलु पिउ पोढंगणहं सामिउ मुक्खु बुढाण ।

चाईण य दारि इय तिन्नि वि मूळ दुहाण ॥

[११६९]

इय विचिंतिर भणइ - नणु ताय
 परिवाग-दारुण विसय भवि इवन्ति जीवहं सहाविण ।
 अवियद्धिण माणुसिण सह उ दुहइं वियरवि विसेसिण ॥
 इय अ-दिहु विस-कंटगु व गरुय-दुहउ विसयइहु ।
 सिंग-विज्जिउ दु-पउ पमु चइयव्वउ अवियइहु ॥

[११७०]

इय वहत्तरि-कल-वियारेण
 जो तुम्हइं पयडु मइं जिणइ मज्झ सु जि देज्ज पिययमु ।
 इयरह किमणत्थ-फल- विसय-सुहिण ता लेसु संजमु ॥
 इय निसुणिवि धूयह वयणु निवु परितुट्ठ मणेण ।
 सहावइ सचिव-प्पवरु स-निउत्तेहिं खणेण ॥

[११७१]

ता नराहिबु धूय-वुत्तंतु
 सचिविंदह कइइ अह तेण भणिउ - नणु देव जइ इहु ।
 ता गरुयर-वित्थरिण विजिय-तियस-गिह-सोहु इह लहु ॥
 काउ सयंवर-मंडवउ सहावहु जय-सार ।
 निरुवम-कित्ति-पयाव-भर सयलि वि निवइ-कुमार ॥

[११७२]

अह सयंवर-मंडवु करेवि
 स-निउत्तय-माणविहिं उचिय-उचिय-निय-लेह पेसिवि ।
 सन्वेसि वि निव-मुवहं पीइमइहि वइयरु पयासिवि ॥
 सहाविय जियसत्तु-नरनाहिण तियस-विसेसु ।
 परिसीलिवि ससि-निम्मलहं कलहं कलावु अ-सेसु ॥

[११७३]

अमिय-संख्य-चार-चउरंग

बल-पूरिय-धर तरुण विहिय-अंग-सिंगार सुंदर ।
 आणंदपुरि पत्त अह निविण तेसि आवास मणहर ॥
 नियय-निउत्तय-माणविहिं वियराविय जह-जोगु ।
 कमिण पहुत्तउ पीइमइ- कुमरि-विवाहह लगु ॥

[११७४]

अह अणुक्कसु वियरियादेसु

सव्वेसि वि निव-सुयहं आसणेसु वसुहाहिराइण ।
 उवविट्ट नरिंद-सुय सव्वि तयणु अविलंव-जोइण ॥
 नाणा-विह-सहियण-सहिय करयल-कय-वरमाल ।
 कय-असरिस-सिंगार जियसत्तु-नरिंदह बाल ॥

[११७५]

लहु सयंवर-मंडवह मज्झि

निय-दंसण-मेत्तिण वि निवइ-सुयहं सयलहं वि हिययइं ।
 खोईती पत्त अह अंव-धाइ तह नाम-गोयइं ॥
 कमिण निवेयइ कुमरियहि न-उण कहिं-चि वि एय ।
 दिट्ठि वि खिवइ निवंगरुहि सुर-गिरि-गरुय-विवेय ॥

[११७६]

तयणु कंचुगि भणइ - नणु कुमरि

सव्वे वि निवंगरुह संति एत्थ मिलिऊण आगय ।
 इय फेडसु पुच्छिऊण कलहं विसइ निय-हियय-संसय ॥
 एत्थंतरि महुरक्खरिहिं कुमरिहिं ईसि हसेवि ।
 लज्ज-वसिण मुहु महियलहं सम्मुहु विणिवेसेवि ॥

[११७७]

तत्क-लक्षण-गणिय-साहिच-

सिद्धतहं सयलहं वि कलहं विसइ परमत्थु पुच्छिय ।
 सच्चे वि अ-मुणंत पुणु गुरु-विसाय-विणिमीलियच्छिय ॥
 सयलंगुम्भव-सेय-जल- धारुल्लिय-नेवत्थ ।
 चिट्ठहिं धगवगिय-हियय गरुय-खेय-पडिहत्थ ॥

[११७८]

एत्थ-अंतरि गुरु-विसायस्सु

जियसत्तु-नराहिचह पुरउ सार-परियण-समेयह ।
 कुलएवि जंपइ - अहह कोवयासु निवु तुह विसायह ॥
 जम्हा सिरि-हरिनेदि-निव- कुल-मंदिर-सिरि-केउ ॥
 हविहइ अवराजिउ दइउ तुह धूयह सुह-हेउ ॥

[११७९]

तयणु निवइण अ-कय-विवखेवु

तहिं पेसिय पवर-नर ते वि नयरि हरिनेदि-रायह ।
 जा गच्छंहिं ता नियहिं नयर-लोउ गउ गुरु-विसायह ॥
 तयणंतरु विक्खुहिय-मण किं इहु इय चिंतंत ।
 मुणहिं कुमर-अवहार-विहि निवइ-पुरउ पुच्छंत ॥

[११८०]

ता विसेसिण कुरिय-संताव

जियसत्तु-नराहिवह पुरउ गंतु कह-कह-वि साहहिं ।
 जह - नाह हरिनेदि-भिषु स-गुर-जणु वि अइ-गरुय-वाहहिं ॥
 विहुरिय-भण-तणु-जीम्विउ वि चिट्ठइ कह-वि धरंतु ।
 गिरि-अवराजिय-कुमरभाय- निरुवम-गुण सुमरंतु ॥

[११८१]

जओ—

महु-महूसव-समइ चउरंग-

वल-पूरिय-धरणियल नियय-गरिम-परिविजिय-सुर-गिरि ।
 अवराजिय-कुमर किल आसि गयउ वणि तयणु महु-सिरि ॥
 पेक्खंतो वि तुरंगमिहि हरिउण मित्त-समेउ ।
 खिविउ कह-वि हरिनंदि-निव-कुल-मंदिर-सिरि-केउ ॥

[११८२]

अह नराहिवु मंति-सामंत-

सत्थाह-सेट्ठिहि सहिउ कह कहं न परियडिउ वसुहहं ।
 अ-लहंतउ पुणु सुयह सुद्धि-मेत्तमवि अज्जु स-सहहं ॥
 निमुयउ अम्हिहि स दइउ वि निवु मंतणउं कुणंतु ।
 जह - अवराजिय-कुमर-विणु अम्ह जिण पज्जत्तु ॥

[११८३]

इय न जइ लहु कुमर कत्तो वि

आगंतुण ताहं मणु संठवेइ ता अज्जु नित्तुलु ।
 हरिनंद स-दइउ गुरु- जणिण सहिउ स-पइण-पच्चलु ॥
 कय-अंतिम-कायव्व-विहि निवडेविणु वि हवविक ।
 अत्तिहि कयंतह होइसइ देव म अवरु वियविक ॥

[११८४]

तयणु - धिसि धिसि किमु अ-संवद्धु

इहि जंपहि इय मणिण चितयंत पीइमइ वालिय ।
 लहु निवडिय धरणियलि गरुय-दुक्ख-हुयवह-करालिय ॥
 सिरि-जियसत्तु-नराहिवु वि सयल-सार-परिवार ।
 अवराजिय-वइयरु सुणिवि हुउ परिगलिय-वियारु ॥

[११८५]

एत्थ-अंतरि - अहह मह जम्मु

धिसि विलसिउ हइय सिरि किमु इमेण गरुइण पयाविण ।
 जं चिट्ठहिं मह जणणि- जणय गहिय-सव्वंग-ताविण ॥
 इय चित्तिरु चारण-मुणिहिं पय-पउमइं पणमेवि ।
 अंसुमालि-खयराहिबु, वि लहु अणुजाणावेवि ॥

[११८६]

विविह-नहयर-विहिय-पय-सेबु

नव-परिणिय-गहिय-पिउ समग-चलिय-बहु-खयर-परियणु ।
 फुट्टु गहिर-पढंत-बहु- वंदि-सइ-पूरिय-नहंगणु ॥
 स-निउत्तय-नहयर-रइय- पवर-विमाणि चडेउ ।
 अवराजिउ आणंदपुर- उवरि नियय-कुल-केउ ॥

[११८७]

पत्तु ता जियसत्तु-नामेण

नीसेस-नायर-जुइण गरुय-चोउज-विम्हइय-हियइण ।
 नणु सुर-गणु को-वि इहु इय स-तोमु पफुल्ल-नयणिण ॥
 धूव-कडच्छुय-करयलिण परिहिय-सिय-वत्थेण ।
 उप्पाडिय-कुसुमंजलिण स-हरिसु भणिउ निवेण ॥

[११८८]

जक्खु किन्नरु सिद्ध गंधर्वु

सुरु असुरु व नहयरु व नियय-पउर-परिवार-कलियउ ।
 जो कु-वि सु स-परियणह मज्झ अगव-गिण्हणिण पसियउ ॥
 तइ अवराजिय-कुमर-वर- संपायणिण तुरंतु ।
 मह धूयहं तसु जणयहं वि कुणउ पसाउ महंतु ॥

[११८९]

तयणु जणणी-जणय-वुत्तंत-

आयण्णिण दुक्खिउ वि ईसि हसिरु हरिनंदि-नंदणु ।
 गयणयलह अवयरिउ मागहेण ता निवइ-रंजणु ॥
 पढिउ फुडक्खरु जह - जयउ गरुय-परक्कम-सारु ।
 अवराजिय-नामिण पयडु इहु हरिनंदि-कुमारु ॥

[११९०]

तयणु अ-सरिस-हरिस-पसरंत-

पुलयंचिय-सयल-तणु नियय-सार-परियण-समन्निउ ।
 तं मागह-जण-वयणु परम-तत्तु एहु त्ति मन्निउ ॥
 ज ज्जि गवेसहं वेल्लडो स ज्जि विलग्गी पाइ ।
 इय चितंतु नराहिवइ कह-वि न माइ न ठाइ ॥

[११९१]

तह विसप्पिर गरुय-मुच्छा वि

अवराजिय-नर-रयण- नाम-सवण-अमएण सत्तिथ ।
 परिवियलिय-मुच्छ-दुह कुमरि पीइमइ झत्ति उट्ठिय ॥
 जाव निरिक्खइ विहसिरह कुमरह मुहु ससि-चंगु ।
 ता दइयरु कुसुमाउहिण सा विहुरिय सव्वंगु ॥

[११९२]

तयणु सचिविण सुमइ-नामेण

निय-कुमरिहि मणु मुणिवि वंदि-वयण-विण्णाय-तत्तिण ।
 अवराजिय-कुमर-वर- पुरउ भणिउ निय-वयण-सत्तिण ॥
 जह - नर-रयण कुमारियह कल-कोसल्लु निएवि ।
 करिसु पसाउ महायरिण पाणि-ग्गहणु करेवि ॥

[११९३]

अह — तियहं सहं कल-वियारेण
 का गरिम महायसहं नहि लछेइ हरिणीहिं सह करि ।
 परि पगइहिं तुच्छ तिय इय इमीए णयम्मि अवसरि ॥
 जइ हउं दएपु न उद्धरहुं ता नहवइयह (अ)वस्सु ।
 बज्जेइ य अवजस-पडहु सयल-पुरिस-वग्गस्सु ॥

[११९४]

इय विचितिरु सयल-निव-मुइहिं
 परियरियह नरवइहि पयडु पीइमइ सविह-संठिय ।
 अवराजिय-नर-मणिण पढमु सह-विसयम्मि पुट्टिय ॥
 ता विसमाउह-धीवरह सर-सल्लिय-सव्वंग ।
 पडिउत्तर अ-मुणंत ठिय मोणिण चवल-अवंग ॥

[११९५]

अह कुमारिण अन्न-अन्नम्मि
 विसयम्मि पुच्छिय कुमरि न-उण किं-पि उत्तर पयच्छइ ।
 ता स-सहिहिं बहु-विहिहिं हसिय संत पीइमइ जंपइ ॥
 अज्जउत्त हउं तुह पुरउ ताव न किं-पि मुणेमि ।
 तह-वि हु पुच्छेऊण किं-वि तुह गुण उवजोवेमि ॥

जहा —

[११९६]

विणहु सेउ वि जिण-विसेसो वि
 आभासइ नणु धरणिनाहु रुद्ध किं देइ चोरहं ।
 निय-गरिमहं कुव मल्लिवि माणुस-सुर-नर-खयर-कुमरहं ॥
 सिजिर-भमरावलि-कुसुम कंठि खिवाविवि माल ।
 परिणोसइ नर-नायगह सिरि-जियसत्तुहु वाल ॥

[११९७]

ईसि बिहसिवि नियय-अभिहाणु

पडिउत्तरु कुमरियहि कहिवि भणइ साणंदु कुमरु वि ।
 नणु ससि-मुहि पीइमइ मह वि पणहु फोडसु अ-सारु वि ॥
 जं निसुणिउ मई आसि तुह सयल-कलहं कोसल्लु ।
 इय दायवु अवस्सु तइं मह पुच्छइ पडिबुल्ल ॥

[११९८]

तहा हि --

धन्नु को वि हु रिउ वि कीलणु वि
 परिपुच्छइ रमइ कहि लोउ का व कामिणिहि सुंदर ।
 आयाणु परितप्पणु वि के व निसुय धाऊ पर्यपिर ॥
 तुट्ठि स्सिरि पडिसेहयर भणहि क जगु वि निपइ ।
 मयणु भणइ केरिसिय क व तरुणहं हियउं हरेइ ॥

[११९९]

तयणु खणु इगु कुमर-संभासु

खणु तस्सु सरीर-सिरि खणु कलाहं सयलहं वियइदिम ।
 खणु चंगिम मुह-ससिहि खणु कुमार-चरियाहं वइदिम ॥
 खणु गहिरिम पणहुत्तरह तसु वालिय चिंतंत ।
 थक्क पसारिय-नयण न य कस्सु वि पारि पडुत्त ॥

[१२००]

खलिर-मुललिय-थोव-सविलास-

महुरक्खर-मालियहि किं-पि किं-पि अह कह-वि जंपइ ।
 तियसामुर-खयर-बुह- रयण-जाइ उत्तरु वि संपइ ॥
 पयडसु निय-पणहुत्तरह अह विहसंतु कुमार ।
 साहइ सिखल-जाइ तह निय-पणहुत्तर-सारु ॥

‘परमेहला पीडमइ’ चि ॥

[१२०१]

इय विचित्तहिं वयण-रयणहिं

आणंदिवि निवइ-मणु माणु दलिवि पडिवविस्-कुमरहं ।
परिणिज्जिवि पीडमइ जणिवि चोज्जु निरु विवुह-विसरहं ॥
धवलिवि महि-मंडलु जसिण सविहि पहुत्तइ लग्गि ।
किज्जंतइ हिय-इच्छियइ पणइयणहं जह-जोग्गि ॥

[१२०२]

कुमर-रयणिण पीडमइ-कन्न

वीवाहिय वित्थरिण तह कंहं-चि जह लहु अ-सेसहं ।
वद्धावण-तूर-रवु हरिस-भरु वि पसरियउ वमुहहं ॥
गरुयाणंदिण वित्थरिय कुमरि-जणय-जणणीउ ।
असरिस-पसरिय-तोस-भर विलसहिं पुर-तरुणीउ ॥

[१२०३]

तयणु चच्चरि तिगि चउक्कम्मि

पुर-रच्छहिं कूव-सर- सरिय-तीर-धरणियल-सिहरिहि ।
उद्धीकय-कट्ट-लहु- कय-निवेस-वहु-मंच-विवरिहिं ॥
घर-अवलोयण-जिणभवण- पायारुवरि निविट्ठ ।
नयण-पहागइ नव-मिहुणि तहिं तरुणियण पहिट्ठ ॥

[१२०४]

भइणि अगलु सुयसु जिह हउं वि

नव-परिणिय-पीडमइ- पियह असम-सोहग्ग-मारह ।
अवलोयहुं मुह-कमलु अकय-तवहं दुल्लहह कुमारह ॥
अवर भणइ - हलि हेल्लडी कि तुह एत्तिउ सोडु ।
एयह मिहुणह जोयणइ अम्हाहं वि कि न कोडु ॥

[१२०५]

अवर पेच्छिर कुमर-लायणु

कुमुमाउह-हय-हियय खिवइ गहिवि कन्नम्मि नेउरु ।
 सुय-बुद्धिहिं करयलिण कडियडम्मि संठवइ वानरु ॥
 अगहिय-कंचुग-उत्तरिय क-वि पुणु नीवी-हत्थ ।
 नियइ कुमार-मुहंवरुहु जुव-चुज्जयर-अवत्थ ॥

[१२०६]

का-वि कन्नहं कुणइ कंडुयणु

पयडीहुय-सिहिण-जुय अवर उत्तरिय-मित्त-अंवर ।
 धावंत सबडंमुहिय हासवेइ सयल वि वसुंधर ॥
 कुमरु वि अणुरायाउरहं तरुणिहिं चरिय नियंतु ।
 ससहर-उदइ स-भारिउ वि वास-भवणि संपत्तु ॥

[१२०७]

तयणु आइम-जम्म-संबंध-

पसरंत-रायाउरिण समगु पीइमइ-तरुणि-रयणिण ।
 परिकीलिवि बहु-विहिहिं पत्त-कालु सह स-परिवारिण ॥
 अणुजाणाविवि कह-कह-वि सिरि-जियसत्तु-महिंदु ।
 निय-पुर-गमणिण तोसवइ सिरि-हरिनंदि-नरिंदु ॥

[१२०८]

ता नरिंदिण सुणिय-वइयरिण

वद्धावणु आयरिण जणिय-चुज्जु कारविउ वसुहइ ।
 अह गरुयरु वित्थरिउ हियइ हरिसु सुहि-सयण-विवुहइ ॥
 अह तहिं कोसल-निव-दुहिय कणयस्सिरि संपत्त ।
 रंभ वि सिरिमंदिर-नयर- पहु-निव-धूव पहुत्त ॥

[१२०९]

कमिण चविउण तियस-भवणाउ

मार्हिदह चवलगइ- मणगइ त्ति ते पुव्व-सोयर ।
 तसु वंभव इह वि हुय सूर-सोम-अभिहाण मणहर ॥
 अवरम्मि उ अवसरि निवह अत्थाणुवविट्ठस्सु ।
 पुरउ भणिउ उज्जाणिइण उद्धाविय-हिअवस्सु ॥

[१२१०]

जमिह सामिय अज्जु उज्जाणि

मुणि-महुयर-विहिय-पय- पउम-सेव वर-नाण-दिणयर ।
 मुसुमूरिय-तम-तिमिरु भविय-जंतु-संताण-सुदयर ॥
 दस-पयार-मुणिवर-किरिय- परिवालण-गय-चित्तु ।
 विमलवोह-अभिहाणु गुरु आइउ चारु-चरित्तु ॥

[१२११]

अह समुस्सिय-वहल-रोमंचु

अवराजिय-जुव-निवइ सूर-सोम-सुय-रयण-पम्भुहिण ।
 सामंत-अमरुच-वणि- वरिण जणिय-निय-निय-समिद्धिण ॥
 सयलंतेउर-परियरिउ निय-परिवार-समेउ ।
 आगंतु वि वंदइ गुरुहुं पय-पउमइ पणमेउ ॥

[१२१२]

अह जहारिहु धरणि-नाहम्मि

उचियासणि संठियइ विमलवोह-मुणिवरु स-वित्थरु ।
 परिसाहइ जह — अहह भवु पलित्त-गेहु व अ सुंदरु ॥
 काइय-वाइय-माणसिय- दुह-लक्खहं य निहाणु ।
 न खमउ खणु वि विवेइयइं एत्थ पमाय-विहाणु ॥

[१२१३]

दुल्लहु माणुस-जम्मु वर-लोय-

परिसादणु तहिं पवरु विसय-सुक्ख परिणाम-दारुण ।
 परि चंचलु जीविउ वि दइय-संग-सुह विरह-कारण ॥
 ता संसार-पलीवणय- विज्झावणि जइयव्वु ।
 तं पुणु जइ परि धम्म-वर- मेहिण उवसमियव्वु ॥

[१२१४]

तत्थ अहिगमियव्वु सिद्धंतु

निसियव्वउ मणि सु-शुरु झाइयव्व असरणय-भावण ।
 चइयव्व य संत-जण- संगई वि दुल्लय-निवारण ॥
 भवियव्वउं आणा-परिहिं कायव्वउं पणिहाणु ।
 रक्खेयव्वउं आयरिण जिण-पवयण-अरमाणु ॥

[१२१५]

तं तु भवियणु कुणइ विहिवंतु

ता व यव्वु विहि- परिण सुत्त-मग्गाणुसारिण ।
 मुणियव्वउं अप्पु अणु- समउ कलिउ गुण-दोस-भाविण ॥
 जइयव्वउं अणु-वासरु वि अ-सवन्निहिं जोगेहिं ।
 रक्खेयव्वइं इंदियइं गच्छिर-विस्सोएहिं ॥

[१२१६]

इय जयंतह भविय-सत्ताहं

सोवक्कम-कम्म-खउ निरुक्कमहं अणुबंध-ववगमु ।
 संजायइ कमिण पुणु हवइ सग-अपवग्ग-संगमु ॥
 ता संसार-पलीवणउं विज्झायइ नीसेसु ।
 इय परिसीलहि वसुह-पहु इहु तुहुं कम्म-विसेसु ॥

[१२१७]

इय मुणेविणु वयणु मुणि-वरहं

संसार-विरत्त-मणु सिव-सुहिच्छु हरिनंदि-नरवइ ।
 सामंत-अमच्च-वणि- वग्ग-सहिउ निय-भवणि आवइ ॥
 अह अवराजिउ वित्थरिण विणिवेसिउण स-रज्जि ।
 गहिंवि चरणु हरिनंदि-निवु जयइ सिद्धि-सुह-कज्जि ॥

[१२१८]

कमिण बहु-विह-तव-विसेसेहिं

परिसोसिय-कम्म-मल्ल विमल-नाण-सच्चविय-तिहुयणु ।
 पडिवोहिय-भविय-जणु परिविमुक्क-माणविय-भव-तणु ॥
 अ-प्पडिहय-वर-नाण-धणु गलिय-सयल-अवलेउ ।
 हुउ हरिनंदि सु राय-रिसि सिव-मंदिर-सिरि-केउ ॥

[१२१९]

सो वि पुणु तिण पीइमइ-पमुह-

बहु-भेय-अंतेउरिण समगु पंच-विह-विसय-सुक्खइं ।
 उवसुंजिरु पायडइ पुल्ल-जम्म-कय-सुकय-लक्खइं ॥
 देइ य दुण्ह वि वंधवहं पिहु पिहु देसु समिद्ध ।
 ठवइ सचिव-पइ मिउ पुणु विमलवोहु सु-पसिद्ध ॥

[१२२०]

अइर-कालिण महिहिं सयलाहं

परिसाहिवि सत्तु-गणु एग-छत्तु निय-रज्जु संठिवि ।
 नच्चाविवि कित्ति-बहु भुवण-रंगि तह आण फेरिवि ॥
 कारिवि नवइं जिणायणजि णण समुद्धारेवि ।
 पवयण-भत्ति पयासिउण गुरुयणु सक्कारेवि ॥

[१२२१]

सुयण-विबुहं करिवि पडिवत्ति

सम्माणु साहम्मियहं मणि धरेवि उत्तिमहं नायइं ।
 परिसीलइ एग-मणु निच्च-कालु जिण-धम्म-कम्मइं ॥
 एग-दिणं पिव अइगमइ बहुयइं वरिस-सयाइं ।
 दोगुंदुग-तियसु च्च उवञ्जिरु परम-सुहाइं ॥

[१२२२]

अवर-भवसरि निसिहिं सिविणम्मि

सुह-सयणिज्जम्मि गय नियइ पीइमइ सुह-पसुत्तिय ।
 अंक-द्विय-रयण-निहि पंच वन्न-मणि-पह-विचित्तिय ॥
 अह उट्टेविणु पीइमइ सिर-विरइय-कर-कोसु ।
 सिरि-अवराजिय-नरवइहि साहइ सिविणु स-तोसु ॥

[१२२३]

ता नरिदिण भणिउ - नणु अम्ह

कुल-कप्प-पायव-सरिसु तुज्झ देवि हविहइ तणूरुहु ।
 तयणंतरु पीइमइ तुट्ठ भणइ जह - होउ पहु इहु ॥
 अह धम्मइ धम्मियहं कह- जोगिण रयणि गर्मिति ।
 जा ता गोस-समागमणि मागह-निवह पढंति ॥

[१२२४]

देव चिर-कय-मुकय-जोगेण

पसरंत-तेयम्भहिउ निहय-सयल-पडिवक्ख-वित्थरु ।
 उदयायल-सिहर-ठिउ नं जयस्सु साहेइ दिणयरु ॥
 हवइ उवरि उदयह उदउ गरुय-मुकय-वीयाहं ।
 उज्जमवंतहं सु-पुरिसहं उत्तिम-मग्ग-ठियाहं ॥

[१२२५]

तयणु कट कट सिविण-अणुरूवु
 वंदियणिण पढिउ इय चितयंतु निवु वंदि-विंदइ ।
 वियराविवि दाणु बहु वियसमाण-वयणारविंदइ ॥
 तयणु तुरंतु करेवि निय- पाओसिय-कम्माइं ।
 सिविण-विसारय वाहरिवि पुच्छइ सिविण-फलाइं ॥

[१२२६]

ता इवेविणु रहि मिछेऊण
 एगग-चित्तिण सयल विउस सिविण-सत्थत्थु भाविवि ।
 अवराजिय-नरवइहि पुरउ समगु सव्वे वि भाविवि ॥
 साहहिं जह - पद्दु तुम्ह कुल- गयणंगण-रयणिंदु ।
 सइस-करु व तेयब्भहिउ हविहइ तणउ नरिंदु ॥

[१२२७]

अह स-हरिसिण निविड-पडिवत्ति
 पयडेविणु बहु-विहिहिं सिविण-विउस सयलि वि विसज्जिय ।
 देवी वि अ-विग्ग-सुय- रयण-लाह-विहि-कज्ज सज्जिय ॥
 आराहइ गुरु-देव-पय कुणइ विविह-किरियाउ ।
 गमिउण अद्धम-दियह समहिय-नव-मासा उ ॥

[१२२८]

कप्प-पायवु भोग-भूमि व्व
 पणइयणाणंदयरु तणय-रयणु पीइमइ पसवइ ।
 तयणंतरु महिहिं सुय- जम्म-महिम कारवइ नरवइ ॥
 पत्तावसरु विइणु तसु नामु पउमसारु त्ति ।
 अइरेण य वुइदिहिं गयउ गुणिहिं समगु कुमरु त्ति ॥

१२२६. ३. विउस विग.

१२२७. ७. क. किरियाओ. ९ क मामाओ.

After 1227. क. ख. प्रयाप्तं ३५००.

[१२२९]

अवर-अवसरि नियय-उज्जाणि

परिकीलण-उज्जयउ सहिउ पउर-चउरंग-सेन्निण ।
 गरुछंतउ विजिय-रइ- रमणु नियय-तणु-रुव-वन्निण ॥
 मयलंछण-सन्निह-वयणु तसिय-हरिण-नयणिल्लु ।
 कणय-सिला-वच्छयल्लु पुर- अगाल-भुय-जुयलिल्लु ॥

[१२३०]

रत्त-उप्पल-गम्भ-कर-चरणु

उत्तत्त-कंचण-सरिस- अंगुवंगु सव्वंग-सुंदरु ।
 साहावि-कित्तिम-असम- भूसणेहिं कामिणि-मणोहरु ॥
 सरिस-रुव-वय-वेस-गुण- सुहि-निवहिण परिखित्तु ।
 जिय-सुर-सुंदरि-तरुणियण- लास-पणासिय-चित्तु ॥

[१२३१]

निय-निउत्तिहिं पणय-लोयस्सु

मण-इच्छ-पमाणिण य अन्न-पाण-भूसणइं दाविरु ।
 घणसार-चंदण-अगुरु- हरिणनाहि-पंक वि पयच्छिरु ॥
 वियरंतउ निय-करयलिहिं कप्पूरिण तंवोलु ।
 निमुणंतउ फुडु परिपठिर- मग्गण-जण-हलवोलु ॥

[१२३२]

पुरउ पसरिय-भेरि-भंकार

सारंगि-मुइंग-वर- वेणु-पमुह-आउज्ज-सद्धिहिं ।
 गायंतिहिं कामिणिहिं नच्चिरेहिं पण-तरुणि-विदिहिं ॥
 पडिरव-वहिरिय-धरणियल्लु आणंदिय-जय-जंतु ।
 नियइ नराडिबु कसु वि पुर- इव्वह तणउ ललेतु ॥

[१२३३]

ता नरिदिण तुट्ट-दियएण

सविह-ट्टिउ पुट्टु नरु एगु - भइ को एहु दीसइ ।
 कीलंतउ विजिय-सुर- रूवु तयणु इयरु वि पयासइ ॥
 जह - एहु चिट्ठइ इह वि पुरि समुदवाल-सत्थाहु ।
 तस्स हु एहु अणंगरइ- नामु स-मित्त-सणाहु ॥

[१२३४]

तयणु भणइ निवइ जह - अहइ

सलहिज्जउ हउं जि पर निय-समिद्धि-जिय-तियस-पगरिस ।
 वणि-मेत्त-तणुभव वि जसु पुरीए विलसंत एरिस ॥
 जं वणिणो चिय बहु-विहव निवहं लच्छि पच्चक्ख ।
 इय उववूहि वि वणि-तणउ तह पीणि वि सय-ळक्ख ॥

[१२३५]

गयउ नरवइ धवलहरयम्मि

वोयम्मि उ दियहि विहि वसिण राय-वाडीए गच्छिरु ।
 अवलोयइ मयगु इगु पुक्करंत-पुर-लोय-दुहयरु ॥
 पुरिसिहिं चउहिं समुक्खिविउ बहु-नायर-कय-खेउ ।
 विरस-विसम-तूरारविण सुहि-सयणहं दुह-हेउ ॥

[१२३६]

हरिण-नयणिय चंपय-च्छाय

ससि-सोम-वयणवुरुह कुंद-कलिय-सम-दंत-पंतिय ।
 परिदेविय-रव-भरिय- धरणि-गयण-अंतर मयच्छिय ॥
 कुट्ठहिं सिरु कर-मुग्गरिहिं पीडहिं उरु वाहाहिं ।
 ताडहिं वच्छोरुह वियड निय-निय-कर-साहाहिं ॥

[१२३७]

रुयहिं गायहिं ललहिं मुच्छहिं य
 सिक्कारहिं पुक्करिहिं सहिहिं गहिय उरि हार तोडहिं ।
 उल्लूरहिं चिहुर-भर कणय-रयण-वल्यालि मोडहिं ॥
 सरिवि सरिवि निय-पिययमह गुण-गणु तहिं विलवंति ।
 जह सविह-ट्टिय-तरु-विहय- नियरु वि रोयावंति ॥

[१२३८]

वच्छ वंधव दइय सुहि-जणय

पहु-सयण-मुहावणय पणय-लोय-कल्लाण-कारय ।
 निकारण-कारुणिय दुहिय-हियय-जण-दुह निवारय ॥
 विलसंतउ तुहुं दीसिहसि पुणु कइयहं सुह-हेउ ।
 जणय-बंधु-पिय-मित्त-मुय- भिच्च भणहिं पत्तेउ ॥

[१२३९]

इय निरिक्खिवि जणु अ-पज्जंतु

विलवंतउ बहु-विहिहिं स-दुहु पुरिसु कु-वि निविण पुच्छिउ ।
 जह-साहसु कसु नरह मरणि सयलु जणु एहु दुत्थिउ ॥
 अह इयरिण जंपिउ - इह वि समुदवाल-नामस्सु ।
 पयडु अणंगरइ त्ति इहु नंदणु सत्थाहस्सु ॥

[१२४०]

आसि पच्छिम-दियहि उज्जाणि

बहु-परियण-सहिउ गउ कीलणत्थु अह विहि-निओइण ।
 निय-भवणि समागयउ संतु निसिहिं आहार-दोसिण ॥
 मूल-व्वाहि-समागमिण बिहुरिय-अंगोवंगु ।
 हुउ सु कयंतह पाहुणउ सत्थवाह-कुल-चंगु ॥

[१२४१]

इय सुणेविणु निवइ सु विसन्नु

परिचितइ-अहह धिसि धिसि किमेहु मइ-मोहु सिविणु ब ।
 जं कल्लि जि दिट्ठु मइं एहु ललंतु तह तह सुरिंदु ब ॥
 एउ जि कल्लि जि सविहि तसु परियणु परिकीलंतु ।
 दिट्ठु जु सु जि संपइ अहह सुम्मइ करुणु रुयंतु ॥

[१२४२]

अरिरि धिसि धिसि हय-कयंतस्सु

अह-विरसइं विलसियइं अणवसरि वि दडवडउ निवडइ ।
 अइ-गरुयह इयरह वि इहु हयासु जमणत्थु पयडइ ॥
 इहु गुणवंतउ इहु अ-गुणु इहु पहु एहु अ-सारु ।
 इहु बहु-परियणु एहु इशु इय न कुणेइ वियारु ॥

[१२४३]

किंतु काणणि जलित हुयवह व

अ-गणंतु सुहासुहइं इहु हयासु भुवणु वि दुहावइ ।
 जिय-लोणु वि हय-विहिणु हीरमाणु सयलु वि स-संपइ ॥
 अ-सरणु अ-वसु परिच्चयइ स वि भुज्जइ अन्नेहिं ।
 एत्तो च्चिय भडु उज्जियउ पुण्व-पुरिस-सीहेहिं ॥

[१२४४]

जं पि वालिण चिहुर-उक्खणण-

उर-पिट्ठण-रुयण पिय- पदम-विरहि दो-तिन्नि दियहइं ।
 पयडिज्जइ तं पि धुवु जाणियव्व अविवेय-ललियइं ॥
 सोय-विहिहिं वहुहिं बि कइहिं हवइ कु तसु उवयारु ।
 सु-गइहिं द-गइहिं वि वयइ जिउ स-सुहासुह-सारु ॥

१२४१. ४. क. इयर missing.

१२४३. ७. क. उज्जइ. ११४४. १. क. उक्खणिण.

[१२४५]

इय कयंतह दू जय-जंतु

सदाविरु धुवु कह-वि मह वि समुहु आविहइ तइयहं ।
 न-वि सत्थु न संबलउं गहिउ तरिसु गच्छंतु जइयहं ॥
 ता मज्झ वि जुज्जइ न इम्ब वीसत्यह चिहेउ ।
 नहि मयरायरि रहइ नरु निय-पवहणु उब्भेउ ॥

[१२४६]

इय विभाविरु धरणि-हरिणंकु

अवराजिउ आयरिण कुणइ धम्म-कम्मइ निरंतरु ।
 रह-जत्तउ कारवइ महइ विहिहिं तिक्कालु जिण-वरु ॥
 आराहइ सुह-गुरु-चलण नव-तत्तइ भावेइ ।
 निच्चु वि भव-उव्विग्ग-मणु गुरु-संगमु इच्छेइ ॥

[१२४७]

अह मुणेविणु मणु नरिंदस्सु

पुव्वुत्तु जि सिरि-विमलबोह-सूरि केवल-दिवायरु ।
 तहिं नयरुज्जाण-वणि पत्तु विमल-गुण-रयण-सायरु ॥
 ता उज्जाणिय-माणविण सुह-गुरु-आगमणेण ।
 वद्धाविउ वसुहाहिबइ भविय-लोय-सुहएण ॥

[१२४८]

- (१) तयणु नीसेस-निय-सार-परियण-सहिउ ।
 मंति-सामंत-सत्थाह-लोगिण महिउ ॥
 चलिउ अइरेण पसरंत-गुण-भूसणो ।
 वियलिय-प्पाय-संसार-रिउ-दूसणो ॥१॥

[१२४९]

गंतु सिरि-विमलबोहह मुणिदह पुरो ।
 धुणिवि पय-पउम तसु हरिस-भर-वंधुरो ॥
 उचिय-ठाणम्मि निवसेइ वसुहाहिवो ।
 तयणु मुणि-नाहु सिव-सुक्ख-फल-पायवो ॥२॥

[१२५०]

भणइ - नणु जम्म-जर-मरण-जल-संकुलो ।
 जंतु अ-थिर-मण-गंभीरिमा-आउलो ॥
 कोह-मय-माय-पायाल-जय-भीसणो ।
 मोह-आवत्त-दुल्लंघया-दसणो ॥३॥

[१२५१]

राय-दोमुल्लसिय पवण-विकखोहिओ ।
 विविह-दुह-दुट्ठ-जल-जीव-संवाहिओ ॥
 विरह-संजोग-कल्लोल-भर-भंगुरा ।
 गरुय-पसरिय मणोहर-पवाहुद्धुरो ॥४॥

[१२५२]

एहु अइ-भीमु भव-जलहि भो भइया ।
 इय तहा जयइ जह हवइ निच्चिगय्या ॥
 निम्मल-ण्णाण-वर-कण्णधाराणुगं ।
 वारस-वियप्प-तव-पवर-निज्जामगं ॥५॥

[१२५३]

सत्तरस-भेय-संजम-पिहिय-छिहडयं ।
 दु-विह-चारित्त-संचिय-पवर-मंचयं ॥
 अनणु-अल्लीण-तइलोय-जय-सत्थयं ।
 अणुसरइ भावओ संघ-वोहित्थयं ॥६॥

[१२५४]

तयणु स-विसेसु निवु गुरुहु पय-पंकयं ।
 नमिवि जंपइ-कयाणंदु निस्संकयं ॥
 कुणसु तह कह-वि मुणि-नाह जह सिव-पयं ।
 जायए अइर-काळेण मह संपयं ॥७॥

[१२५५]

ता मुणिदेण पर-हिय-निरय-वुद्धिणा ।
 भणिउ - निव चरणु अणुसरसु मण सुद्धिणा ॥
 जं न अन्नयरु सिव-सुक्ख-संपायणे ।
 धुवु उवाओ वि नर-नाह इह तिहुयणे ॥८॥

[१२५६]

मुणिवि इहु निवइ गुरु-हरिस-पुलयंकुरिउ ।
 गंतु गिहि भणइ सुय-पुरउ जह - हरिय-रिउ ॥
 रउजु पडिवज्जि नंदण जहा हउं चरणु ।
 गहिवि जिण-विहिण पउ जेमि अप्पणु सरणु ॥९॥

[१२५७]

एम्ब बहु-वयण-रयणाहिं नंदणु भणिवि ।
 ठविवि रज्जम्मि निरु नियय-इंदिय जिणिवि ॥
 करिवि पवयणह सम्माणु सव्वायरिण ।
 गंतु पय-मूलि मुणि-वरह मण-पगरिसिण ॥१०॥

[१२५८]

चरणु नर-नाहु गिण्हेइ तयणंतरं ।
 पुव्व-मुकयाणुहावेण सु निरंतरं ॥
 पढइ मुत्तत्थु परिसीलइ य मुणि-किरिय ।
 अहव विहि सयल सेवइ जिणिण वज्जरिय ॥११॥

[१२५९]

लेंति चारित्तु कम्मरि-विच्छेइणो ।
 पीइमइ-विमलबोहा वि भव-विरइणो ॥
 सयण-पडिवक्ख-मणि-लेट्टु-सम-चित्तिणो ।
 सूर-सोमा वि पडिवन्न-चारित्तिणो ॥१२॥

[१२६०]

तयणु संसार-कंतार-तड-गामिणो ।
 भयहिं परमप्प-बुद्धीए मुणि-सामिणो ॥
 सव्व-जीवेसु भव-वल्लि-निक्किंतणं ।
 कुणहिं पंच वि ति सम-सत्तु-मित्तत्तणं ॥१३॥

[१२६१]

खंति मइविउ अज्जविउ मुत्तित्तणउं ।
 तवु वि संजमु वि सच्चत्त सोयत्तणउं ॥
 किंचणच्चाउ वंभत्तु दस-विहं वि इहु ।
 धम्म सेवंति पंच वि ति सिव-मग्ग-रहु ॥१४॥

[१२६२]

नाण-दंसण-चरित्ताइं भव-झोसणइं ।
 सम्मु पालिति पंच वि ति सिव-लक्खणइं ॥
 अमुह-संसार-मयरायरुत्तारणउं ।
 भाव-पवहणु वि दहु लेंति सिव-पावणउं ॥१५॥

[१२६३]

कमिण पंच वि ति गुरु-आण-आराहणं ।
 काउ सिव-नयरि-संपत्ति-मुह-साहणं ॥
 चइवि अ-पवित्तु अइ-अथिरु तणु माणविउ ।
 परम-अपवग्ग-मग्गम्मि मणु आणविउ ॥१६॥

[१२६४]

जयसिरि-गभि सुह-सय-लब्धि आरण-सुर-घरि गुरु-हरिसि ।
 खरिण सोमिण मित्तिण कंतिण समगु वि गयउ मु राय-रिसि ॥१७॥

*

इति श्रीश्री-चन्द्रखरि-क्रम-कमल-भसल-श्री-हरिभद्रखरि-विरचित-श्रीमद-
 रिष्टनेमिचरिते श्रीमदपराजित-प्रीतिमती-वक्तव्यता-निबद्धः सुर-
 भवः षष्ठस्तृतीयो मनुज-भवः समाप्त इति ।

*

[१२६५]

इओ य —

- (२) जंतु-दीवम्मि वासम्मि सिरि-भारहे ।
 सरिय-सर-नयर-गिरि-सिहरि-पयडिय-महे ॥
 आसि पसरंत-जय-जंतु-संतोसओ ।
 गरुय-सिरि-निवइ-इय-सत्तु कुरु-जणवओ ॥१॥

[१२६६]

तुंग-पायार-पडिवक्ख-दुल्लक्खयं ।
 उग्ग-नरनाह-माहप्प-वस-अक्खयं ॥
 धम्मियासेस-जण समिय-विहडेरयं ।
 गिह-विवणि-सेणि-जिण-भवण-सुंदेरयं ॥२॥

[१२६७]

स-मय-गारयंत-नच्चंत-नायर-जणं ।
 निच्चु पडि-भवण-किज्जंत-वद्धावणं ॥
 तुरय-रह-गंध-सिंधुर-मुहड-वित्तयं ।
 आसि पुरु हत्थिणागु त्ति सु-पवित्तयं ॥३॥

[१२६८]

तत्थ सोमो वि न कलंकया-दूसिओ ।
 अ-कर-चंडो वि तेय-स्सिरी-भूसिओ ॥
 लच्छि-दइओ वि नो कवडया-भाविओ ।
 अ-जल-भुली वि गंभीरिमा-गाचिओ ॥४॥

[१२६९]

वाहिणी-वल्लहो वि हु न जळयायरो ।
 दइय-चंदो वि न गहीय-दोसायरो ॥
 विगय-कळहो वि कइया वि न मयाउलो ।
 आसि सिरिसेण-अभिहाणु निवु गुरु-कुलो ॥५॥

[१२७०]

जा य महु-सिरि व विलसिर-तिलय-मणहरा ।
 पाउसिय-रिउ व घण-पीण-मु-पओहरा ॥
 सरिय-तड-विडवि-साइ व्व पत्तोसिया ।
 विसमवाणस्सु धणुडि व्व वर-वंसिया ॥६॥

[१२७१]

मरु-विसय-महि व पयडिय-तरुण-तण्हया ।
 वीय-रयणिंद-रेह व्व वर-जुण्हया ॥
 राय-मुत्ती वि न कया-वि मय-लंछणा ।
 मुहय-माणस वि जल-पडल-निम्भंछणा ॥७॥

[१२७२]

रइ व मयणस्सु रंभ व्व मुर-सामिणो ।
 मइ व मुर-गुरुहु कंति व्व खर-दित्तिणो ॥
 सिरि व मुर-रिउहु गोरि व्व ससि-सेहरह ।
 सिरिमई नाम पिय आसि तमु नर-वरह ॥८॥

१२६९. ४. क. सिरिसे.

१२७२. ४. क. ख. खिरमई.

[१२७३]

तयणु अमृणंत सिविणे वि विरहिय-दुहई ।
 मुइरु भुंजंति ते असम-विसइय-मुहई ॥
 अवर-अवसरि पुणो निसिहिं मुह-मुत्तिया ।
 नियइ सिविणम्मि सिरिसेण-नरवइ-पिया ॥९॥

[१२७४]

सेउ चउ-दंतु सव्वंग-लक्खण-धरो ।
 वयणि पविसंतु वग्गंतु वर-कुंजरो ॥
 अह लहु वि मुद्ध पडिबुद्ध-नरवइ-पुरो ।
 रइय-कर-कोस साहइ सिविण-वइयरो ॥१०॥

[१२७५]

ता नरिंदेण तुट्ठेण उट्ठिवि लहुं ।
 हियइ धरिऊण गुरु-पयइं तह जिण-पहुं ॥
 भणिउ देवीए पुरओ जहा - नंदणो ।
 इमिण सिविणेण तुह कहिउ जय-रंजणो ॥११॥

[१२७६]

तयणु एवं हवेउ त्ति परिजंपिरी ।
 हरिस-वियसंत-मुह हूय स वि पणमिरी ॥
 अह चवेऊण आरण-अमर-मंदिरह ।
 तियसु अवराजिउ सु उयरि तसु गोरह ॥१२॥

[१२७७]

अवयरिउ तयणु सा बाल गम्भइ वसिण ।
 पंडु-गंडयल हुय धोय इव जस-रसिण ॥
 अवरिहिं वि कुच्छि-वटंत-गम्भइ गुणिहिं ।
 सिरिमई देवि संगहिय जय-रंजणिहिं ॥१३॥

[१२७८]

दिणिहिं किच्छिइहिं अइगइहिं पुणु सिरिमइहिं ।
 हुयउ दोहलउ एरिसउ निरु मुह-मइहिं ॥
 जह - जु जं किं-पि इच्छेइ तसु तं लहुं ।
 महिहिं वियरेमि मग्गिउ वि हउं निय-पहुं ॥१४॥

[१२७९]

तयणु विण्णाय-वइयरिण तसु नर-वरिण ।
 दोहलउ सयल्लु पूरियउ सम्वायरिण ॥
 कमिण पुण्णेसु दियहेसु देवि वि सुयं ।
 मुहिण उप्पायए तयणु मुहि-संमयं ॥१५॥

[१२८०]

महिहिं सयल्लहं वि सुय-जम्मु जाणावियउ ।
 जम्म-भवणे य सु-पयत्तु कारावियउ ॥
 रयण-चुन्नेण रंगावली दाविया ।
 घर-दुवारम्मि हल-मुसल उग्भाविया ॥१६॥

[१२८१]

खिविय-गुड-पिंड-पय-धार-मुकुमारिया ।
 चउमु पासेमु मणि-दीवया कारिया ॥
 गोउरोभय-दुवारेमु मणि-कलसया ।
 ठाविया दिण्ण तरुणीहिं मंगल-सया ॥१७॥

[१२८२]

पडिगिहं वद्ध तोरणइं उब्भिय झया ।
 दिण्ण दाणाइं सोहिय नयर-रच्छया ॥
 मुत्त गोत्तीओ सम्माणिओ सज्जणो ।
 महिय जिण-पडिम पडिलाहिओ मुणि-जणो ॥१८॥

अवि य -

[१२८३]

नच्चंत-विलासिणि-मणहरयं महु-पाण-निरय-वर-नायरयं ।
 अइ-सुंदर-गेय-वरायरयं विलसंत-निवइ-अंतेउरयं ॥१९॥

[१२८४]

पिज्जंत-पउर-रस-पेसलयं दीसंत-कणय-रयणुज्जलयं ।
 दिज्जंत-वत्थ-तंवोउ-फलं वज्जंत-तरुणि-नेउर-मुहलं ॥२०॥

[१२८५]

किज्जंत-निवइ-गिह-सोहलयं सुय-जम्मि निविण सुहि-नेहलयं ॥
 विलसंत-नराहिअ-परियणयं वित्थरिण विहिउ वद्धावणयं ॥२१॥

[१२८६]

तयणु एक्कारसमि बासरे अइगए ।
 तत्थ धर-सार-जणि सयलि समुवागए ॥
 दिथहि वारसमि अणुकमिण संपत्तए ।
 सुयह संखो त्ति किउ नाम्मु सु-मुहुत्तए ॥२२॥

[१२८७]

अह इयर-निवइ-सामंत-सचिवाइणो ।
 कुणहिं तसु निवह पय-पूय गुरु-विणइणो ॥
 ते वि सिरिसेण-निव-विहिय-सक्कारया ।
 गया निय-नियय-ठाणेसु सुय-गुण-रया ॥२३॥

[१२८८]

तयणु थण-मज्जणालंकरण-मंडणय-
 अंक-त्रियरण-निउण तह य कीलावणय ।
 पंच-विह-अंव-धाईओ-सुय-कारणिण ॥
 निविण आणत्त उज्जुत्त तसु पालणिण ॥२४॥

[१२८९]

विमलवोहो वि चविउण सुर-मंदिरह ।
 संख-सम-कालु गुण-निहि महामइ-पियह ॥
 हुयउ मइपहु ति जह-अत्थ-अभिहाणओ ।
 नंदणो तयणु तिण सरिसु सु-पहाणओ ॥२५॥

[१२९०]

संखु गच्छंतु बुद्धीए निरुवदेवं ।
 निबु कलायरिय-सविहम्मि कय-ऊसवं ॥
 सुयइ अह कुमरु निय-बुद्धि-निय-सुरगुरु ।
 हुयउ अइरेण छण-ससि-कला-भासुरु ॥२६॥

१२८७. ४ क. गया added marginally; ख. missing.

१२८८. ४. क. ओज्जुत्त.

१२८९. ४. missing in क.

१२९०. १. बुद्धीए २. क. निबु.

अवि य -

[१२९१]

छंद-वागरण-जोइस-निमित्तागमे ।
गणियऽलंकार-कह-मंत-तंत-क्कमे ॥
कव्व-नाडय-पमाणत्थ-सत्थे फुढे ।
भरह-रामायण-स्सिप्प-धणु-गारुढे ॥२७॥

[१२९२]

तुरय-सिंधुर-वसह-उट्ट-सिक्खा-दिसिहिं ।
दंड-सुग्गर-छुरिय-चक्क-कत्तरि-असिहिं ॥
ल्लिविहिं चित्तम्मि लेप्पम्मि कट्ठोवळे ।
नट्ठि गंधवि वाइत्ति ससि-निम्मळे ॥२८॥

[१२९३]

कलहं निम्मलहं अवरहं वि कसवट्ठओ ।
हुयउ सिरिसेण-सुउ फुरिय-सु-भरट्ठओ ॥
तयणु नर-वरिण सच्चविय-निम्मल-गुणिण ।
ठविउ जुव-रज्जि सो संखु हरिसिय-मणिण ॥२९॥

[१२९४]

अवर-दियहम्मि कर-गहिय-पिहु-साहुलो ।
पत्तु निवइहि पुरउ पउर-जणु आउलो ॥
तयणु पुट्ठम्मि निवइण अ-सिव-कारणे ।
भणिउ इयरेण - धरणियल्ल-भर-धारणे ॥३०॥

[१२९५]

चारु-चउरंग-वल-भरिय-भुवणोयरे ।
 नासियासेस-रिउ-वग्ग-कय-विहुरे ॥
 देव तुमए वि निवइम्मि बहु-लक्खणे ।
 अइह अ-पहु व्व हुय वसुह-परिरक्खणे ॥३१॥

[१२९६]

जमिह पण-तरुणि-नियरु व्व बहु-कूडओ ।
 कुल-पुरंधीए पाणि व्व गुरु-चूडओ ॥
 साहु-निवहु व्व विलसंत-गय-कलहओ ।
 विउळ-सिंगो त्ति नामोऽत्थि गुरु-सेळओ ॥३२॥

[१२९७]

नाइदूर-प्पएसे य पुणु तमु गिरिहि ।
 विणहु-मुत्ति व्व निहि असम-उदय-स्सिरिहि ॥
 निवइ-सेण व्व भूसिय पवाहहं सइण ।
 वेगवइ-नाम नइ वहइ पउरिण रइण ॥३३॥

[१२९८]

सिहरि-सरियाहं अंतरि भुवण-भीसणा ।
 नामिया मिल्ल-वल्ली वसइ दारुणा ॥
 तहिं उ दढ-दुग्ग व स-सत्तु-विहडण-सहू ।
 अत्थि सिरि-समरकेउ त्ति पत्थि-प्पहु ॥३४॥

[१२९९]

तेण अम्हाण अ-पहूण इव पइ-दिणं ।
 घिप्पए देव धण-धन्न-मणि-कंवणं ॥
 इय सुणेऊण लहु सयल-रिउ-घायगो ।
 ताडवइ ठक्क सिरिसेण-नर-नायगो ॥३५॥

[१३००]

संख-कुमरेण अह भणिउ पुरओ निवह ।
 ताय वियरेसु आपसु इहु पसिय मह ॥
 समर-सरंभु कवणु व्व हरि-मूसगहं ।
 कु व पयंगह उवरि कोबु वण-वारणह ॥३६॥

[१३०१]

तुह पयावेण तसु दप्पु भंजिसु हउं जि ।
 तयणु कारणिय-लोगिण भणिउ -- पहु एउं जि ॥
 जुत्तु जं तरणि-किरणा वि हरिउण तिमिरु ।
 कुणहिं जिय-लोउ सयलु वि महिहिं चंकमिरु ॥३७॥

[१३०२]

तयणु नर-वरिण माहप्पु जाणिवि सुयह ।
 दिण्णु आपसु संगहि रिउहु पत्थुयह ॥
 संख-कुमरो वि साणंदु सुह-साहयहं ।
 गहिय-आएसु पणमेवि जणयह पयहं ॥३८॥

[१३०३]

समय-विहि-सारु गंतूण घर-चेइए ।

करिबि सक्कारु वंदेइ जिण-वरयए ॥

हरिस-पसरंत-रोमंचु अह सायरउ ।

धुणइ चउवीस-जिण-निवहु सु गुणायरउ ॥३९॥

जहा -

(३) [१३०४] जय मेरु-सिहर-कय-मज्जणया जय कुलगर-वंस-विहूसणया ।

जय सुर-गण-नाह-नर्मसियया जय उसह-सामि जग-नमिय-पया ॥१॥

[१३०५] जय विजय-देवि-जियसत्तु-सुया जय अजिय-जिणिंद महाइसया ॥

जय कम्म-महा-गेरि-दारणया जय संभव दुरिय-पणासणया ॥२॥

[१३०६] जय संवर-सिद्धत्या-तणया जय जिण-अहिणंदण सुर-पणया ।

जय मोह-महा-तम-दिणयरया जय सुमह-जिणिंद गुणागरया ॥३॥

[१३०७] जय केवल-पउमालंकियया जय जिण-पउमप्पह-सामियया ।

जय जम्मण-मरण-विणासणया जय पहु-सुपास सुरवइ-पणया ॥४॥

[१३०८] जय दाण-दया-दम-भावियया जय जिण-चंदप्पह जय-सुहया ।

जय सिद्धि-नियंविणि-मुह-तिलया जय सुविहि-जिणिंद महा-फलया ॥५॥

[१३०९] जय मच्छर-कमलि हिमागमया जय सीयल-नाह जगुत्तिमया ।

जय सह-विणिज्जिय-जलहरया जय पहु-सेज्जंस-जिणेसरया ॥६॥

[१३१०] जय असुह-जलण-जलयावलिया जय वासुपुज्ज सुर-नर-महिया ।

जय विमलालोय-दिवायरया जय जय पहु विमल-जिणेसरया ॥७॥

[१३११] जय पाविय-परम-अणंत-पया जय जिण-अणंत-गुरु विहिय-जया ।

जय दंसण-नाण-चरण-सुहया जय धम्म-सामि पायडिय-नया ॥८॥

[१३१२] जय समिय-महीयलुवहवया जय संति-जिणिंद जयावहया ।
जय दलिय-सयल-रिउ-वग्ग-गया जय कुंथु-नाह जय-भूसणया ॥९॥

[१३१३] जय असम-सील-भर-धारणया जय अर-जिण पूइय-सासणया ।
जय अरइ-विसाय-विहोडणया जय मल्लि भवोयहि-सोसणया ॥१०॥

[१३१४] जय लोयालोय-पयासणया जय सुव्वय पायड-पवयणया ।
जय विजिय-भोह-भड-डामरया जय फुरिय-महा नमि-जिणवरया ॥११॥

[१३१५] जय जायव-वंस-विहसणया जय नेमि-जिणिंद-सिवा-तणया ।
जय भुयग-फणा-मणि-रंजियया जय पास-जिणिंद सुरिंद-नया ॥१२॥

[१३१६] जय चालिय-मेरु महाचलया जय वीर-जिणिंद महा-वलया ।
इय दुवइ-छंद-धुय-विमल-गुणा उवणेतु सुहं मह सयल जिणा ॥१३॥

[१३१७]

(४) इय स-सुर-असुर-हरिभइ-सुरि-त्थुयहं ।
नमिवि साणंदु चउवीस-जिण-वर-पयहं ॥
विहिय-असमाण-सिंमार-सोहिय-तणू ।
जाइ सो कुमरु नरवइहि पुरओ पुणू ॥१॥

[१३१८]

तयणु नर-वरिण तसु विणय-पणमिर-सिरह ।
एह साणंदु अणुसट्ठि पविइण्ण जह ॥
वच्छ पाएण विसमम्मि भव-सायरे ।
पयच्च-जायंत-वहु-भेय-दुह-वइयरे ॥२॥

[१३१९]

तरलु तारुण्यु जल-लव-चवल संपय वि ।
 इत्थ आयास-सम दुलह पुणु वंछिय वि ॥
 तणु विणस्सरु सयण नियय-कज्ज-द्विया ।
 विसम-परिणामु विहि कामिणि वि दुट्ठिया ॥३॥

[१३२०]

पिसुण छल-पिच्छिणो महि दुराराहया ।
 मणु वि मक्कहु मयच्छीओ तच्चाहया ॥
 इय मुणेऊण नंदण सया वि-हु तए ।
 नह जएयवु जह ठाहि उत्तिम-पए ॥४॥

[१३२१]

इय निय-जणयह पयडिय-पणयह वयणु मुणेविणु संखू ।
 विहिय-पणामू गुण-गण-धामू हियइ धरिवि पडिवक्खू ॥५॥

[१३२२]

(५) चारु-चउरंग-वल-खुहिय-खोणीयलो ।
 चळिउ कपंत-जोयंत-रिउ-निव-बलो ॥
 कमिण अइरिण वि वेगवइ-नइ-संनिहिहिं ।
 जाव संपत्तु कुमर वरु नरवइ-विहिहि ॥१॥

[१३२३]

ताव पच्छन्न-पुरिसेहि कुमरह पुरउ ।
 भणिउ आगंतु - नणु नाहु लहु पविसरउ ॥
 भुवणभीसणय-अभिहाण-पल्लिहिं जओ ।
 तुम्ह आगमणु निमुणेवि भय-विहुरओ ॥२॥

१३१८. २. क. आयासम.

१३२०. ४. क. ओत्तिम.

१३२१. १. क. जणयह.

१३२२. ३. क. संनिहिहि.

[१३२४]

सयल-निय-लोय-सहिओ वि पल्लि-प्पहू ।
 नियय-पल्लिं चएऊण नट्टउ लहू ॥
 तयणु ईसीसि विहसंतु निव नंदणो ।
 भणइ - नणु कूढ-वल-जोगओ इहु जणो ॥३॥

[१३२५]

पालए रज्जु न-उ खत्तियायारओ ।
 मज्झ लोगो उ तच्चरिय-अवियारओ ॥
 इय खणं नियइ जह तुम्ह कोऊइलं ।
 किं-पि काहामि दुब्बिणय-दंसिय-फलं ॥४॥

[१३२६]

अइ सयं होउ पच्छन्नु रण-रस-मणं ।
 सिक्खवेऊण साणंदु बहु-परियणं ॥
 ठक्कुरं कं-पि पेसवइ सो वि-हु पहुं ।
 नमिवि नहु राय-चिधेहिं पूरिवि लहुं ॥५॥

[१३२७]

ढक्क-तंवक्क-युक्काहिं वहिरिय-दिसो ।
 पविसिउं पल्लि-मज्झम्मि गुरु-अमरिसो ॥
 पिढिवि दाराइं नीसंकु जा गेण्डए ।
 रयण-धण-कणय बहु-वत्थए सण्डए ॥६॥

[१३२८]

ताव नणु पल्लि-मज्झम्मि स-वलो वि इहु ।
 संखु सु पविट्ठु हुउ इय विचितेवि लहु ॥
 सिरि-समरकेउ पल्लि-प्पहू चउ-दिसं ।
 वेढए सयल-पल्लि फुरिय-अमरिसं ॥७॥

[१३२९]

एत्थ-अंतरि कुमारो वि नय-निउणओ ।
 मुणिय-नीसेस-पल्लिवइ-कय-अविणओ ॥
 नियय-चउरंग-सेणाए तं पर-वलं ।
 तुरिय वेढेइ कायव्वया-वाउलं ॥८॥

[१३३०]

तयणु पल्लि-प्पहू खुदिय-मण-पसरओ ।
 रुद्ध-नीसेस-निग्गमण-वावारओ ॥
 गरुय-भय-विहुरु गइमन्नमनिर्यंतओ ।
 तरल-नयणेहि दिसियक्कु पेक्खंतओ ॥९॥

[१३३१]

गलिय-अहिमाणु परिचत्त-सयलाउहो ।
 आगओ संख-कुमरस्सु लहु सम्मुहो ॥
 विण्णवेई य सिरि रइय-कर-संपुडो ।
 नाह जइ वि हु अहं हुयउ अइ-वंकुडो ॥१०॥

[१३३२]

तह-वि पसिऊण मह खमह अवरद्धयं ।
 रक्खह य नाह इह मममहम-चिंधयं ॥
 सज्जणा जन्न अवयारयम्मि वि जणे ।
 खामिया धरहिं अ-पसाउ कहमवि मणे ॥११॥

[१३३३]

सारु जं किं-चि चिट्ठेइ मह मंदिरे ।
 तमवि सयलं पि तुब्भे कुणह निय-करे ॥
 जस्सु ण्णमिरिण लोणिण सिरो दिज्जए ।
 तस्सु किं कह-वि लोयणु वहिं किज्जए ॥१२॥

[१३३४]

नियय-इच्छाए विसमे वि कज्जे अहं ।
 आइसेयव्वु सामिय तए पच्चहं ॥
 सारु साहीण-वाहणह जं एत्तिउं वि ।
 पुच्च-पुरिसेहिं वणिणउ स-सत्थेहिमवि ॥१३॥

[१३३५]

इय सुणेऊण संखो वि पर-हिय-रुई ।
 देइ पट्ठीए तसु हत्थु उत्तिम-मई ॥
 किंतु धण-कणय-रयणाणि तसु मंदिरह ।
 गहिवि स-प्पच्चयं दिण्ण सुसियह जणह ॥१४॥

[१३३६]

सेसु घर-सारु पल्लि-प्पहुहु संतियउ ।
 नियय-भंडारि संगहिवि लहु घत्तियउ ॥
 तयणु अभयं पयच्छेउ पल्लि-प्पहुं ।
 कुमर-पुरओ विहेऊण चल्लिउ लहुं ॥१५॥

[१३३७]

कमिण पत्तो य एगाए पल्लीए सो ।
 सरय-रयणियर-कर-विमल-पसरिय-जसो ॥
 अह जहा-जोगु विणिवेसियाखिल-वलो ।
 लेइ आवास सो तत्थ विहलिय-खलो ॥१६॥

[१३३८]

तयणु मुणिऊणमिव संख-सूरुग्गमं ।
 विहल-करु तरणि वच्चइ दिसं पच्छिमं ॥
 अह नहस्सरि-समीवाओ रवि-कामुयं ।
 वाहरेउं व पच्छिम-मयच्छी दुयं ॥१७॥

[१३३९]

धम्म-कम्मेसु संठविय सावय-युणि ।
 आणवइ संझ-दूइं सउंत-ज्झणि ॥
 तयणु पच्छिम-वहु-राय-रंजिय-तणू ।
 अत्थमणु पत्तु दिणयरु दुहाविय-जणू ॥१८॥

[१३४०]

तिमिर-भरु फुरिउ नीसेस-दिसियंतरे ।
 सव्वओ नं निसेहेइ पइ-संचरे ॥
 अह वियंमेइ कोसिय-कुलं नहयले ।
 विरसु विरसंति सिव-नियर धरणीयले ॥१९॥

[१३४१]

नलिणि-रमणीओ भमरोलि-परिउज्झिया ।
 चक्क-रव-मिसिण नं कयहिं पिय-विरडिया ॥
 फुरिय परदारि-तक्कर-पण्ह दुज्जणा ।
 रयणि-रमणी वि वित्थरिय सव्वप्पणा ॥२०॥

[१३४२]

संख-कुमरो वि सेज्जायले संठिओ ।
 साहु-कह-सवण-बुद्धीए समहिट्ठिओ ॥
 सचिव-तणयं मइप्पहु ति अभिहाणयं ।
 भणइ - नणु कहसु मह किं-पि अक्खाणयं ॥२१॥

[१३४३]

तयणु सीसम्मि संठविय-कर-संपुडो ।
 भणइ सचिवंगरुहु-चत्त-मण-वंकुडो ॥
 देव तुम्हाण सविहम्मि नणु को णु हउं ।
 तह-वि निमुणेह संखेवओ जिह कहउं ॥२२॥

(६) [१३४४] एतो उ पच्छिम-दिणे जिण-समय-विसारण एगेण ।
सु-स्सावगेण कहिया महासि (?) रइसुंदरीए कहा ॥१॥

[१३४५] सा उण इम त्ति अवहिय-हियया होउं सुणेह मह पसिउं ।
नणु कहसु कहसु इय भणिरम्मि कुमारे वयइ इयरो ॥२॥

तहा हि-

[१३४६] उज्जेणीए पुरोए अहेसि गिरि-मेहल व्व बहु-कुडा ।
बहु-लोहा य तुला इव परमक्का मयरदट्ठ त्ति ॥३॥

[१३४७] तए य जय-नियंविणि-समहिय-लायण-रूव-सिंगारा ।
रइसुंदरि त्ति अभिहाण-विस्सुया आसि दुहिय त्ति ॥४॥

[१३४८] सा उण करिवर-मुल्लं विणा न गेण्हेइ पुरिस-गरहणयं ।
वीय-दिणम्मि य सेवेइ न मयण-सरिसं पि तं पि नरं ॥५॥

[१३४९] निय-चंगिम-गव्वेण य लीहं पि न देइ इयर-गणियाणं ।
एवं च तीए वट्ठंतीए वच्चंति दियहाइं ॥६॥

[१३५०] अन्न-दिणे वेसमणो मयणो य दुवे वि नंदण-वणम्मि ।
गंतूण कयाणंदा बहुहा कीळेउमाहत्ता ॥७॥

[१३५१] एतो य तेसि पुरओ भणियं एगेण मुर-विसेसेण ।
नणु रइसुंदरिमुञ्जिय किमियर-कीलार्हि तुम्हाण ॥८॥

[१३५२] किं तु न सा निय-महिमा-अवदत्थिय-तियस-तरुणि-सुंदेरा ।
तियसाहिवं पि सेविय-पुव्वं सेवेइ वीय-दिणे ॥९॥

[१३५३] करिवर-मुल्लं च विणा गरहणयस्स वि न ओइडए हत्थं ।
चिह्णइ य इमा उज्जेणीए नयरीए वर-गणिया ॥१०॥

[१३५४] अह ईसि विहसिऊणं वेसमणो भणइ — वार-विलयाणं ।
न घडइ इमं जओ जो बहुययरं वियरइ इमासि ॥११॥

[१३५५] तमिमाओ बहुयरमवि कालं सेवंति विहव-इच्छाए ।
जह न इमं पडिवज्जह ता चलह हरेमि संदेहं ॥१२॥

[१३५६] अह भणियमणंगेणं — मा भणसु इमं तुमं पि वेसमणो ।
गणिया विहव-पिय च्चिय एसो जं लोइय-पवाओ ॥१३॥

[१३५७] परमत्थेणं तु फुडं सोहग्गि-पियाओ होति एयाओ ।
माणेति पुणो धणयं जं तं अक्काणुवित्तीए ॥१४॥

[१३५८] वेसमणोऽह सहासं पभणइ — नणु जइ इमं तओ मयणो ।
सोहग्गिय-सिरि-तिलओ तं चिय एयम्मि संसारे ॥१५॥

[१३५९] किं तु मुणिस्सामि अहं जइ वीय-दिणे वि तं तुमं भयसि ।
इय विवयंताऽनोन्नं दो वि-हु वेसमण-मयणा ॥१६॥

[१३६०] उज्जेणीए पुरीए पत्ता आवासिया य एगत्था ।
ता सविसेसायणिय-रइसुंदरि-गणिय-वुत्तंतो ॥१७॥

[१३६१] पढमम्मि दिणे मयणं अणुजाणावेउ विहिय-सिंगारो ।
रइसुंदरीए भवणे संपत्तो वेसमण-जक्खो ॥१८॥

[१३६२] अह एगदंति-दोदंति-सन्वगासाभिहाण-अक्काओ ।
अक्खुडिर-प्पडिराओ समुहाओ उव्वेति से सहसा ॥१९॥

[१३६३] तन्वयणेण य काओ वि चेडीओ मुयंति कुसुमघं ।
काओ वि रयण-कंचण-सीहासणयं पयच्छंति ॥२०॥

[१३६४] काओ वि चलण-सोयं कुणंति वियरंति वायमवराओ ।
किं बहुणा तह विहिया पडिवत्ती तस्स ताहिं तथा ॥२१॥

[१३६५] जह सो सुर-मंदिरमवि तिण-लव-तुल्लं गणेइ वेसमणो ।
अह कय-सिणाण-भोयण-विलेवण-प्पमुह-सामग्गी ॥२२॥

[१३६६] उवरिम-मणिमय-कुट्टिम-तलोवविट्ठाए असम-रूवाए ।
नीसास-वाय-बुब्भंत-परिहियासेस-वत्थाए ॥२३॥

[१३६७] जय-तरुणाणं मण-मोहणीए रइसुंदरीए सविहम्मि ।
संपत्तो पढमं पि-हु वियरिय-दस-लक्ख-आहरणो ॥२४॥

[१३६८] ता सविसेसं रइसुंदरीए स-विलास-हास-वयणेहिं ।
नह-दंत-छेय-परिरंभणेहिं रमियं समंतेण ॥२५॥

[१३६९] तह कह-वि जहा चउ-जामा वि निसा अइगया मुहुत्तं व ।
वेसमणोऽह विचिंतइ - नणु किं मह अमर-तरुणीहिं ॥२६॥

[१३७०] किं वा तेणं सुर-मंदिरेण जइ हवइ निच्चमवि एसा ।
कप्पडुम-छायाए निवसेउ मरुम्मि को रमइ ॥२७॥

[१३७१] निक्खइ सज्जणु जत्थ वणि तं रण्णु वि सुर-गेहु ।
हियडा ता दोहिं वि करिहिं ठावडुलउं इहु छेहु ॥२८॥

[१३७२] इय तत्थ कय-थिरासो वेसमणो उग्गयम्मि दिण-इंदे ।
तरुणि अणुजाणाविय घराओ नीहरइ कज्ज-वसा ॥२९॥

[१३७३] अबुक्कमोण य निय-सामिणीए वयणेण चेडिया एगा ।
स-विणयमुल्लवइ पुरो गंतुं वेसमण-जक्खस्स ॥३०॥

[१३७४] जह - अज्ज सामि तुमए निययावासम्मि चेव वसियव्वं ।
मह सामिणी उ एक्कसि सेविय-पुव्वं न सेवेइ ॥३१॥

[१३७५] तयणु विसायावन्नो वेसमणो चितए - अहह विहलो ।
हूओ धण-व्वओ तह अ-ट्ठाण-परिस्समो मज्झ ॥३२॥

[१३७६] जाओ य एस सव्वो मह चेवाहाणगो जण-पसिद्धो ।
जह भक्खिओ य काओ अजरामरया य नो जाया ॥३३॥

[१३७७] परमिह धुत्तो मुत्तो घोरइ पुक्करइ नाळिओ मुट्ठो ।
इय होज्ज जं व तं वा किं एत्तो तीरण काउं ॥३४॥

[१३७८] इय चित्तिरो य गंतुं पुरओ मयरज्झयस्स वेसमणो ।
सयलं पि स-वुत्तं साहइ मउल्लिय-मुहंवरुहो ॥३५॥

[१३७९] ता विसमसरो पभणइ - नणु भणियं चेव पुरोऽत्थि मए ।
जह सोहग्ग-गुणेणं जइ वंधिज्जंति गणियाओ ॥३६॥

[१३८०] नणु जइ एवं ता तुह अवरो नत्थित्थ जीव-लोगम्मि ।
सोहग्गिय-सिरि-तिल्लओ इय तोळमु तं पि अप्पाणं ॥३७॥

[१३८१] तत्तो - नणु जइ नेयं अंजामि निरंतरं जहिच्छाए ।
तो निय-अभिहाणं पि-हु तुह पुरओ नृण न वहेमि ॥३८॥

[१३८२] इय विडिय-गुरु-पइण्णो तम्भोयरमागओ कुसुमचावो ।
सल्लइ य स-रोसं निय-सरेहिं रइसुंदरि-सरीरं ॥३९॥

[१३८३] अह सहसा विसमाउह-सर-सल्लिय-तणु-लया निवडिया सा ।
सुद्धम्मि धरा-वीढे अप्पाणं पि-हु अ-चेयंती ॥४०॥

[१३८४] मयणो वि सणिय-सणियं पच्छिम-पहमक्कमेउमादत्तो
अह एगदंति-दोदंति-मयरदद्दाइ-अक्काओ ॥४१॥

[१३८५] हा हा हयम्हि हा हा हयम्हि इय जंपिरीउ धावेउं ।
रइसुंदरीए सिसिक्कयारे काउं पयड्ढाओ ॥४२॥

[१३८६] ता किं-चि पत्त-सण्णा जंपइ रइसुंदरी-अहह अंबो ।
आणेसु कुमुमचावं धरिऊण करम्मि नरमेयं ॥४३॥

[१३८७] अन्नह निस्संदेहं पेच्छंतीए वि तुब्भ अइरेण ।
एय-नर-संग-सुहमळ्ळंता जाहिति मह पाणा ॥४४॥

[१३८८] तयणु स-वेडीओ वि-हु अक्काओ चविऊण विसमसरं ।
आणेउ वेत्तु हत्थे सुयंति रइसुंदरीए पुरो ॥४५॥

[१३८९] अह सा तस्संगम-सुह-संपत्त-सुहासिया निसमसेसं ।
अइगमइ विविह-कीळा-विणोय-जोगेण साणंदं ॥४६॥

[१३९०] नूणमिमा मह संगम-विरहम्मि न जीविहि त्ति सयमेव ।
जा-जीवं पि स-सविहे ममं धरेहि त्ति चिंततो ॥४७॥

[१३९१] कउजंतरमुदिसिउं मयणो कुट्टिम-तळाओ उत्तरइ ।
जा ताव तन्निउत्तय-वेडीहिं से पुरो भणियं ॥४८॥

[१३९२] नणु तुब्भेहिं रइसुंदरीए चिंता न का-वि कायव्वा ।
वसियव्वं च सुहेणं आवासे अज्ज निययम्मि ॥४९॥

- [१३९३] तो स-विसेसं स बिलक्ख-माणसो हरिय-रज्ज-रिद्धि व्व ।
विमणुम्मणो पहुत्तो मयणो वेसमण-सविहम्मि ॥५०॥
- [१३९४] कहइ य निय-वुत्तं तत्तो ते दो-वि चित्तमावडिया ।
स-बिलक्खमुल्लवंता कहिं-चि चिट्ठंति मुन्न-दरे ॥५१॥
- [१३९५] एत्थंतरम्मि विहिणो निओगओ मूलएव-अभिहाणो ।
धुत्त-तिलओ पहुत्तो तेसि दुवेणं पि सविहम्मि ॥५२॥
- [१३९६] पुट्ठं च तेण - नणु किं तुब्भे अच्चंत-दुक्खमावन्ना ।
दीसह अह दो वि-हु ते कहेंति निय-वइयरं तस्स ॥५३॥
- [१३९७] अह ईसीसि हसंतो धुत्तो वज्जरइ - अहहत्तुब्भे वि ।
थी-मेत्तेण इमेणं चिट्ठह अवमाणिया एवं ॥५४॥
- [१३९८] ता जंपियमियरेहिं - इमं भणंता-तुमं व अम्हे वि ।
किंतु दलिओऽहिमाणो एहिं एईए अम्हाण ॥५५॥
- [१३९९] तुब्भ वि जाणिस्सामो सम्मं धुत्तत्तणं जइ इमीए ।
समगं भुंजसि भोए दो-तिणि वि वासराइं ति ॥५६॥
- [१४००] नणु जइ समगं रइसुंदरिण जा-जीवमवि न भुंजामि ।
पंच-वियप्पे विसए तो नाहं मूलए वोत्ति ॥५७॥
- [१४०१] किं पुण ठायव्वं इह तुब्भेहिं कित्तियाइं वि दिणाइं ।
तक्कालमोयणो वि न सिज्झेइ लुहालुय-वसेण ॥५८॥
- [१४०२] इय दढ-कय-प्पइण्णो कं-पि उवायं मणे विणिच्छेउं ।
उत्ताराविय केसे जज्जर वत्थाणि परिहेउं ॥५९॥

- [१४०३] तरणिम्मि अणुदयंते गहिऊणं कुसुम-सलिल-छगणाई ।
गंतूण मयरदट्टा-कुट्टणि-भवणम्मि अणु-दियहं ॥६०॥
- [१४०४] वियरेऊण च्छडयं गुंहलियं काउ सत्थिए दाउं ।
नव-नव-विच्छित्तिए कुसुम-प्पयरं च मोत्तूणं ॥६१॥
- [१४०५] अवरं पि रेणु-कयवर-तणाइ नीसेसमवि अवहरेउं ।
कुट्टणि-चेडीहिं पि-हु अ-मुणिज्जंतोऽणु-दियहं पि ॥६२॥
- [१४०६] आगच्छइ निय-भवणे स धुत्त-चूडामणी अहऽन्न-दिणे ।
सा मयरदट्ट अक्का पढमयरं उट्ठिया संती ॥६३॥
- [१४०७] तह-रूवमसेसं पि-हु स-मंदिरं पेक्खिऊण स-वियक्कं ।
पुच्छइ चेडीओ जहा - कोऽणु-दिणं मह घरे एवं ॥६४॥
- [१४०८] महिमं करेह एरिसमह भणियं चेडियाए एगाए ।
सम्मं न मुणिज्जइ परमंबो इह अणुदिए खरे ॥६५॥
- [१४०९] परिमुंड-मुंड-तुंडो परिडिय-जर-चीवरो तुरिय-तुरियं ।
काऊण इमं वच्चइ पभाय-समए नरो एगो ॥६६॥
- [१४१०] अह नूण इमो चोरो चारो पर-दारिओ व्व को-वि नरो ।
किं-चि वि महेइ मह पुरओ त्ति मुणेऊण स-मईए ॥६७॥
- [१४११] आणत्ताओ चेडीओ जह - अहइ अज्ज सच्च-जत्तेण ।
धरिऊण मह पुरो सो आणेयव्वो महा-पुरिसो ॥६८॥
- [१४१२] अह वीय-दिणे रयणी-पच्छिम-पहरम्मि ताउ चेडीओ ।
जग्गंतीओ तप्पहमवल्लोणंतीओ चिट्ठति ॥६९॥

- [१४१३] पचो य मूलएवो निय-समए तयणु तं तह विहेउं ।
जा चलिओ निय-भवणाभिमुहं ता अक्क-वेडिहिं ॥७०॥
- [१४१४] नणु हंत कत्थ वच्चसि पविसेउं पर-घरम्मि पइ-दियहं ।
इय भणिरीहिं धरिउं नीओ पुरओ स-अक्काए ॥७१॥
- [१४१५] तीए वि उदार-रूवं तरुणं तं तारिसं निरिक्खेउं ।
भणियं - नणु वच्छ कहं मह कुणसि तमेत्तियं भत्ति ॥७२॥
- [१४१६] अहव किमन्नेणं तुह तुह म्हि वरेसु इच्छिय-वरं ति ।
गरुयाण चलण-सेवा न निप्फला होइ कइया-वि ॥७३॥
- [१४१७] अह भणइ मूलएवो - तुमए तुहाए किन्न संपडइ ।
किं पुण भग्गिज्जइ ता जइ न कुणसि पत्थणा-भंगं ॥७४॥
- [१४१८] अह कुट्टणीए भणियं - किह वच्छ पुणो पुणो पयंपेसि ।
तुरियं वरेसु इच्छियमहलं न इविस्सए नूणं ॥७५॥
- [१४१९] ता मूलएव-धुत्तो महा-पसाउ-त्ति जंपिरो भणइ ।
नणु केण कारणेणं तरुणी रइसुंदरी पुरिसं ॥७६॥
- [१४२०] एक्कसि सेविय-पुव्वं न सेवए पुण-वि सुरवइ-समं पि ।
एत्तिय-मेत्तं साहसु मह जइ सच्चं पसन्ना सि ॥७७॥
- [१४२१] अह धुणिय-उत्तिमंगा पयंपए कुट्टणी जहा - वच्छ ।
रइसुंदरी न साहइ पुच्छिज्जंती वि मह वि इमं ॥७८॥
- [१४२२] अहवा जइ निव्वंधो तुह ता संचलसु जह तुह वि पयडं ।
पत्थुय-अत्थि रइसुंदरीए सविहम्मि पुच्छामि ॥७९॥

- [१४२३] किंतु कुणसु तरुणित्थी-रूवं मेणहेसु चूडियं हत्थे ।
तस्सविहे वि निल्लक्केऊणं चिट्ठेज्ज एगत्य ॥८०॥
- [१४२४] इय कय-संकेओ सो तहेव काऊण समगमक्काए ।
करयल-जुयलुप्पाडिय-चूडियओ तप्पिहिय-वयणो ॥८१॥
- [१४२५] मणिमय-उवरिम-कुट्टिम-तलम्मि रइसुंदरीए सुत्ताए ।
सविहम्मि गंतु संपिडियंगुवंगो उवविसेइ ॥८२॥
- [१४२६] तस्सुवरि निवेसिय-गुरु-चूडियगे प्पत्ति निवसए अक्का ।
खण-मेत्तेण य मुत्त-विउद्धाए भणियमियरीए ॥८३॥
- [१४२७] नणु अंवो किइ तुब्भे चिट्ठेइ इह त्ति तयणु परमक्का ।
इयरियर-वयण-वित्थर-मज्झे रइसुंदरिं खिविउं ॥८४॥
- [१४२८] भणइ - नणु वच्छि वसुहा-वलए सयले हसिज्जइ जणेण ।
को-वि भणइ - दढमेसा निय-चंगिम-गव्वमुच्चवइ ॥८५॥
- [१४२९] अन्नयरो भणइ - इमा अणुयत्तेउं मृणेइ न छइल्ले ।
तेणेव इमं वेड्डयमवलंवेऊण चिट्ठेइ ॥८६॥
- [१४३०] अवरो उ भणइ - एसा विरसा निल्लक्खणेक्क-कुक्खी य ।
कहमन्नह स-घराजिर-टिए चयइ मयण-वेसमणा ॥८७॥
- [१४३१] इय वच्छि कहसु केण-वि जेण निमित्तेण वहसि नियममिमं ।
जह अहमवि-हु अ-याणुय-जणाण वयणं अवगणेमि ॥८८॥
- [१४३२] तयणु थुडुंकिय-वयणा जंपइ रइसुंदरी - भणउ लोगो ।
जं वा तं वा अंवो तुम्हं किमिमाए तत्तीए ॥८९॥

[१४३३] नणु पडिकूलं जइ तुह समुहं को बि-हु खिवेइ दिट्ठिं पि ।
ता हं तस्स कवाळे चडेउमिच्छामि धुवं ॥९०॥

[१४३४] एत्थ पुणो अ-वियाणिय-परमत्था कस्स किं करेमि अहं ।
ता निच्च-मन्नियाए स-माउयाए कहसु तत्तं ॥९१॥

[१४३५] इय बहु-विह-वयण-परंपराहिं सम्भावमाणिया संती ।
सोहाविय इयर-जणं सुय-सारिय-चेडियाईयं ॥९२॥

[१४३६] इयरस्स न जा-जीबं कहियव्वमिमं ति सबह-विहि-धुव्वं ।
रइसुंदरी स-वइयरमुल्लविउमिमं समाढत्ता ॥९३॥

तहा हि -

[१४३७] हिमगिरि-तद्धम्मि वियडे वण-गहणे भूय-सिहरि-सिहरम्मि ।
एगम्मि महा-नीडे विजिएयर-नीड-वित्थारे ॥९४॥

[१४३८] अहमासि पुव्व-जम्मम्मि सारसी सह निएण दइएण ।
पालिती य स-किंटय-जुयलं कालं गमावेमि ॥९५॥

[१४३९] अह अन्नया य निय-पिययमेण सम-सुह-दुहेण बि-हु कह-वि ।
विहिणो वसेण दावानलम्मि संपत्त-पसरम्मि ॥९६॥

[१४४०] किंटय-उवरि-निवेसिय-पक्ख-जुया नीडयम्मि सुह-सुत्ता ।
परिहरियाऽहं दइयं स-जीवियव्वं कुणंतेण ॥९७॥

[१४४१] दावग्गिणा वि अ-वियविकएण सव्वत्थ वित्थरंतेण ।
मह-पक्खाहिं सहस च्चिय नीढं निदइहमइरेण ॥९८॥

- [१४४२] ता ददद-पक्ख-जुयला स-किंटया उड्डिउं अ-तरमाणी ।
दाह-दुहाओ वि गुरुणा पिय-विरह-दुहेण झिज्झंती ॥१९॥
- [१४४३] हा हा निग्घिण पिययम निग्घिण पिययम इमेरिसे विसमे ।
उज्झिउमिमं स-किंटयमवि कत्थ तुमं पउत्थो सि ॥१००॥
- [१४४४] नेहस्स तस्स ललियस्स तस्स तस्स य नियय-वत्तस्स ।
किं दइय तए विसमे निदंसिओ एस परिणामो ॥१०१॥
- [१४४५] अहवा न तुज्झ पिययम दोसो दासो इमस्स हय-विहिणो ।
जेणं न डिम-रूवाणमवि इमाणं कया करुणा ॥१०२॥
- [१४४६] खण-रत्त-सरूवेणं पुरिसेणियराओ अवि चइज्जंति ।
न-उण वि वक्कर-घत्ता दवइ इमा सम्मुह-विट्ठिमि ॥१०३॥
- [१४४७] जइ वा किं कुणइ पिओ किं व विही-कोव भरमुवगओ वि ।
समुहीहवंति कदमवि जइ पुव्व-कयाइं सु-कयाइं ॥१०४॥
- [१४४८] इय करुणं विलवंती पिवखंती चलवलंत-डिभाई ।
वयणेण खेय-दुहवकंता दावेण डज्झंती ॥१०५॥
- [१४४९] मरिऊण अहं अंओ जाया एस म्हि तुज्झ दुहिय च्ति ।
अवरम्मि अवसरे विहि-वसेण एत्थोवविट्ठाए ॥१०६॥
- [१४५०] दिट्ठं सारस-जुयलं कुरुलंतं नहयलेण वच्चंतं ।
अन्नोन्न-दुहवकंतं अंतरियं गरुयमग्गेण ॥१०७॥
- [१४५१] अह कत्थ दिट्ठ-पुव्व-पुण्हूय-पुव्वा य एरिसावत्था ।
इय चिंतंतीए मए नियया जाई सुमरिय च्ति ॥१०८॥

- [१४५२] ता धिसि धिसि पुरिसाणं खण-रत्त-विरत्त-चित्त-पसरारणं ।
जे मरमाणीण वि अवलाणं चित्तं पि न कुणंति ॥१०९॥
- [१४५३] परमेणिं किं काउं अवरं तीरइ इहोववन्नाए ।
इय चित्तंतीए मए कुहुं-निव्वाह-मेत्तमिमं ॥११०॥
- [१४५४] एक्कसि एक्को पुरिसो सेवेयव्वो त्ति अत्थि पडिवन्नं ।
दव्वेण भावओ उण सेवेमि न एक्कसिं पि नरं ॥१११॥
- [१४५५] इय अंओ तुज्झ मए कहिओ निय-नियम-वइयरो सयलो ।
तुमए उण नो कस्स वि कहियव्वो जाव-जीवं पि ॥११२॥
- [१४५६] अह पडिवन्नम्मि इमे विम्भिय-हिययाए मयरदहाए ।
उहिसिय देह-चित्तं उट्ठइ ररसुंदरी तरुणी ॥११३॥
- [१४५७] दिट्ठि-पहाइ कंताए तीए सहस चि मूलएओ वि ।
चूडियमुप्पाडेउं स-ट्ठाणे नेउ मुत्तूण ॥११४॥
- [१४५८] नूणं सिद्धं सज्जं ति चित्तिरो कुट्टणीए पणमेउं ।
गंतुं निययम्मि घरे चित्तयरं बाहरावेउं ॥११५॥
- [१४५९] चित्त-पडए लिहाविय हिमालयं तत्तले य वण-गहणं ।
तम्मज्जे बहु-पत्तल-साहालं गरुय-सहयारं ॥११६॥
- [१४६०] तस्स सिहर-साहाए सारस-नीडं पुणो अइ-महल्लं ।
तम्मज्जे उण सारस-जुयलं सह-किंठय-जुएण ॥११७॥
- [१४६१] एगत्थ-उन्नत्थ पुणो डज्झिर-सहयार-पायव-तलम्मि ।
विहडंत-चंचु-संपुडमंक-हिय-साव-जुयलिल्लं ॥११८॥

[१४६२] निदददोभय-पक्खं सारसिमेगं पहीण-चेयन्नं ।
तह करुण-नयण-वेविर-गल-नालं दलिय-पक्ख-पुडं ॥११९॥

[१४६३] चंचु-कय-सलिल-पूरिय-तामरसिणि-पत्त-पुडयमग-गयं ।
अवगणिय-जीवियच्चं सारसमेगं लिहावेइ ॥१२०॥

[१४६४] तस्स य चित्तस्स अहो गाह-चउक्कं इमं लिहावेइ ।
नीसेस-सेस-धुत्त-सिरोमणी मूलएवो सो ॥१२१॥

जहा —

[१४६५] इय-विहि-निओइ ओलूय-चंचु-संपुड-कयंत-भवणाओ ।
कह-कह-वि लुट्टिऊणं पिया-सगासम्मि आगमिरो ॥१२२॥

[१४६६] इच्छामि मीलियच्छं स-किंठयं डज्झिरं निएउ पियं ।
आणिय-जलो वि तीए उवयारं काउमसमत्थो ॥१२३॥

[१४६७] तत्थेव दवे पडिउं लहुं मओ एस सारस-इयासो ।
सा उण अ-मुणिय-पीडा न कुणेइ कइं पि स-पियस्स ॥१२४॥

[१४६८] तह वि-हु तमुज्झिऊणं जइ जलण-सिहे वलग्गइ महंगे
इय पसिऊणं मह विहि कहसु कहिं चिट्ठइ पिया सा ॥१२५॥

[१४६९] इय चित्त-पडं काऊण करयले मूलएव-धुत्तो सो ।
गहिलाण वेसमवलंविऊण कय-डिंभ-परिवेढो ॥१२६॥

[१४७०] जह तरुणीओ बहूओ ता मह किं निय-पियाए विरहेण ।
इय भणिरो पुणरुत्तं पुरीए परिभमिउमादत्तो ॥१२७॥

[१४७१] अवर-दिणम्मि य गमिरो अग्गिम-भग्गेण डिंभ-परियरिओ ।
रइसुदंरीए दिट्ठो अह — नणु किमिमम्मि चित्त-पडे ॥१२८॥

[१४७२] लिहियं कह वा एसो एवं भणइ त्ति चितयंतीए ।
चेढीहिं तो कहमवि आणीओ अप्पणो पुरओ ॥१२९॥

[१४७३] अह चित्त-पडयमवलोइऊण ददूणमप्पणो चरियं ।
वाएऊण य गाहाओ ताओ वियसंत-मुह-कमला ॥१३०॥

[१४७४] अहह नणु मह पिओ वि-हु मह पट्टीए मओ त्ति चितंती ।
स-विलक्खं जंपइ-नणु लिहियमिणं केण मह चरियं ॥१३१॥

[१४७५] नहि मज्झ पिययमाओ अवरो चरियं इमे मुणइ को-वि ।
इय भइ कहसु को एस चइयो अह भणइ इयो ॥१३२॥

[१४७६] जइ तरुणीओ वहुओ ता मह किं निय-पियाए विरहेण ।
इय पुणरुत्तं ववगय-लक्खं तं चेव जंपंतो ॥१३३॥

[१४७७] काउं रहमियरीए पुट्टो सो तह-वि तं चिय भणेइ ।
अह नणु सो चेव इमो मह दइओ सारसो कह-वि ॥१३४॥

[१४७८] संजाय-जाइ-सरणो वियलत्तमुवागओ मह विओए ।
इय चितंती धरितं करे विसेसयरमुल्लवइ ॥१३५॥

[१४७९] देवय-गुरु-सवएहिं सविऊण जहा-महा-पुरिस सम्मं ।
मह चेव चरियमेयं जेण य लिहियं स मह भत्ता ॥१३६॥

[१४८०] जीवामि इह-गयाहं सेवामि य एक्कसिं वहु-पुरिसे ।
गइमन्नमपेच्छंती गणिय-गिहे पत्त-जम्मं त्ति ॥१३७॥

[१४८१] परमत्थेण पुणो मह जीयं पंच-विह-विसय-मुक्खं च ।
अस्खलिय-पसरं होही जइ तेण चिय मह पिण्ण ॥१३८॥

[१४८२] अह पुण्वुत्तं वयणं भणिरो - नणु मुयसु मुयसु मह इत्थं ।
जं जइ स-पिया-विरहे मह अंगे लग्गिही जलणो ॥१३९॥

[१४८३] एएसिं पुण कइयव-वयणेण न उत्तरं पि वियरेमि ।
एसो उ पडो लिहिओ मए चरित्तं पि मह एयं ॥१४०॥

[१५८४] निय-दइया-अवल्लोयण-कयए य सव्वत्थ परिभमामि अहं ।
जंपंति य मह चरियं इमं ति बहुयाओ तरुणीओ ॥१४१॥

[१४८५] किं पुण न का-वि स-एव्वयं चरित्तं कहेइ पुण्विल्लं ।
जइ पुण सच्चं चिय तुमं तओ कहसु पत्तेय ॥१४२॥

[१४८६] को एस महा-सिहरी का वेस महाडवी तरु को वा ।
चत्तारि सारसाइं एयाइं काइं कह वेसो ॥१४३॥

[१४८७] निय-चंचु-संपुड-द्विय-जल-पत्त-पुडो दवम्मि पडिऊण ।
दीसइ पज्जंत-दसं पत्तो सारस-वराओ त्ति ॥१४४॥

[१४८८] अह जं अहेसि कडियं कुट्टणि-पुरओ तमक्खियमसेसं ।
ता जा मुत्तुं मुत्तं मम गओ कत्थ वि पिओ त्ति ॥१४५॥

[१४८९] सम्मं पइ-वुत्तंतं न मुणामि समासओ उ मुणियमिमं ।
गाहा-चउक्क-दंसणओ जह मह चेव विरहेण ॥१४६॥

[१४९०] वयणाणक्खेय-दुइवकंतो पंचत्तमुवगओ दइओ ।
इय जइ सच्चं चिय तुह चरियमिमं ता कहसु सेसं ॥१४७॥

[१४९१] अह ईसि विहसिऊणं स धुत्त-चूडामणी पयंपेइ ।
जह तइया स-पियाए सुत्ताए पहरय दित्तो ॥१४८॥

- [१४९२] गहिओ अहमवियविकय-समागणं उलय-अहमेण ।
अह विहि-वसेण तेणं लट्ठयरं लक्खमुवल्लुं ॥१४९॥
- [१४९३] गय-जीवियं ति साहीणं ति ममं मुणिय कोट्टरे तरुणो ।
खिविऊण स-कज्ज-कए उट्ठीणोल्लय-अहमो जा ॥१५०॥
- [१४९४] ताव अहं निय-दइयं स-किटयं सुमरिऊण सुह-सुत्तं ।
मा को-वि अवाओ से हवेज्ज इय चित्तिरो तुरियं ॥१५१॥
- [१४९५] उट्ठीय कोटराओ संपत्तो नियय-नीड-सविहे जा ।
ता दव-अलविकयं निय-दइयं दट्ठण महि-वडियं ॥१५२॥
- [१४९६] गंतूणं सविह-सरे जल-पत्त-पुडं तुरियमाणेउं ।
दट्ठं च मयं दइयं तयणुपहेणं अहं पे मओ ॥१५३॥
- [१४९७] जाओ य वेजयंती-नयरीए बुद्धिसार-नामस्स ।
इम्मस्स नंदणोऽहं मइसारो नाम-विक्खाओ ॥१५४॥
- [१४९८] मह भवणस्स उ सविहे चिट्ठेइ महालओ बडो एगो ।
तत्थ य उव्वेति जंति य विहय-कुलाइं विचित्ताइ ॥१५५॥
- [१४९९] अह अन्नया निसाए उवरिम-साहाए तस्स बड-तरुणो ।
आगंतुणं सारस-मिहुणं आवासियं एगं ॥१५६॥
- [१५००] ता विहि-वसेण तत्थागंतु उल्लएण अद्ध-रत्तम्मि ।
तव्वासि-विहय-वग्गो दिसो-दिसिं नासिओ सयलो ॥१५७॥
- [१५०१] अह सारसी स-दइयं अ-नियंती कूजिरी करुण-सदं ।
विविणंतरेसु ममिउं पडिया तत्थेव आगंतु ॥१५८॥

- [१५०२] खण-मेलेण य पिययम-विओय-दुह-जाय-हियय-संघट्ठा ।
पचा पंचत्तं सा निस्सरणा सारसि वराइ ॥१५९॥
- [१५०३] एत्थंतरम्मि अंवर-तलेण विविणंतरेसु परिभमिरो ।
करुण-सरं कुरुलंतो अ-नियंतो भारियं निययं ॥१६०॥
- [१५०४] तस्सेव महा-तरुणो उवरि-पएसम्मि आगओ जा ता ।
नियइ गय-जीवियच्चं निय-दइयं महियले पडियं ॥१६१॥
- [१५०५] करुण-सरं व सुइरं कुरुलंतो सो वि सारस-वराओ ।
होऊण तीए सविहे पंचत्तं झत्ति पत्तो त्ति ॥१६२॥
- [१५०६] अह एस मए कत्थ-वि सु दिट्ठ-पुञ्चोऽणुभूय-पुञ्चो य ।
मरमाण-करुण-कुरुलिर-सारस-मिहुणस्स वुत्तंतो ॥१६३॥
- [१५०७] इय चिंतंतो मुच्छा-निमीलियच्छो महीए पडिओ म्मि ।
पाविय-वेयन्नस्स य जाई-सरणं महुप्पन्नं ॥१६४॥
- [१५०८] अह - सरिस-सुह-दुहाए दइयाए विओइयस्स मह इमिणा ।
किं जीविणं किं वा एयाए विसय-सेवाए ॥१६५॥
- [१५०९] जीवियमिमं तु तीरइ न कइदिउं अंकुडोए देहाओ ।
विसय-सुहं पुण पच्चक्खयं विरहेण तीए मए ॥१६६॥
- [१५१०] जइ तरुणीओ वहूओ ता किं मह निय-पियाए विरहेण ।
इय वित्तिरो य इय विलविरो य अवरम्मि दियहम्मि ॥१६७॥
- [१५११] सिरि-आसाऊरीए पुरओ निय-नयर-पत्त-देवीए ।
अ-प्पक्क-घड-सएणं णवणं तुह पिययमा करिही ॥१६८॥

- [१५१२] कणयाहरणमहं कारिस्सं जइ मेलिसि त्ति भणिऊण ।
परिहरिय-भत्त-पाणो पडिओऽहं जीविय-निरीहो ॥१६९॥
- [१५१३] तइयोववास-अंते तीए पयडीहवेउ मह पुरओ ।
भणियं जह-वच्छ तुमं वच्चसु उज्जेणि-नयरीए ॥१७०॥
- [१५१४] तत्थ य तुह दइया सा मिलिही होही य संगमो सुइरं ।
किंतु निय-मुह-पवन्नं तुम्भेहिं मज्झ दायव्वं ॥१७१॥
- [१५१५] इय देवयाए वयणं सोउं सच्चं इमं ति मन्नंतो ।
आगंतु एत्थ गहिलीहुओ चिट्ठामि परिभमिरो ॥१७२॥
- [१५१६] अह लहु-सव्वंग-समुल्लसंत-रोमंच-राइ-चिंचइया ।
हरिस-वियासिय-वयणा जंपइ रइसुंदरी - नाह ॥१७३॥
- [१५१७] नो वितह-वाइणीओ देवीओ कया-वि होति जिय-लोए ।
इय तीए अहं चिय तुह पिययम कहिय म्हि दइय त्ति ॥१७४॥
- [१५१८] ता काऊण पसायं वीसत्थीहोसु उज्झसु विसायं ।
चिट्ठसु इहेव हवसु य मज्झ तुमं सामिसालो त्ति ॥१७५॥
- [१५१९] एयाओ कणय-तेरस-कोडीओ इमा य अहमिमं भवणं ।
तुम्हच्चयं ति पसिउं निउंजियव्वं स-कज्जम्मि ॥१७६॥
- [१५२०] आसाऊरिय-देवीए वि-हु तुम्भेहिं जं पवन्नं तं ।
अ-प्पक्क-घड-सएणं सिणाण-कम्मं करिस्समहं ॥१७७॥
- [१५२१] एत्तो वि मज्झ वि तुमं पुव्व-भव-प्पिययमं समुम्भेउं ।
अंगे लगइ जलणो जइ न त्तो ?) सक्खमवि इंदो ॥१७८॥
- [१५२२] एसो उण वुत्तंतो पिययम कस्स-वितए न कहियव्वो ।
जं पुव्व-छइलेहिं भणियमिणं पेम-संवंधे ॥१७९॥

[१५२३] भिय-संगमि जे बुल्लडा सहि वित्ता एककंति ।
ते गुरु-मंतक्खर-सरिस कहणा कसु वि न जंति ॥१८०॥

[१५२४] तह पिययम संसारे गिरि-गरुवासे स-दोस-भंडारे ।
एयम्मि वितह-वाई पाएण जणो समग्गो वि ॥१८१॥

[१५२५] किं पुण गणिया-वग्गो इय मा तुह मह य लाहवं होज्जा ।
मज्जे जणाण वितहं सयलं पि इमं ति सुणिराण ॥१८२॥

[१५२६] अहयं तु उज्जमिस्सं कहं पि तह जेण विग्घ-विरहेण ।
तुमए सह मह होही जा-जीवं विसय-सेव त्ति ॥१८३॥

[१५२७] इय विहिय-निच्छया सा रइमुंदरि-कामिणी गणिय-पवरा ।
पडिवन्न-सयल-वयणस्स धुत्त-तिलयस्स तस्स लहुं ॥१८४॥

[१५२८] नियय-कर-किसलएहिं विष्णाण-प्यगरिसेण य निएण ।
पहाण-विलेवण-वत्थालंकारे वियरइ स-तोसं ॥१८५॥

[१५२९] इयरो वि-हु पडिवज्जिय-साहाविय-महिम-रूव-विष्णाणो ।
जाओ उवहसियाखिल-तियसामुर-खयर-माहप्पो ॥१८६॥

[१५३०] ता स-विसेमुल्लासिय-हरिसा सा कं-चि कालमइगमइ ।
जा ताव महीवइणो जाए पढमम्मि तणयम्मि ॥१८७॥

[१५३१] कलहट्ट-कए सयलाओ वि-हु तन्नयर-वारविलयाओ ।
सहावियाओ नरवइ-पहाण-पुरिसेहिं निव-भवणे ॥१८८॥

[१५३२] ता पेच्छणयारंभे मिलिए सयलम्मि पुहइ-पवर-जणे ।
रइमुंदरीए सुइराहियाए स-नट्ट-किरियाए ॥१८९॥

[१५३३] तह तह विर्यंभियं जह झडत्ति सयलो वि रंग-छोगो सो ।
जाओ लेप्पमओ इव पणासियासेस-वावारो ॥१९०॥

[१५३४] अह तुद्रेण निवहणा - मग्गसु मग्गसु वरं ति भणिवा सा ।
पत्तावसरं मग्गिय रहं स-वुत्तंतमक्खेउं ॥१९१॥

[१५३५] विण्णवइ जहा - तं चिय पुच्च-भव-प्पिययमं महिम्म-सुयं ।
वियरेसु सामि पसिउं इयरेण उ मज्झ पज्जत्तं ॥१९२॥

[१५३६] अह नरवहणा कुट्टणि-वग्गं भणिऊण तं तहेव कयं ।
ता स-विसेसं पाविय-रउज-समिद्धि व्व साणंदं ॥१९३॥

[१५३७] पयडिय-उज्जेणी-जण-वेसमण-अणंग-मण-वमक्कारो ।
आसाऊरिय-देवीए काउ तं तह सिणाण-विहिं ॥१९४॥

[१५३८] तवकारिय-कणयाहरणेणं पडिपुन्न-वंछियत्थेण ।
नीसेस-धुत्त-चूडामणिण सह मूलएवेण ॥१९५॥

[१५३९] अणवरयं पि हु अ-मुणिय-रयणि-दिणा पंच-भेय-विसय-सुहं ।
अणुभुंजइ रइमुंदरि तरुणी जय-तरुणि-तिलय त्ति ॥१९६॥

[१५४०] वेसमण-अणंगा उण ते तह तं सच्चवेउ स-विलक्खा ।
गुरु-विम्हया य होउं उववूहेउं च धुत्तं तं ॥१९७॥

[१५४१] वियलिय-निय-प्पइष्णा विच्छाय-मुहा पणहु-उच्छाहा ।
रइमलहंता पत्ता निय-निय-ठाणेसु कह-कह-वि ॥१९८॥

[१५४२] धुत्तो वि-हु तीए समं सुहेण काई-चि दिणाई अइगमइ ।
अह अन्नया य तेसिं स-कय-निओएण केणावि ॥१९९॥

[१५४३] पणय-जण-कप्पविडवी संसार-समुद-तारण-तरंडो ।
काणण-गयाण मिलिओ छरि सिरि-धम्मयोसो त्ति ॥२००॥

- [१५४४] भत्ति-बहु-माण-पुव्वं नमिउं च गुरुं जहोचिय-द्वाणे ।
दोण्णि वि ताई सिरि-कय-कर-कोसाइं निविट्ठाइं ॥२०१॥
- [१५४५] अह स-जल-जलय-गहिर-मुण्णिणा मुणि-नायगेण ।
पारद्धा धम्मकहा भव-भाव-विराय-संजणणी ॥२०२॥
- [१५४६] इंत अणंताइं भाव-पुग्गल-परियट्ठ-सय-सहस्साइं ।
कम्म-वसेणं जीवा भमंति मिच्छत्त-तिमिरंधा ॥२०३॥
- [१५४७] तं नत्थि किं-पि ठाणं वाल्लग-पमाणमवि भव-वणम्मि ।
जम्म-मरणाइं जत्थ न अणंतसो पत्त-पुव्वाइं ॥२०४॥
- [१५४८] तं नत्थि विसय-सोक्खं तज्जणियं इह दुहं पि तं नत्थि ।
जं जीवेहि न पत्तं न उ लद्धो एस जिण-धम्मो ॥२०५॥
- [१५४९] सत्तुरि-कोडाकोडी-सायर-उवमाण-मोहणिज्जस्स ।
वेयणियावरण-हुग-विग्घाण य तीस-उक्कोसा ॥२०६॥
- [१५५०] वीसं कोडाकोडी नामय-भोत्ताण हवइ परम-ठिई ।
एएसि य सत्तण्ह वि करणेण अहा पवित्तेण ॥२०७॥
- [१५५१] अंतो कोडिकोडिं धरिउं खवियम्मि सेसए जीवा ।
पावंति कम्म-गंठिं घण-राय-दोस-परिणामं ॥२०८॥
- [१५५२] एत्तिय-दूरं च इमे पत्ता सव्वे अणंतसो जीवा ।
किंतु अउण्णा पुणरवि परिवडिऊणं गया मूले ॥२०९॥
- [१५५३] वंधंति य परम-ठिइं कम्माण पुणो वि संकिलेसाओ ।
भमिहंति भवमभव्वा एवं पुरओ वि सइ-कालं ॥२१०॥

- [१५५४] आसन्न-काल-भव-सिद्धियाओ अपुव्व-करण-वज्जेण ।
गिरिमिव गंठिं भिदंति पाविउं धीरियमउव्वं ॥२११॥
- [१५५५] अनियट्टिय-करण-मेत्तो अइसय-सुद्धि-स्सरूव्वमणुहविउं ।
अंतो-मुहुत्तमह ते मोक्ख-महा-कप्पतरु-मलं ॥२१२॥
- [१५५६] कारणमणंत-सोक्खाण वारणं तिव्व-दुक्ख-लक्खाण ।
सम्मत्तं कय-उण्णा ल्हंति रोर व्व रयण-निहिं ॥२१३॥
- [१५५७] तं तु गुरु-संगमाओ दुग्गइ-विमुहाण विसय-विरयाण ।
पयडि य-अइयाराणं आसेविय-पायछित्ताणं ॥२१४॥
- [१५५८] अणुसमय-समुल्लसिगासमाण-संवेय-भाविय-मणाण ।
सग्गापवग्ग-फलयं संजायइ भविय-सत्ताण ॥२१५॥
- [१५५९] जे उण विसय-विमदा मिच्छत्ताविरइ-पमुह-पाव-रया ।
वटंति अ-कज्जेसुं भमंति ते चउ-गइ-मवम्मि ॥२१६॥
- [१५६०] परिणाम-पेसलमिणं सुणिउं संवेगमागओ धुत्तो ।
विण्णवइ जहा — भयवं इविही किं कह-वि मह सुद्धी ॥२१७॥
- [१५६१] वेसमण-मयण-वयणुल्लासिय-कूडाहिमाण-नडिण्ण ।
धुत्तत्त-गव्वमुव्वहमाणेणं जं मए एसा ॥२१८॥
- [१५६२] अच्चंतमसंतमिमं पयडेउ तहा तहा स-बुत्तंत ।
वेलविउं संगहिया उवभुज्जंती य चिट्ठेइ ॥२१९॥
- [१५६३] इय विसय-वेग-उवहय-विवेय-रयणस्स पाव-चरियस्स ।
मह कह-वि पसिय भयवं पाव-विमुद्धिं करेसु लहु ॥२२०॥

[१५६४] इय करुणुल्लवंतस्स तस्स लहु मलएव-धुत्तस्स ।
सिरि-धम्मयोस-गुरुणा दिण्णो जिण-देसिओ धम्मो ॥२२१॥

[१५६५] इय विसय-वेग-धुम्मिय-मणेण वेसमण-मयण-धुत्ताण ।
दट्ठं विचेट्ठियाइं नियय-चरियं च मुणिऊण ॥२२२॥

[१५६६] आयणिउं च गुरुणो तं अमय-विवाग-मुंदरं वयणं ।
संजाय-भव-बिराया पडिउज्जइ चरण-रयणं ति ॥२२३॥

[१५६७] तदनुकमशो गुरु-पद्-कमलाराधन-लसन्मनःप्रसरा ।
प्रकटित-निजातिचारा प्रायश्चित्ताचरण-चतुरा ॥२२४॥

[१५६८] निर्मथित-पाप-पङ्का समुपचित-शशाङ्क-कान्त-सद्धर्मा ।
इह-परलोकाराधन-निपुणा रतिसुन्दरी जाता ॥२२५॥

इति रतिसुन्दरी-कथानकं समाप्तमिति ॥

*

[१५६९]

इय सुणेविणु कुमरु साणंदु
रइमुंदरि-तरुणि-कह फुरिय-गरुय-विम्हय-चमक्किउ ।
गुरु-वयणिण मुणिवि भव- भावि-भावु हियवइ धवक्किउ ॥
परिभावंतउ पुणु पुणु वि मणि जिण-सासण-सारु ।
निय-निय-ठाणि समाणवइ सयलु वि निय-परिवारु ॥

[१५७०]

एत्थ-अंतरि विट्ठि-निओएण
सेज्जायल-संठियउ संख-कुमरु स-सविह-वणंतरि ।
पसरंतउ करुण-रबु पविसमाणु निय-सवण-अंतरि ॥
उवलंभिवि सासंक-मणु उट्ठिवि खग्ग-सहाउ ।
वंचाक्किय-परियण-नयणु लहु तयभिमुइउ भाउ ॥

[१५७१]

जाव ता तिण-कुसुम-फल-भार-

अइ-वहल-साहा-सहस- वस-निरुद्ध-दिसि-तरुणि-वयणह ।
 एगस्स मह-हुमह निय-समिद्धि-संछन्न-गयणह ॥
 मूछे वइद्व कबोल-तल- निवडिर-नयण-जलोह ।
 विलविर बुद्ध महेल इग दिट्ठिय गरुय-कुहोह ॥

[१५७२]

तयण पुच्छिय-कहसु नणु किह णु

तुहुं अंव स-करुण-रबु अ-सरण व्व विलवेसि संपइ ।
 अह कह-वि महेल तसु पुरउ दीह-नीसामु जंपइ ॥
 किमहमउण्णिय करयल्लह निवडिय-रयण-निहाण ।
 गलिय-विवेयय तुह पुरउ साहउं पुरिस-पहाण ॥

[१५७३]

अह स-संभसु कुमरु जंपेइ

नणु अंव साहसु फुडउं जमिह तुज्झ करयल्लह निवडिउ ।
 किह कीरइ पडिविहि वि जा न सज्झ वयणेहि पयडिउ ॥
 ता कुमरह दंसण-वसिण किं-चि पयासिय-तोस ।
 इयरी भणइ-सुणेसु नर- तरणि पणासिय-दोस ॥

तहा हि-

[१५७४]

अंग-जणवय-मज्झि विलसंत-

सुरोदय-राय-सिरि- मिउलिमाहिं गयणेण सरिस वि ।
 निरु उदिय-गुरु-बुद्ध-कइहि गयण लच्छि अहरइ असेस वि ।
 जत्थ य सिरि-ववुपुज्ज-जिण- इंदह जम्म-दिणम्मि ।
 नच्चिउ वारविलासिणिहिं पलविउ निव्वाणम्मि ॥

[१५७५]

सा कुलायल-तुंग-जिण-भवण-
 सिहर-द्विय-कणय-सय- कुंभ-किरण-अवहरिय-तम-भर ।
 चंप चि भुवण-प्पयड- नामधेज्ज इह आसि पुरि-वर ॥
 तत्थ य सुरु वि उवसमिय- महियल जण-संतावु ।
 सोमु वि अ-प्पणमंत-जण-हियय-डहण वण-दावु ॥

[१५७६]

आसि नरवड् सयल-नय-सत्थ-
 पड-पयडण-सडसकरु सुहड-तुरय-रह-करि-समिद्धु ।
 मुसुमूरिय रिउ-नियरु सिरि-जियारि-नामिण पसिद्धु ॥
 तसु पुणु आसि ससंक-मुहि छण-ससि निम्मल-कित्ति ।
 पत्त-पसिद्धि समग्गि जगि नामिण कित्तिमड् चि ॥

[१५७७]

तेसि असरिस-विसय-मुक्खाड्
 भुंजंतहं बहु-सुयहं उवरि पउर-पत्थणय-जोगिण ।
 संजाय जयड्भट्टिय- रूव एग मुकयाणुहाविण ॥
 तसु सुय-जम्मम्मि व असम- ऊसव-सहस-पहाणु ।
 जणणी-जणइहिं वियरियउं जसमइ चि अभिहाणु ॥

[१५७८]

जीए रयणिहिं नियय-तणु-किरण-
 माळ च्चिय दीव-सिह सोह-मेत्तु मंगल-पईव य ।
 सवणाण विहूसणइं नयण कमल ठिइ-मेत्तमेव य ॥
 गंड-यल च्चिय तिमिर-हर जगि पडु ससि-रवि-संख ।
 सवण जि अंदोलय ललिय विहल महुहु आकंख ॥

[१५७९]

जणु सुहावहिं सुहह नीसास
 किं मलयानिल-भरिण दंत-किरण धवलहिं कि चंदिण ।
 अहरो वि-हु रंजवइ जगु वि कइण किं अंग-रागिण ॥
 रसण-पउ च्चिय मिउ फरिसु नूण मयण-सयणिज्जु ।
 नह-मणि-किरण च्चिय कुणहिं कुसुमुवयारह कज्जु ॥

[१५८०]

अवि य-

तरल नयणिहिं कुडिल केसेहिं
 थण-जुयलिण पुणु कटिण तुच्छ-रूव मज्झ-प्पएसिण ।
 अच्चंतं वाउलिय देव-पूय-गुरु-विणय-हरिसिण ॥
 इय सा सयलु वि जगु जिणइ निय-गुण-दोस-सएण ।
 अवरम्म उ अवसरि कह-वि केण वि विहिदि वसेण ॥

[१५८१]

सयल-महियल-फुरिय कित्तिस्सु
 सिरिसेण-नराहिवइ- सुयह संख-अभिहाण-पयडह ।
 गुण-रयणिहिं सहं विसहिं विसम वाण तसु निवइ-दुहियह ॥
 तह जह कहमवि न-वि मुयइ संख-कुमार-ज्झाणु ।
 चिट्ठइ जसमइ जोगिणि व सोसंती अप्पाणु ॥

[१५८२]

ता नरिदिण समय-जोगेण
 निय-धूयह मणु मुणिवि भणिउ - वच्छि तुहुं मा विस्रसु ।
 उत्तारिवि निय-मणह खेउ सयलु वीसत्थ चिट्ठसु ॥
 जं तुह निय-कुल-गयण-ससि- लेहह एहु पडिवंधु ।
 जुसु च्चिय इय तुम्ह लहु कारवेसु संवंधु ॥

[१५८३]

इय विचित्तिहिं वयण-रयणेहिं

संभूसिवि धूय निय जाव तीए वरणत्थु नरवइ ।
 सिरि-हत्थिणपुरि नयरि पेसवेइ स-सचिवु महामइ ॥
 ता विज्जाहर-पुंगविण मणिसेहर-नामेण ।
 सा वालिय पत्थिय पुरउ निवइहि गुरु-पणएण ॥

[१५८४]

अह नराहिवु भणइ - खयरिंद

सिरि-संख-कुमरइ विरहि दूरि ताव एयइ हियालिय ।
 धुवु न नियइ सम्मुहु वि कुमुमसरइ इंदह वि वालिय ॥
 इयरि वि खयर-नरिंद-मुय मगिगवि गया अणेगि ।
 एयइ पुणु मणु तमु जि पर गोयरि चडियउं वेगि ॥

[१५८५]

इय सुणेविणु जाय-वेलवस्तु

मणिसेहरु खयर-वइ गयउ नियय-ठाणम्मि दुम्मणु ।
 अवरम्मि उ दिणि निसिहिं कइ-वि करुणु विलविर हरेविणु ॥
 नीय कुमारी विलविरि उ हउं चिट्ठहुं इह मुक्क ।
 अंव-धाइ तमु मंकडि व नियय-पल्लवह चुक्क ॥

[१५८६]

इय महायस दुक्ख-संतत्त

हउं जसमइ-नामयउं तरुणि-रयणु चिट्ठहुं नियंतिय ।
 अनियंतिय पुणु तमिह परियडामि बहुहा रुयंतिय ॥
 इय नर-रयण करावडिउ चिंता-मणि मह नदटु ।
 आसि महा-तरु मूलह वि चिरु रोविउ वि विणदटु ॥

[१५८७]

अह कुमारिण भणिउ - नणु अंव

मा खेयमुव्वहसु तुहं एम कुमरि आणिवि पडुत्तु ।
 इय कहमवि थिरु करिवि चित्तु तामु रमणिहि निरुत्तु ॥
 लग्गाउ अवलोइउ कुमरु मज्झि तीए अडईए ।
 न-उण नियच्छइ तहिं महिहिं पय-मेत्तु वि तरुणीए ॥

[१५८८]

तयणु वियळिर-तिमिर-धम्मिल्ल

परिल्हसिर-तारय-वसण कलयलंत-तरु-सिहर-पक्खिय ।
 परिसंदिर-कुसुम-महु- विंदु-मिसिण रोयइ व दुक्खिय ॥
 जसमइ-कुमरिहि दुक्खिय व अइरिण रयणि विलीण ।
 पडिवक्खिय-खयरिद-मुह- बुद्धि व कुमुइणि झीण ॥

[१५८९]

कुमर-रयणह पडु पयासेउ

सिव वियसइं निसि-मुहइं उदय-गिरिहिं आरुहिउ दिणयरु ।
 संपात्रिय-उदउ निरु रायहंस-कमलोह-मुहयरु ॥
 पत्तावसर समुल्लसिय संझ राय-सिंगार ।
 नं कुंकुम-कोसुंभ-वर- वत्थ-कयालंकार ॥

[१५९०]

संत-चक्कहं विहिय-संतोस

पविरायइ पुव्व-दिसि अवहरंत-तम-वल्लि-लज्जिण ।
 पसरंत-रायारुणिण नव-बहु व्व रवि-इइय-संगिण ॥
 उदयंतेण य रवि-निविण गंजंतिण पडिवक्खु ।
 कमल-कोसि विणिहित्त-कर वद्ध गुरुत्तणि लक्खु ॥

१५८८. १. क. *धम्मिल्ल.

१५९०. ९. वंजु.

[१५९१]

हरिय-तारय-रेणु-नियरम्मि

अइ-निप्पहि दोसयरि निम्मलम्मि गयणयलि चइडिउ ।

रवि रेहइ कणयमउ मंगलत्थु नं कलसु मंडिउ ॥

भमरा धावहिं कुमुडणिउ उज्झवि कमल-वणेसु ।

कस्स व कहिं पडिवंधु जगि चिर-परिचिय-ठाणेसु ॥

[१५९२]

विरह-विहुरिय-चक्क-मिहुणाइं

मिलिऊण साणंद हुय तुट्ट भमहिं पहियण महीयलि ।

कोसिय-कुलु एक्कु परि दुडिउ रविहिं आरुदि नहयलि ॥

एत्थंतरि तहिं धरणियलि संख-कुमारु भमंतु ।

तुंग-विसाल-स्सिग-गिरि- रायह सिहरि पडुत्तु ॥

[१५९३]

जाव ता तसु सवण-जुयलस्सु

अब्भंतरि करुण-रवु वालियाए काए वि पविट्टउ ।

अह संख-कुमार-वरु निय-मणेण चितइ पहिट्टउ ॥

नणु किं सुम्मइ इह विसम- गिरि-सिहरइ उवरिम्मि ।

अहवा खणु अवहिय-हियउ एयं पि-हु निसुणेमि ॥

[१५९४]

एत्थ-अंतरि - अरि दुरायार

किं कज्जु तई मज्झु इह जं विइण्ण दुक्खाइं जणयहं ।

विच्छोहिउ वंधुयणु दिण्णु अ-सुहु सहियणहं सयणहं ॥

तइ मह जम्मंतरि वि पिउ हविहइ संख-कुमार ।

अवरु न पडियउ अंखिहिं वि खुडुकइ पुरिसु अ-सारु ॥

[१५९५]

इय स-निदुरु भणिर सा वाल
 रोयंत डुमुक्कइहिं वेवमाण-सव्वंग इयरिण ।
 आभासिय सयल-तणु- फुरिय-मयण-वाणोलि-विहुरिण ॥
 किं जणइण जणणीए किमु किमु सहियण-सयणेण ।
 किं संखिण तिण मइं जि तुहुं पडिवज्जमु हियएण ॥

[१५९६]

अहह फिटु फिटु वयणि तुह जीह
 किह पइसइ पुणु पुणु वि तं जि तं जि दुव्वयणु भणिरह ।
 लहु वच्चमु वेगलउ लहसि को-वि जमणत्थु इहरह ॥
 संख-कुमार लहेवि एहु जणु किह अवरि रमेइ ।
 खंधि चडेविणु गयवरह को खर-उवरि चडेइ ॥

[१५९७]

इय दुवेण्ह वि तेसि वयणाइं
 निमुणंतउ कुमर-वरु नूण एस मह पाण-वल्लह ।
 इय चित्तिरु अक्कमइ अग्ग-मग्गु कित्तिउ वि तह जह ॥
 पेक्खइ खयरिदह पुरउ अखलिय-सीलु निरुत्तु ।
 धरणि-निवेसिय-मुह-कमलु तरुणि-रयणु पुव्वुत्तु ॥

[१५९८]

अह निरिक्खिय संख-कुमरेण
 सुय-पुव्व-तव्वइयरिण तीए सविहि खयराहिराइण ।
 मणिसेहर-नामगिण तेण भणिउ - मह सुकय-जोगिण ॥
 सुयणु निरिक्खमु आगयउ एहु जि संख-कुमार ।
 तुह उवदंसिमु एण्हि पुण रणि निवडंतु अ-सारु ॥

[१५९९]

तयणु निहणिय-नियय-पडिवक्खु
 वंभंड-भमंत-जसु दरिय-वइरि तरुणिहिं कडक्खिउ ।
 तइं परिणिमु इउं जि पर तुहुं करेसु जं किं-पि सिक्खिउ ॥
 एत्यंतरि वियसंत-मुहु संख-कुमारु तुरंतु ।
 तत्थागंतु समुल्लवइ अरि अरि विडलु वयंतु ॥

[१६००]

थक्कु एत्तिउ कालु तुहुं सविहि
 ससि-वयणिहि जसमइहि किं तु एण्हि करवालु वेप्पिणु ।
 सवडम्मुहु इवसु जह तुह मडप्पु सयलु वि दलिप्पिणु ।
 दंसिवि दुन्नय-तरु-फलइं सहलीहुय-अहिमाणु ।
 उवञ्जंजउं इउं वर-विसय- सुह जसमइहिं समाणु ॥

[१६०१]

इय परोप्पर-भणिर ते दो-वि
 दुवंत-दप्पाभिहय गहिय-खग्ग समरम्मि पविसहिं ।
 अप्फोडहिं वक्करिय नियय-दप्प-माहणु दंसहिं ॥
 धावहिं वग्गहिं उल्लसहिं वियरहिं कर-अप्फोडु ।
 न-उण पयट्ठइ एक्कइ वि रोम-लवह तहं तोडु ॥

[१६०२]

ता विउज्झिय-खग्ग-संगाम
 दट्ठोद-पल्लव दुवि वि संपलग्ग गुरु-वाहु-जुज्झिण ।
 नउ छलिउ एक्को वि तहं मज्झि किण-वि बुद्धि-प्पओगिण ॥
 तयणंतरु खयरहिंविण फुरिय-गरुय-रोसेण ।
 मुक्का गिरि-तरु-सीह-अहि-विज्जुय विज्ज-वसेण ॥

[१६०३]

तत्थ पुणु तसु कुमर-रयणस्सु
 कि-वि गच्छहिं तणु-वहिहिं पडिहिं के-वि पुणु अद्द-मग्गि वि ।
 सुह-जोगिण के-वि पुणु ठंति कुमर-करयलि विलग्गि वि ॥
 तयणंतरो कुमरो वि गुरु-रोमारुण-नयणिल्लु ।
 आरोवइ अरि-दुद्धरिस्सु चाव-दंडु नियइल्लु ॥

[१६०४]

अह कहं चि वि हणइ वाणेण
 वच्छ-त्थलि जह लहु वि दलिय-दप्प-माहप्प-वित्थरु ।
 परिवियलिर-रुहिर-कय-गुरु-पवाह-निज्झरण-हुंगरु ॥
 गुरु-करुणारिह-मुह-कुहर-निग्गय-रसणा-दामु ।
 खयरिदाहमु धरणि-यलि पडिउ सु अ-गहिय-नामु ॥

[१६०५]

तयणु धिसि धिसि पाव-तरु फलिउ
 एयम्मि जम्मि वि इमह खयर-राय-अहमम्मु पेच्छहु ।
 इय नहयलि उच्छलिय वाणि खयर-सुर-गणहं तहिं लहु ॥
 इयरह पुणु पसरिय-जसद अ-मलिय-माण-धणस्सु ।
 कुसुम-वुट्ठि जय जय-झुणि वि जाय उवरि कुमरस्सु ॥

[१६०६]

किंतु कुमरिण जाय-करुणेण
 मणिसेहरु खयरवइ मुच्छ-विवसु निय-करिहिं वेप्पिणु ।
 निग्गालिय-रुहिर-वर-ओमहीहिं सज्जउ करेप्पिणु ॥
 भणिउ - महा-यस उट्ठिउण वेप्पिणु करि करवालु ।
 जुज्झंतउ पडिवविखयहं दंससु अप्पु कराळु ॥

[१६०७]

तयणु निरुवम-कुमर-गुण-गणिण

संगहिय-माणस-पसरु खयर-राउ जंपइ - महा-यस ।
 का मज्झ धीरिम समरि तइं समाणु बिप्फुरिय-सिय-जस ॥
 जं तं तेत्तिउ मज्झ वलु तेत्तिय विज्ज-विसेस ।
 लीलाए वि तइं नर-रयण अहलीकय नीसेस ॥

[१६०८]

असम धीरिम तुंगु गरिमत्तु

अइ-गहिर गंभीरिम वि पत्त-सीम सच्चंग-चंगिम ।
 जय-विम्हय-करु वयण सुयण-दियय-मुहयर वियहटिम ॥
 जं तत्तो विय तुह तरुणि- रयण एहु अणुरत्तु ।
 सिचिणि वि इंसि न अहिलसइ जमिह वलाउ निरुत्तु ॥

[१६०९]

इय कुणंतिण नेहु अ-ट्टाणि

मइं अप्पु विगोइयउं जणणि-जणय-सिय-कित्ति मलिणिय ।
 हरिउण रायाउरिण दुहि निहित्त जं चंद-वयणिय ॥
 इय गुरु-गुण-संदाणियउ तुह कुमार हउं भिच्छु ।
 ता उप्पन्नइ कज्जि मइं वावारेज्जसु निच्छु ॥

[१६१०]

एत्थ-अंतरि वलिय-मुह-कमल

परिचित्तइ ससि-वयणि अहह एत्थ किं ते-वि जीवहिं ।
 जहं कामिणि-नाय-वइर वइरि-नियर गुण-गणु न दीवहिं ॥
 कि-विथोवम्मि वि नियय-गुणि होति पसिद्धि-पहाण ।
 जं खारम्मि वि मयरहरि फुरइ कित्ति अ-समाण ॥

[१६११]

असम गुण पुणु पुरिस-रयणस्सु
 एयस्सु सुरिदिहि वि धरिउ नेव तीरंति चित्तिण ।
 न य वयणिण जंपिउ वि चेद्धिउं पि न सरीर-वित्तिण ॥
 इय धुवु भुल्लउं मज्झ मणु धावइ जमिह इमस्सु ।
 खुज्जु हसिज्जइ निक्खिविरु करयल्लु ताल-फलस्सु ॥

[१६१२]

न-वि य माणस-सर-सल्लिळाइं
 धावंतु वि मरुपहिउ लहइ कह-वि निय-पुन्न-वज्जिउ ।
 रोरु वि न रयण-निहि पाउणेइ निय-दुकय-तज्जिउ ॥
 तह-वि-हु निय-मणु एत्तिइण आसासेमि अहं पि ।
 किं-चि सिणिद्धिहि लोयणिहि इहु वि ज नियइ ममं पि ॥

[१६१३]

एत्थ-अंतरि भणइ खयरिंदु
 मरसिज्ज अवराहु इहु कुमर-रयण पसिऊण महुवरि ।
 तह चल्लसु मइं जि सहं जेण जाहुं वेयइह-गिरि-वरि ॥
 वंदहुं सासय-चेइयइं सिद्धाययण-गयाइं ।
 निमुणहुं सिद्धि-मुहावहइं चारण-मुणि-वयणाइं ॥

[१६१४]

एत्थ-अवसरि तत्थ संपत्तु
 मणिसेहर-खयरवइ- तणउं सेन्नु पूरिय-नह-त्थल्लु ।
 अह विज्जाहर-मुहिण पेसवेउ निय-नयरि निय-वल्लु ॥
 आणावेविणु जसमइहि अंव-धाइ साणंदु ।
 चलिउ संख-कुमारु लहु पुरउ करिवि खयरिंदु ॥

[१६१५]

ता स-विज्जइ वलिण खयरिंदु
 खण-मेत्तिण माणुमइं ताइं नेइ वेयइह-सिहरिहिं ।
 अह पूयहिं निच्च-जिण- विव-सयइं वंदहिं य भाविहिं ॥
 सुस्समहिं चारण-समण पय-पउमइं भत्तीए ।
 पडिवज्जहिं गुरुयण-कहिय- किरिय वि जह-सत्तीए ॥

[१६१६]

अह खगिदिण कणयपुरि-नयरि-
 निययम्मि कयायरिण विहिय-विविह-पडिवत्ति-जोगिण ।
 नीयाइं नहंगणिण ताइं तिणिण माणुसइं जत्तिण ॥
 धवलहरे य पवेसिउण पयडिय-गुरु-रिद्धीए ।
 सक्कारिय-खयराहिविण तिण वि सुद्ध-बुद्धीए ॥

[१६१७]

तयणु विम्बिय-मणिहिं तरुणेहिं
 जोइज्जइ विजिय-रइ रंभ-लच्छि-सीयाइ-रमणिहिं ।
 विलसंत-लोयण-भमरु वयण-कमलु जसमइहि तरुणिहि ॥
 अवलोइज्जइ कुमरु पुणु पुणु मुणि-मण-महणीहिं ।
 तत्थ-समागय-सुर-असुर- खयराहिव-तरुणीहिं ॥

[१६१८]

ता कुमारह रुव-रिद्धीए
 माहिज्जइ तरुणि-यण तरुण-नियरु जसमइहि रुविण ।
 खयराहिव-मुहिण सुय पुव्व-वुत्त-वुत्तंतु लेसिण ।
 चिहइ तियसामुर-खयर- तरुणीयणु माणंदु ।
 पेक्खिरु संख-कुमार-सिरि जसमइ-मुह-अरविंदु ॥

[१६१९]

ठिइण तत्थ य सत्तु-अभिभूय-
 बहु-मेय-खयरहिबहं पत्थणेण साहज्जु देतिण ।
 आऊरिउ तिहुयणु वि छण-ससंक-निम्मलिण कित्तिण ॥
 भुवणम्महिय-पयाव-भर- अहरिय-स-सुर-नरेण ।
 सिरि-सिरिसेण-निवंगइण तेण संख-कुमरेण ॥

[१६२०]

ता पवज्जिय-भिच्च-भावेहिं
 गुण-रंजिय-माणसिहिं बहु-विहेहिं खयरहिआइहिं ।
 साणंदु कुमर-विहिय पाय-पूय-पणमंत-काइहिं ॥
 निय-निय-रायाउर-हियय निरुवम-गुण-रयणइह ।
 तत्थ सयंवरि आणित्तण वियरिय धूय वियइह ॥

[१६२१]

अह कुमारिण भणिय खयरिंद
 सव्वे वि ति - जाव मइं तरुणि-रयणु जसमइ न परिणिय ।
 ता कह-वि न का-वि धुवु परिणियव्व तियसहं वि वालिय ॥
 अह खयरहिब-निवहु मणिसेहर-पमुहु स-धूउ ।
 पवर-विमाणिहिं आरुहिवि कुमरह अमाइ हूउ ॥

[१६२२]

संख-कुमरु वि तेसि वयणेण
 आरुहिय विमाण-वरि अंव-धाइ-जसमइ-समन्निउ ।
 संपत्तउ चंपय-पुरिहि उवरि खयर-निव-निवह-वन्निउ ॥
 तयणंतरु चंपाहिविण अवगय-वुत्तंतेण ।
 सहिइण मेद्धि-अमच्च-वर- तलवर-सामंतेण ।

[१६२३]

समुद्रु गंतु वि गुरु-विभूईष

सक्कारिवि खयर-गणु कुमर-रयणु आलिगिऊण य ।
 संभासिवि निय-दुहिय अंब-धाइ संभूसिऊण य ॥
 निय-नयरीष पवेसियउ लोउ सु सयलु स-तोसु ।
 तह जह तियसासुर-गणु वि मणि विम्हइउ असेसु ॥

[१६२४]

ता पहुत्तइ लग्ग-समयम्मि

मिलिपहिं सुहि-सज्जणिहिं तेसि कुमर-कुमरीण दोण्ह वि ।
 पारद्ध विवाह-विहि तयणु खयर-पहु-दुहिय अन्न वि ॥
 निय-निय-जणयाणुगहिण कय-सायर-सिंगार ।
 लग्ग कुमारह पाणि-तलि फुरिय-पुल्लय-पम्भार ॥

[१६२५]

ता कुमारह वित्ति वीवाहि

पमरंत-महसविण नयर-लोउ सयला वि स-हरिसु ।
 आसीसहं सय-सहम देइ कुणइ मंगलिय-पगरिसु ॥
 अह नर-नाहिण वित्थरिण निय-नयरम्मि असेसि ।
 पारद्धउं वद्धावणउं तम्मि विवाह-विसेसि ॥

कहं —

[१६२६]

(७) वज्जंत-गज्जंत-वहुभेय-नृरं लमिज्जंत-दिज्जंत-कप्पूर-पूरं ।
 गायंत-नच्चंत-वेसा-समूहं हसिज्जंत-हिंडंत-वावणय-वृहं ॥१॥

[१६२७]

एंत-गच्छंत-विट्ठंत-वहु-सज्जणं लित-वियरंत-सुगसंत-जण-रंजणं ।
 खंत-पिज्जंत-दिज्जंत-वहु-भक्खयं लोय-उल्लमिय-वहुभेय-मण-सुक्खयं ॥२॥

[१६२८]

धावंत-कीलंत-वर्गंत-सुञ्जय-गणं ठंत-उटंत-निवडंत-वाल्य-जणं ।
 सुयण-अच्छरिय-पन्भार-वित्थारणं बिहिउ सुहि-सहिय-गुरुयणिण वद्धावणं ॥३॥

[१६२९]

नहयर-मणहरि सुरवर-सुंदरि इय जायइ वद्धावणइ ।
 गय-भव-हियउ वि कय-मुणि-किरिउ वि कु न संसारइ मणु कुणइ ॥४॥

[१६३०]

अह जियारिण करिवि सक्कार
 खयरिंद-विवाह-मह- समय-पत्त सयलि वि विसज्जिय ।
 कुमरो वि जसमइ-पमुह नियय-दइय अवजस-विवज्जिय ॥
 निव-उवरोहिण तत्थ ठिउ परिकीलइ साणंदु ।
 कुट्टिम-तल-ठिउ अवर-दिणि वियसिय-मुह-अरविंदु ॥

[१६३१]

सिरसि विरइय-पाणि-पुडएण

दूरागम-खेइएण ईसि ईसि सामलिय-वयणिण ।
 पुण्वयर-पहुत्त-निव- दारवाल-पुरिसोवइट्ठिण ॥
 सिरि-सिरिसेण-नराहिवइ- दइण संख-कुमारु ।
 विण्णत्तउ जह-तुह विरहि नरवइ स-परीवारु ॥

[१६३२]

मुणइ भवणु वि मुत्तु रन्नं व

सिग्खिंदु वि मुम्मुरु व रयण-हारु अवि असि-पहारु व ।
 विसया वि विसाय इव सुहियणो वि दढ-दुक्ख-भारु व ॥
 निमुणेविणु पुणु पत्थुयउ संपइ तुह वुत्तंतु ।
 चिट्ठइ स-परियणो वि पडु हरिस-विसाय वटंतु ॥

[१६३३]

इय तुरंतिण तत्थ आंगंतु

सुहि-सयण-जणणी-जणय- पमुहु लोउ सयलु वि नियल्लउ ।
 आणंदेयव्वु तइं हवइ तेसि जिह हरिमु भल्लउ ॥
 तयणु कुमारिण तह भणिउ सिरि-जियारि-नरनाहु ।
 जिह तिण अणुमन्निउ कुमरु विहिय-विविह-संवाहु ॥

[१६३४]

सहिउ बहुविह-खयर-निवईहिं

भंजंतउ रिउ-कुलह दप्पु तरुणि-माणिण समन्निउ ।
 पयडंतउ किच्चि-भरु तह पयावु सुहि-सयण-वन्निउ ॥
 अणुगम्मंतउ जसमईहिं तह जिण-धम्म-महए ।
 पसरंतउ गुरु-विक्कमिण तह वि-हु रज्ज-सिरीए ॥

[१६३५]

पत्तु अइरिण हत्थिणउरस्स

आसन्न-पएसि अह मुणिय-पुव्व-वइयरिण निवइण ।
 अभिमुहयमुवागइण उच्छलंत-गुरु-नंदि-घोसिण ॥
 विहिय-हट्ठ-सोहा-पमुह- नयरुसव-पसरम्मि ।
 महया महिण पवेसियउ नंदणु निय-नयरम्मि ॥

[१६३६]

तयणु विम्भिय-हियइ सुहि-वग्गि

संतुट्ठइ भिच्चयणि दलिय-दप्प-माहप्पि रिउ-कुलि ।
 मयणाउरि तरुणियणि वच्चमाण-हरिसम्मि निय-वळ्ळि ॥
 नर-नायगिण करावियइ वद्धावणय-महम्मि ।
 दइयहिं सह विलसइ कुमरु संठिउ निय-नयरम्मि ॥

[१६३७]

सुर-सोम वि चइवि आरणह

सुर-भवणह ठिइ-खइण सुइय वि निय-मुकयानुहाविण ।
 सु-स्सिविणिहि उवइसिय सहिय-चंद-सिय-कल-कलाविण ॥
 हुय सिरि-संख-कुमारह वि निरुवम-गुण-मणि-धाम ।
 लहुय सहोयर सुह-निलय जसहर-गुणहर-नाम ॥

[१६३८]

अह निरंतरु दुहि वि बंधूहि

मुहिणा वि मइप्पहिण पिययमहिं जसमइ-पमुक्खिहिं ।
 सह कीलिरु कुमर-वरु गमइ कालु पसरंत-मुक्खिहिं ॥
 अवरम्मि उ अवसरि निविण दिट्ठु कुमारु ललंतु ।
 निय-तेइण तेयस्सियहं सयलहं कंति हरंतु ॥

[१६३९]

तयणु किंचि-वि तुट्ट-हियण

स-विसाइण किंचि पुणु किंचि फुरिय-मुकयाणुराणिण ।
 परिचित्तिउ नर-वरिण विप्फुरंत-बहु-भेय-भाविण ॥
 अइह कयत्थउ हउं जि पर जसु हुउ नंदणु एउ ।
 पणमिर-खयरहिब-निवइ- निवहु नियय-कुल-केउ ॥

[१६४०]

किंतु धिसि धिसि मह विवेयस्सु

जं एरिस-सुय-रयणि वसुह-बलय-धुर-धवल-स्वंधरि ।
 इयम्मि वि पणय-जय- जंतु-जाय-कप्पदु-बंधुरि ॥
 सेविय-विसय-सुह-स्सरि वि परिणय-पढम-वओ वि ।
 उप्पाडउ हउं रज्ज-भरु सुयणिहि परिहरिओ वि ॥

[१६४१]

जमिह मालइ-माल तव्वन्न-

विहुरंतर-संठिय वि मुद्ध-देसि दुल्लक्ख जायइ ।
 ता मोह-पिसाय-इय- मणहं कुसुम-संभोगु भावइ ॥
 मुग्गार-निहयस्स व मुहह निरु गलंत-पिक्कस्सु ।
 जरहं विडंवण धुवु बुहहं सेवा तंबोलस्सु ॥

[१६४२]

सन्ध-अंगि य गरुय-वलि-विवर-

परिगसिय-चंदण-रसह परिसडंत-नीसेस-छायह ।
 वज्जंत-जरद्वियह वाय-उदय-कंपिरह कायह ।
 अंग-भोग आहरण-विहि मंडण-विहि वि किलेसु ।
 आयणिय-जिण-वयण-लवु कुणइ क एहु असेसु ॥

[१६४३]

रसु न नज्जइ सम्भु जर-वसिण

परिवियलिय-वेयणिण जणिण अहह तत्थ वि सुहासय ।
 कप्पूरागुरु-पमुह मुरहि-वत्थु-सत्थि वि हयासय ॥
 अणुरज्जिर-अविवेय-घण अ-मुणिय-चंगाचंग ।
 अप्पु विगोपहि वप्पुडा जर-जज्जर-सव्वंग ॥

[१६४४]

अहह ससहर-वयणि हरिणच्छि

विंबोहि पवाल-दल्ल- अहर कणय-कलस-प्पओहर ।
 पउमारुण-पाणि मरु- कूव-नाहि-मंडल-मणोहर ॥
 एस चिय इय इयर-जण- वयणिण म्मणहिं हयास ।
 सयमनियंता तह-वि निरु तरुणिहिं वंधहिं आस ॥

[१६४५]

नणु पयंपइ एहु किं किं ति

पुच्छंता पुणु पुणु वि गरुय-रविण इयरिण निवेइउ ।
 जइ कहमवि सुणहि पर- वयणु बुद्ध-दिय-करु वि साहिउ ॥
 तह-वि न किन्नर-गेय-झुणि- गोयरि विरमहिं पाव ।
 चिर-परिसंचिय-अमुह-भर नरइ न निवडहिं जाव ॥

[१६४६]

इय अहं पि-हु जाव वच्चामि

न इमेरिस विमम-दस- विसइ ताव गुरु-महिम कारिवि ।
 सिरि-संख-कुमार-वरु निय-करेहिं रज्जम्मि ठावि ॥
 मेलेविणु सयलो वि निय- रज्ज-पहाणु जणोहु ।
 चरणु चरेविणु सिव पुरिहिं वच्चहुं ससि-सिय-बोहु ॥

[१६४७]

इय विचित्तिवि सयण मेलेवि

परिसाहिवि नियय-मणु गहिवि तेसि सम्मयउं अइरिण ।
 स-तणूरुहु संठवइ नियय-रज्जि पसरंत-विहविण ॥
 अह सविसेस-पडिठ-मणु पमुइय-सयल-जणम्मि ।
 कारावइ बद्धावणउ नरवइ निय-नयरम्मि ॥

[१६४८]

कहं -

- (८) वंछियत्थ-प्पयाणुल्लसिय-देसियं ।
 गरुयरुल्लास-मुम्मंत-इय-हेसियं ॥
 ठाण-ठाणेसु-कीलंत-वर-हत्थियं ।
 मंदिर-दार-दिज्जंत-बहु-सत्थियं ॥१॥

[१६४९]

तरुण-रमणीहिं गिज्जंत-बहु-मंगलं ।
 वंदि-निवहिण पढिज्जंत-निव-मंडलं ॥
 सयल-जण-इद्व-धण-दाण-दुह-भंजणं ।
 वार-तरुणियण-नच्चिय-भुवण-रंजणं ॥२॥

[१६५०]

फुरिय-कंसाल-मल्लरि-तिलिम-भेरियं ।
 निहय-मदल-हुडुक्का-रवाऊरियं ॥
 करडि-पडु-पड्ड-आराव-उल्लासियं ।
 वंस-सारंगि-वीणा-खुब्भासियं ॥३॥

[१६५१]

वज्जमाणासमाणेग-वर-तूरयं ।
 डज्जमाणासरिस-अगुरु-कप्पूरयं ॥
 नच्चमाणोल्लसिय-खुज्ज-दलबोलयं ।
 दिज्जमाणप्पमाणग्ग-तंबोलयं ॥४॥

[१६५२]

धणु वियरेविणु जसु विदवेविणु नयरु करेवि रम्भावणउं ।
 जणु तोसेविणु इय कारेविणु निव-अहिसेइ वधावणउं ॥५॥

[१६५३]

पत्त-गरुयर-हरिस-पग्गमारु

वियरेप्पिणु नव-निवह बहु-वियप्प-अणुसद्धि पणयइ ।
 जह — नंदण तुहुं जणउ तुहुं सरणु सयलह वि वसुदह ॥
 इय विवइहिं संपइहिं वि पालेज्जसु निय-लोउ ।
 एयस्स वि पुहई-जणह अमुह-लवो वि म होउ ॥

[१६५४]

सेट्टि-ठक्कुर-मंति-सामंत-

उवरोह-सत्याह-वणि- वग्ग-संधिविग्गहिय-तल्लवर ।
 तुग्गे वि इविज्ज नरवइहि इमह आपस-तप्पर ॥
 नंदइ निवइण जणु सुवणि जणिण वि निवु नंदेइ ।
 जम्हा कुच्चिण मुहु सहइ मुहिण वि कुच्चु सहेइ ॥

[१६५५]

इय नराहिवु दुई वि पक्खाइं

अणुसट्ठि वियरिवि बहुय सीस-गहिय-आपसु तक्खणि ।
 जिण-सासणि गुरु-महिम करिवि गंतु निय-नयर-उवणि ॥
 सिरि-गुणहर-गणहर-पुरउ जिण-वर-धम्म सुणेत्तु ।
 भव-परिभमणुव्विग्ग-मणु पडिवउज्जइ चारित्तु ॥

[१६५६]

संख-निवइ वि असम-माहएणु

उवसाहिय-सत्तु-कुल्ल सचिव-ठाणि मइपहु ठवेविणु ।
 पट्टस्सुववंधु पुणु जसमईए देविहि करेविणु ॥
 सचिव-क्खंध-निविट्ठ-भरु विसय-मुहइं सेवंतु ।
 चिट्ठइ दोगंदुग-सुरु व गउ वि कालु अ-मुणंतु ॥

[१६५७]

तह विसेसिण कुणइ जिण-पूय

आराइइ गुरु-चल्लण सुणइ पुव्व-पुरिसाहं चरियइं ।
 आसेवइ वारस वि वयइं पुव्व-पुरिसिहिं सु-चरियइं ॥
 सम्माणइ साहम्मि-यण पयडइ रह-जत्ताउ ।
 न रमइ वेहम्मिय-कहहं चयइ असुह-वत्ताउ ॥

१६५४. १. क. ठक्कुर.

१६५५. ६. क. गणहर missing.

१६५६. ८. क. सुरु.

१६५७. ७. क. जत्ताओ; ७. क. वत्ताओ.

[१६५८]

अहव किं बहुइण भणिण

सव्वत्थ वि उज्जमइ तह कहं-चि जह अइर-कालिण ।
 वंभंडु वि भरइ निय- चंद-विमल-कित्ति-क्कलाविण ॥
 अह जसमइ-देविहि तणउ हुयउ सु-सिविणुवइदु ।
 वियरइ नामु नरिंदु तसु पुंडरिउ त्ति विसिदु ॥

[१६५९]

तयणु पंचहिं अंव-घाईहिं

कीरंत-सरीर-ठिइ पत्त-कालु उवझाय-पवरइ ।
 पासम्मि वि मुक्कु सुय- रयणु अइर-कालिण वि कुमरइ ॥
 सम्मु समग्गु वि मणि ठियउ निम्मलु कला-कलावु ।
 अह सिरि-संख-नरादिवइ अवगय-सुय-सव्भावु ॥

[१६६०]

गरुय-रिद्धिण निवइ-दुहियाउ

उत्तुंग-थोर-त्थणिउ अट्ट पवर-वासर-मुहुत्तिण ।
 परिणावइ ताहिं सह ललइ कुमरु पसरंतु दित्तिण ॥
 एत्थंतरि निय-गुरु-चलण- कमलईं परिसेवंतु ।
 वहु-गामागर-मंकुलइ धरणियलि विहरंतु ॥

[१६६१]

चंद-निम्मल-विविह-तव-कम्म-

परिसोमिय-अमुह-भरु मुइर-चरिय-चारित्त-मणहरु ।
 निग्गाइय-पाइ-वल्लु जाय-विमल-केवल-दिवायरु ॥
 मिरि-सिरिसेणु मु राय-रिसि भवि-यणु पडिबोहिंतु ।
 तहिं सिरि-दत्थिणउर-नयर- उज्जाणम्मि पडुत्तु ॥

१६५८. ९. क. मुंडरिओ.

१६५९. ३. क. ख. उवज्झाय.

१६६०. १. क. दुहियाओ.

१६६१. ४. क. घाई, ख. घाइय.

[१६६२]

ता नरिदह पुरउ विण्णत्तु

उज्जाणिय-माणविण देव विविह-मुणि-सहस-सेविउ ।
 उवल्लद्द-केवल-महिमु भविय-सरणु उज्जाणि आविउ ॥
 भविय-कमल-पडिवोह-रवि राय-रिसीण पहाणु ।
 तुम्हं जणउ सु राय-रिसि सिरि-सिरिसेणऽभिहाणु ॥

[१६६३]

अह पओसिय दाणु वियरेवि

वद्धावग-माणवह पउर-सार-परियण-समन्निउ ।
 विलसंत-सिगार-विहि बहु-वियप्प-वंदियण-वन्निउ ॥
 संखु नराहियु केवलिहि पय-पउमइं पणमेइ ।
 तह सह दइयहं वंधुहिं वि उचिय-ठाणि निविसेइ ।

[९] [१६६४] अह केवलिणा भणियं नर-वर जीवाण इह विहेयव्वं ।
 सुत्तण सुद्ध-धम्मं भुवणे वि न विज्जण अवरं ॥१॥

[१६६५] जम्हा अणाइ-भव-सायरम्मि जीवेण परिभमंतेण ।
 आवज्जिऊण चत्ता अणंत-ठाणेसु धण-निवहा ॥२॥

[१६६६] तप्पच्चओ किलेसो अ-परिमिओ गरुय-कम्म-बंधो य ।
 संजाओ पायं पुण ते भुत्ता अवर-धुत्तेहिं ॥३॥

[१६६७] मुक्काओ तरुणीओ अणंतसो असम-जोव्वण-भराओ ।
 जत्तेण रक्खिउं पुण स च्चिय ताण वि गई पच्छा ॥४॥

[१६६८] एक्केक्केण जिणं भुत्तं रज्जं अणंतसो भुवणे ।
 आ-गेवेज्ज-विमाणा पत्ताओ मुर-सिरीओ वि ॥५॥

- [१६६९] दासत्तं पेसत्तं रंकत्तं पि-हु अणंतसो पत्तं ।
सत्तम-महि-सीमाइं नारय-दुक्खाइं वि तहेव ॥६॥
- [१६७०] किं-तु न सुहेहिं तोसो न य निव्वेओ दुहेहिं संजाओ ।
मोह-विस-घारियाणं गलिय-विवेयाण जीवाण ॥७॥
- [१६७१] एहिं पि-हु पयाइं जय-स्मिरी-विसय-देह-सयणाइं ।
जोव्वण-रज्ज-सुयाणि य सयलाइं वि पंच-दियहाइं ॥८॥
तदा हि -
- [१६७२] करि-कन्न कयलि-पत्तोवमाउ अधिराओ राय-लच्छीओ ।
किंपाग-फल-विवागा विसया खण-दिट्ठ-नट्ठा य ॥९॥
- [१६७३] जस्स कए पावाइं कीरंति सरीरगं पि तं अथिरं ।
चित्तिज्जंतं परमत्थओ य सव्वासुइट्ठाणं ॥१०॥
- [१६७४] संज्ञा-समए एगम्मि पायवे वसिय-सउण-सरिसेसु ।
सयणेसु वि पडिबंधो केवल-मोह-फलो चेव ॥११॥
- [१६७५] जं पुण विलास-विव्वोय-हास-लीला-मउक्करिस-ठाणं ।
अणु-समयं पि-हु नर-वर तं पि जरा-रक्खसी गसइ ॥१२॥
- [१६७६] चित्तिज्जंतं रज्जं पि भइ अइ-दीह-भव-फलं चेव ।
अहिमाण-मेत्त-सुखं बहु-दुखं इह वि जम्मम्मि ॥१३॥
- [१६७७] पामा-कंडुयण-सुहोवमाइं संसारियाण सुक्खाइं ।
दुह-मूलाइं तुच्छाइं नूण विरसावसाणाइं ॥१४॥

[१६७८] तम्हा अ-पत्त-पुव्वं सुहावहं सासयं हियं सारं ।
एक्कं चिय जिण-धम्मं नर-वर जाणेज्जसु जयम्मि ॥१५॥

[१६७९] सोयव्वो कायव्वो चित्तेयव्वो य नूण विवुहेहिं ।
जिण-धम्मो च्चिय लद्धं दुल्लहमिमं धम्म-सामग्गिं ॥१६॥

[१६८०] जे अत्थ-काम-लुद्धा अहमा सामग्गिमेयमहल्लेति ।
तेहिं वराडियाए वि हारिया रयण-कोडि त्ति ॥१७॥

[१६८१] अह संवेय-वसागय-नयणंसु-जलेण पुल्लयंगेण ।
धरणि-प्पहुणा भणियं - जं भणह तह त्ति तं नाह ॥१८॥

[१६८२] जं तुमए करणिज्जं कहियं तं चिय करेमि मुणि-नाह ।
रज्जम्मि पुंडरीयं जसमइ-पुत्तं ठवेऊण ॥१९॥

[१६८३] किं-पुण साहसु पसिउं कह मह जसमईए परिसभो ।
अइ-निविडो पडिवंधो तयणु पयंपेइ मुणि-नाहो ॥२०॥

[१६८४] कम्म-वसेणं कस्स-वि केण-वि सह होइ निविड-पडिवंधो ।
निक्कारणो वि तुह उण स-कारणो एस नर-नाह ॥२१॥

जओ -

[१६८५] धण-धणवइ पइ-भज्जा पढमे जम्मम्मि लद्ध-संमत्ता ।
कय-पव्वज्जा वीए सोहम्मे सुर-वरा जाया ॥२२॥

[१६८६] चित्तगई-रयणवई पइ-भज्जा तइय खेयर-भवम्मि ।
विहिय-वया माहिंदे चउत्थ-जम्मे सुरा जाया ॥२३॥

- [१६८७] अवराजिय-पीड्मई पइ-भञ्जा पंचमम्मि जम्मम्मि ।
छट्टे आरण-देवा तओ वि चविऊण तमियणिं ॥२४॥
- [१६८८] जाओ संख-नरिंदो एसा भञ्जा उ तुह समुप्पन्ना ।
एत्तो तुमे हविस्सह तियसा अवराजिय-विमाणे ॥२५॥
- [१६८९] तत्तो वि-हु चविऊणं इह चेव य भारहम्मि वासम्मि ।
वावीसइम-जिणिंदो होहिसि तं रिट्ठनेमि त्ति ॥२६॥
- [१६९०] राइमई-अभिहाणा धूया होऊण उग्गसेणस्स ।
तुह सविहे गहिय-वया एसा वि-हु सिज्झिही तइया ॥२७॥
- [१६९१] एवं देव-भवेसुं सत्वेसु वि मित्त-भाव-संजणिओ ।
इयरेसु मिहुण-भावत्तेणमिमो निविड-पडिवंधो ॥२८॥
- [१६९२] एय गुणहर-जसहर-मइप्पभा तुज्झ वंधव-अमत्ता ।
सिज्झस्संति लहेउं गणहर-भावं तुह सयासे ॥२९॥
- [१६९३] इय सोउं सयलाणि वि मायंति न हरिसियाइं अंगेसु ।
अणुजाणावेऊण य केवल्लिमागंतु निय-गेहे ॥३०॥
- [१६९४] मेलेउ सार-परियणमसेसमवि तस्स संमए जाए ।
रज्जम्मि पुंडरीयं निवेसिऊणं विभूईए ॥३१॥
- [१६९५] सयलाए वि वसुहाए सोहावेऊण चारय घराइं ।
सम्माणिऊण सुयणे संभासेऊण सुहि-गुणिणो ॥३२॥
- [१६९६] जिण-पवयणस्स विहेउं पढावणं विविह-भेयमच्चंतं ।
वहु-भेय-मंति-सामंत-सेट्ठि-सत्थाह-सुय-सहिओ ॥३३॥

[१६९७] महया महेण चलिओ गुरुणो सविहम्मि चरण-गहण-कण ।
जा ताव भावियप्पा सक्खवइ इमे महा-सुणिणो ॥३४॥

[१६९८]

[१०] विसम-संसार-भव-भीय-मण-पसरया ।
अट्ठ-विह-नाण-आयार-विहुरिय-रया ॥
पवर-सिव-नयर-संपत्ति-उक्कंठिया ॥
अट्ठ-विह-दंसणायार-परिसंठिया ॥१॥

[१६९९]

पुब्ब-वर-पुरिस-सम्मग्गमनुगामिणो ।
पंच-विह-चरण-रयणस्स निरु सामिणो ॥
आइ-जम्मोवचिय-कम्म-विहाविणो ।
वारसायार-तव-कम्म-परिसेविणो ॥२॥

[१७००]

सयल-अब्भंतरारीण संहारया ।
धरिय-तेत्तीस-विह-वीरियायारया ।
सिद्धि-संमग्ग-कल्लाण-अहिलासिणो ।
पंचहायार-आराम-विणिवासिणो ॥३॥

[१७०१]

ससि-विमल-प्राण-संसार-खय-कारिणो ।
अइ-पसत्थोवरिम-छेस-तिय-धारिणो ॥
विमल-चउविह-समाहीहि उवसोहिया ।
विसय-सुह-धुत्त-चरिणहि न-वि मोहिया ॥४॥

[१७०२]

कि-वि अट्ठंग-निमित्त-वियाणय ।
के-वि मंत-जोइस-वक्खाणय ॥
कि-वि विचित्त-विज्जा-सय-भूसिय ।
के-वि स-गुरु-पय-भत्ति-अदूसिय ॥५॥

[१७०३]

के-वि समहिगय-वहु-तवक-वर-लक्खणा ।
 के-वि पुण छंद-साहिच्च-सुवियक्खणा ॥
 के-वि नव-कव्व-वावार-जिय-वम्महा ।
 के-वि सिद्धंत-निद्धूय-कम्म-प्पहा ॥६॥

[१७०४]

के-वि वक्खण-करणम्मि उज्जय-मणा ।
 के-वि पंच-विह-सज्झाय-भव-भंजणा ।
 के-वि किइ-कम्म-निम्माण-रंजिय-जणा ।
 के-वि निम्मल-हियय-मोह-वल-गंजणा ॥७॥

[१७०५]

के-वि गुरु-वयण-दंसण-पहट्ठाणणा ।
 के-वि नित्थारियाणेग-विह-भवियणा ॥
 के-वि मासोववामाइ-तव-दित्तया ।
 के-वि सण्णाण-वियरण-अमय-सित्तया ॥८॥

[१७०६]

के-वि अह-खाय-चारित्त-जय-पावया ।
 के-वि पुणु केवल-ण्णाण-वर-दीवया ॥
 के-वि अणवरय-परिविहिय-पउमासणा ।
 के-वि चिट्ठंति परितुट्ठ-भव-वासणा ॥९॥

[१७०७]

इय मुणि-सीहहं कय-जय-लीहहं पणयहं पाव-पणासणहं ।
 पेक्खंतउ वयणइं भव-दुह-हरणइं वसुहाहिवु निरुवम-गुणहं ॥ १०॥

[१७०८]

[११] पंचविहाहिगमेणं जा गच्छइ अग्गिमम्मि मग्गम्मि ।
 ताव निरिक्खइ कप्प-हुमं व बहु-सिहरि-परिधरियं ॥१॥

- [१७०९] कुल-पञ्चय-परिवेदिय-पेरतं तियस-नाह-सिहरि व्व ।
तारा-नियर-विराइय-आधोगं रयणि-रमणं व ॥
- [१७१०] रवि-मंडलं व अवहरिय-इयर-तेयस्सि-विसर-माहप्पं ।
वहु-साहु-निवह-मज्झम्मि संठियं पसरियाणंदं ॥
- [१७११] तियसासुर-मणुयाणं सहाए मद्धम्म-मग्गमक्खेतं ।
कंचण-कमल-निसन्नं तं चेव महा-मुणिंदं ति ॥
- [१७१२] अह नर-नाहो विहिणा वंदेउ मुणिंद-पाय-पउम-जुयं ।
पुणरवि सोऊणं गुरु-वयणं गय-रज्ज-वामोहो ॥
- [१७१३] सुट्ठि-सयण-गिहावंधं मोत्तु पिया-बंधु-सच्चिव-परियरिओ ।
गेण्हइ सिरि-संख-निवो केवल-पासम्मि पव्वज्जं ॥
- [१७१४] अह वित्थरेण गुरुणा अणुसट्ठी तस्स वियरिया एसा ।
जह - धन्नो सि महा-यस तुमं इमाणि वि कयत्थाणि ॥
- [१७१५] जम्हा निवल-चक्काहिवत्त-तियसाहिवत्तणाओ वि ।
तुम्भेहिमणंत-गुणब्भहिया पत्ता चरित्त-सिरी ॥
- [१७१६] एत्तो य विहेयव्वो अब्भासो धम्म-सत्थ-विसयम्मि ।
सम्ममववुज्झियव्वो आगम-वयणस्स परमत्थो ॥
- [१७१७] तेण पुणो कायव्वो अणु-समयं नियय-मण-अवहंभो ।
निच्चमणुसीलणीया सिद्धंत-निवेइया किरिया ॥

१७०९. १. क. ख. अहक्काय.

१७१०. १. क. ख. व्व

१७१५. ३. क तुम्भेहि.

[१७१८] तह पज्जुवासियव्वा संतो खल-संगमो वि मोयव्वो ।
रक्खेयव्वा सव्वे वि जंतुणो स-तणु-पीड व्व ॥

[१७१९] मिउ-महुर-निउण-फज्जावडिय-परित्थोव-सच्च-गंभीरं ।
भासेयव्वं वयणं मुह-करणं स-पर-पक्खेसु ॥

[१७२०] छिवियव्वो न करेण वि तय विस-सप्पो व्व कह-वि पर-विहवो ।
सुमरण-संकप्पभत्थणेहिं रमणी वि मोयव्वा ॥

[१७२१] वाहिरंतरंग-संग-च्चाओ सव्वप्पणा विहेयव्वो ।
धरियव्वो निरुवम-मुणि-वेसो नीसेस-मुह-हेऊ ॥

[१७२२] नियय-सरीरं जावेयव्वं जा-जीवमवि पयत्तेण ।
नव-कोडि-मुद्ध-आहार-वत्थ-सेज्जाइ-वत्थूहिं ॥

[१७२३] अनियय-विहारमवल्लंवेऊणं विहरियव्वमवणीए ।
निदा-विगह-पमायाण वि दायव्वो न अवयासो ।

अवि य -

[१७२४] मुच्छेयव्वं कोमल-फरिसेसु न न-वि य निरुवम-रसेसु ।
मुज्झेयव्वं न सुरहि-गंधेसु न पवर-रूवेसु ॥

[१७२५] नाहिलसेयव्वा कमणीया सद्दा विवेय-कल्लिण्हिं ।
उव्वेइयव्वमवि नो कक्खड-सद्दे कु-रूवे य ।

[१७२६] अ-मणुन्न-रमा निर्देयव्वा नो न वि-य दुरभि-गंधा य ।
गरहेयव्वा फरिसा विरुव-रूवा न कइया-वि ।

[१७२७] किं बहुएणं सोहेयव्वो अप्पा विमुज्झमाणाहिं ।
वारसहिं भावणाहिं अणिच्चयासरणयाईहिं ॥

- [१७२८] तह अट्टारस-सीलंग-सहम-अइजच्च-रयण-मालाहिं ।
अप्पा विहसिओ च्चिय धरियव्वो जाव-जीवं पि ॥
- [१७२९] रमियव्वं पुण पंच-प्पयार-मज्झाय-परम-आरामे ।
पंच-विहासु य समिईसु तिसु य गुत्तीसु जइयव्वं ॥
- [१७३०] सहियव्वो परीसह-वग्गो बावीस-भेय-मिन्नो वि ।
दिव्वाइणो य अहिवासेयव्वा त्रिविह-उवसग्गा ॥
- [१७३१] दस-विह-मुणि-जण-सामायारी भमवन्न-जोय-चिताए ।
कायव्वा परिनिट्ठवियव्वो कम्मारि-संदोहो ॥
- [१७३२] पावेयव्वा उवसम-लच्छी कायव्वमवहियं हियं ।
उप्पाडेयव्वं ससि-विमलं पुण केवल-णाणं ॥
- [१७३३] ता मोत्तु पूइ-देहं मल्लिऊणं नाण-चरण-रयणाई ।
गंनूण सिव-पुरीए घेत्तव्वा तिहूयण-पडाया ॥
- [१७३४] एएसु य सव्वेसु वि उवएस-पएसु भावि-जिण-इंदो ।
सिरि-वद्धमाण-सामी आहरणत्तेण नायव्वो ॥
- [१७३५] एत्थंतरम्मि वियमिय-मुह-कमळो भणइ संख-रायरिसी ।
भयवं कइसु कइं मह भाविर-सिरि-वीर-जिणवइणो ॥
- [१७३६] ता दंसण-किरण-भवलिय-दियंतरो केवली परंपेइ ।
जह — मह इमा महई कहा तह वि सुणसु छेसेण ॥

तहा हि -

[१७३७]

एत्थ खत्तिअ-कुंड-गामम्मि

नयरम्मि स-तेय-भर- हरिय-सेस-नेयस्सि-वित्थरु ।
 सिद्धत्थु नामिण पयहु आसि निवइ पसरिय-महप्फरु ॥
 रंभ-तिलोत्तिम-हरि-दइय जिण जिअ लीलाए वि ।
 सा तमु आसि पसिद्ध पिय नामिण तिसलाएवि ॥

[१७३८]

तासि निरुवम-विसय-सुह-अमय-

परिसित्त-चित्तहं गयउ कालु को-वि अह अन्न-अवसरि ।
 पुब्बज्जिय-गिरि-गरुय- सुकय-वसिण रयणीए अंतरि ॥
 अवलोयइ सयणिज्ज-गय देवि असम-फलयाइं ।
 चउदह गय-वसह-प्पमुह सु-पसत्थइं सिमिणाइं ॥

[१७३९]

तयणु उट्ठिवि कहइ देवस्सु

सिर-विरइय-पाणि-पुह अह भणेइ सिद्धत्थु नरवइ ।
 जह - सामिणि किं-वि तुह तणय-रयणु हविहइ महा-मइ ॥
 छक्खंडह वि वसुंधरह सामिउ चक्कवइ व्व ।
 तियसामुर-नर-पणय-पय- पंकउ तित्थवइ व्व ॥

[१७४०]

हवउ हवउ य सामि एयं ति

पुणरुत्तु देवि वि भणिवि वियसमाण-सुह-कमल-संतिय ।
 परिवालइ गब्भु अह अवर-दियहि किंचि वि स-चित्तिय ॥
 गम्भ-वइण्णइ वीर-जिणि अ-चल्लिर-अंगोवंगि ।
 अ-परिप्फदिर-कुक्खि परिदेवइ किंचि नयंगि ॥

[१७४१]

अहह केण-वि हरिउ किं गन्धु
 मज्झे वि बिलीणु कि-व कि-व गयउ नीहरवि कत्थ-वि ।
 कप्पहु-परोहु न-हि आरुहेइ जगि जत्थ तत्थ वि ॥
 अह नाण-त्तय सत्त्वविय-धुवणु भवोयहि-दीवु ।
 अवगय-तिसलाएवि-मणु सामिउ ति-जय-पईवु ॥

[१७४२]

खणिण जणणी-जणय-मुह-हेउ
 संलीण-अंगु वि निमिस- मेत्तु एग चालेइ अंगुलि ।
 ता देवि न माइ निय- हियय-मज्झि गुरु-हरिस-संकुलि ॥
 अह गन्धि वि मासाहं छहं सट्ठहं अंति जिणिंदु ।
 अम्मा-पियरहं मणु मुणिवि विम्भिय-मुह-अरविंदु ॥

[१७४३]

अहह ता मह मुहु वि न नियंति
 न वियाणहिं गुण-लवु वि लहहिं नेय उवयार-लेसु वि ।
 संभासु वि सुणहिं नहि गोवलभहिं संपय-विसेसु वि ॥
 तह-वि-हु असरिस-नेह पिउ- जणणि मज्झ उवरिम्मि ।
 इय जीवंतहं इमहं हउं जइसु न चरण-विहिम्मि ॥

[१७४४]

इय विचित्तिरु गन्ध-वासे वि
 कय-नियमु तिलोय-पहु गमिवि मास नव साइरेग य ।
 चेत्तम्मि य तेरसिहि पुव्व-रत्त कालम्मि अन्नय ॥
 हत्थुत्तर-जुत्तिण ससिण उत्तम-लग-मुहुत्ति ।
 पसवइ तिसलाएवि सुय- रयणु दिणम्मि पवित्ति ॥

१७४२. २. क. अंगुलि; ८. क. पियरहु.

१७४३. २. क. वियाणहि

[१७४५]

अह सुरिदिण पंच-रूवेण

सिरि-वीर-कुमार-वरु विहिय-सेस-कायव्व-वित्थरु ।
 निउ मंदिरि अह पद्दुहु नियवि देहु चित्तह पुरंदरु ॥
 मणि-कंचण-चंदण-मयहं कलमहं जल-पम्भारु ।
 कंव सहेसइ लहुय-तणु सामिउ वीर-कुमारु ॥

[१७४६]

तयणु अवहिण मुणिवि हरि-चित्तु

सोहासण-संठियह हरिहि अंक-देसि वि वड्डउ ।
 चलणग्गिण सामि सुर- मिहरि सिहरु चालइ पहिठउ ॥
 अह फुडइ व वंभंदु लहु गिरि-सिहरइं तुट्टंति ।
 भज्जहिं तरुयर घर पडहिं जण-हियडइं फुट्टंति ॥

[१७४७]

चलइ महियलु सेसु सलवलइ

रयणायर झलहलहिं दलइ सयलु गह-चवकु टायह ।
 विहुरिय मय गय भमहिं तिजय-लाउ गउ गुरु-विमायह ।
 तयणंतरु विक्खुहिय-मणु सुग्गइ परिभावंतु ।
 अवहिण जाणइ जह — विहिउ मामिण इहु वुत्तं ॥

[१७४८]

तयणु पसरिय-लज्ज-वेलक्खु

पणमेप्पिणु पद्दु-पइहि भणइ — अहह महं दुट्ठु चित्तु ।
 को न मुणइ विजिय-जउ सत्त-पसरु तुम्हाहं मंतिउ ॥
 जे छत्तत्तिण कुणहिं धर डंडत्तिण गिरि-राउ ।
 तहं किच्चिउ इहु जिण-वरहं गरुउ वि जल-संघाउ ॥

[१७४९]

ता खमिज्जसु सामि मह एहु
 अवराहु अयाणुयह देसु इत्थु पट्ठीए जय-एहु ।
 अह समियइ मयल-जय- खाहि तम्मि समयम्मि सुरवहु ॥
 हुय मंगल-उग्गार-एव वहिरिय-गिरि-विवरोह ।
 तियसामुर-एहुणो वि सय सहस-गुणिय सुह-मोह ॥

[१७५०]

जम्म-ऊसव-ण्हवणि वट्ठंति
 कि-वि कं वण-कलस-कर के-वि लेति हत्थेहि चामर ।
 कि-वि गायहि महुर-सरु लल्लिउ के-वि वायंति सुर-वर ॥
 नच्चहि विलसहि चंक्रमहि रमहि अवरि साणंदु ।
 भयवंतहं जम्मणि लहहि असम-हरिस-नीसंदु ॥

[१७५१]

अह सुहम्मिण तियस-नाहेण
 कय-पंच-रूविण खणिण सुर-निहित्त-मणि-कणय-मणहरि ।
 आणेवि जगणिहि सविहि मुत्त सामि निययम्मि मंदिरि ॥
 तयणु सुरासुर-जोइसिहि निच्चु वि सेविज्जंतु ।
 पंच-पयारिहि धाइयहि निरु परिवाल्लिज्जंतु ॥

[१७५२]

नील-कुंतलु कमल-नयणिल्लु
 विवाहरु सिय-दसणु कंबु-गीवु पुर-अररि-उरयलु ।
 जुय-दीहर-भुय-जुयलु वयण-सास-जिय-कमल-उप्पलु ।
 पउम-दलारुण-कर-चरणु तविय-कणय-ओरंगु ।
 अट्ठ-वरिस-वउ एहु हुयउ स-महिम-विजिय-अणंगु ॥

[१७५३]

एत्थ-अंतरि अमर-परिसाए

सोहम्म-सुराहिवइ चंद-कंत-संमत्त-भाविउ ।
 परिसाहइ तुह-मणु भुवण नाह-गुण-गणिण गाविउ ।
 बालु अ-वाल-प्पगइ गुरु- विक्कमु वीर-कुमारु ।
 खोहिउ सक्कु न एइ जइ इंदु वि स-परीवारु ॥

[१७५४]

अह अ-सदहमाणु सुरु एगु

तियसिदह वयणु पहु- सविहि पवण-वेगिण पहुत्तउ ।
 भयवं पि-हु सिमुहिं सह अ-कय-मंकु चिट्ठइ ललंतउ ॥
 ता जय-बंधवि तरु-सिहरि आरुहम्मि स-तोसु ।
 तियसु सु पहु-भेसणह कइ पयडिय-कित्तिम-रोसु ॥

[१७५५]

भुवण-पसरिय-घोर-फुक्कारु

गुंजारुण-लोयणउ दीह-काउ अलि-गवल-सामलु ।
 जम-दय-सरिच्छु गुरु- जमल-जीहु विम-वेग-पिच्छलु ॥
 विवरिय-गुहु नीसेम-जय- कवलण-विहिहिं अ-चुक्कु ।
 उप्फणु फणि तसु तरुहु थुहु परिवेदेविणु थक्कु ॥

[१७५६]

ता खणद्धिण मुक्क-पुक्कार

गुरु-सासाउल-हियय नट्ट सयल-डिंभइं दिसो-दिस ।
 भयवं पि-हु अ-बखुहिउ उत्तरंतु विहविहि अहो-दिमि ॥
 तसु तारिसह भुयंगमह सिरि विणिवेसिवि पाउ ।
 परिवियसिय-वयणंवुरुहु तक्खणि महियलि आउ ॥

[१७५७]

तयणु मिलियइं डिंभ-रूवाइं
 मयवंतह पुणु वि तह चेव तत्थ कीलेउ लग्गहिं ।
 पुणु पट्टिहिं आरुहणु करिवि कंदु-कीलाए वग्गहिं ॥
 अह अहि-रूवु परिच्चइवि डिंभायारु धरेवि ।
 तियसु ललेउ पयट्टु जय- सामिउ पुरउ करेवि ॥

[१७५८]

खणिण पाविय-विजउ जय-नाहु
 सुर-पट्टिहिं आरुहइ जाव ताव जय-खोह-कारणु ।
 निम्मंस-सोणिय-वयणु त्रिसम-दंत पंत्तिहिं दुहावणु ॥
 कुविय-कयंत-कराल-तणु घडि-लोयणु वइठंतु ।
 सुरु सु पिसाय-सरूव-धरु ससि रवि-नियडु पडुत्तु ॥

[१७५९]

तयणु सुरगिरि-गरुय-सत्तेण
 भुवण-भुय-माणसिण निमिस-मेत्तमवि अक्खुइंतिण ।
 अब्भाहउ सुर-अहसु पट्टि-देसि दुस्सहिण सुट्ठिण ॥
 तयणंतर्ह वियलिर-नयणु तुट्टिर-रसणा-दासु ।
 गय-अहिमाण पहीण-तणु हुयउ सु अ गहिय-नासु ॥

[१७६०]

अह पयासिवि तियसु अप्पाणु
 पणमिप्पिणु पडु-पइहि तियस-नाह-वुत्तंतु साहिवि ।
 सिरि-विरइय-पाणि-पुडु सयलु-नियय-अवराहु खामिवि ॥
 हियइ धरंतउ पडुहु गुण विम्भिय-मुह-अरविंदु ।
 साहिवि वइयरु नमइ सुर- मंदिरि गंतु सुरिंदु ॥

[१७६१]

किंचि-समहिय अट्ट-वारिसिउ

हुउ कमिण जय-प्पहु वि तयणु देवि सिद्धत्थ-निवइ वि ।
 सुय-रयण-नेहइ वसिण पहुहु नाण-माहप्पु अ-मुणिवि ॥
 ण्हायवि लित्तालंकरिउ कय-कोउय-मंगल्लु ।
 निउ उवझायह पुरउ पहु निरुवम-सिरि-सोहिल्लु ॥

[१७६२]

तयणु आसण-चलण-विण्णाय-

वुत्तंतु मुराहिवइ तत्थ झत्ति वेगिण पहुत्तउ ।
 उवझायह कइ कयइ ठविवि सीह-आसणि निरुत्तउ ॥
 जय-बंधवु तसु पुरउ पुणु सयमुवविसिवि कयत्थु ।
 पुच्छइ सदत्थइ विसइ नीसेसु वि भावत्थु ॥

[१७६३]

ताव परूवइ गहिर-सहेण

सदत्थ-लक्खणु सयल्लु वीर-नाहु अग्गइ मुरिंदह ।
 उवझाइन पुणु गहिवि के-वि छेस तसु सद-विंवह ॥
 विरइउ इंद-व्वागरणु पमुइउ जणु वि अ-सेसु ।
 सामिहि वालय-मेत्तह वि निमुणिवि वयण-विसेसु ॥

[१७६४]

तियस-नाहु वि पणय-जिण-सामि

संपत्तउ मुर-भवणि कमिण पहु वि तारुणि पत्तउ ।
 परिणेइ जसोय वर- राय-कन्न नर-वरिण वुत्तउ ॥
 उवञ्जंतह तीए सह विसय-मुहइं तसु ह्य ।
 निय-कुल-नहयल-चंद-पह इग पियदंसण धूय ॥

[१७६५]

काल-जोगिण तीस-वरिसस्सु

तियसिद्ध-सेविय-पयह पहुहु जणउ जणणि वि दिवंगय ।
 अ-पवज्जिरी वीर-जिणि रज्जु सयण पुरलोय संगय ॥
 उत्तिम-लग्गि पविचि दिणि गह-गोयर-मुद्धीए ।
 सु-विणिच्छिवि परिणाम-सुहु कज्जु मुद्ध-बुद्धीए ॥

[१७६६]

नंदिवद्धणु वंधु जय-पहुहु

विणिवेसहिं रज्ज-भरि पत्त-कालु पुणु भणइ सामिउ ।
 अणुजाणहि भाय मइ जेण हवउं हउं सिद्धि-गामिउ ॥
 जमिह न दिट्ठिहि तक्करिहि अप्पु मुसाविउ जुत्तु ।
 लोयणवंतउ बुहु पडइ अंध-कूवि न निरुत्तु ॥

[१७६७]

नंदिवद्धणु भरिय-गाल-सरणि

मुसुमूरिय-रज्ज-सुहु वंधु-विरहि जगु सन्नु पेक्खिउ ।
 कह-कह-वि समुल्लवइ अहह भाय किह तुहुं निरिक्खिउ ॥
 जणणी-जणय-विओय-दुहु मह हियडइ वटंतु ।
 वद्धारसि खइ खारु परिखिवसि य इहु जंपत्तु ॥

[१७६८]

अह जिणाहिवु भणइ-नणु भाय

पिय-संगु विओग-फलु कुगइ-मूलु निरु रज्ज-सुक्खु वि ।
 विसया वि विसाय-कर नियय-कज्ज-पिउ सयण-लक्खु वि ॥
 इय कसु कारणि भव-गहणि निवसिज्जइ विवुहेहिं ।
 लब्भंतिहिं सासय-सुद्धिहिं असरिस-सुगइ-फळेहिं ॥

[१७६९]

इय भणंतु वि कह-वि आ-वरिसु
 जय-बंधु घरि धरिउ तेण नंदिवद्धणिण निवडण ।
 अह कहमवि बोहिउण सयण-लोउ सयलो वि सामिण ॥
 सारस्सय-सुर-कहिय-वय- समउ दाणु आ-वरिसु ।
 दाउ किमिच्छय-माणवहं तिय-चउक्क-चउरेसु ॥

[१७७०]

जीए वित्थरु धणुह पणवीस
 पन्नास आयासु पुणु उच्चयत्तु छत्तीस धणुहई ।
 मणि-कंचण-रूप-सिल- घडिय देस नीसेस रेहई ॥
 तीए चंद-प्पह-पवर- सीयए नाहु चडेवि ।
 नाय-संडि उज्जाण-वणि गुरु-रिद्धिण गच्छेवि ॥

[१७७१]

किण्ह दसमिहिं मग्गसिरि मासि
 हत्थुत्तर-जोगि गह चंदि पवर-वासर-मुहुत्तिण ।
 पडिवज्जइ चरणु पहु मोक्ख-मुक्ख-गय-एग-चित्तिण ॥
 अह तियसामुर-निव-निवह दिक्ख-महिम पेक्खेवि ।
 वीर-जिणिंदह पय नमिवि गय गुरु-हरिसु छहेवि ॥

[१७७२]

भुवण-बंधु वि चरण-सम-काल-
 मण-नाणुप्पति-जय- जंतु-जाय-मण-मुणण-पच्चलु ।
 कय-छट्ठ-तव-चरणु विमल-झाणि सुर-सिहरि-निच्चलु ॥
 तसु उज्जाणह नीहरिवि गोयर-चरिय भमंतु ।
 कोल्लागम्मि पुरम्मि घरि बहुल-दियह संपत्तु ॥

[१७७३]

तयणु बहुलिण तुट्ट-हियण

पाराविउ भुवण-पहु पायसेण निरु सुरहि-महुरिण ।
 हुय कंचण-वुट्ठि घरि गयणि पढय दुंदुहि सुरोहिण ॥
 आणंदिय सुर-असुर निव- निवह जयम्मि अ-सेसि ।
 वीर जिणिदह तारिसइ तहिं पारणय-विसेसि ॥

[१७७४]

अह सहंतउ विविह उवसग्ग

परिसीलिरु उग्गु तवु निम्ममत्त-सिरि-तिलउ सामिउ ।
 तसु तावस-आसमह अट्ठि-गामि गउ वसह-गामिउ ॥
 संझहं पुणु उस्सग्गि ठिउ जण-निहणण-लक्खस्सु ।
 भुवण-भयंकरि आययाणि मूलपाणि-जक्खस्सु ॥

[१७७५]

मूलपाणि वि रुदुतु पहु-उवरि

नणु एस कहं नु मह भवणि रयणि-अवसरि पहुत्तउ ।
 पडिसिद्धु वि पुर-जणिण तमिह अज्ज मारिमु निरुत्तउ ॥
 इय चिंतंतउ सुर-सिहरि- थिरह तिजय-तिलयस्सु ।
 मूलपाणि पयडइ पहुहु दुसहुवसग्ग-सहस्सु ॥

तहा हि-

[१७७६]

जय-भयावह-विसम-दाढालु

निरु विवरिय-मुह-कुहरु कणय-पिंशु केसर-करालउ ।
 गुंजारुण-नयणु खर- नहर-पाणि रोसिण विसालउ ॥
 पुच्छच्छोढ-प्पडिरविण भरिय विवरु गुरु-जीहु ।
 जय-पहु-तणु-विहावयरु सुरिण विउब्बिउ सीहु ॥

[१७७७]

न उण खोहिउ वीर-जिण-इंदु
 तयणंतरु अछि-गवल नीलि-राय-गयणयल-सामलु ।
 फण-मंडव-उवरि ठिय- गयण-कंति अवहरिय-शामलु ॥
 सामि-सरीर-विलुंपयर- भेरव-दाढ-कडप्पु ।
 फुक्कारंतु सुराहमिण अहि-कुल मुक्कु स-दप्पु ॥

[१७७८]

तह-वि जय-पहु मणि अ-सुंमंति
 जालोलि-कवलिय-तिमिरु भुवण-वामि-जिय-लोय-दुहयरु ।
 दिसियंतर-परिमिरु अहरु पत्त-धरणियल-वित्थरु ॥
 जक्खिण तेण विउन्विउण खिविउ समुहु कय-डाहु ।
 मुर-गिरि-चूळा-अविचलिर मणह पहुहु हुयवाहु ॥

[१७७९]

तयणु सामिहि तणु करमेण
 उप्पाडिवि गयणयलि परिखिवंतु गलगज्जि-दारुणु ।
 उल्लालिय-चंड-करु दमण-मुसल-पट्ट-खोह-फारणु ॥
 दिसिहिं खिवंतउ संनिहिउ सयलु वि वत्थु-समूहु ।
 जक्खिण खिविउ विउन्विउण पहुहु समुहु गय-जूहु ॥

[१७८०]

अह विलंविय-केस-पढभारु
 रोयंतु करुणारविण जलिर-जलणु वयणिण मुयंतउ ।
 सु-दुइत्तु कराल-तणु कररुहेहिं उरयलु दलंतउ ॥
 करयल-कय-कत्तिय-जलण- खप्पर-रुहिर-कवालु ।
 नग्गउ जोगिणि-गणु जणिउ जय-ज्ञाण-क्खय-कालु ॥

१७७८. ४. क. परिमिर. ६. क. वेउन्विउण.

१७७९. २. क. गयणयलि.

[१७८१]

तह-वि अ-खुहिरि नाहि वर-कणय-
 परिपिगल-सिर-चिहुर वाम पाणि कय-जलण-खुप्पद ।
 अन्नयर-कर-गहिय- गरुय-वज्ज-मुग्गार-भयंकक ॥
 फिक्कारंतु पिसाय-सय संकुल-सयल-पण्णु ।
 लंवि-जीहु पहुत्तु तहिं गुरु-वेयाल-विसेसु ॥

[१७८२]

इय भीरु-पुरिस भेरव-दुहिण्हिं भूरि-भीसण-मण्हिं ।
 विक्खोहिओ वि वहुडा खुइइ मणागं पि-हु न सामी ॥

[१७८३]

ता निरिक्खिय-सामि-माहण्णु
 मुसुमूरिय-रोस-भरु मूलपाणि अप्पणु पयासिवि ।
 पट्ट-पाह्हिं निवडिउण नियय-दोस सयलि वि खमाविवि ॥
 पसरिय-भत्ति समुल्लभिय- रोमंचचिय-गत्तु ।
 जक्खु पयासइ नट्ट-विहि निरुवम-पहु-पय-भत्तु ॥

[१७८४]

इय विचित्तहं तियस-तेरिच्छ
 माणुसियहं तम-पडलु अवहरंतु पड्ड भुवण-दिणयर ।
 संपत्तउ रायगिहि नयरि भविय-अरविंद-सरवरु ॥
 नालंदह वडियाण ठिउ तंतुवाय-सालण्ण ।
 अह मंखलि मंखहं तणउ अंगुब्भवु मदाण्ण ॥

[१७८५]

गवहं सालहं जाउ इय विहिउ
 गोसालउ नामु जसु सो समग्गि महियलि भमंतउ ।
 निय-जणय-सन्निहि-गहिय- मंख-सिप्पु पहु-सविहि पत्तउ ॥
 वासम्मि य तत्थ वि ठियउ जणि दंसंतु नियल्लु ।
 बालिस-लोय-पमोय-करु मंख-कलहं कोसल्लु* ॥

[१७८६]

पढम-मासिय-खमण-पारणगि
 जय-बंधु वि नयरि तहिं परिभमंतु गोयरिय-चरियहं ।
 संपत्तु अह-क्कमिण गिह-दुवारि इब्भस्सु विजयह ॥
 ता वियसिय-मुह-पंकइण पुलइय-सव्वंणेण ।
 धन्तु कयत्थउ इउं जि पर जसु मंदिरि एण ॥

[१७८७]

इह-फलइण कप्प-तरुण व्व
 तइलोय-पियामहिण चलण-कमल-खेविण विहूसिउ ।
 ता फासुय-एसणिउ किं-पि देमि भाविण अ-दूसिउ ॥
 इय चितंतिण ससि-विमल वइहमाण-भावेण ।
 सुद्धाहारिण भुवण-पहु पडिळाहिउ विजएण ।

[१७८८]

तयणु तियसिहिं कणय-मणि-कुसुम-
 गंधोदय-वुट्ठि कय फुरिउ देव-दुंदुहि-निघोसिण ।
 तियसामुर-नरवर वि तत्थ पत्त गरुण इरिसिण ॥
 मंखलि-पुत्तु वि दट्ठु पहु महिम-पमोयावन्तु ।
 दब्बट्ठिउ चिट्ठइ पहुहु निरुत्तु वि सेव-पवन्तु ॥

१७८५. ७. क. जणि दंसंतु.

* मंषामं क. ख. ४५००.

[१७८९]

कमिण सामिण समगु हिंडंतु
 बहु-मेय-वत्तव्वयहिं कुम्मगाम-उज्जाणि पत्तउ ।
 जा ताव निणइ सुहि- सयण-विहव पत्तहं वि चत्तउ ॥
 सगसगंत-ज्या-सहस जड-मउडस्स निहाणु ।
 वेसायण-नामिण पयडु वाल-तवस्सि पहाणु ॥

[१७९०]

ता विगिंचिय-वयण-नयणिल्लु
 गोसालउ तसु पुरउ भणइ - मुणसि तं किं-पि तावस ।
 सेज्जायरु जूयहं व अप्प-दमणि पसरंत-अवजस ॥
 इय अ-समंजस तसु वयण पुणुरुत्तइं निमुणंतु ।
 वेसायण-तावसु गरुय- कोव-भरिण कंपंतु ॥

[१७९१]

हणण-कज्जिण निन्निमित्तस्सु
 गोसालय-वेरियह तेय-लेस भासुर विउज्झइ ।
 गोसालु वि विहुर-तणु गंतु पट्टुहु चळणिहि विल्लगाइ ॥
 ता जिण-वरिण दया-परिण सीयल लेस पहाण ।
 मुक्का तह जह तसु रिसिहि तेय-लेस विहाण ॥

[१७९२]

अहह सामिहि किं-पि माहप्पु
 कारुणु वि जय-अहिउ सीसु होमि ता हउं वि एयहि ।
 इय वेसायणु तवसि चित्तयंतु पणमेइ सामिहि ॥
 भणइ य- न मुणिउ सामि मइं सीसु जु तुम्हहं एहु ।
 ता खमिउण अवराहु मह पुट्टिहिं निय-करु वेहु ॥

१७८९. १. क. बत्तहं विचित्तउ

१७९२. ७. ज. ८ क. मह मह

[१७९३]

इय खमाविवि गयउ निय-ठाणि
 वेसायण-वाल-रिसि जाव ताव मंखलिहि पुत्तिण ।
 पुट्ठम्मि कहेइ पहु तेय-लेस-उप्पत्ति जत्तिण ॥
 नरु छठ-छठ-तव-कम्म-रउ आयावणि-गय-चित्तु ।
 पारणगि वि कुम्मासमय पिंडि एग गिण्हंतु ॥

[१७९४]

सलिल-पसइ वि एग पीयंतु
 छम्मास-अइक्कमिण तेय-लेस दिप्पंत पावइ ।
 इय कहिरु गोसालयह कुम्म-गामि जय-बंधु बिहरइ ।
 कोदव-कूरह गोयारिण पायस-थालि-गएण ।
 पुरिस मंस-भोयणिण तिल- निप्फत्ती-विसएण ॥

[१७९५]

गहिय-कुग्गहु चत्त-पहु-सविहि
 गोसालउ पाव-मइ नियह-वाउ जय-जणि पइट्टिरु ।
 सावत्थिहिं गंतु पुर- वहि-कुलाल-भवणम्मि चिट्ठिरु ॥
 जिणवर-उवएसिय-विहिण तेय-लेस साहेइ ।
 तीए परिक्खह कइ अवड- तडि इग दासि डहेइ ।

[१७९६]

तयणु पसरिय-दप्प-तिमिरंधु
 मिलिऊण नेमिच्चियहं छण्ह पास जिण-सिस्स-देसहं ।
 गडिऊण निमित्त-लवु अट्ट-अंगु सविहम्मि पुणु तहं ॥
 जिणु अ-जिणो वि अ-केवलि वि केवलि हउं ति भणंतु ।
 भमइ महीयलि वालिसिहि सीसिहि सेविज्जंतु ॥

१७९३. ६. क. ख. छट्ट छट्ट.

१७९५. ३. नियति

[१७९७]

भुवण-बंधु वि पत्तु दद-भूमि

पेढाल नयरोववणि वेइयम्मि पोलास-नामगि ।

कय-अट्टम-भत्त-तवु ठाइ पडिम तहि एग-राइगि ॥

अह पहु-चरिय-चमक्कियउ सहह भणइ सुरिंदु ।

अहइ नियह सुर वीर-जिणु पणयामर-धरणिंदु ॥

[१७९८]

एग-पुगालि निसिय-निय-नयणु

सुर-सिहरि-थिरेग-मणु लंब-वाहु नमिरंगु किंचि-वि ।

नियसासुर-सामिहिं वि निमिस-मित्तु तीरइ न खंचिवि ॥

अह अ-भविउ संगमय-सुरु सुरवइ सविहि वइट्टु ।

एहु अ-सदहमाणु फुडु जंपइ वित्ति पउट्टु ॥

[१७९९]

अहह जायउ एगु सामित्तु

किं वहुएहिं वि गुणिहिं जसु वसेण जुत्तु व अजुत्तु वि ।

पडिहासइ जणि जमिह को णु वीरु जो मणुय-मेत्तु वि ॥

इंदेहिं वि स-सुरासुरिहिं तीरइ न वि चालेउ ।

अहवा संसउ हरिसु हउं एयह माणु मलेउ ॥

[१८००]

इय स-निट्टुरु भणिरु सुर-वरिण

पडिसिट्टु वि संगमउ जाइ सविहि सिरि-वीर-नाहह ।

पयडेइ य दुसह उवसग्ग-वग्ग तसु लंब-वाहह ॥

पदसु भयंकरु भरिय-धरु उद्धुंधुलिय दसासु ।

उवरि विउन्वइ भग्ग-तरु धूलि वरिसु सु हयासु ॥

[१८०१]

मेरु-सिहरि व सामि-साखो वि
 अ-विकंपिर-मणु मुणिवि वज्ज-तुंड-कीडियहिं बहुयहिं ।
 वेइल्ल-विच्छुय-नउल- डंस-मसग-मूमग-पिसाइहिं ॥
 कुंभि-सिरीसिव-वणमहिस- सीह-किसोर-सएहिं ।
 खर-मारुय-विगराल-विग- पमुहेहिं वि भयएहिं ॥

[१८०२]

करुण-विलविर-निबइ-सिद्धत्थ-
 तिसलाण उवदंसणिण अमर-तरुणि-कय-गेय-नट्टिण ।
 अवरेण वि इयर-जण- हियय-हरिण उवसग्ग-वग्गिण ॥
 चालिज्जंतु वि जय-पहुहु स्माणह चलिउ न वित्तु ।
 अह तियसाइमु संगमउ गरुय-पओसिण दित्तु ।

[१८०३]

गयण-मग्गह गरुय-तेयइह
 पसरंत-धारा-सइसु भार-महस-भरु चक्कु मिल्लइ ।
 ता वहिरिय-दिसि-विक्क खुहिउ जलहि महि-वलउ डोल्लइ ॥
 भुवण-भयंकरि चक्कि तहिं सीस-उवरि पडियम्मि ।
 जाणु-मेत्तु जय-वेधवु वि खुत्तउ धरणि-तल्लम्मि ॥

[१८०४]

तह-वि अ-चलिर-चित्ति सामिमि
 वियलंत-तारा-नियरु स्त्रीण-संझु रवि उदउ पयडइ ।
 सामी बि-हु निय-अवहि- नाण-वल्लिण रयणि त्ति जाणइ ॥
 चिहेइ य धरणियल-धिर- निय-पडिमहं पडिवन्नु ।
 तयणंतरु संगम-तियसु भणइ सहावावन्नु ॥

[१८०५]

तुदतु जिणवर तुज्झ इउं भुवण-
 दुल्लहो वि मग्गेसु वरु करिवि वीस अइ-दुसइ एरिस ।
 छम्मासा जाव अवरे वि काउ उवसग्ग विसरिस ॥
 सामिहि जलहि-गहीरु मणु मुणिवि मोक्ख-कय-लक्खु ।
 मुर-मंदिरि इंदह पुरउ गउ संगमउ विलक्खु ॥

[१८०६]

किंतु सक्किण फुरिय-कोवेण
 संजाय-परम्महिण भणिउ इयर-नियसाहं सम्मुहु ।
 जह - अ-निप्यब्बु इहु पाव-चरित संगमउ दुम्मुहु ॥
 संक महारी य वि न किय एत्तिउ कालु इमेण ।
 उवसग्गंतिण भुवण-पहु दुसहुवसग्ग-सएण ॥

[१८०७]

जइ वि मंदरु पवण-कलियाहिं
 चालिज्जइ जइ जलहि मडह-वाल-चुलुगिहि मविज्जइ ।
 रवि उग्गह पच्छिमहं जइ-वि जइ-वि धर करि धरिज्जइ ॥
 तह-वि न तिहुयण-सिरि-तिलउ नियय-ज्ञाण-मग्गस्सु ।
 चालिज्जइ स-नरामरिण मुरवइणा वि अवस्सु ॥

[१८०८]

इय भणंतह तियस-नाहस्सु
 कोवानल-वइढ-तणु झीण-पुण्णु निय-देवि-सहियउ ।
 सोहम्मह चालियउ गंतु मेरु-चूनाए रहियउ ॥
 जय-बंधु वि वीयम्मि दिणि वग्गवाल-थेरीए ।
 पडिल्लहिउ हरिसिय-मणए दोसीणय-खीरीए ॥

[१८०९]

जाय कंचण-बुद्धि तग्गेहि

भयवं पि अहकमिण सुंसुमार-वर-नयर-वाहिहि ।
 उस्समिण ठियउ वण- मज्झि पडिम उन्निउ विसाइहि ॥
 तत्थ ठियस्स य जय-पहुहु हुय जह चमरुप्पत्ति ।
 छेसिण साहिंत्तस्सु मह तह परिभावहु चित्ति ॥

तहा हि -

[१८१०]

इह वि भारह-खित्ति वेभाल-

अभिहाणिण विस्सुयइ देमि आमि पूरणु गहावइ ।
 सो मज्झिम-वइ करिवि उग्गु वाल-तवु हूउ अमुर-वइ ॥
 चमर-नामु भवणिंदु अह कय-कायव्व-विसेसु ।
 सीहासणि उवविसिवि जगु अवहिण नियइ असेसु ॥

[१८११]

तयणु पेक्खिवि सीस-उवरिम्मि

मोहम्मिय-सुरवइहि फुरिय-तेय-भरु सीह-आसणु ।
 साडोवु समुल्लवइ चमर-इंदु भासज्ज सुर-गण ॥
 नणु इंदाहमु को णु इहु निय-सिरि गव्वु वहेइ ।
 जा मज्झ वि सीसह उवरि माणु मलंतु वसेइ ॥

[१८१२]

इवउ एहु जि नाहु सुर-अमुर-

मज्झम्मि अहवा इउं किण वि एग-पक्खम्मि हणियइ ।
 पडियारि एगम्मि जि न माइं दोण्णि खग्ग ति भणियइ ॥
 तयणंतरु पमणहिं अमुर नाह न भण्णह एहु ।
 सासय-ठिइ इह इय इहु वि निय-सुकयहं फलु छेउ ॥

[१८१३]

न-उण केण-वि कसु वि सुकयाइं
 तीरंति विहलेउ इय किमिह नाह अट्ठाण-कोविण ।
 इय जपिर पुणु पुणु वि नियय-असुर अवगणिय चमरिण ॥
 ता कुंडल-मउडाहरणु उरयल-विल्लिर-हारु ।
 चमरु गंतु सामिहि पुरउ कय-असरिस-सिंगारु ॥

[१८१४]

नमिवि सायरु भणइ - जय-नाह
 तुह चलण सरणु मह संपईए आवइ-विसेसि वि ।
 सरि-मलिलहं ठाणु नणु कवणु अन्नु जल-निहि विउज्झिवि ॥
 इय भणिऊण जिणाहिबइ- पय-पउमहं निस्साए ।
 वाहु-विउज्जु सु असुर-वइ विनडिउ स-दुरासाए ॥

[१८१५]

गवल-कज्जल-कंति-विगराल-

सव्वंगु जोयणहं सय सहम-माणु निय-तणु विउव्विवि ।
 तइलोय-भयावणिय- दट्ट-उदट्ट करि फरिह वेत्तु वि ॥
 गज्जइ विहसइ उल्ललइ धरणिहि दलइ चवेड ।
 कुणइ य चलणिहि दइरउ पाडइ मंदिर-मेड ॥
 अवि य -

[१८१६]

नदइ सीहु व करि व गडयडइ
 हेसेइ तुरंगमु व गयणि विज्जु-पुंजु व झवक्कइ ।
 विवखोहइ धरणियलु गयण-वासि-जण-मणु धवक्कइ ॥
 कर-अंगुट्टय-अंगुलिहिं मुह-मंकडिउ कुणंतु ।
 पत्तु सु सोहम्मिय-सहइं तियस-तरुणि भेसंतु ॥

[१८१७]

तयणु - अरि अरि सक्क तुहुं अण्णु

सामाणिय-पम्भुह-सुर- सहिउ सरसु निय-इदुठ को बि-हु ।
 सुर-तरुणिउ एहि पुणु एहि तुज्ज लच्छी बि मई बि-हु ॥
 पडिबज्जहुं दइयत्तणिण जिह पावति सुहाई ।
 स-मइण चमरोवरि-ठिइण तई पुणु एयहं काई ॥

[१८१८]

इय स-निदुतर वयण निमुणंत

रोसारुण-नयण-दल सक्क-सुहड साडोवु जंपहि ।
 अरि चमरय दिट्ठि-पहु सुयसु जा न पहु-भिच्च कुप्पहि ॥
 किह इह आगतूण तुहुं मरहि अ-पूरइ कालि ।
 अज्ज-वि बलिउण हंत लहु लहु पविमसु पायालि ॥

[१८१९]

तयणु भिउडिय-भाल-वट्टेण

रोसारुण-लोयणिण कंपमाण-अंगेण चमरिण ।
 कर-कय-फरिहाउहिण सक्क-सुरिहि सह विडिय-समरिण ॥
 इशु पउ ठविरिण वेइयहं इशु सुर-गिरि-चूलाए ।
 सक्क-सुहड सयलि विखणिण परमुट्ठिकय हेलाए ॥

[१८२०]

ता विसप्पिर-दप्पु चमरिंदु

सोहम्म-सुराहिवाइ हणण-हेउ समुवेइ समुहउ ।
 तयणंतरु - भवण-वइ अहम अरिरि रे चमर निहयउ ॥
 रिउ-दुसहिण पसरिय-पहिण मह-सत्थिण एएण ।
 इय जंपेवि विमुक्कु तसु समुहु वज्जु सवकेण ॥

[१८२१]

तयणु कंचण-कंति-जालोलि-

पिंगलिय-अंवर-विवरु नियवि वज्जु सम्महु उवेंतउ ।
 भय-वेविर-तणु चमरु जीवियव्व-आसहं वि चत्तउ ॥
 उप्परि पइहिं अहो-सुहिण मण-वेगेण पलाणु ।
 पहु पहु तुहुं मह तुहुं सरणु सरणु एव्व भणमाणु ॥

[१८२२]

देह-वित्थरु कमिण संहरिवि

छच्चलण-पमाण-तणु सामि-साल-पय-तलि निलुक्कउ ।
 अह सविकण मुणिवि निय- नाण-बलिण जह - मज्झ हुक्कउ ॥
 इहु धुवु वीर-जिणेसरह पाय-निस्स गिणहेवि ।
 ता धिसि धिसि मइं विलसियउं किमिमह वज्जु मुएवि ॥

[१८२३]

खणिण धाविवि पवण-वेगेण

पहु-पाय-सविहिं गमिरु वज्ज-रयणु संगहिवि इत्थिण ।
 पणमेप्पिणु खामिउण सामि-सालु हियइण पसत्थिण ॥
 जंपइ चमरिंदइ पुरउ सुर-वर तइं किउ सुदुदु ।
 जं निस्सहं जय-वंधवह तुहुं मह सहइं पविदुदु ॥

[१८२४]

किह-णु अन्नहं मह सयासाउ

जीवंतउ लुट्ठिउण आगओ सि एइह-वहंतरि ।
 ता झंजसु तुट्ठ-मणु पहु-पसाय-जोगेण सुर-स्तिरि ॥
 इयरो वि-हु पावेइ नरु सुइइं स-पावइं अंति ।
 कडुयाई वि निवहं फलइं महुरीहुंति वसंति ॥

[१८२५]

अह पहुत्तउ सक्कु सोहम्मि

चमरिंदु वि साम-मुहु नियय-ठाणि संप कहमवि ।
 विहरंतु कोसंविहिं पुरिहिं पत्तु सिं वीर-नाहु वि ॥
 तं परिवाळइ सु-दढ-वल्ल निवइ सयाणिय- ।सु ।
 तसु वि मिगावइ नाम पिय आसि सयल-गुण शसु ॥

[१८२६]

तह तिगुत्तय-नासु सचिर्विंदु

नंदा उण दइय तसु संति ताइं सयलाइं नेहिण ।
 कुव्वंति निरंतरु वि विमल-धम्म-कम्माइं भाविण ॥
 तत्थ य जय-सामिण ठिइण गहिउ सिद्धि-सुह-हेउ ।
 दव्व-खेत्त-कालाइयहं विसइ अभिगगहु एउ ॥

[१८२७]

पोस-मासहं कसिण-पडिवयहं

दव्वम्मि कुमास मह सुप्प-कोणि लब्भंत कप्पहिं ।
 खित्तम्मि उ उम्बरहं मज्झि ठाहि न-वि ठविय-चलणिहिं ॥
 कालम्मि उ भिक्खायारिहिं निय-निय-ठाण-ठिण्हिं ।
 भावम्मि उ रोयंतियहिं उत्तरिइहिं केसेहिं ॥

[१८२८]

दासि-भाविण ठियहिं कह-कह-वि

उवलद्ध सयं पि निव- कन्नयाए दिज्जंत गेण्हहुं ।
 अन्नह उण बहुयरु वि कालु जाव तव-कम्मि चिट्ठहुं ॥
 इय चितंतु अ-लद्धिउ वि गोयर-चरिय भमेइ ।
 विविह-परीसह-सहण-रुइ मास चियारि गमेइ ॥

[१८२९]

अह सयाणिय-निविण विन्नाय-

बुत्तंतिण निय-सच्चिबु भणिउ - भइ किं तइं न-याणिउ ।
 जह चिद्धइ उग्गु तबु तविरु नाहु तिहुयण-वस्साणिउ ॥
 गोयर-चरियहं पइ-दियहु पडि-भवणं पि भमेइ ।
 न-उणो केण-वि कारणिण कत्थ-वि भिक्खु गहेइ ॥

[१८३०]

एम्भ अइगय मास चत्तारि

इय कह-वि तहुज्जमसु जेण भिक्खु गिण्हेइ सामिउ ।
 अह सच्चिवह वयणु अणुसरिवि लोउ गुरु-भत्ति-भाविउ ॥
 गाइरु नच्चिरु पलविरु वि स-मुह परम्महि काइ ।
 ढोयइ दाणु अणेग-विहु न उ सामिहि पडिहाइ ॥

इओ य -

[१८३१]

चंपय-नयरिहिं आसि नर-नाहु

दहिवाहण-नामयउ धारिणि त्ति पुणु तस्सु भारिय ।
 तेसिं पि-हु धूय इम वसुमइ त्ति गुण-रयण-सारिय ॥
 अवरावसरि सयाणिइण भग्गु सु स-पुर-नरेसु ।
 धारिणि-देवि वि दुहिय-जुय गेण्हइ सुहड-विसेसु ॥

[१८३२]

भणइ पुणु जण-भज्झि जह - एम

इह होसइ मह दइय इयर कह-वि पुणु विक्किणिस्सउं ।
 ता चित्तइ दुह-भरिय- हियय देवि - धिसि इइय जमि हउं ॥
 जं खंडिय-सीलहं दलिय- कुल-मेरा-लज्जाहं ।
 को गुणु पाविय-जीवियहं निगुणहं कुल-विलयाहं ॥

[१८३३]

इय विंचितिर कुगइ-विणिवाय-
 भय-विहुर-माणस-पसर जाय-हियय-संघट्ट धारिणि ।
 पंचत्तह पत्त जय- जंतु-जाय-मण-खेय-कारिणि ॥
 अहमा एस वि मरउ इय परिंचितिउण सदेण ।
 आणिवि वीहिहिं ओह्विय वसुमइ तिण सुहदेण ॥

[१८३४]

तयणु आगिइ-वसिण पवरु त्ति
 कुलु जाइ वि वालियह परिमुणेवि विज्जाणुहाविण ।
 वणि-वरिण धणावहिण तहिं पएसि संपत्त-मिच्छिण ॥
 किंचि-वि मुल्लु पयच्छिउण स-घरि नीय सा वाल ।
 निय-नामु वि अ-कहंत तहिं चिट्ठइ गुणिहि विसाल ॥

[१८३५]

दिट्ठ सिट्ठिण धूय-बुद्धीए
 तह मूला-नामियहि निय-पियाए पुत्ति त्ति अप्पिय ।
 तीए बि-हु सच्चविय धूय-मइण सा निव्वियप्पिय ॥
 लोगम्मि वि वित्थरिय निरु पसरिय-गुरु-गुण-माल ।
 अभिहाणिण वणि-वर-कइण एह ज चंदणवाल ॥

[१८३६]

कमिण तहि गुण-गरिम अ-सहंत
 गिरि-गरुयर-दोस-भर- मूल मूल छिह्णइ पळोयह ।
 अ-नियच्छिर अमरिसिण गमइ दियह हियएण सोयइ ॥
 अह अन्नह मज्झणि गउ भवणि धणावहु सिट्ठि ।
 अ-नियंतउ पुणु माणुसु वि चिट्ठइ चंचल-दिट्ठि ॥

[१८३७]

अह निसग्गिय-विणय-तोरविय
जल-भायणु वेत्तु करि सेट्ठि-चलण धोवेइ चंदण ।
जा ताव तहि चिहुर-भरु छुट्टमाणु पिकखेवि सेट्ठिण ॥
मा कहमि निवडिहइ इहु इय परिचिंततेण ।
लीलालयहं गहेवि लहु वड्डु धणावहएण ॥

[१८३८]

तावलोयण-ठियहि मूलाए
इहु ददटु विचितियउं नूण कज्जु चिट्ठइ विणट्ठउं ।
जं दुण्ह-वि विलसियउं इमह पहु सयमवि-हु दिट्ठउं ॥
इय तरुणु वि छिज्जंतु विस-विडवि सुडावहु होइ ।
जणिण उविविस्सज्जंतु पुणु अ-सुहु पयासइ लोइ ॥

अवि य -

[१८३९]

वरि हउं मुय वरि हउं म जाय वरि विस-हरिं खट्ठी ।
वरि उब्भा-सल्लियहं भिन्न वरि हुयवहि दट्ठी ॥
वरि उब्बंधिय रुक्ख-डालि वरि खड्डुहं घल्लिय ।
मं मइ दिदटु सबसि-जुत्तु पिउ हियडा-सल्लिय ॥

[१८४०]

इय विचित्तिर घरह वाहिम्मि
नीहरियइ वणि-पवरि गरुय-रोस-उब्भंत-लोयण ।
निय-परियणु ताडिउण तिथस-सिहरि-गुरु-पाव-मायण ॥
मुंडावेविणु चिहुर-भरु नियळाविवि नियलेहि ।
मज्झि पवेसाविवि घरहं चंदण ठविय खळेहि ॥

[१८४१]

अह धणावह-सेट्ठि अ-नियंतु
 घरि चंदणवाल परिफुरिय-असुहु पुच्छेइ परियणु ।
 न य किं-पि कहेइ कु-वि तयणु मन्नु-जल-भरिय-लोयणु ॥
 सेट्ठि गमावइ कह-वि दिण तिन्नि चउत्थ-दिणे उ ।
 तसु बुद्धहं सयलु वि कहिउ निय-जिउ पणु मिल्छेउ ॥

[१८४२]

तयणु मूलह समुहु जंपंतु
 अ-समंजस-बहु-विट्ठं फुरिय-कोव कंपंत-कंधरु ।
 उग्गाडइ निय-करिहिं घरह दो-वि दाराइं वणि-वरु ॥
 जा ता सारय-ससि-विमल-निय-गुण-गणिण विसाल ।
 पेक्खइ अट्ठम-तव-सुसिय-तणु-लय चंदणवाल ॥

[१८४३]

तयणु - धिसि धिसि देव्व तइं इमह
 किह एरिस विहिय दस पाव-मूलि मूलि वि कहेरिसु ।
 तुह चंदणवाल-कुमरियह उवरि संजाउ अमरिसु ॥
 इय वोळंतउ पुणु पुणु वि पयडिय-अंसु-पवाहु ।
 जोयइ भोयणु चंदणह जोगाउं बुद्ध-सणाहु ॥

[१८४४]

न-उण किं-चि वि विहि-निओषण
 तं तारिसु तहिं समइ कुमरि-जोगु भोयणु पलोयइ ।
 समओच्चिय नियवि पुणु सुप्प-कोणि कुम्मास ढोयइ ॥
 अह लोहारह घरि गयउ नियल-विहाडण-हेउ ।
 ता दहिवाहण-निय-दुहिय करि कुम्मास गहेउ ॥

[१८४५]

जूह-विरहिय-वर-करेणु व्व
 मुत्ताहल-थूल-नयणंसु-धार-परिसित्त-वयणिय ।
 सुमरेविणु निय-घरह कयड करुणु सिमु-हरिण-नवणिय ॥
 जणणिहि मरणिण पिउ-विरहि वंधुहुं विणु वि दुहत्त ।
 बिलवह चंदणवाल गिरि- गरुय-सोय-संतत्त ॥

[१८४६]

अहह कह मह ताईं दियहाईं
 सा चंपा-नयरि कहिं कत्थ ताईं स-सहियण-ललियईं ।
 दहिवाहण-निबु सु कहिं कह ति मुहईं निय-जणणि-जणियईं ॥
 कह-व सुरासुर-पहु-दुलह ते आहार असेस ।
 अट्टम-भत्तहं अंति इहि किह कुम्मास-विसेस ॥

[१८४७]

अहव जइ कु-वि अतिहि इह एज्ज
 ता तस्सु इहु निय-करिहिं सयल-दोस-परिमुट्ठु कप्पउं ।
 वियरिप्पिणु दाणु हउं करहुं अज्जु कय-किच्चु अप्पउं ॥
 इय चित्तिरह महा-सइहि चंदणवालह गेहि ।
 सामि पहुत्तउ तयणु गुरु हरिसु फुरिउ तस्सु देहि ॥

[१८४८]

अहह दमगह घरि कणय-बुद्धि
 मरु-मंडलि कप्प-तरु काम-धेणु घर-अजिरि रोरह ।
 जं एरिस-दसहं मह सविहि हुयउं आगमणु वीरहं ॥
 इय चित्तिर मन्नंत निरु जगि कय-किच्चउं अप्पु ।
 चंदणवाल गहेवि निय- करि कुम्मासहं सुप्पु ॥

[१८४९]

भणइ - कप्पहि नाइ जइ तुम्ह

कुम्मास इहि एरिसय ता पसीय महुवरि पडिच्छइ ।
 अह भुवण-पियामहिण मुणिवि मुद्धि वर-कमल-सच्छइ ॥
 इत्य पसारिय तक्खणिण भज्जिवि नियल तडच्चि ।
 चलणिहि मणि-मंडिय-कणय नेउर जाय झड सि ॥

[१८५०]

* अह पवइदिय-केस-पासाए

वियसंत-मुह-पंकयए तीए दिन्न कुम्मास नाइइ ।
 तह पंच-दिणोण-छम्मास- अंति पारणु अ-वाइइ ॥
 हुयउं तयणु गयणइ पडिय घरि तहिं कंचण-बुद्धि ।
 जणि स-नराहिवि आवियइ जय-जय-रवि उग्गुद्धि ॥

[१८५१]

अमर-वियरिय-वत्थलंकार-

परिमंडिय-सयल-तणु दुगुणि-हुय-लायण चंदण ।
 तक्काल-समागइण थुणिय स-सुर-सोइम्म-ईदिण ॥
 धन्न तुं चिय जीए जय- पहु पाराविउ एहु ।
 इय अहरेण वि हवसि तुहुं असम-सुगइ-सुह-मेहु ॥

[१८५२]

तम्मि तिहुयण-पहुहु पारणइ

गरु-हरिस-पुल्यंकरिय नट्टु गेउ वाइत्तु मंडहि ।
 स-नरामर-तरुणि अवरे वि नियय-विम्माणु-चइडहि ॥
 जाय पसिद्धि असेसि पुरि जह - गुरु-गुण-मालाए ।
 पाराविउ अत्तरण-सरणु पहु चंदणवालाए ॥

* The portion of the text from 1850 to 1884 is partly blurred in Ms. क. and hence only partly utilizable.

[१८५३]

अह धणावह-सेट्टि-पमुहम्मि

तर्हि मिलियइ नयर-जणि भणिउ निवह कंचुगि-मणंसिण ।

जह - नाह दहिवाहणह निवह धूय एह पाव-पुरिसिण ॥

केण-वि इह आणीय अह निय-अंकम्मि ठवेवि ।

वाह-जलाविल-नयण-जुय भणइ मिगावइ देवि ॥

[१८५४]

अज्जउत्तय एस धारिणिहि

दहिवाहण-निव-पियह धूय सा उ मह भइणि सोयर ।

अह सेट्टिहि पुरउ नर-वरिण पुट्ट पुच्चिन्नल-वइयर ॥

चंदण नेयाविय स-घरि कणगु गहिउमादत्तु ।

ता मोहम्म-सुराहिविण पुरउ नरिंदह वुत्तु ॥

[१८५५]

जह - नराहिव तह न आलदधु

इहु कंचणु किंतु जसु कसु वि देइ चंदण तसु च्चिय ।

निय-वयणिण चंदण वि देइ कणगु तसु सेट्टिणो च्चिय ॥

अप्पणु पुणु जय-पहु-पुरउ सु-थिरु करेविणु चित्तु ।

चंदणवाल पवज्जिसइ सिव-मुह-जणगु चरित्तु ॥

[१८५६]

कन्न-अंतेउरि नरिंदेण

अह चंदण परिखिविय सेट्टिणा वि सा पाव मूलय ।

उप्पाइय-सुट्ठि-सयण-पमुह-सयल-जय-जंतु-मूलय ॥

सयलि वि नयरि विडंविउण निब्भच्छेविणु हच्छु ।

निस्सारिय निय-घरह दुद्धिय जह बालुय-मच्छु ॥

१८५३. ३. मणसिय. ८. बाहु. जुव.

१८५४. ५. क. वइयर.

[१८५७]

भुवण-बंधु वि महि बिहरंतु
 विसहंतुवसमा-सय दिव्व-तिरिय-माणुसिय बहु-विह ।
 परिवालइ अप्पु जिह भुवण-उयर-गय जीव छव्विह ॥
 एवं-कारिण कालु तसु गउ छउमत्थत्तेण ।
 जु सु साहिज्जइ छेसयर पुव्व-सूरि-उत्तेण ॥

जहा -

[१२][१८५८] वारस चेव उ वासा मासा छ च्चेव अद्ध-मासो य ।
 वीर-वरस्स भयवओ एसो छउमत्थ-परियायो ॥

[१८५९] एयम्मि य परियाए जो अणुचिःनो तवो जिण-वरेण ।
 वीरेण भयवया तं कहिज्जमाणं निसामेह ॥

[१८६०] नव-चउमासिय खमणे छक्किर दो मासिए अकासी य ।
 वारस य मासियाइं वावत्तरि अद्ध-मासाइं ॥

[१८६१] एगं चिय छम्मासं दो पुण ते-मासियाइं खमणाइं ।
 अइहाइय-मासाइं दो दो दिवद्ध-मासाइ ॥

[१८६२] दोहिं अहो-रत्तेहिं भइ-प्पडिमं अकासि वीर-जिणो ।
 चउहिं च महा-भइं दसहिं पुण सव्वओ-भइं ॥

[१८६३] पढमाए उवसग्गो चउ-जामा चउ-दिसं पि पत्तेयं ।
 वीयए अहोरत्तं तं चिय तइयाए दिसि-दसगं ॥

[१८६४] पंच दिवसेहिं ऊणं खमणं छम्मासियं च कासी य ।
 गोयर-चरिय समोओ घोराभिग्गह-धरो धीरो ॥

[१८६५] वारस य एग-राइय पडिमाओ अट्टमेण भत्तेण ।
चरमाण रयणीए काउस्सगोववेयाओ ॥

[१८६६] दो चेव य छट्ठ-सए अउणत्तीसे अकासि जिण-वसहो ।
आसी य निच्च-भत्तं चउत्थ-भत्तं च न कयावि ॥

[१८६७] अउणप्पन्नं तिन्नि य सयाइ वीरस्स पारण-दिणाणं ।
वहुय-सयाणि य आसी उक्कुडुय-निसिज्ज-पडिमाणं ॥

[१८६८] एवं तवोगुण-रओ छउमत्थो विहरिउं अ-पडिवद्धो ।
घोरं परीसह-चमुं अहियासंतो महावीरो ॥

[१८६९]

इत्थ-उत्तर-जोइ वइसाहि
परिसुद्ध-दसमिहिं तिहिहिं कमिण गामि जंभियगि पत्तउ ।
पंचाणण-पोयगु व धीर-चरित मम-भाव-चत्तउ ॥
उक्कुडुगासणु साल-दुम- तलि कय-छट्ठ-तवंति ।
पाविवि करणु अ-पुव्वु निरु आयाविरु भयवं ति ॥

[१८७०]

उज्जुवालय-नइहि तीरम्मि
सुर-गिरि व अ-कंप-तणु निसिय-नयणु रुक्खम्मि पुग्गलि ।
उस्सग्गिण ठियउ परिवह्दमाणि सिय-ज्ञाण-मंगलि ॥
अह ज्ञाणंतरियहं गयइ खविय-घाइ-कम्मस्सु ।
जायउं केवल-नाण-धणु सामिहि वीर-जिणस्सु ॥

[१८७१]

चलिय-आसण सयल-तियसिंद

तत्यागय स-परियण कुणहिं पहुहु केवल-महा-महु ।
 कुब्बंति य मणि-कणय- रूप-मइय पायार सुर लहु ॥
 ता भयवंतिण अमर-नर- सहं पयासिउ धम्म ।
 न उ परिसहं नहं हुउ कमु वि चरणु जणिय-सिव-सम्भु ॥

[१८७२]

अह वियाणिवि भावि-उवयारु

पावाण मज्झिमं समवसरणि सुर-गणिण जणियइ ।
 नव-कंचण-कमल-कय- चलणु सामि आगंतु निसियइ ॥
 तयणु सुरासुर-निव-निवहु पहुहु सविहि आगंतु ।
 विणय-नमिरु सामिहि वयणु निमृणइ हरिसिज्जंतु ॥

[१८७३]

एत्थ-अंतरि तियस-आगमण-

परिविम्बिय-द्विय वहु- भेय-सीस कय-सुद्ध-बुद्धिय ।
 सिरि-गोयम-पमुह दिय- वग्ग मज्झि पाविय-पसिद्धिय ॥
 आरंभिय-निय-जाग-विहि मुणियागय-जिण-नाह ।
 गुरु-अहिमाणिय पुच्च-कय- मणहर-कम्म-सणाह ॥

[१८७४]

पउर-परियण पत्त उवज्झाय

एवकारस-संख अह- कमिण सच्चि निय-नाम-गोत्तिण ।
 आमंतिय जिण-वरिण तयणु अत्ति विम्बिय स-चित्तिण ॥
 निय-निय-संसय-तरु-नियर- मूलइं उम्मूलेवि ।
 जिण-वयणिण चरणाचरण- नियल्ल स-लील्ल दलेवि ॥

[१८७५]

बहु-पयारिहिं जणिवि अ-समाणु

माहप्पु जिण-सासणह गरुय-हरिस पब्भार-पुलइय ।
 पडिबज्जहिं दिक्ख पहु- पुरउ सव्वि अहिलसिय-सुगइय ॥
 तयणंतरु उपत्ति-वय- धुव-वयणाइं गहेउ ।
 कुणहिं दुवालस-अंग-मउ सुत्तु सिद्धि-सुह-हेउ ॥

[१८७६]

अह स-हत्थिण गरुय-रिद्धीए

ते तत्थ एक्कारम वि ठविय जिणिण वर-गणहरत्तणि ।
 सा चंदणवाल पुणु गहिय-दिक्ख कय निय-पवत्तिणि ॥
 अन्नेसि वि नर-नारियहं बहुयहं दिन्नु चरित्तु ।
 वियरेविणु केसिं पि पुणु सावय-धम्म पवित्तु ॥

[१८७७]

कणय-कमलिहिं निसिय-पय-पउमु

सुर-चारण-धुय-चलणु दलिय-डमरु दुन्नय-विहंडणु ।
 तइलोय-परिप्फुरिय- गरुय-मोह-माहप्प-खंडणु ॥
 निच्चु वि पमुइय-सयल-जण- पयडिज्जंत-महम्मि ।
 कम-जोगिण सिरि-वीर-जिणु पत्तउ रायगिहम्मि ॥

[१८७८]

तत्थ सेणिय-निवइ उज्जाण-

परिवाल्लग-विन्नविउ वहल-हरिस-रोमंच-अंचिउ ।
 जय-कुंजरि आरुहिवि तणुहिं असम-सिगार-संचिउ ॥
 अभयकुमार-प्पमुह-निय- सार-लोय-संजुत्तु ।
 वंदण-हेउ जय-प्पहुहु अवगह-महिहिं पहुत्तु ॥

[१८७९]

ता नमंसिचि सामि विहि-पुव्वु

उचियासणि उवचिसइ निवइ नियय-परिवार-सहियउ ।
 तयणंतरु जिणिण तसु दुव्वियप्पु निय-धम्म कहियउ ॥
 तह जह सो सावय-पवरु हुयउ अवर-असमाणु ।
 अवरु वि चरणि पवन्नु वहु जणु कय-जिण-वहु-माणु ॥

[१८८०]

अह जिणाहिबु पउर-परिवारु

तियसिंद-सेविय-चलणु कमिण पिट्ठिचंपहं पहुत्तउ ।
 तहि पणमिवि साल-महसाल-निवइ-जुवनिविहिं वुत्तउ ॥
 सामिय अम्हहं कहसु कु-वि धम्म तयणु वीरेण ।
 चरण-धम्म तह अक्खियउ तेसि जह अइरेण ॥

[१८८१]

पिहर-जसमइ-तणु-समुब्भूउ

गुण-रयणालंक्रियउ भाइणेज्जु नियइल्लु गगालि ।
 सु-पवित्तइ लगि निय- रज्जि ठविउ किज्जंति मंगलि ॥
 अप्पणु पुणु जय-सामियह पासि गहीउ चरित्तु ।
 भगवंतु वि चंपहं गयउ जगु वि कुणंतु पवित्तु ॥

[१८८२]

अवर अवसरि साल-महसाल-

पमुहेहिं महा-मुणिहिं समगु तत्थ गोयमु पहुत्तउ ।
 ता गगालि-पिउ जणणि- संहउ चरण-आचरण-चत्तउ ॥
 चरणु पवज्जइ तयणु जिण- वंदण-कइ चलियाण ।
 भाव-विसेसिण नाणु हुउ तहं पंचहं समणाण ॥

[१८८३]

पत्तु गोयमु सविहि सामिस्तु

इयरे वि पंच वि समण गच्छमाण केवलिहिं परिसहं ।
 गणहारिण भणिय - नणु किं न नमह जिणनाह-पायहं ॥
 अह सिरि-वीर-जिणाहिविण भणितं - म आसाएहि ।
 गोयम केवलि-सहहं परिसप्पिर केवलि एहि ॥

[१८८४]

तयणु गोयमु खेयमावन्नु

परिचितइ - नणु किह णु पच्छिमाहमवि हवइ केवल्लु ।
 न उ मज्झ ता जिण-वरिण भणित - कुणसु-मा खेउ निप्फल्लु ॥
 तुल्ल-सरूवय हउं तुहं वि जं होइसहुं नियाणि ।
 जिण अट्ठावइ जो थुणइ तसु सिद्धि त्ति वियाणि ॥

[१८८५]

इय सुणेविणु वयणु जिण-वरह

अट्ठावय-गिरि-समुहु इंदभूइ-गणहारि चलयउ ।
 अह पुव्व-चडंतइहिं किस-तणूहिं नणु एहु वलयउ ॥
 ता किह चडिहइ गिरि-सिहरि इय परिचितउ तेहिं ।
 इग-दुग-तिग-मेहल-गइहिं चउ-छ-अट्ठ-तवएहिं ॥

[१८८६]

कंद-तरु-फल-सुक्क-सेवाल-

पारणय-तणु-ट्ठिहिं पंच-पंच-पंचसय-तवसिहिं ।
 पेक्खंतिहिं गोयमह समुहु समण अ-णिमिसिहि नयणिहि ॥
 अट्ठावय-गिरि-गुरु-सिहरि चारण-लद्धि-समेउ ।
 आरूढउ गोयमु खणिण पसरिय-गुरु-तव-तेउ ॥

[१८८७]

[१३] आयासु जासु जोयण-पमाणु ।
 जहिं रिसहह हू सिवपुरि-पयाणु ॥
 गाउयइं तिन्नि उच्चत्तु कहिउ ।
 तं तित्थु पवरु अमरेहिं महिउ ॥

[१८८८]

ससि-निम्मल-मणिमय-चउ-दुवारु ।
 निम्मविच्ये-विविह-चित्त-प्पयारु ॥
 सुर-सिहरि-चूल-समु सिहरु जासु ।
 को वन्निउ सक्कइ सोइ तामु ॥

[१८८९]

जहिं घडिय-पवर-पुत्तलिय-पंति ।
 अवयरिय-वरच्छर नं सु-कंति ॥
 पणवन्न-रयण-कर-विप्फुरंति ।
 नं इंद-चाव-सय वित्थरंति ॥

[१८९०]

उत्त-कणय-मउ कलसु भाइ ।
 रवि-विंनु उदय-गिरि-सिहरि नाइ ॥
 तुंगत्तिण रवि-सोमहं विलग्गु ।
 नं भविइहं दरिसइ सिद्धि-मग्गु ॥

[१८९१]

गव्व-हर-मज्झि मणि-पेढियाए ।
 उसभाइयाण सम-सेढियाए ॥
 पडिमाउ जिणाण पसन्नियाउ ।
 निय-वन्न-पमाण-समन्नियाउ ॥

१८९०. २. क. दयगिरि.

१८९१. ३. क. पडिमाओ, पसन्निमाओ. ४. क. समन्मियाओ.

[१८९२]

जहिं मुह-मंडव सोहहिं चउदिसि मण-हरण ।
 पुरउ वि पच्छा मंडव वर-बंधाहरण ॥
 पथिम-धूम-बीरकख-महिंद-ज्जय-पवर ।
 एवमाइ नदीसर-जिणहर-सरिस पर ॥

*

[१८९३]

तम्मि तारिसि भरह-जिण-भवणि
 सिरि-गोयम-सामि घण- गहिर-झुणिण वंदेइ जिण-वर ।
 अवरे वि पहुत्त जिण- वंदणत्थु तहिं अमर-नहयर ॥
 अह जिण-वरहं अवग्गहह वहिहिं ठाउ गणहारि ।
 तियसामुर-नहयरहं तहं कहइ धम्म सुह-कारि ॥

[१८९४]

तत्थ सयल वि निसि गमावेवि
 उदयम्मि दिवायरह गणहरिंदु उत्तरण लग्गउ ।
 पेक्खंतहं तावसहं तस्सु महिम स-मरददु भग्गउ ॥
 नियड-पहुत्तह गोयमहु पुणु पणमेप्पिणु पाय ।
 दिक्ख पवज्जहिं पनरस वि तावस-सय किस-काय ॥

[१८९५]

तयणु गोयसु गुण निवेयंतु
 तइलोय-चुडामणिहि पुरउ ताहं तावसहं सयलहं ।
 एगम्मि महा-नयरि मज्झ-दियहि संपत्तु तावहं ॥
 पुरउ पयंपइ तावसहं तुम्हहं भोयणु अज्जु ।
 किं दिज्जउ इयरि वि भणहिं जह पायसु निरवज्जु ॥

[१८९६]

अह निजोदर-पूर-परमन्तु

आणेप्पिणु गणहरिण भणिउ पुरउ तावसहं - भुंजहं ।
 इयरे वि स-विम्हइय एत्तिण हविहइ किमम्हहं ॥
 अहव गुरु च्चिय जाणिसइ इय समगु वि चिंतंत ।
 भुंजहिं पायसु पनरस वि तावस-सय छुहवंत ॥

[१८९७]

इंदभूइ वि विहिय-भोयणहं

सव्वेसि वि तावसहं पच्छिमम्मि कालम्मि भुंजइ ।
 पुव्वाणिय-मेत्तु परमन्तु सयलु मुणि-जणु वि रंजइ ॥
 तह सेवालय-पारणिय- तावस-पंच-सयाहं ।
 जायउं केवलु ससि-विमल-झाणहं भुंजताहं ॥

[१८९८]

सुक्क-तरु-फल-विहिय-पारणहं

डिन्नाइ-पंच-स्सयहं मुणिहिं नाणु मग्गम्मि जायउं ।
 कोडिन्नाइण पुण कंद-मूल-पार[ण]हं हूयउं ॥
 केवल-नाणु विसुद्ध-सिय- छेसहं मुणि-वसहाहं ।
 निय-लोयण-सच्चविय-जिण-समवस्सरण-झयाहं ॥

[१८९९]

कमिण गोयसु पत्तु जिण-इंद-

पय-मूलि इयरे उ मुणि दाउ तिन्नि नाहह पयाहिण ।
 उवविट्ठ केवलि-सहहं गोयसो वि गहियउ विसाइण ॥
 जंपइ - पहु इहि मुणि-वसह धन्न अहं तु अहन्तु ।
 अणहुय-केवलु भमिसु निरु चिरु संसार-अरन्तु ॥

१८९६. ७. क. चितंतु.

१८९७. ४. क. परमतु.

१८९८. २. दिन्नाइ, ५. क. ख. पारहं,

[१९००]

अह जिणाहिबु मुणिवि गणहरह

मणु गिरि-गुरु-खेय-गउ भणइ - किह णु गोयम विस्सरसि ।
 धुवु हविहइ मह तुह वि सिव-गइ त्ति इहु किं न-याणसि ॥
 किं पुण चिर-परिओसि तुहुं मह इय दह-पडिबंधु ।
 उज्झसि जइयहं तइयहं जि तुह केवल-संवंधु ॥

अन्नं च -

[१९०१] गोयम चत्तारि कडा सुंठ-कडो विदल-चम्म-कडगा य ।
 कंवल-कडो य महुरिं कंवल-कडगु व्व तुह नेहो ॥

[१९०२] एत्थंतरम्मि गोयम निस्साए पन्नवेइ अज्झयणं ।
 दुम-पत्तयं जिणिदो दितो सीसाण अणुसट्ठिं ॥

[१९०३] दुम-पत्तए पंडुयए जह निवडइ राय-गुणाण अच्चए ।
 एवं मणुयाण जीवियं समयं गोयम मा परायण ॥

[१९०४] कुसग्गे जह ओस-विंदुए थोवं चिट्ठइ लंघमाणए ।
 एवं मणुयाण जीवियं समयं गोयम मा पमायए ॥

[१९०५]

एम्ब गोयम-सामि संठविउ

तयणंतरु वीर-जिणु कमिण पत्तु सावत्थि-नयरिहिं ।
 वणि कोट्ठग-नामगइ समवसरिउ ता अमर-नियरिहिं ॥
 परिधुव्वंतउ धम्म-कह आरंभइ परिसाए ।
 पविसइ गोयम-सामि पुणु पुरिहि मज्झि भिक्खाए ॥

१९०२. ४. क. हितो.

१९०५. ४. कोट्ठग, ५. क. नियरिहिं.

[१९०६]

तम्मि अवसरि तीए नयरीए
 गोसालउ पाव-मइ अ-जिणु अपु जिण-वरु ति ठाविरु ।
 आयन्निउ गोयमिण तयणु अहइ किमिमं ति भाविरु ॥
 साहइ गंतु जिणेसरह गोसालय-वुत्तंतु ।
 भयवंतिण वि निवेइयउ तसु वइयरु जह-वुत्त ॥

[१९०७]

तयणु जण-मुह-मुणिय-जिण-वयणु
 जंपतु अ-समंजसइ तेय-लेस-लद्धीए गाविउ ।
 गोसालउ पाव-मइ जिणह समवसरणम्मि आबिउ ॥
 दोन्नि महा-रिमि निइइइ पहु-परिहवु अ-सहंत ।
 ता जिण-इंदस्स वि मुयइ तेय-लेस पजलंत ॥

[१९०८]

किंतु सामिहि पास-देसेसु
 परिभमिउण तसु तणुहुं तेय-लेस तक्खणि पविट्ठिय ।
 फल-दायग तहिं जि भवि हय वुद्धि दुव्विणय-दुट्ठिय ॥
 अह गोसालउ मरिवि निय दुक्कय-मुक्कय-गिहु जाउ ।
 भयवंतु वि विहरंतु धर मेंहिय-गामि पराउ ॥

[१९०९]

किंतु दाह-ज्जरिण अइसार-
 रोगेण य पीडियउ गमइ दियह किच्चिय चि जय-पहु ।
 अह सीहय-खुइडलउ रुयइ गंतु तरु-मूलि अइ-वहु ॥
 ता भयवंतिण वेयणिय-अंति सु सदावेवि ।
 आणाविवि रेवइ-घरह ओसहु उवजीवेवि ॥

[१९१०]

लहु जलंजलि दिन्न रोगाई

परितुहउ संपु मणि हरिस-बिबस हुय तियस-तरुणि वि ।
 भयवंतु वि नाण-रवि विविह-पुरिहि चिर-कालु विहरिवि ॥
 पत्तु अपावा-नामियई नयरिहि हय-जय-रोमु ।
 ता विरइउ तियसासुरिहि समवसरणु कय-तोमु ॥

[१९११]

तत्थ निवसिवि नाहु वित्थरिण

तियसासुर नर-सहई काल-चक्कु सयलु वि परूवइ ।
 सुरसम्मह दिय-वरह वोह-हेउ गोयमु पठावइ ॥
 तीम-दुवालस-सेस-जुय-गिहि-छउमत्थत्ते वि ।
 किंचूणय-तीसइ वरिस केवल-नाणु धरेवि ॥

[१९१२]

सव्व-आउय-कम्मु पालेवि

वाहत्तरि-वरिस-परिमाणु तयणु कत्तियह मासह ।
 साइयहि अमावसई नाग-करणि पहु सिद्धि-वासह ॥
 संपत्तउ छट्ठिण तविण इंद-प्पमुहु समग्गु ।
 लाइवि सिव-पहि गुणि-समणि- सावय-साविय-वग्गु ॥

[१९१३]

तयणु सयलु वि अंत-कायव्वु

तियसासुर-नरवइहि विहिउ तत्थ जइ-जोग्गु नाहइ ।
 तयणंतरु मन्नु-भर- भरिय-नयण परिचुक्क लाहइ ॥
 जायइ दु-सहइ पहु विरहि गरुय-दुहाणल-तत्त ।
 पुणरवि एरिसु भुवण-पहु दुलहउ इय वितंत ॥

[१९१४]

अंधयारिउ सयलु वि वंभंडु

मुसुमूरिउ चरण-निवु दलिय-दप्प धम्मि-यण-माणस ।
 जगि मोह-नरिंद-सुय राय-दोस परिभमहिं स-हरिस ॥
 इय तियसामुर-समण-सय सोयहिं डरिय स-चित्ति ।
 जय-मुहयरि सिरि-वीर जिणि सिव-नयरम्म पडुत्ति ॥

[१९१५]

एत्थ-अंतरि सामि-वयणेण

सुरसम्मह वंभणह करिवि धम्मि पडिवोहु निम्मलु ।
 आवंतु गोयमु जिणह सविहि सुणइ मग्गे वि कसमलु ॥
 तियसामुर-नहयर-तरुणि- निवहु नहिण गच्छंतु ।
 दीहर-सासिहि मंसलिउ अइ-सकरुणु पळवंतु ॥

[१९१६]

अहह रयणि व गलिय-ससि-विंव

गय-दिणयरु वासरु व सुसिय-सलिलु माणस-सरं पिव ।
 तोडिय-फलु तरुवरु व खलिय-सीलु मुणि-मंडलं पि-व ॥
 जायउं भुवणु अ-सेसु इहु वीर-जिणिंद-विओइ ।
 पेक्खंतहं वि सुरासुरहं वंधव जोइ-न जोइ ॥

[१९१७]

तयणु - किं एहु भणहिं सुर-असुर

किमु सामिउ अत्थमिउ अहव अ-सिवु किं किं-पि जायउं ।
 इय गोयमु चित्तयरु जाय-हियय-संगदु पडियउ ॥
 सुद्ध-धरायलि अह खणिण संपाविय-वेयन्तु ।
 इंदभूइ उत्तम्मिउण चित्तइ मुहिण विवन्तु ॥

[१९१८]

अहह पिच्छहु चत्त-करुणेण
 भयवन्तिण जं विहिउ किंवि हउं वि पहु-भत्ति-वज्जिउ ।
 जं विप्प-बोहण-मिसिण जिणिण अप्प-पासह विसज्जिउ ॥
 अप्पणु पहु गउ सिव-पुरिहिं हउं पुणु मुक्कु अ-णाहु ।
 अहव कुणंतह परिसउ तसु अगलउ कु लाहु ॥

[१९१९]

जइ वि डज्जसि हियय डज्जेसु
 अह फुट्टसि फुट्टसु फुट्ट तह-वि चत्तु तुहं सामि-सालिण ।
 रज्जंतउ वीर-जिणि अणणुरत्ति धुवु खड्डु कालिण ॥
 जम्हा अ-सलिलु पंकु इहु एह अ-नियला गुत्ति ।
 पंजरु एहु अ-दारुमउ नेहु जु दइय-जणि त्ति ॥

[१९२०]

अहव सामिउ राय-दोसेहिं
 परिचत्तउ इय कसु वि उवरि नेव पडिवंधु पयडइ ।
 इय मारिसु नेहु तहिं जिणि कुणंतु अप्पाणु विनडइ ॥
 ता जहिं पत्तउ वीर-जिणु दलिवि कम्म-नियलाइं ।
 तहिं जाइवि भुंजिसु हउं वि निय-सुकयाहं फलाइं ॥

[१९२१]

इय विचित्तिरु सुद्ध-परिणामु
 खउ घाइ-कम्मह करिवि तहिं वि नाणु केवलु समज्जइ ।
 अह केवलि-महिम सुर कुणहिं गयणि दुंदुहि वि वज्जइ ॥
 ता गोयम-सामि-प्पमुह गणहर दस वि समत्थ ।
 दाउ सुहम्म-स्सामियह भव-विराय-पडिहत्थ ॥

[१९२२]

स्वविय-निय-निय-पाव-कम्माण

उवलंभिय-नाण-धण वइय-सयल-भव-भाव-बंधण ।
 पडिवोहिय-भविय-जण निहय-कम्म अणुगामि-मुणि-गण ॥
 काइय-वाइय-माणसिय- जोग-त्तइण विउत्त ।
 इग-सामइयहं रिजु-गइहिं सिव-नयरम्मि पडुत्त ॥

[१९२३]

सिरि-सुहम्म-स्सामि पुणु समण-

सहसेहिं वइहिं सह विहरमाणु सयलहं निधिसुहहं ।
 पडिवोहु कुणंतु दिण- नायगु व्व बहु-भरि-कम्महं ॥
 सेणिय-पमुह-नराहिवइ- निवह-विहिय-पय-सेहं ।
 कालु गमावइ कित्तिउ वि नाण-पईवु अ-छेत्तु ॥

[१९२४]

जंबु-सामिहि दाउ निय-गेच्छु

वित्थारिवि धरहं जसु विहिय-अंतु निय-पाइ-कम्महं ।
 कय-केवल-नाण-धणु हुयउ गेहु सिव-वास-सम्महं ॥
 चंदणवाल पवत्तिणि वि निरुवम-समणि-सणाह ।
 उप्पाडिय-वर-नाण-भर गय सिव-पुरिहिं अ-वाह ॥

[१९२५]

आसि चउदह-सहस-समणाण

समणीण छत्तीस इगसदटु लक्खु सावयहं विमलहं ।
 अट्टारस-सहस-समहीय तिन्नि सय-सहस सुकुलहं ॥
 निम्मल-सीलहं सावियहं निरुवम-धम्म-धुराहं ।
 वीर-जिणिंदह जय-गुरुहु निरु आपस-पराहं ॥

[१९२६]

अह सुहम्म-स्सामि-संतापि

कम-जोगिण बहु-विहिहि सु-गइ-गइहि आयसिय-पवरिहि ।

जिणचंद-मुणिद-पय- पउम-भसल-सिरिचंदहरिहि ॥

नाम-मंतु सुमरंतण इहु विणेय-देसेण ।

सिरि-हरिभइ-मुणीसरिण चरिउ रइउ छेसेण ॥

इति श्री-श्री चंद्र-सूरि-क्रम-कमल-भसल-श्री-हरिभद्र-

सूरि-विरचितं श्री-वीर-चरितं समाप्तमिति ॥

[१९२७]

इय सुणेविणु वीर-जिण-इंद-

अक्खाणउं संख-ग्णि अप्प-पंचमु वि गरुय-हरिसिण ।

पडिवज्जिवि-निय-इहु पुव्व-उत्तु आप्पु सीसिण ॥

अहिगमिउण एक्का स वि अंगइं मुत्तयेहि ।

भावेउण अप्पाणु जि- कइय-वत्थु-सत्थेहि ॥

[१९२८]

अरिह-विदहं करिवि सम्माणु

मणि सिद्ध-मंतइं धरिवि तित्थनाह-सासणु पहाविवि ।

सम्माणिवि गुरु-धविर विउस-खमग-मुणि-वसह सेविवि ॥

अग्नि वि तित्थयरत्त-फल- ठाणइं परिसीलेवि ।

पत्तउ अवराजिय-अमर- मंदिरि तणु मिल्लेवि ॥

[१९२९]

जसमई वि-हु चरिय-चारित्त

सह संख-बंधव-सचिव- मुणिहिं तियस-भाविण पडुत्तिय ।

अवराजिय-सुर-भवणि तम्मि चेव मुकय-प्पवित्तिय ॥

अह तेत्तीसइ अयर-ठिइ असम-हरिस-पसरेण ।

पालहिं पव वि ताइं तहिं पसरिय-मुकय-भरेण ॥

इति श्रीमन्नेमिजिन-राजीमत्योश्चत्वारो

मनुष्यभवाश्चत्वारः सुरभवा इत्येव-

मष्टौ भवाः समाप्ता इति ॥

*

* The portion from भसल to सहसिण अवलो° (v. 1934) is partly blurred and illegible in क.

१९२६. ३. क. ख. जिणिचंद, ज. क. देसण, ख. दिघण.

१९२९. ५. पवत्तिय.

शुद्धिपत्र

अशुद्ध	शुद्ध	अशुद्ध	शुद्ध
छंद चरण		१५. २ -गुण-	-गुण
५. ८ नय	न-य	१८. ६ सचउं	सच्चउं
७. १ बहु	बुहु	१००. ५ भुज्ज खंडु	भुज्ज-खंडु
११. ८ वसुंधर-सिरि तिलह वसुंधर-सिरि-	तिलह	१०२. २ विमल-हप	विमल-पह
१२. ८ -णिवेस समिद्धि-	-णिवेस-समिद्धि	१११. १ वि	वि
१३. १ -हरिणक-	-हरिणक-	११८. ५ कुमरि कारणि	कुमरि-कारणि
२०. ३ सचिव धवल-	सचिव-धवल-	११९. ५ -पसरिण-	-पसरिण
२७. १ उट्टिविविहिय-	उट्टिवि विहिय-	१२०. ३ रेम-राइ-	रोम-राइ-
२९. ५ कहहिं देव	कहहिं-देव	१५३. ९ रेणु	रेणु
३४. ४ देव-गुरु	देव-गुरु-	१५६. ८ अग्नि विध वणि	अग्निवि धवणि
३६. ३ कथूरिय	कथूरिय-	१८९. ५ सिब-	सिब-
३६. ७ अप्प-णमिर-	अप्पणमिर	१९३. ६ -निबह	-निबह-
३७. ७ -अमिहाणु	-अमिहाणु	१९४. ७ -दोस-	-दोस-
३९. ५ संधि-	संधि-	१९८. १ मज्झि	मज्झि
४०. ४ -गह	-गह-	२०१. ८ पिहु	पिहु
४१. ५ जंपइ य	जंपइ य-	२०४. ५ बहुयउं	बहुयउं
४२. ७ भणइ	भणइ-	२११. ५ कपतरु-लेसिण	कपतरु लेमिण
४३. २ आसत्त-	आ-सत्त-	२१९. १ धणु-महीनाहु	धणु महीनाहु
४४. ८ नियय	नियय-	२२८. ४ सुस्सुमइ	सुस्सुमइ
४६. ४ जह	जह-	२२९. ७ -पवित्त	-पवित्तु
४७. ९ फुरिय हरिसेण	फुरिय-हरिसेण	२३७. ८ परिविज्जय-	परिविज्जय-
५०. १ विचिंत्तिउ	विचिंत्तिउ-	२४४. २ आसग्ग-वेणिउ	आ-सत्त-वेणिउ
५०. ४ धण नामु	धण-नामु	२५४. २ सकल	स-कल
५१. १ कुमररस्सु	कुमररस्सु	२५९. ८ महि गोयरु	महि-गोयरु
५४. ६ -फलोणमिय-	-फलोणमिय-	२६३. ३ -सचिंतउ	स-चिंतउ
६०. ६ गुरु हरिस-	गुरु-हरिस-	२६४. ३ हरिणि-जणिय दुहु हरणि जणिय-दुहु	
६१. ४ चित्तयर पुरउ	चित्तयर-पुरउ	२६७. ४ रयणवइ	रयणवइ-
६५. ४ वि	वि	२७३. ८ भइ-	भइ
६८. ७ सइत्त-	सइत्त	२८०. ८ नियइ	नियइ
६९. १ सुदेवह	सु देवह	२८४. ४ अक्कोसिय-	अक्कोसिय
८०. ८ -सहि-	-सहि	२८९. ३ -कुमर-	-कुमर-
८१. २ -विहि मुहिसेउ	-विहिमुहिसेउ	२९९. ६ -सत्थ	-सत्थ-
		३०३. ८ सरि-	सरि

अशुद्ध	शुद्ध	अशुद्ध	शुद्ध
३०८. ९ साधय धम्मु	साधय-धम्मु	७६२. ९ चारि	चारित्तु
३१२. ४ -विहिय ज्व	-विहियज्व	७७८. ५ —	read देह-
३१५. ४ -आगोयरिहिं	-आगोयरिहिं		कतिहिं
३२०. ३ विसहिं	विसहिं	७९२. १ शुवण-मंदिर	शुवण-मंदिर
३२३. ८ सिंहरि-	सिंहरि	७९६. १ जिय-बहु-वयइ	जिय-बहु वयइ
३३२. ६ सुकूळ-	सु कूळ-	७९६. ५	read सवि
३३५. ३ कमल नाम	कमल-नाम		विसेस-गुण-गण-
३४५. ५ -विफुरिय-	-विफुरिय-		भिकसाइ ।
३६७. ८ -रवि-किरण-	-रविकिरण-	८००. ३ विहिहिं	सविहिहिं
३७४. ४ सिरि-	सिरि	८०२. ८ पयंपइ-	पयंपइ—
४०९. ५ तियस-	तियस	८१३. २ सार-	सिरि-
४१५. ९ रउ	रउहु	८१६. १ धरणि	धरणि-
४३२. ४ ससि-सुहि	ससि-सुहि	८२१. २ सुह	सुह-
४३९. २ -तार-यनहई	-तारय-नहई	८२५. ६ -विह पुव्व-	-विह-पुव्व-
४६१. ५ -स संगहु	-संगहु	८२५. ८ अवितह नामिण	अवितह-नामिण
४७५. ५ आयरिण-मणहउ	आयरिण मणहउ	८२६. ७ कल	कल-
४७७. ६ भमर-	भमर	८२८. २ खयर	खयर-
४७९. ७ -करहिणएण	-करहि णएण	८२९. १ मह	मह-
४८६. ५ पयंपइ-	पयंपइ—	८३१. ९ गुरु-दुह तउ	गुरु-दुह-तउ-
४९३. ६ -वर-	-वर	८४६. ४ ससि-वयणि	ससि-वयणि
416 [foot-note] add 'the port-		८५४. ३ कहवि	कह-वि
ion' after 'lost'		८६२. (foot note) in क. in ख.	
५१०. ४ चिठ्ठसि	चिद्धसि	in क. and in ख.	
५२८. ४ जउरं-गुल	जउरंगुल	९४३. ५ भणइ	भणइ—
५३६. १ -रयणणेहिं	-रयणेहिं	९६५. ९ परिचितइ	परिचितइ—
५८३. ५ दसण-सेणि-	दसण-सेणि	९७५. ८ निव सवि वाइ-	
६४१. ९ वसुक्कय-सिण	सुक्कय-वसिण	पहाण जण	निव-सविवाइ-
६४३. १ एत्थ अंतरि	एत्थ-अंतरि		पहाण-जण
६४६. ५ -सिरिमाणुवेगय	-सिरिमाणुवेगय	९८०. ५ -वड्डिअ	वड्डिअ
६४९. ८ सु वियारेवि	सु-वियारेवि	९८३. ३ जह-भणिय-	जह-भणिय
६५०. १ -रयणाहिं	-रयणेहिं	९८९. ८ -इदइ-	-इदइ
६५६. ५ सुहउ-सत्थ	सुहउ-सत्थ	१००५. ६ परिणवि	परिण वि
६७८. ९ पिययम	पिययम	१००७. ५ देहं	देइ
६९९. ४ वर-वरणु	वर-वरणु	१०११. ९ -विहुउ-	-विहुउ
७४४. ५ -सत्तुसालहिं	-सत्तुसालहिं	१०२२. ७ ह-कह	कह-कह

अशुद्ध	शुद्ध	अशुद्ध	शुद्ध
१०२७. ४ चित्तिरि-	चित्तिरि	११८५. ५ -ताविण	ताविण
१०३५. २ दीहुण्डुस्सास-	दीहुण्डुस्सास-	११९१. ३ सत्तिय	सत्तिय
१०३९. २ -उह-	-उह	११९३. ८ बज्जेइ	बज्जेइ
१०४४. १ अविद्य	अविद्य	१२००. ८ (end) परमेहला	परमेहला
१०४९. ४ विलविरहं	विलविरहं	रयणेहि	रयणेहि
१०४९. ५ कामलयहं	कामलयहं	१२०१. १ चइयव्व	चइयव्व
१०४९. ९ स-विहिहि	सविहिहि	१२१५. ३ व यव्वु	वट्टेयव्वु
१०५०. १ सुणउं	सुणउं	१२१८. ३ -सत्तविय-	-सत्तविय-
१०६५. ८ -हुम-	-हुम	१२१९. ८ मित्त	मित्तु
१०८५. ६ जह-	जह-	१२२०. ६-० जिणाययणजिण	जिणाययण जिण
१०८६. २ सल हिज्ज-	सलहिज्ज-	१२५४. २ जंपइ-	जंपइ-
१०८८. ३ नहंग मिण	नहंगमिण	१२६१. २ सत्तत्त	सत्तत्तु
१०८८. ५ किक्कुणह	किक्कुणह	१२६४. १ -गम्भि	-गम्भि
१०८८. ६ चिट्ठइ	चिट्ठइ	१३३७. ४ आवास	आवासु
१०९९. ९ तयणु रुव-	तयणुरुव-	१३४४. २ महासि (?)	महासि
१०९०. ८ -मुणि	-मुणि	१४००. २ मूलए वोत्ति	मूलएवोत्ति
१०९४. २ -सहिउ-वि	-सहिउ वि	१४४१. २ मह-	मह
१०९७. ६ वित्थरिण	वित्थरिण	१४५७. १ -पहाइ क्कताए	-पहाइक्कताए
११००. ४ नयहरहं	नयहरहं	१५२२. १ कहियव्वा	कहियव्वो
११०८. १ भणइ-	भणइ-	१५८०. १ तरल-	तरल
११०९. ८ -गणु-	-गणु	१५९९. ६ एत्थतरि	एत्थतरि
१११२. ३ वसंसिय	वसंसिय	१६००. ९ सुह	सुहु
१११८. १ परखुइ-	परखुइ	१६१०. ६ कि-विधोवम्मि	कि-विधोवम्मि
११२०. ६ पहु-	पहु	१६१६. १ कणयपुरि-नयरि-	कणयपुरि नयरि
११२०. ८ किरणावलि	किरणावलि-	१६१७. २ -रइ-	-रइ-
११२४. २ -धोरणि-	-धोरणि	१६२२. ८ मेट्ठि-	सेट्ठि-
११२९. ९ -नियय-	-नियय-	१६२५. ३ सयला	सयलो
११३४. ३ केवइहु-	केवइहु	१६४०. ५ -कप्पहु-	-कप्पहु-
११३७. ४ काहमवि कणणह	कहमवि-काणणह	१६४०. ८ उप्पाळउं	उप्पाळउं
११४५ [११४३]	[११४५]	१७४१. ६ -त्तय-	-त्तय-
११५६. ४ धरणिदिण	धरणिदिण	१८९२. ४ नवीसर-	नवीसर-
११६. २ -पिययमहं	-पिययमइ	१९०३. २ परायण	पमायण
११७६. ९ विणिवेसेवि	विणिवेसेवि	१९०७. ३ जंपत्तु	जंपत्तु
११८०. ६ वि	वि	१९१०. ७ -रोसु	-रोसु
११८३. ४ हरिनंद	हरिनंदि	१९११. २ तियसासुर	तियसासुर-

बोर सेवा मन्दिर

पुस्तकालय

काल न०

228.02

१७/११/२०११

लेखक

हरि श्रीहरि भक्त

हरिम

शीर्षक

नैमि नाहन्नि उ

खण्ड

क्रम सख्या

४८१६